

Ex lib. D. D. Citarii Camald. spe Musanion.



Handwritten text in a cursive script, likely a library or archival stamp, located on the left margin of the page.

SERENISSIMO & INVICTISSIMO

JOANNI. III.

DEI Gratiâ

REGI POLONIÆ,

Magno Duci Lithvaniæ, Russiæ, Prus-
siæ, Masoviæ, Samogitiæ, Livoniæ,
Smolensciæ, Kijoviæ, Volchyniæ,
Podoliæ, Podlachiæ, Severiæ,
Czerniechoviæq;.

DOMINO CLEMENTISSIMO.

VITAM, ET FELICITATEM.



Adhuc eo tempore, quo Te Chotimensibus
Laureis recens coronatum, ante solenni-
tatem felicissimæ Coronationis, Rupel-
lam Nostram ingredientem, vniuersali-
bus Religionis meæ votis, in extempora-
nea triumphalis Arcûs molitione salutavi; MARIE
Magnalium, & Gratiarum Analectes, cum hoc TIBI

debito, destinatoq; munere, ad Te collimabam; atq;
cū ob temporum difficultatem dilatum offerre ma-
turius non est concessum, nunc tandem Honori Se-
renissimæ Maiestatis TVE reverenter dedico, SERENIS-
SIME, ac INVICTISSIME REX. Ipsum Operis ar-
gumentum, quod è Reginali MARIÆ MENSA, par-
titis in Orbem constat Gratiarum obsonijs, comple-
xum, sinumq; Serenissimæ TVE Maiestatis ambiebat;
quia, cū Te, POLONIÆ REGINA MARIA, Regnatri-
cemq; DOMUM TVAM, Regni sui Heredem esse voluit,
suæ quoq; Reginalis MENSÆ Delicias secum TIBI
communes fecit. Antehac Humana in carne DEVM,
Divinamq; cum Nutritio, & Sponso Virgine, Ma-
trem, accumbentem, in Domo Nazaræa alebat, nunc
Principes, & Bellatores Convivas amat: quos ubi suis
delicijs impleverit, ad Victorias, & Triumphos initiat.
Sat apertam hujus proponit Imaginem, ex Prophe-
tæ vaticinantis Oraculo, MENSA Principibus posita,
ad quam expletis, classicum intonat Vates: *Surgite
Principes, arripite CLYPEVM!* quasi si Martem spi-
rare, bellaciq; pectus agitari spiritu, ad hanc MEN-
SAM Convivis necessum esset. Venit in recorda-
tionem tempus illud SERENISSIME REX, quo, hujus
Marianæ MENSÆ, Hospes Conviva, frequentius coele-
stibus fruebaris delicijs: Regijs muneribus Hospitali
MARIE,

MARIE, quæ hîc utpote *Nutrix Divinitatis*, Clientum supplicum devotionem alit, *Datq; Epulis accumbere Divûm*, gratitudinẽ testatus, ad MENSAM, non tam flammis, quàm Zelo Mariani cultûs, amorẽq; calentem accendens Lampadem, viam ad religionem, alijs Principibus, populisq; Numa Sarmaticus, præmonstrasti: indeq; Divinioris Fortitudinis impletus Numine, arripuisti Gentilem CLYPEVM, quo ruentem ad Christianæ Reipublicæ cladem, armatum cornibus Orientem retudisti, factus Nobis, Patriæ, Ecclesiæ, universæq; Christianitati Salutare Præsidium. Appendit inter suæ Domûs Armenta, Regalis thesauri Decus Illustrissimum, Salomon auro fulgentes CLYPEOS, qui Domui præberent munimentum & ornamentum: in his quis non videat Augustissimæ TVÆ Domûs Ideam? Quemadmodum enim Salomon *Pacificus* Redemptorem Nostrum, qui Vatis oraculo *Princeps Pacis* appellatur, designat, ita, ex communi Doctorum sensu, Regalis Domûs Vniversalem Ecclesiam. Habet hîc illa pretiosa ex Serenissimis Regum, & Illustrissimis Principum Familijs, Ornamenta Stemmatum, verùm ex Augusta Domo TVA Munimenta desumit, quæ integritatem, salutemq; Christianitatis tuentur. Propugnabit illam Augustus Parens TVVS, olim contra Tyrannos

nos Orientis, in Chotimensibus campis Gentilem le-
vans CLYPEVM, utq; in sæculorum conscientiam glo-
riosè partas Victorias, & Triumphos, quibus Tuis pro-
lulit Laureis, protenderet, sicut in acie victorem gla-
dium, ita in pagina uindicem, & ita quidem in ho-
stem pugnando, strinxit calamum. Cognoverat il-
le augure cælo, Sapientibus auspicatissimū TVVM Ho-
roscopum explorantibus, quod futurus esses AVT REX,
AVT PRIMVS à REGE, seu (ut alius in patentibus Cœli
tabulis prælagam Patriæ felicitatem legebat) AVT
REX, AVT PATRIÆ VINDEX: ideo cū hostili sanguine
in Martis arena rubuit, trabeas TIBI, Regnatriciq; Do-
mui TVÆ hoc ostro tinxit. Exolverunt Cæli; supe-
riq; fidem suam, TE REGEM, TE PATRIÆ VINDEX; à
Ducali pluribus victorijs coronata Clava, ad Imperij
Clavum, per calcata Orientalium Tyrannorum palu-
damenta provehendo; ne fatorum infidelitatem que-
reremur, quòd Poloniam despexissent, si in TE, iacen-
tibus & desperatis Patriæ rebus, non prospexissent.
Pertinebat exinde hanc MENSAM, cum ODIGITRIA
Imaginem, à Divino Apelle LVCA EVANGELISTA, depicta,
sat rudi in pagina circumscriptam calamo, TVORVM
Palatiorum inferri adytis; ut quæ olim apud Orien-
tis Imperatores in AVREÆ FORTVNÆ locum succedens,
Maiestate, & thaumaturga Virtute sua implendo Con-
clavia,

clavia, Principes beaverat, Serenissimæ Maiestatis
Tvæ penetralibus illata, atq; intimo Tvi Sacratissimi
Cordis excepta sinu, Te, ad ultiores Victoriarū, Tri-
umphorum, ac Felicitatum omnium successus, For-
tunatissimum suis faceret auspicijs. Cum hac FOR-
TVNARVM omnium Clementissima FORTVNA idem Se-
renissimæ Maiestati Tvæ imprecamur, quod veteres,
FORTVNÆ simulacrum suis offerendo Principibus u-
surpabant: DENT SVPERI VITAM, NOS FORTVNAM.
Hanc Diviniorem FORTVNAM offerimus, lingvis &
cordibus in unum affectum, unamq; vocem coale-
scentibus, omnes Serenissimæ Maiestati Tvæ FORTV-
NAM, VITAMQ; gratulando. Et, quidni omnes TIBI vi-
tam precentur, atq; debeant, qui in Orbis nostri A-
nimam, Cor, & Spiritum transijsti? Matrem hīc VIÆ,
VERITATIS, & VITÆ habes MARIAM; quam TIBI in
Gentilis CLYPEI Tvi Campum, ad Felicitates Ducem,
ad Consilia Præsidem, ad Bella Adiutricem, ad Vitam
Tutanam, ad quoscunq; gloriosos successus Auspi-
cem, ad omnia propitiam Adstitem, sociamq; offeri-
mus. Atq; ideo, Crede Princeps, cū Podhæcen-
ses, Narolienses, Niemiroyenses, Komarinenses, Ka-
rulsenses, Sarmatiæ Mayors persequeris, & præci-
pitabas Victorias, Ducem, Adstitem, Comitēq; TIBI
præstò fuisse hanc FORTVNAM. Terebas pudefacta

ad ludum gloriæ Tvæ, in fertilibus Laurearum Tva-
rum Chotimensibus campis, pallentia Lunæ Otto-
mannicæ cornua: illa subiecit, cui post contritum
Principis tenebrarum caput, victrices Luna allam-
bit plantas. Vno Tvo obiecto pectore Rumeliam,
Anatoliam, Epyrum,, & alia Turciæ Scepbris subie-
cta Regna, in Patriæ, totiusq; Christianitatis con-
fusionem, & ruinam expedita, excepisti, stitisti, re-
rudisti; illa Vmbone suo protexit idem pectus Tvvm
Divino quodam agitatum Numine, ex quo Vita, Sa-
lusq; Patriæ debebat promanare: Illa *Super Lance-*
am, & super Scvtvm Potentis pugnabat pro Te,
quem Regni sui Felicitati, Nostræq; saluti, salutare
Numen, & Averruncum prædestinavit, vt olim at-
tributo Cunctatori Fabio Nomine, IMPERII SCV-
TVM dicereris. Quamobrem singularem Dei cir-
ca se providentiam prædicans Polonia, decanter cum
Victore Coronato Psalte: *Dedisti mihi CLYPEVM sa-*
lutis Tvæ, & mansuetudo Tva multiplicavit, me.
Et verò, si Angliæ Regibus, qui ab ARTVS Familia
suam ducebant progeniem, post obtentam auspicijs
invocatæ Mariæ victoriam, in Gentilium stemma-
tum Decus, ejusdem Divinæ Matris Effigies assum-
pta, non minùs Illustrissimum, quàm Felicissimum,
facta est Ornamentũ, & Munimentum; non dubito,
quòd

quòd & TE Serenissimè REX, qui, cum Angliæ Re-
gibus commune DEFENSORIS FIDEI Nomen, præ-
claris, erga Patriam, Sedem Apostolicam, aliâq; Fide
florentissima Regna, meritis es consecutus, hîc depi-
ctam pennâ, in Gentilis CLYPEI campum, & Solij con-
fortium, admittes Divinæ Matris Effigiem: itaq; in
signitum, sonantibus gloriæ TVÆ buccinis, levabis
contra Ottomannam Iericho (Lunam suo signat ery-
mo) CLYPEVM TVVM Christianus Iosue! & in-
ruina Orientalium Spartacorum, thaumaturga virtu-
te TVA, Illa innovabis prodigia, quibus olim, dedi-
tum cultui Mariano Byzantium, quingentis annis
propugnabatur. Redibunt ad TE ordinè suo, olim
plausibus Orientis celebratæ, sub hoc ODIGITRIÆ I-
maginis simulacro, Imperatorum Christianorum vi-
ctoriæ, & Orbem Nostrum, universamq; Christiani-
tatem pacis fructibus implebunt; TE gloriæ æternû
virente Lauru coronabunt. Vt ergo ex victoriosis
Serenissimæ Maiestatis TVÆ successibus, bene omi-
natæ spes, Serenissimæ Maiestatis TVÆ felicitate co-
ronentur, ad huius ODIGITRIÆ Imaginis Aram, quot
in Montè Claro Paulinæ Religionis Alumni de-
gimus, DEVM, ejusq; Matrem, iugibus votis implora-
mus. Pande capacissimum affectûs Regij sinum, &
hoc Fortunarum TVARVM Auspicium, reverenter Ho-
nori

nori T v o dedicatum accipe, eâ benevolentia, quam
T I B I erga Sacra, Sacrorumq; cultum congenitam fe-
cerunt Superi. Prostant Illustrissima T v a, erga
Locum sacrum, religionis monumenta, quæ palam
testantur, quo affectu, electum, dilectumq; Reginae
Cœli Montem Clarum complectaris, eodem & nos
in supplicationibus, pro T v a Serenissime R E X, Do-
mulq; T v æ, incolumitate longæva, excubantes, Ho-
nori T v o deditissimos & Fidelissimos Clientes, & E-
xoratores, fove. Quod, cum à Regia Serenissimæ
Maiestatis T v æ G R A T I A (quam gratiosissimum,
T v i Nominis Augusti fert etymum) exorat, Vota sua
Serenissimæ Maiestati T v æ obstringit.

Serenissimæ Maiestatis T v æ.

Honori, & Fidelitati

Devotissimum

*Cœnobium Clari Montis Czeszochoviensis,
Frû; Ordin: S. PAVLI Primi Eremitæ.*

F A.



MAGNÆ & ALMÆ

Inter Mortales

HOSPITÆ & SOSPITÆ,

Serenissimæ,

Absq; labis primigeniæ deliquio,

OLORUM & OLONORVM

REGINÆ

VIRGINI & MATRIDEI.

MARIÆ,

HOSPITALI

Cælorum, ac terrarum Oeconomæ

Quæ

In thaumarurga suæ Domûs Nazarææ

MENSA

*A Divinitate ad Humanitatem compositæ
meritas, paratasq;*

Mortalibus immortales Delicias,

*Solis Mensas, in Apolline, Cœnas, aut balsamo flu-
entia Neronis Sigmata*

Honore, Impendijs, Odore,
superantes explicat;

Cælestium Epulorum

LAZARUS MICAS ESURIENS

aut,

quæ cadunt

de MENSA tantæ Dominæ,

Post Marianos Convivas

sub MENSA

CATELLUS COLLIGENS,

Hæc Analecta Mensæ Reginalis,

In humilis obsequij tributum perenne,

Dedicat, Consecrat,

A. N.

F A C V L T A S
Perillustri ac Reverendissimi Domini,
LOCI ORDINARI.

ANALECTA MENSÆ REGINALIS,
id est HISTORIAM DIVÆ VIRGINIS
THAVMATVRGÆ CLAROMONTANÆ,
conscriptam cultè, & eruditè à R. P. AMBROSIO
NIESZPORKOWITZ, Ordinis S. PAULI Primi E-
remitæ Presbytero, & in Claromontana Basilica Pœ-
nitentiaro Apostolico: per meos verò demandatos se-
riò, ac sedulò lectam, & Magnalia DEI in Theotoco
loquentem, dignam luce publica iudico, & ut in eam o-
cus prodeat, ex animo permitto, ad augendum in ani-
mis Orthodoxorum, cultum erga Augustissimam Cœli-
tum Reginam, in Vertice Clari Montis Czeszochovien-
sis quotidianis Miraculis gloriosè admodum clarescen-
tem. In cuius rei fidem manu mea me subscribo.

NICOLAUS OBORSKI,
 Episcopus Laodicensis, Suf-
 fraganeus, & Administrator
 Episcopatus Cracoviensis.

F A C U L T A S
Admodum R. P. PROVINCIALIS,
Fr. TOBIAS CZECHOWICZ, Ordinis S. PAULI Primi Eremitae, Sac. Th. Doctor, per utramq. Poloniam & Silesiam Prior
PROVINCIALIS.

CUM HISTORIA DIVÆ VIRGINIS CLAROMONTANÆ MARIE, sub titulo ANALECTA MENSÆ REGINALIS, Per R. P. Fr. AMBROSIVM NIESZPORKOWITZ, Ordinis Nostri Professum, & in Claro Monte Czesłochovienſi Confessarivm Apostolicum, accuratè collecta, cum sedula discussione conscripta, & à Nostriſ Theologis perlecta, examinata, & digna luce publica approbata sit: facta Nobis potestate à Reverendissimo in CHRISTO PATRE Fr. AVGVSTINO BENKOVITH, Ordinis Nostri PRIORE GENERALI, præfata Historia ut ad solatium amantium Cultûs Mariani, prælo mandari possit, facultatem (si illis ad quos Censura Ordinaria spectat visum fuerit) impertimur. In quorum fidem has Nostri Officij Sigillo munitas ac manu propriâ subscriptas dedimus. In Claro Monte Czesłochovienſi, Die 8. Mensis Septembris, Anno Dñi. 1680.

Fr. TOBIAS CZECHOWICZ,
qui supra mpp:

Censura Theologorum Ordinis S. PAULI Primi Eremitarum
Conventûs Clari Montis Czesłochovienſis.

NOS infra Theologi, ex Commissione Adm. Rûdi Patris PROVINCIALIS Opus hoc, cui titulus ANALECTA MENSÆ REGINALIS, seu HISTORIA IMAGINIS DIVÆ VIRGINIS CLAROMONTANÆ MARIE. Per Rûdum Patrem Fr. AMBROSIVM NIESZPORKOWITZ, Ordinis Nostri Professum, & in Claro Monte Czesłochovienſi Confessarivm Apostolicum, accuratè collectum, & diligentissimè conscriptum, sedulo examinavimus. nihilq. in eo fidei Catholica, veritati, morumq. probitati dissonum deprehendimus: quin potius præclaram scriptorû eruditionem, & summi ac singulare studium, ad cultum & devotionem erga Matrem Admirabilem & Amabilem, in animis fidelium excitandam, comperimus. Quapropter dignissimum iudicavimus, ut communi Ecclesie bono prælo decoretur. lucisque publica (si ijs ad quos pertinet visum fuerit) demandetur. Datum in Claro Monte Czesłochovienſi. Anno 1680. 4. Septemb:

Fr. RAPHAËL MICHALSKI,
Prior: Definitor Clari Montis Czesłochov: Prior. mpp:
Fr. NICOLAUS LIVENICZ,
Supprior Clari Montis Czesłochov: mpp:
Fr. ADAMVS GRACZYNSKI, Prædicator Clari Montis Ordini: mpp:



Ad amicum Lectorem.

SUscptum hunc, ad promovendum Marianum in Clientibus cultum, aliqualem in scribenda ex sanctae Obedientiae placito Imaginis Nostrae Claramontanae HISTORIA laborem, à Principibus Viris expetitum sapius, & expectatum, propono. Hic Te scire velim amice Lector, quod Breviarium tantummodo, seu Compendium datur. Conscripseram Volumen majus ejusdem Historiae, liberaliori stylo, ad saeculi moderni tersissimum genium accommodato, penes Veritatem, Sententiarum, & eruditionum, elegantiam, & nitorem adhibendo; quod cum Illustrissimus ac Reverendissimus D. LOCI ORDINARIUS ANDREAS TRZEBICKI Episcopus Cracoviensis, Dux Severiae, in hoc loco ampliandi cultus Divini, ac Mariani Zelosissimus Fautor, & Promotor, ad suam censuram, & examen accepisset, atq; ad anni medium propè, revolvisset; omnia acerrimo ac limatissimo suo iudicio probans, & approbans, solam fusius excurrentem scribendi methodum correxit, mandans totum Opus intra cancellos brevitatis contrahi, compingiq; ut ita, in editione praesentis Historiae, parciore ob

communem temporum calamitatem sumptibus consule-
ret, & Marianis Clientibus, ad quorum manus facilius
minutum opus posset pervenire. Parui Zelosissimi
Promotoris mandato. Multa hic complexus, multa
ex Originali expungendo, iterum, atq; iterum totum ad
calcem opusculum scripsi. Non omnia ad votum. Re-
motius absens, alteri lucubrationi impensam operam,
cum adnavo, fidelem in praelo censorem oculum, qui er-
rores expungeret, habere non potui. Parce & mihi,
& erroribus. Salva est Veritas, à prudentissimis
Viris, qui Actis Marianis præerant, exacto iudicio pro-
bata. Sufficiet mihi sat gravis poena (si tamen mea
culpa meruit) legentis fastidium: aut si minus rebus di-
vinis & mihi amicus es, contēptus. Si autem hic stylus,
& methodus, esset tibi ad salivam non potest, erit ad pala-
tum confido, quia Mensæ Reginalis delicias comple-
ctitur, quæ nemini pepererunt fastidium, nisi qui suam
amans famem ad Divina sensum perdidit. Quia
Omnibus Marianis Clientibus servire volo; brevi, &
Patrio stylo (si ita placitum Deo fuerit) Historiæ præ-
sentis cursum, succinctius tamen, in lucem publicam da-
bo. Fruere & Vale.

ANALECTA
MENSÆ REGINALIS
S E U
HISTORIA
IMAGINIS DIVÆ VIRGINIS CLAROMONTANÆ
MARIÆ
PROOEMIUM

Referuntur Authores, qui aliquando de hac scri-
pserunt Imagine.

S. I. Quamvis ad supponendum Historiæ præsentis fundamentum, sola à Majoribus accepta, & nemine contradicente ad nostra ætatem deducta traditio sufficeret; attamen ut majorem, & à Literarum monumentis suæ veritatis firmitatem haberet, Illustrium Scriptorum Authoritatem præfigendam putavi, qui de hac aliquando scripserunt Imagine, & ad eam patrata miracula recensuerunt.

Traditio de
S. Imagine
à Majoribus

S. II. Recentis annis in Jerusalem Hospes in hac Imagine MARIA, quæ ante Divæ Helenæ adventum, in Zebedæa Domo Partheniæ congregationi beneficia præstiterit, quomodo sub tempus Excidij Ierosolymitani conservata fuerit, licet in literis nihil acceperint notitiæ sæcula subsequente, verisimile tamen est, adnotata ibidem, fuisse nonnulla memorabilia, quæ Originem, & Conservationem ejus, cum pleraq; vetustatem, & dignitatem ejus concernentia, compledebantur, eaq; simul cum Imagine Sacra, ab Helena Augusta Constantinæ Matre, Ierosolymā Constantinopolim delata: sed per tot ætatum, locorūq; intervalla cum perierint, nuda tantum ad Græcos, Latinosq; Scriptores, successio traditionis cum Imagine pervenit.

S. Imago in
Ierusalem
300. annis.

S. III. Postquam Constantinopolim translata, Imperatorum am-
ribus dignata, privatos Principum, & publicos Senatūs, Populūq; Byzantini honores sibi impensos liberalibus gratijs, & stupendis prodigijs rependebat, tum Græcorum, tum Latinorum scriptorum, ut patet ex Literis GREGORII XII, Pontif. Max: ad Germa-

S. Imago Cō-
stantinopoli
500. annis

sum Patriarcham Constantinopolitanum (ex quibus nonnulla infra
 eitabuntur) calamis celebrari coepit. Qui res Imperij, & Ecclesie Græco-
 rum, præcipue Byzantij scripserunt, hujus meminerunt Imaginis, inter
 quos principem obtinet locum Nicephorus Calixtus Xantopulus,
 Historicus inter Græcos, & Latinos authoritatis acceptissimæ. Cu-
 ropalates de Officio Aulae Constantinianæ; Cantacuzenus Libro i.
 cap: 59. Quamquam & Constantinopoli descriptam hujus Imaginis
 Originem fuisse, & ab Imperatore Constantinopoleos Nicephoro,
 Carolo Magno cum Imagine donatam, apertè doceat Nicolaus Lan-
 ckoronski: *Primum obtinuit* (Carolus à Nicephoro) *Venerabilem ac de-*
coram Imaginem Beatae MARIÆ, de pictura Sancti Lucae, cum sufficienti de-
scriptione Originis ejus &c Facile suspicari quis posset, non solum Ori-
 ginem, at illa quoq; prodigia, quæ ad hanc, & per hanc Imaginem
 Omnipotentis Dei dextera, per quinq; sæculorum decursum (quin-
 gentis enim annis Constantinopoli servabatur Imago) ad suam, suæq;
 Matris gloriam, patravit, adnotata fuisse, eademq; cum Imaginis O-
 rigine Imperatori Carolo donata.

*In Arce Bel-
 zensi Imago
 10m 12111*

§. IV. **Q**uas in Arce Belzensi, in qua annis itidem quingentis Sacra
 Imago sub custodia Sacerdotum Græci ritus delituit, Roxo-
 lanus accepit gratias, aut quæ vidit prodigia, apud barbaram adhuc,
 & incultam literis gentem, scripta non habentur. Illa tantum ad pu-
 blicam notitiam perveniens victoria, per hanc Imaginem in Arce
 Belzensi de Tartaris obtenta, & continua per annos trecentos tradi-
 tione hucusq; lingvis hominum celebratur, olim in hoc Monte à
 Nostri Patribus, ex relatione ipsius Vladislai Ducis Oppolienfis, &
 Fundatoris Nostri, excepta, & literis commendata est in Archivo
 Conventus Claromontani, quod postea, sicut & alia illustriora mira-
 cula, sub tempus Hussianæ populationis, interijt.

*Petrus de
 Rozprza.*

§. V. **V**bi miraculosè in Claro Monte stationem cœlitus præordi-
 natam fixit, vario idiōate, Latino, Italico, Polonico, Germa-
 nico, Ruthenico, varij ejus Originē, & gratias scripserunt. *Petrus de Roz-*
prza Cracoviensis Academiae Alumnus, Originem ejus, gratias, & cō-
 plura scripsit Latino stylo magnalia; Anno Domini 1524. quæ Illu-
 strissimo D. *Andrea Krycki* Episcopo Præmyslensi, dedicavit. Hæc se
 ex antiquissimo codice transumpsisse fatetur; cumq; Sokalensis Ima-
 ginis Originem, & prodigiosam visus restitutionem *Iacobo Węzyk* ante
 Nostram Imaginem in Claro Monte memorat, suam quoq; pleniorē
 notitiam refert ad idiōmatis Ruthenici librum.

S. VI. **N**icolaus Lanckoroński Vir tum natalium decore, tum in Deum, *Nicolaus Lanckoroński*
 Divinamq; Matrem religione Illustrissimus, à Serenissimo
 Poloniæ Rege SIGISMUNDO AVGVSTO in Graciam Legatus, ut populariū
 varias de hujus Imaginis Origine opiniones, quæ nuda, & incerta nar-
 ratione circūferebatur, tolleret, Constantinopoli ab annosis ritus Græ-
 ci Sacerdotibus circa hanc imaginem notitiam se accepisse scribit, quæ
 cum Origine simul, & Magnalijs, Ierosolymis, Constantinopoli, in
 Russia, demum in Polonia patris, in membrana, cum insertis rerum
 gestarum Imaginibus, quæ & hodie in thesauro Domus Marianæ
 servatur, eidem Serenissimo Regi SIGISMUNDO Primo dedicavit.

S. VII. **E**T, A. R. D. *Gregorius Samboritz*
 Cracoviensi Sacrarum Literarum Professor, ad S. Annam,
 postea ad S. Florianum Canonicus, culta Pœsi Sacræ Imaginis Ma-
 gnalia cecinit. Religionem suam, erga S. R. Ecclesiam, Orthodo-
 xamq; Fidem declarare volens, & Honoris Mariani Zelum A. R. D. *Hieronim. Po-*
 Hieronymus Porodowski, Libellum edidit Divæ Claremontanæ Magna. *godowski.*
 lia referentem, contra quendam Hæreticum Mariani cultus impu-
 gnatorem.

S. VIII. **A**bracham^o
Bracham^o Bzovius.
 SS. Theologiæ Magister tomo 15. Annalium Ecclesiasti-
 corum ad Annum 1383. sub Numero XX. complura ad hanc sacram
 Imaginē patrata refert thaumata, insinuata ejus Origine. Scribendæ
 Historiæ huius Imaginis intentionem palam fecit, concludendo seri-
 em Exemplorum: *Plura alia miranda Divæ Virginis Claremontana patresi-*
nio in favorem mortalium patrata opera, rotiva tabella, & danaria innumera-
bilia ejusdem Basilica augustissima, & toto Regno Polonia celeberrime, oblata
testantur, qua fors aliquando calamum meum fatigabunt. Atque ut sinceram
 affectum erga MARIAM in hac Imagine admirabilem, & amabilem,
 testaretur, ejus cum stigmatibus exemplar in operum suorum fronte
 præfixit, subiecta inscriptione: *Imago B. V. M. Czeszochoviensis æ. LV.*
C. A. Evangelista Hierosolymū depicta, in Polonia multū Miraculū claret.

S. IX. **M**artinus Cromerus de Rebus Polonorum libro 21 fol. 298. di-
 creptionem Monasterij Czeszochoviensis, & Sacræ Imaginis
 violationem describit. Superiori Libro, ejusdem Operis, 15 Serenif-
 simi Poloniæ Regis affectum erga Montem Clarum, ob Sacræ Imagi-
 nis reverentiam memorat, cum ejus immunitatem, confusa domesti-
 cis tumultibus Poloniā, procurat: *Monasteria, Czeszochoviense (inquit*
Cromer^o) & Pielunense suburbanum, haud multo ante a Vladislao Duce con-

data, una cum possessionibus suis, edicto pij Regi intacta ab hujus belli clade mansere.

Matthias Michovian: §. X. **M** *Atthias à Michovia* in suo opere Libro 4. cap: 36. Imaginis Mex Russia in Montem Clarum translationem describit. Per-
Ioannes Diugossus. illustris & A. R. D. *Ioannes Diugossus* Canonicus Cracoviensis, Iuventu-
Herburt. Gagninus. tis Divi Poloniæ Principis CASIMIRI, Moderator Noster in Convē-
Julius Cas. Buleng: tu Rupellano Casimiræ ad Cracoviam Fundator, & Rerum Polona-
rum Scriptor insignis, Libro 11. suæ Historiæ nonnulla hujus Imagi-
nis memorabilia refert, Item *Herburt* Libro 14. cap: 10. *Gya-*
gninus in Sarmatia Europæa. Ad illustriorem de hac Imagine noti-
tiam, honoremq; illius præcipue dum esset Constantinopoli, pluri-
mum facit autoritas *Iulij Casari Bullengeri*, in Academia Pisana Theo-
logiæ Doctoris, de Imperatore Romano Lib: 2. cap: 18,

Stanislaus Kobierzycki. §. XI **I** *Illustrissimus D. Stanislaus à Kobierzycko Kobierzycki* Palatinus
Pomeraniæ, dum Obsidionis Claromontanæ seriem Imaginis in-
Simon Starowolski. ri stylo describeret, appositè operi suo Historiam Sacræ Imaginis in-
Ioannes Cy- nerski. seruit. Perillustris & Adm: R. D. *Simon Starowolski* Canonicus Craco-
vianensis, in Oratione sua, quam in Laudes Divæ Claromontanæ fusiùs
excurrentem, sub titulo DIVA VIRGO CLAROMONTANA, in lucem pu-
blicam edidit, Originem & complura Magnalia, ac memorabilia per-
censet; cui operi conjunxit suos in culta Pœsi, Historiam Imaginis
complectente, affectus M. *Ioannes Cyneruski Racheamovius* in Academia
Cracoviensi Regius Eloquentiæ Professor. *Vincentius Belluacensis*, &
Ioannes de Carthagera nonnulla ad hanc Imaginem patrata in suis scri-
ptis referunt miracula.

Iacobus Laurus Romanus. §. XII. **R** *Romani* opere chlacographico in regali folio ad publicam
dederunt notitiam, Historiam, & Magnalia hujus Imagi-
nis. Anno 1600. Serenissimo Poloniæ, & Sveciæ Regi SIGISMUNDO
III. hanc Imaginem sculptam ad mensuram regalis folij, circûquaq;
innumeris Sanctorum, ac Beatorum Regni Poloniæ, & Sveciæ, Pa-
tronorum Imaginibus stipatam dedicavit *Romæ Iacobus Laurus Roma-*
nus Historiam in compendium collectam sacræ Imagini subaravit:

EXEMPLAR IMAGINIS B. V. MARIE à S. LVCA DEPICTÆ,
Ab Helena Augusta Hierosolymis Constantinopolim translata,
quam Nicephorus Imperator Carolo Magno, is autem Leo-
ni Russiæ Principi dedit. Tandem Russiâ in Provinciam Polo-
niæ redacta, Vladislavus Oppolienfis Dux, Anno 1382. eam in
Montem

P R O O E M I U M

Montem Clarum Czeszochova dictum, translulit. Cicatrices autem faciei ab Hussitis, & Tartaris influcta, nullis unquam obduci coloribus potuerunt. Multa hujus Virginis interventu miracula eduntur, inter alia 7. mortui sunt ad vitam revocati, multi energumeni liberati, caeci, moribundi, naufragantes, captivi, varijsq; morbis affecti, Divinam opem senserunt, & in dies multi varia divinitus auxilia experiuntur.

*Cum Privilegio Summi Pontificis, & Superiorum auctoritate
Anno lubilai M. DC. Rome.*

Post Praefationem Dedicatoriam Serenissimo Regi, ad limbum Imaginis Nomen subiecit chalcographus:

*Author R. P. Martinus Baronius Iaroslaviensis Polonus,
Sacri Ordinis B. IOANNIS DEI Lusitani, Congregationis Bonorum Fratrum curantium infirmos edidit.*

S XIII. **A**nno postmodum Vigesimo sexto, aliud operis ejusdem exemplar ab eodem editum est. Imago Sacra medium occupat, cujus latera minores, Poloniae Ordinisq; Protoeremitici Patronorum, Imagines stipant: circumcirca gratiarum, & miraculorum, pariter chalcographico opere expressa quadraginta duae (quae in hoc opere sparsim dantur) idem. Sub ipsa Imagine Italicè totus Historiae cursus strictim exaratus, inferius ad ipsum Imaginis limbum, Latino idiomate relatus (quem in suo Throno Deiparae citat Spinellus, cum Noster Pater *Andreas Galdonowski*) legitur, cum addito: *Rome cum Privilegio Summi Pontificis, Superiorum permissu.* Inter utramq; enarrationem Historiae, locum occupat Monasterium Claromontanum formae circulari insertum, cui circumscribitur:

*Ecclesia, & Monasterium S. MARIAE Czeszochoviensis,
Ex gratia SSmi D. D. URBANI VIII. Pont. Max: gaudet
Panitentiaria S. Domus Lauretana.*

Et quia perspectum habuit Author affectum erga Imaginem Odigitriam, Montemq; Clarum, Illustrissimi Principis COSMI de TORRES S. R. E. Cardinalis, Regni Poloniae Protectoris, opus tam illustre sub ejus Nomine, & Insignibus in lucem publicam dedit. Dedicatoriam, Prophasim quae Sacrae imminet Imagini, quia Illustrissimi Principis erga Locum, affectus testimonium, dat futuris aetatibus, & exemplum, in suo cursu pono:

*Idem Iacobus
Laurum.*

*Dedicatio
Imaginis
Principi Cosmo de Torres
Cardi-
nali.*

Illu.

}}(

*Illustrissimo Principi COSMO de TORRES, S.R.E. Cardi-
nali, Regni Polonia Protectori Amplissimo, & D. V.
Czestockoviensis gloria studiosissimo.*

Sacratam Cælorum Regina effigiem, Divi Luca manu elabo-
ratam, unicum Septemtrionis decus, quam mea imitata est ar-
tis industria, Tua, Illustrissima Princeps, offero Celsitudini. Mu-
nus profectò tanta amplitudine non indignum, dignissimum verò
humanitate Tua, quâ grata Tibi redduntur ea, qua Regnum Po-
lonia carissima se habere gloriatur, quod equidem quanta bene-
volentia complectaris (primum etenim purpureos honores Tuos
aspexit, gratulatumq; est) Gentis Polonæ Protectoris, Defenso-
risq; tituli attestantur. Accipe igitur benigno vultu cæleste hoc
donum, ac in eo Tuæ in Deiparam Pietatis testimonium, & mea
erga Celsitudinem Tuam perpetua observantia agnosce monu-
mentum; Turres verò Tuæ, quarum presidio, & Arrba, Virgi-
nis SS. Czestockovia, & universa latatur Sarmatia, fortuna
quoq; mea perpetuam prabeant stationem.

Humillimus, & obsequentissimus servus
IACOBVS LAVRVS, D.D.

*Canisius
Gratserus
Spinellus.
Balinghem
Gupenberg:*

S. XIV **S**criptores & Societate Iesv plures in suis lucubrationibus hu-
jus Sacræ Imaginis tum magnalium, meminerunt; speciali-
ter Canisius, Gratserus, Spinellus, in Throno Deiparæ. Balinghem in Ephe-
meride Mariana. Gvilielmus Gupenberg in suo Atlante Mariano, ubi re-
ferendo Imaginum variarum, quæ per totum orbem ob miraculorum
gloriam coluntur, Centurias duodecim, hæc nostræ Imaginis orditus
Historiam, præliminaria ponit: Quidquid totum Orbis Imaginum Deiparæ
habeat, unam credere oportet Poloniam habere, cui ipsa Virgo spiraculum vite
inspiraverit, & non animam dederit &c. Novissimè gratâ & erudita Pœsi,
in sua REGINA POLONIÆ R.P. Michaël Krasuski parte V. per totum,
specialia nostræ Imaginis perceruset Magnalia, præcipuè sub tempus
Obsidionis Claromontanæ facta, tum in castris hostibus, & alibi; tum
intra ipsa septa Montis Virginei.

*Michaël
Krasuski*

*Scriptores
ex nostro
Ordine.
Andreas
Zimicius.*

S. XV **N**on remissior fuit in promovendo cultu Mariano & No-
strorum calamus. P. Andreas Zimicius vernaculo idiomate
quamvis nonnihil succinctius, Originem Imaginis, & totius Histo-
rie

P R O O E M I V M.

riae cursum texuit, sub Titulo: SKARBENICA KOŚCIOŁA IASNEY GORY CZĘSTOCHOWSKIEGO, Anno 1618. quam Illustrissimo Principi Ioanni in Ostrog, Comiti in Tarnow, Castellano Cracoviensi inscripsit. P. Nicolaus Wilkowiecki: P. Andreas Gottonowski, idiomate patrio, sub Titulo SVMMARYVSZ HISTORYEY, &c. demum fusiùs Latine Historiam huius Imaginis prosecutus est Anno 1642. quæ fuit novissima præsentis Historiæ in lucem publicam editio quam ab A. R. D. Iacobo Vfliensi, S. Theologiæ & I. V. Doctore ac Professore, ad S. FLORIANVM Custode, Almaz Academiæ Crac: Generali Rectore, & per Dioccesim Cracoviensem Ordinario librorum Censore, Anno eodem die 16. Maij approbatam, Serenissimæ Reginæ Poloniæ CÆCILIAE RENATAE, Augustæ Serenissimi Poloniæ Regis VLADISLAI IV. Coniugi, Singulari huius loci Patronæ & Protectrici dedicavit.

Nicolaus
Wilkowiecki.
Andreas Gottonowski.

S. XVI. **N**on minus liberali stylo eandem Historiam, aut pleraq; ex illa Scriptis suis inseruerunt & Patres alij. A. R. P. Augustinus Kordecki Provincialis Poloniæ in suæ GIGANTOMACHIAE, ad Serenissimum Poloniæ Regem IOANNEM CASIMIRVM, proloquium, in compendium coactam, assumit huius Imaginis Historiam. P. Andreas Eggerer in suo FRAGMINEPANTIS, seu de Rebus Ordinis Nostri Cœnobiticis, ad Augustissimum Romanorum Imperatorem LEOPOLDVM I. eandem recenset Historiam, nonnulla ex eadem suis minoribus Opusculis, tum Historiæ Divæ RHEMETENSIS MARIAE, in Conventus Nostri Rhemetensis Ecclesiæ Miraculis celeberrimæ, tum in suo Stellario. P. Dionysius Eobzyński in Libello cui Titulus: TRIUMPHVS MARIAE, in quo triumphalem Sacræ Imaginis ex Maiori Basilica in Sacellum Translationem fusè prosequitur, tum in alio Opusculo, sub titulo DOMICILIVM ÆTERNATVRÆ GLORIAE, &c. Illustrissimo Sacelli Mariani Fundatori Matthiæ Eubiński Archiepiscopo Gnezneni Legato Nato Regni Primati, Primoq; Principi, dedicato, meminit sparsim magnalium huius Imaginis. P. Girsircher in Historia B. V. M. Tallensi; ubi in Ecclesia Ordinis Nostri Magna Austriæ, ac Germaniæ Veneratione colitur Statua Matris DEI, nonnulla Nostræ Imaginis thaumata insinuat. Postremo P. Ioannes Wanowicz, in Alma Urbe Roma Ordinis Nostri Procurator Generalis, sub Clementissimis Auspicijs SSmi D. N. CLEMENTIS X. Pont: Max: Romanis Historiam huius Imaginis in Lucem dedit. Germanico verò idiomate donarunt eandem Nostri in Vngariæ Regno Patres, obsecuti prout desiderijs, qui in dies crescente miraculis per Europam ex hoc Monte.

Andreas
Kordecki.

Andreas
Eggerer.

Dionysius
Eobzyński.
Girsircher.

Ioannes
Wanowicz.
1729.

Monte gloria **MARIAE**, in Odigitria Imagine celeberrimæ, Originem ejus, & quæcunq; memorabilia circa illam haberi potuerunt, noscere exoptantes.

Anonymi.

S. XVII Plures legi, qui literis suis, laborq; Divæ Virgini **MARIAE** propensam in ejus honorem, voluntatem testari cupientes, tum Latino, tum vernaculo idiomate, tum versibus Historiam, Imaginis Odigitriæ scripserunt, viros tum in sæculari dignitate, tum in nostra Religione præcipuos. Illos tantum refero, qui publica auctoritate in lucem sua dederunt opera, quæ dum plurimum teri possunt manibus, facilius ut puto ex eorum fida, & legitime probata, quam ex nuda mea relatione, Historiæ præsentis veritas, & auctoritas poterit conciliari. Constat multorum publicis, privatisq; votis expectatam Sacræ huius Imaginis notitiam. Et quia varios variis delectat stylus, nonnulli pijs illorum desiderijs parere, placereq; cupientes, variâ methodo succinctam seriem Historiæ privatim scripserunt. Ante complures annos, ut peregrinorum votis in hoc loco satisfaceret, Nostri Patres, vernaculo idiomate cursum præsentis Historiæ typis dederunt, cujus exemplaria parietibus Basilicæ Gloriantanæ affixa adhuc hodie leguntur. Extra Patriæ limites, à quibusdam Societatis Iesv Patribus, elegantioræ conscribi, Magnalia Divæ Nostræ, non ita pridem accepi. Ego nunc generalibus omnium votis parendo, præsentem, Historiam propono.



ANALECTORUM MENSÆ REGINALIS.

^{SEV}
HISTORIÆ, DIVÆ VIRGINIS
CLAROMONTANÆ MARIÆ.

PARTITIO PRIMA.

*Sacræ hujus DIVÆ Imaginis, Originem
revelat.*

Hic patet secundum D. Ignatium Martyrem.

CUNCTIS DESIDERABILIS
M A R I A.

MARIA *Delicijs affluens*, quæ secundum
D. Bonaventuram in Litanij appellatur.,
Deliciarum Dei Dapifera, suam orbi ieiuno
Mensam proponit, in cujus prodigijs, & gra-
tijijs, mortales, prælibando delicias, ad non-
mortalem dulcedinem invitarentur, noscerentque à MA-
RIA, & per MARIAM, dari desideriorum illicia; quæ (ut
Christus Sponsæ suæ Seraphicæ Catharinæ Senensi, re-
ferente Ludovico Blosio in Monili Spirituali, revelavit)
Est à Deo electa, parata, & posita, tanquam esca dulcissima, ad
sapiendos homines; & præcipuè animas peccatorum.

D. Bonavent.

Blosius

C A P V T I.

Pingendæ Sacræ Imaginis occasionem proponit.

I. **N**ondum terris erepta Divina Mater, tantum sui desiderium.
Sanctitatis famâ, & quadam, Imaginem Dei referentis pul-
chritudinis, æstimatione, in animis implantavit fidelium, ut pluri-
mi suæ beatitudinis partem non postremam putaverint, videre illam,
& allo-

ANALECTORVM MENSÆ REGINALIS

2.
Ierolymā
multi veni-
unt visuri
MARIAM.

D. Ignat. M.

D. Bonavent.

Dion. Carth.

& alloqui; quapropter nonnulli ē remotionibus mundi partibus Ie-
rosolymiam descendebant, ut suis votis fruerentur, quos inter Divus
Martyr Ignatius, cœleste pulchritudinis miraculum contemplari cu-
piens in Virgine Deipara Divum Ioannem qui Matrem Dei post
cruentam in Golgotha filij cædem accepit in sua, sic literis compellat:
Si licitum est mihi apud Te, ad Ierolymā partes volo descendere & videre San-
ctos qui ibi sunt, præcipue MARIAM IESV, quam dicunt universis admirandam,
cunctis Desiderabilem, quem enim non delectet eam videre & alloqui, quæ ve-
rum Deum peperit, si sit nostræ fidei, & religionis amicus? Hinc æstimans
humana desideria Doctor Seraphicus, Mariam Mundo Desiderabilem in
Litanijs suis dicit. Ad visendam, videndamque Virginis vora, D. Dio-
nyssij Arcopagitæ respexit Dionysius Carthusianus. in 1. Sentent. Di-
stinct. 16. quæst. 2. scribens: In opusculo quod de laudibus Electissimæ Ma-
riae edidimus, ē scripturū fide dignū retuli & probavi, quod D. Dionysius quadam
vice terram Sanctam intravit, & Ioannem accessit Apostolum rogans, ut eum ad
Sanctissimam Virginis Christi sēre præsentiam & conspectum, introducere dignaretur.
Gloriatur se potitum votis D. Dionysius, dum ad suum, Gentili-
umque Doctorem D. Paulum scribit Epistolam, tum in Sixti Senen-
sis Bibliotheca, tum in alijs authoribus citatam; placet illam referre,
quia liquidius patēbit, quam Desiderabilis fuerit MARIA.

Servus, & novissimus unctus Dionysius, Electissimo
vasi Cœlico, Paulo, Præceptori, & Principi S.

Litteræ D.
Dionysij A-
rcopagitæ
ad D. Pau-
lum.

Incompara-
bilis Mariæ
pulchritu-
do describi-
bitur.

2. Non credidi, confiteor coram Deo, Princeps mi maxime,
extra Deum summum, & optimum esse, haberi etiam,
neque ab hominibus posse percipi, quam ego oculis non tantum
mentis, sed & corporis vidi, perspexi, atque proprijs oculis intui-
tus sum, Deiformem, atque supra omnes calicos Spiritus San-
ctissimam Matrem Christi IESV Domini nostri, quam mihi beni-
gnitas Dei, ex Clementia Salvatoris, & gloria Maiestatis, Dei-
formis Virginis Matris (ostendit, addendum arbitror.) Quoniam
cum à Ioanne vertice Evangelij, & Prophetarum, qui in corpo-
re habitans, quasi sol fulget in calo, ductus fui ad Deiformem
præsentiam altissima Virginis, tantum me immensus Divinus splen-
dor circumfulsit exterius, & plenius irradiavit interius, tanta e-
tiam in me omnium odoramentorum superabundavit fragrantia,
ut nec corpus infelix, nec Spiritus possit totius, ac tanta felicitas

his insignia sustinere. Defecit cor meum, defecit Spiritus meus, tanta glorie maiestate oppressus. Testor, qui erat in Virgine, Deum, si tua Divina mente concepta non me docuissent, hanc veram Deum, esse credidissem, quoniam nulla videri posset gloria Beatorum, quam felicitas illa, quam ego infelix nunc, tunc verò felicissimus, degustavi. Gratias ago summo atque Optimo Deo, Divinaque Virgini, & Eminentiſſimo Apostolo Ioanni, & tibi Ecclesie vertici, atque Principi triumphanti, qui mihi talia clarissimè, & clementissimè, prastitistis. Vale.

Itaque occasio huius Imaginis, coloribus exprimendæ, Desiderium fuit, quo præsentem vel in coloribus Divinam Matrem habere fideles exoptabant.

C A P V T II.

Habitantes in Domo Zebedæ Virgines à D. Luca Imaginis Picturam exorant, & impetrant.

3. **E** Tipſam Divinæ Matris Imaginem fidelibus fuisse desiderabilem, ostendit Canisius Libro 5. cap: 22. Cum igitur multorum incensus eſſet animus, ut Domini, ac Dei sui in Cælo Regnantis Matrem coram viderent, & videntes juve suspicerent, atque revererentur, nec omnes tam enundique ad eam proficiſci, ſuoque desiderio ſatisfacere poſſent, prudens ac pium conſilium inventum eſt, ut Maria vultum ſaltem in tabella depictum exciperent, hòque perenne monumentum tum præſentes, tum abſentes, ad ſuum ſolacium retinerent, alijsque alijs invicem communicarent.

*Canisius
Imaginem
B.V.M. pin-
gendarum
cauſa.*

4. **H**æc una fuit centum & viginti Virginum, quæ in Domo D. Ioannis Evangelistæ, cum Deipara Angelicam vitam ducebant, principalis cura, Magiſtræ ſuæ, quæ aliquando cælo red- denda erat: Imaginem Deiparæ vicariam habere. Eo itaque tempo- re, quo D. Lucas comes individuus D. Pauli Ieroſolymam adiit, ubi commendatione Divi Pauli, in Ioannis Evangelistæ primùm, poſt- modum in Mariæ familiaritatem eſt inſinuatus, Dictatrice Virgine ſcripſit Evangelium, prout meminit Idiota Lib: Contempl: cap: 1. Divam Matrem affatus: O Beatiffima Virgo MARIA Doctrix fuiſſi Docto- rum, & Magiſtra Apoſtolorum, unde & B. Lucas, cui inter ceteros Evangelistas descriptio Dominicæ Incarnationis attribuitur Evangelij ſeriem à te MARIA

A 2

didiciſſe

*Idiota
D. Lucas ex-
oratus à
Virginibus
pingit hanc
Imaginem.*

Sixtus Se-
nem

ANALECTORVM MENSÆ REGINALIS

didicisse traditur; ubi, ut prodit Sixtus Senensis Bibliotheca suæ Libr.
2. Litera L. & Imaginem Deiparæ coloribus expressit; *Lucas post scri-
ptam à se Christi Salvatoris vitam, etiam Imaginem ipsius, ac Matris ejusdem,
penicillo, & coloribus pinxit; exoratus à Virginibus, quarum in Domo
D. Ioannis Convictor erat, prout vetustiores hujus Historiæ scripto-
res tradiderunt.*

Quot B.V.
M. Imagi-
nes D. Lu-
cas pinxe-
rit?

Iustinus
MiechoGien.

Canisius.

Imaginum
à D. Luca
pictarum
unde plura
litas?

5. **P**lures tum Salvatoris nostri, tum Deiparæ ex SS. Apostolo-
rum Petri & Pauli coloribus animavit Iconas Divinus Apel-
les Lucas. Primatum, secundum originis locum, tempusque per-
pensum accuratiùs, nostræ Imagini tribuere tenemur. Quatuorde-
cim omnino, ab ejus artifice manu profectas refert Iustinus Miecho-
viensis, in Litanias Deiparæ Discursu 220. quarum pleraque se vi-
disse scribit, diversarumque gentium refert homagia, quibus colun-
tur. Consurgit hinc Iconomastix Illyricus, dicitque, non omnes D.
Lucæ titulo debere censerì Imagines, at refellitur à Canisio Lib. 5. de
Maria Deipara, cap. 22. ubi plùs a quo, convitiatori concedit inqui-
ens: *Atque ut maximè concedamus unam Imaginem duntaxat à D. Luca con-
fectam esse, de qua tam multi restantur, nullusque pius ambigit, tamen & aliæ
Virginis Icones, licet alienâ manu factæ fuissent, Luca nomine commendari po-
tuerunt, quoniam cum primæ inter vetustissimas ad Luca archetypum essent ex-
presse, non immeriti, quocumq; demum pervenerint, nomen gratiosum à primo
autore illo Luca retinuisse videantur. quod in sola Polonia patebit, cum
dabo plures Imagines infra, ab hac Odigitria desumptas, quæ non
vulgaribus inclaruerunt Miraculis.*

Imaginis
huius vetu-
sta subscri-
ptio,

6. **S**tabilit veritatem accepißima, cui hætenus neminem aut
verbo aut scripto contravenientem accepimus, Imaginum ab
ejus exemplari desumptarum subscriptio, à centum & amplius, an-
nis usurpata: *Divæ Virgo Clari Montis Czeskoboviensis, à Sancto Luca depi-
cta, in Regno Polonia Miraculè clarissima.*

C A P V T III.

*In Mensa Nazaræ Domus vivente adhuc Deiparâ, pi-
ctam esse Imaginem ostenditur.*

Hæc Imago
in Mensa ex
Cupresso
facta, picta
est,

7. **T**abula quæ Superbenedictæ Virginis maiestatem coloribus
animatam sustinet, ex Cupresso est, usuali Patæstinæ regio-
nibus ligno. Mentam fuisse cum non nullis signis proportio, & au-
thori-

PARTITIO PRIM A.

thoritas vetustissimæ traditionis probat, E Nazareth in Ierusalem al-
latam ex annolis ritûs Græci Sacerdotibus comperit Nicolaus Lan-
ckoronski, dum sub Sigismundo Augusto Polonia Rege Legatione
Constantinopolim defunctus, totum id scripto in membrana prodi-
dit, quod quid de hac Imagine, quæ annis quingentis hospitabatur
Constantinopoli, per fidam relationem accepit, ubi hæc leguntur:
*Verè Beata est hæc tabula virtutibus mirandū coruscans, quæ peculiari usu Vir-
ginis Maria est consecrata, ex pijs ejus lacrymis delibata.*

8. CRedendum enim est, quod Diva Mater, cū in Divi Ioan-
nis possessionem ē Nazareth commigravit, cum alia supelle-
ctili, & Mensam hanc Ierolimam deportavit, ab artificis opera
commendatissimam, quam fortasse Filius ipse manibus suis, quibus
fabricatus est auroram & Solem, fabre fecit. Certum enim est quod Io-
seph Ierolimā reversus in Nazareth, cū duodenni IESV, non
multo post vita excesserit, eo tempore, quo firmior ætas pueri, fabri-
libus exercitijs habebatur idonea. Hæc est mens D. Epiphanijs Hæ-
res. 78. *Sed neque post reditum ab Ægypto idem Ioseph multū annū vixit &c.*
Duodecimo anno, ascendentibus illis ab Ierolimā, quasitus est IESVS, quando
non reperiatur in itinere, prout habet Evangelium secundū Lucam &c.
Post hos annos meretur Ioseph. Post decessum ergo Nutritij, fabrilem Sal-
vator exercebat officinam, forsitan & artifex hujus Mensæ, quod Iu-
stinus Martyr in Dialogo contra Tryphonem Iudæum memorat, Li-
bro de veritate Religionis Christianæ: Cū fabri lignarij filium habere-
tur, in formis videlicet, sicut Scripturæ annuntiaverant; apparens faber, atque
adeo & ipse putaretur esse: fabrilis namque, cū in hominibus esset faciebat o-
pera.

E Nazareth
Domum D.
Ioannis V.
M. suam de-
portat su-
pele&ileme
Quisnam
hujus Men-
sæ artifex?
Epiphanijs
res. 78.

Iustinus
Martyr.

Christus
fabrilem
Officinam
exercebat.

9. COnsonat Evangelica Historia. Seqvuntur, audiuntq; sapi-
entia cælestis arcana Pharisei, & alij Contribules, a IESV, Christus Fa-
ber.
atque optimè gnari, non in literarum Palæstra, at in Officina fabrili
versatum, adolescentiæ tempore, stupentes quærun, Marci 6. *Non-
ne hic est faber filius Mariæ?* inter cuius opera hæc Mensa numerari
posset. Quod si Iosephum sponsum, Custodemque Virginis, autho-
rem, artificemque sacrae hujus tabulae dicerem, & sic satis commen-
darem opus, quod per tot ætatum vices, locorumque, in Poloniam
commigrasse, probat abunde Lauretanæ Domûs Authoritas, cū e-
nim de Sacra Marianæ Domûs Supellectili diligens examen aliquan-
do haberetur, in Syllabo hoc affixum olim legabatur oculis omnium
usurpatum: *Mensam autem Virginis habet Czesstochovia in Polonia.*

Christus Fa-
ber.
Marci 6.

Mensam
Domus Lau-
retanæ ha-
bet Czesstochovia.

Nicephorus. Adhuc vi-
vente B.V.
M. hac Ima-
go depicta
est.

Damasceus

Christus A-
bagaro sui
vultus Ima-
ginem mjt-
tit.

Metam. 2.

D. Lucas B.
V.M. per-
familiaris.

IO. PER multis præsentis Historiæ Scriptoribus placuit sententia Epiphaniij, ex quo Nicephorus libro 15 cap: 14. sensum re-
citât, quod *VERBI Matræ Imaginem Divus Lucas Apostolus ipse suis manibus depinxit, illâ adhuc viuento, & tabulam ipsam vidente, gratiamque adeo illi formæ suæ immittente* Non favet opinioni adversariæ, Sanctissimæ Virginis humilitas, & modestia, quam considerantes nonnulli, post triumphantem illius in Cœlos Assumptionem, depictam asseverant; sed æstimanda potius ejus dignatio, quâ factum, ut à Virginibus exorata sui vultus in Mensa depingendi faceret copiam, imitata Filium, qui Edessæ Regis, Abagari desiderijs favens, præter adminiculum artis pictoriæ, Deifici sui vultus expressit maiestatem, donumque misit, ut habet Damascenus Orthodoxæ Fidei lib. 4 cap 17. *Cum Abagarus Edessæ Rex eo nomine, pictorem misisset, ut Domini Imaginem exprimeret, neque id pictor ob splendorem ex vultu ipsius manantem consequi potuisset, Dominum ipsum Divina suâ, ac vivificæ faciei pallium admovisse, imaginemque suam ei impressisse, sicque illud ad Abagarum, ut ipsius desiderio satisfacerec misisset. Compari dignatione Divina Mater, non invidit orbi in sua Imagine profutura solatia, quando*

--- Circum caput omne micantes

Deposuit radios, propiusque accedere jussit

Divum Evangelistam, qui Sanctissimæ Virgini, non simpliciter familiarum, sed per familiarum autoritate scriptorum fuisse perhibetur, admittit, permisitque, ut sui vultus maiestatem, quâ cœlum tempestatesque serenat, se præsentem in tabula efformaret.

C A P V T IV.

Excidij Ierosolymitani tempore, Sacra Imago quomodo sit conservata.

Sub temp⁹
Excidij Ie-
rosolymit:
conserva-
tur Sacra
Imago.
Eusebii.

II. SUB tempus excidij Ierosolymitani, quomodo hæc Imago conservata sit, certò definiri non potest. Scio Divi Iacobi Apostoli Pontificalem Cathedram, fidelium curâ subductam periculo, servatamque, primæ obsidionis tempore, à Syriæ Præside, Cassio factæ, Anno salutis 68, biennio ante vastitatem generalem sub Tito, & Vespasiano, quam ad ætatis suæ tempora integram perdurasse, scribit Eusebius Lib: 7. Hist: cap: 14. cum hac, opinari licet, extra Ierosolymæ regionem, ingruente periculo, positam Imaginem; nec peccat in aliorum pia placita; qui conservationem sacre tabulæ in Dei providentiam transfundit.

12. **F**Verunt nonnulli, qui Domum illam, in qua Sacra Virgines, Salvatoris nostri, Divæque Matris Reliquiarum cultodes, Divi Ioan-
coram hac Imagine Divinis continuò laudibus vacabant, putabant nis Domus
semper aspectibus Iudæorum fuisse formidabilem, quòd ab ea ful- ludæis for-
minis, aut fulguris instar lux promicans, oculorum aciem revert e- midabilis.
rando, acc. sum arceret, solis pervium fidelibus, cujus meminerunt
hujus Sacrae Imaginis Magnalium Scriptores nostri P. Andreas Gol-
donowski, P. Andreas Zimicius, & P. Nicolaus Wilkowiecko. Non-
nulli haud postremæ authoritatis, invisibilem prorsus fuisse, cum I-
magine, illoque Catu Virginum, Domum, asseverant: inter quos
numeratur Perillustis & Adm: Reverend. Dominus Simon Staro-
wolski Canonicus Cracovien: in sua Diva Claromontana, singularis
Magnalium hujus Imaginis Præco.

Andreas
Goldono-
wski, An-
dreas Zimi-
cius, Nico-
laus Wilko-
wiecko.
Simon Sta-
rowolski.

12. **Q**uamvis nullum nobis apertum constet, aut humanum, Modus cõ-
aut Divinum, Imaginis periculo subtrahæ consilium, ta- servationis
men certum est, quòd, qui potest omnia, Deus, varijs modis, sibi que incertus
sibi notis, indemnitati Sacrae Imaginis potuit prospicere. Et hoc ip-
sum Dei Parentis exemplar, stitisset rabiosum hostis furorem, si o-
culos tyrannorum incurrisset. Partem honoris habuisset cum illa
Mensa, quam auro ponderoso gravem, è Salomonis Templo subla-
tam, cum aureo candelabro, alijsque ingentis pretij spolijs, à Iose-
pho Lib: 7. cap: 4. de Bello Iudaico recensitis, inter trium-
phales pompas in Urbem Romam triumphatores intule-
runt: sed noluit Crucifixi Mater, eâ tempestate in simu-
lacro suo triumphare, usque dum Crux in salu-
tare signum populorum, Imperatricis He-
lenæ manibus erecta, compareret.

Iosephus



ANALECTORUM MENSÆ REGINALIS
S E V

HISTORIÆ, DIVÆ VIRGINIS
CLAROMONTANÆ MARIÆ.

PARTITIO II.

*Sacræ Imaginis tempus, loca, Memorabilia,
quæq; continet, ab eius transmigrationis tempore de
Urbe Ierusalem, vsque ad translationem in
Montem Clarum.*

Hic apparet.

ADMIRABILIS MARIA.



Vacunque in parte sequenti circa sacram Imaginem facta considerabuntur, omnia admirabilia sunt. Dabunt veritati calculum, quæ insequentibus texantur, magnalia. Nunc ad illius per Helenam Inventionem, & Ierosolymâ Constantinopolim transmissionem, cæterâque huc spectantia, calamum transfero.

C A P V T I.

*Helena Ierosolymis ad sacræ Imaginis notitiam
pervenit.*

Quo tempore Helena Ierosolymam profecta est.
Nicephorus.

1. **H**elena, ipso Synodi coactæ anno, in somnû oraculo admonita, precationis ergo, locorumq; sacrorum cognoscendorum gratiâ Ierosolymam petierat, neque se ea in re, vel itinerru laborem, vel senectutu molestiam remorari est passa, inquit Nicephorus Lib: 8. cap: 29. & hoc Anno Salutis, 326. post funeitam Sanctæ Civitatis depopulationem Anno 186, Imperij filij sui Anno 21, Venit in Domum Sacris Virginibus Ierosolymis habitata.

PARTITIO SECVNDA

habitatam, nonnulli dixeré Iudæo homine ex paterna quadam traditione regionem indicante, &c. reverâ autem, ut equidem puto, Deo signū quibusdam, & visionibus nocturnū ostendente, cum enim Deo visum esset res Divinas, & occultas in lucem proferre, minimè opus fuit humanū indicij aut idem Nicephorus. Quòd certus domus proditæ modus non ponatur, autoritas ex Nicephoro desumpta ob stare videtur, qui eam Domum Iudæis prorsus incognitam, ac invisibilem asseverat.

Quomodo
Helena ad
Domum D.
Ioannis de-
ducta fuerit
Idem ibidem

2. **Q**Uocunque tandem modo ventum est ad notitiam sedis illius, quam suâ maiestate Magna in Imagine Hospes Maria impleverat, Accedit (Nicolaum Lanckoronki recito) ad Sanctam Domum Beata Helena sincerâ devotione, ut pote Christianissima, & cum magna reverentia excipitur, siscitantique sibi de Matre Christi, secreta mysteria solatiosè enarrantes. Beatam Mariam post Passionem sui Filij in hac domo omnibus diebus, usque ad felicem in calum transitum habitasse. gaudiumq; maximum de apparitione filij sui gloriosa, post Resurrectionem excepisse, & cetera plura dulcissima conferebant secreta. Quapropter Augusta suspicata prudenter nonnullas hic Divinæ Matris exuvias latere, impensioribus humanitatis officijs colere cœpit Partheniam congregationem, testatur Rufinus Lib: 1. cap. 8. Reliquit hoc Ierosolymū indicium etiam religiosi animi Regina Venerabilū, Virgines, quas ibi reperit Deo sacratas, invitasse ad Prandium, & tantâ eas devotione curasse dicitur, ut indignum crederet, si famularum uteretur Officijs, sed ipsa manibus suis, famula habitu succincta, cibum apponeret, poculum porrigeret, aquam manibus infunderet, & Regina orbū, ac Mater Imperij, Famularum Christi se famulam reputaret Idem refert & Theodorus libr: 1. cap: 8. Socrates libr: 1, cap: 13, in fine, & Sozomenus lib: 2. cap: 1.

B Helena
cum Virgini-
bus collo-
quia famili-
aria.
Nicol: Lanck:

Rufinus.

B Helena,
quæ obsequi
à Virginib;
præstiterit.
Theodorus
Socrates.
Sozomenus

3. **S**ic Helena captivatis Partheniæ congregationis affectibus, instellexit nonnullas hic de vestibus Matris Dei reliquias conlari, quas inter ulla præsentant Sacram hanc Imaginem, opus Divi Lucæ Evangelistæ, cujus desiderio Augustâ teneri advertentes, gratificandæ humanitatis occasionem nactæ, hanc Imaginem in munus offerunt, cum adnotata origine, & prodigijs illius, ut ex vetusta Græcorum Patrum traditione memorat, Lanckoronki. Atque ideo, nè tempus gestorum ordinem, aut inverteret, aut aboleret penitus, cum per Christianum orbem opere, aut pictorio, aut chalcographico Divæ Claromontanæ exprimentur Imagines, origo, translatio, Divæ Helenæ per Virgines Imaginis traditio, ad limbum Sacræ Imaginis efformantur, quo palam fiat, illam à Divo Luca in Mensa Domus Na-

B. Helenæ
Virg: offer-
runt hanc I-
maginem

Mos pingendæ
hujus I-
maginis

zara depictam, Helenæ à sanctis sororibus immediate traditam,
& ab eadem, Constantino Ierolymâ transmissam.

CAPVT II.

Sacra Imaginis Translationem de Ierusalem Constantinopolim prosequitur.

B. Helena
hanc Im-
ginem Iero-
solyma 36-
stantinopo-
lim filio
mittit.
Nicephorus.

Baronius.

4. **Q**uamvis constans sit complurium Scriptorum sensus, hanc Imaginem ab Helena Constantino filio missam Ierolymâ, nonnulli tamen dubium eliciunt ex Nicephoro Libro 14. cap. 2. circa finem, qui ab Eudoxia Pulcheriæ missam asserere videtur: *Templum, quod via Ducum cognomine clarum est (erexit Pulcheria) in quo Divinam illius (Matris Dei) Imaginem, quam Lucas Apostolus in tabula depictam reliquit, sacrumq; pensum, & Servatori ipsius fascias, perinde, atque thesaurum, quem ad eam Eudoxia Augusta cum Ierolymâ profecta est, misit, servandas curavit.* Venerabilis est autoritas Nicephori viri inter Principes Græciæ Scriptores non postremi, minimè tamen obstat, ne Constantino ab Helena transmissa hæc Imago credatur, cum illud, quod de Thesauro misso Constantinopolim ab Eudoxia loquitur, non includat Imaginem primo loco positam, sed de penso tantum, & fascijs accipiendum est, quæ veluti thesaurum Pulcheriæ misit Eudoxia, longè ante præexistente in Aula Regum Bizantinorum Imagine. Hunc genuinum sensum, mentemque Nicephori advertet, qui legerit Baronium, sub hac divisione, hunc Nicephori textum explicantem, tomo 3. sub Anno 439. num. 4. ubi ait, quòd Iuvenalis Ierolysynorum Episcopus per multa Sacrarum Reliquiarum dona contulit Eudoxiæ, inter quæ Fasciæ Salvatoris nostri memorantur, eundemque Nicephori locum recitans, nullam Imaginis ante (ut dixi) Constantinopoli præexistentis facit mentionem, licet eandem Pulcheriæ transmissas fateatur.

Quo tempo-
re hanc I.
maginem
Helena filio
misit.
Cicero.

5. **E**o itaque tempore Mater Helena Sacram hanc Ierolymâ filio misit imaginem quo Byzantium Urbem, quam Cicero in Oratione de Consulariis Provinciis *Liberam, Romanis fidelissimam*, Hærodotus Libro 3. aliarum omnium urbium in Thracia felicissimam, viribus, & opibus florentissimam prædicat, sed à Vespasiano libertatibus privatam, à Pescennio Nigro Tyranno occupatam, à Severo in vicem formam reductam, ad fastum, speciemque superbam Romæ reducebat, cumque iam Nova Romæ, seu Constantinopoleos

nata.

natalium secundus annus voveretur, de Nomine, Tutelaribusque Patronis Vrbi deligendis cogitabat. Qui Romam veterem Sylvestro, Summo in terris Christi Vicario donavit, occasione sumpta ex Imagine ab Augusta Matre missa, Novam Romam Matri DEI desponsare voluit. eam in Imagine, veluti inexpugnabili Clypeo, Præsidem Vrbi, Tutanam, Patronamque constituendo, coacta ad ejus dedicationem plurimorum Episcoporum Synodo. Ejus festivitatis meminit Nicephorus lib: 8 cap: 26. *Igitur Encania, & Consecrationis festum diem celebrant, incruento sacrificio operantur, precibus, votisque Urbem abunde prosequuntur, & firman, eandemque Dei Genitrici dedicant.* Quo factum, ut deinceps Constantinopolis *Civitas Virginis* diceretur, uti videre est apud Theophanem, & Theodoretum, qui lib: 5. cap: 33. eam appellat *VRBEM MARIÆ*. Ex utroque, puto, habet Canticus libro 5. cap: 23. *Urbem illam universam, qua Orbis miraculum & Regna Urbium à quibusdam dicitur, Dei, & Domini nostri Matri Mariæ sub Alexandro Episcopo dedicavit: unde Constantinopolitani Mariam sibi Patronam postea semper habuere, illamque suæ Patriæ propitiā, & beneficā esse re ipsā senserunt.*

Constantinopolis Vrbs
Mariæ unde?

CAPUT III.

Honores huic sacre Imagini ab Imperatoribus Byzantinis præstiti.

6. **I**lle principalis Honor nostræ obigit Imagini apud Imperatores Constantinopolitanos, in *AURÆ FORTUNÆ* locum successio, quam olim in Cæsarum Aulis cultam scribit Suetonius. Testem recito Iulium Cæsarem Bullengerum, in Academia Pisana Doctorem, de Imperat: Roman: Lib: 2. cap: 28. *Christiani Imperatores pro Fortuna simulacro Beata MARIÆ Virginis Imaginem Duce[m] coluerunt Θεομύττω ὁδὴν ὑπὸ τῆς εἰκόνος.* Exemplum fuit Christianorum Principum norma Constantinus, qui sublatis Fortunæ profanæ simulacris, deleterisque salutaris lavacro cum lepra gentilium erroribus, Imaginem à Matre Helena missam, *Odigitriam* appellatam (uti mox infra patebit) in conclavi suo collocavit; cujus meminit & Simon Starowolski in sua Diva Claromontana: *Sacra Imago in Capella Palatii Byzantini cum alijs reliquijs à Constantino Magno reposita, in veneratione fuit apud Græcos Imperatores, ad tempora usque Caroli Magni.*

In Auræ
Fortunæ locum
successio
est Imago.

7. **A**D momentum honoris tanti accessit, quod pristinos affectus Imperatorum imitata Pulcheria Augusta, Basilicam

Starowolski

Imaginem Basilicæ erigit
Pulcheriam.

illi in *Via Ducum* erexit, ut non sola deinceps Imperatorum, Conclavia, sed universus Senatus, Populusque Byzantinus clementissimis ejus aspectibus, & solatijs frueretur. Cum autem privatam, publicamque religionem Divina Mater amplissimis beneficijs rependeret, pia Senatus gratitudo cultum ampliavit, quo firmata, propagataque devotio, Deum Divamque Matrem ad ulteriores Vrbi favores conciliavit, quos percipere licet *Canisius* l. 15. c. 22. *Summo in pretio à Gracis habita semper fuit* (Imago) *praesertim cum frequens accederet miraculorum gloria, per quam DEVS in Maria colenda, religionem sibi gratam esse monstravit.* Huc adegit Constantinus ambitiosi Syrgiani fastum, ut *laesa* Majestatis reus non alibi offensae veniam precaretur, impetraretque, quam ad hanc Imaginem. Hoc exemplo patefactum est orbi, nullam illis florentissimis religione temporibus, fieri injuriam Imperatoribus, atque nullum illis honorem praestari potuisse, qui in Divam ODIGITRIAM, ob communem regnorum, & fortunatum cum ea communicationem, non refunderetur.

Canisius lib. 15. c. 22.

Ad hanc Imaginem Syrgiani veniam precatur à Constantino.

Imago in curru triumphali deducta.

Stanislaus Kobierzycki

Canisius.

8. **I**llustriores temporum cursu, cultus habuit Imago Odigitriae. Ex publico Senatus decreto; illo praecipue tempore, quo *MARIAE* Praesidis ope triumphatis hostibus, pax iterum, atque iterum fuit restituta. Saepe humeris Procerum eminens, inter exultantis populi plausum, subvecta, in curru triumphali statuebatur, triumphabatque deducta per adornatas Urbis plateas, Imperatore, ac Principibus pone currum sequentibus. Praedicavit, amavitque adeo festivos in triumphis sacrae Imagini exhibitos honores Senator Polonus Stanislaus Kobierzycki Palatinus Pomeraniae in sua Diva Claromontana memoratos. Imitatus est antecedentium Imperatorum religionem Emmanuel Comnenus, pares Virgini, quam *Canisius* Lib. 5. cap. 12. Imperatorum *Invictram adjutricem, & insuperabilem Commilitonem* appellat, quamvis non in hoc Simulacro, quod jam in Russia colebatur, in alio tamen simili, triumphos instaurando,

C A P V T IV.

Nonnulla Memorabilia Byzantij.

Odigitriae Imaginis nomen unde.

9. **A**Civium Constantinopolitanorum luce, miraculorum lucem orditur *MARIA*. Duo noti caecitatis calamitate Cives, nullum vitae suae solem viderunt. Vidit illos *MARIA*: & quia videre miserum nemine potest, & non misereri; caecos in suum conspectum,

speculum, illis apparens, ad Imperatoris Conclave deduxit, ibique luminis oprati gratiam; *illuminatrix, & illuminata MARIA* imperavit. Ex hac prodigiosa visus restitutione, & in conspectu suum deductione, *OPIGITRIÆ* nomen, seu *Deductricis*, seu *Ducis* Imaginis, appellatione accepit, & habet usque hodie apud historicos.

10. **C**lementissimum agnovit Virginis oculum Constantinopolæo-
leus populus. Cum enim Casarum secutus exēpla, causā devotionis, Ædem ejus honori sacram, frequentior impleret, quavis feria sexta sub vesperam, invisibili virtute, nullo manus admovente, flammæum ab Imagine recedebat; sicque totam subsequētis Sabbathi noctem, diemque veluti sol novus, ac nova exor-
iens Phœbe, collustrando; usque ad vesperam, omniū aspectibus patebat, donec iterum, adducta virtutis invisibilis officio cortina velaretur. Hæc D. Anselmus in Act: Constantinop: Durandus, & alij. In cujus rei memoriā, per tria sæcula in hoc loco, solius Sacerdotis manu aut reducebatur ab hac Imagine cortina, aut adducta eadem claudebatur. Nunc argentea tabula, quam Illustres, ac Magnifici DD. Dzialynscij Matthias & Paulus Anno 1673, nomine Illusterrimi Parentis sui Sigismundi Dzialynski, Palatini Brestensis obulerunt, clauditur. Hic Sanctissimi Progenitores MARIE, Ioa-
chim & Anna, in repando eminentē Lilio stipant Virginē sacratissimam; subiecti pedib⁹ vernaculo idiomate versus, supplicē Familiā Deo ejusq; Matri cōmendant: supernè hoc latine exaratum est:

Scandite mortales Clavi alta cacumina Montis,

Hic vobis cunctis facta MARIA salus!

11. **Q**uoties hostis ad Urbis expugnationem ruebat, toties ad hanc Imaginem recursum est. Per mœniorum ambitum circumlata, victoriam apertis prodigijs tribuebat. Patet ex Epist: Gregorij II. ad German: Constantinop: Episcopum: *Propugnatrix illius Sancta, & omnium Christianorum Domina miranda facta, qua in se declarata sunt, per que tu quoque inter hostes servatus es, non sunt reticēda: illi enim cum insaniā multa tumultuarentur, tantum invenerunt in se adversitatis hostiliū, quantum eorum causa injustitia habuit. Neque hoc tamen mirandū est: nam si Bethulia per manus Iudich Israëlitis servata est, cujus opus Holeser-
nis erat sublatio, & per ea tempora ob id salus Israëliti vocata est; quomodo non oportebat & Tuam Sanctitatem, huiusmodi Pugnatrice utentem, hostibus Civitatis prevalere, ipsamq; victoriā coronare.*

12. **P**ropugnatrix Divina Mater suscepit munus, quod cujusvis hebdomadæ feria tertia, per circuitum deportabatur.

B 1

Quotū

Imago nemi-
ne manū
admovente
miraculosè
revelabatur

Pet mania
Urbis circū-
lata dat vi-
ctorias.

Quavis fe-
ria tertia

ANALECTORVM MENSÆ REGINALIS

14.

per Urbem
circumlata.

Ad eius sub
levationem
hostes mon-
stris exa-
gitantur.

Quomodo
invocata suc-
currebat.

Gregor. III.
Epist. ad
Germani E-
pisc. Constā-
tinopol.

In variis pe-
riculis Urbē
tueur.

Sozomenus.

Canisius.

Ad huius I-
maginis in-
tauitum, fu-
rens Andro-
nicus man-
suecit.

Quoties contra hostem sublevata fuit, toties, ut refert Ammianus Lib: 31. *Subrauca, & lugubre strepentina* monstra ciebantur, quorum alia labris pallidis ex vulneribus hostiū cruorē sugebant, alia classes tēpestatibus miscebant, alia nocte serenū diem involvebant. Urbis observare mœnia visi sunt insvetæ magnitudinis Viri, qui armis horrificū splendorē fulgurabant; visæ in mœnibus ad arcendos impetus hostiles infusæ copię, audita tonitrua. Antecedebāt successus victoriosos rigida Urbis universæ jejunia; pijs vacabant omnes operibus, demum solita, & in desperatis casibus frequenter usurpata supplicatione Mariam appellabant unā voce: *Sancta Dei Genitrix, qua toties nos liberaisti, libera nos modò de inimicis Filij Tui, & in mari merge ipsos!* Ad votum omnia succedebant. victorias quamvis ipsi DEO primariò, citatus Gregorius II. attribuat, agnoscit, & propitium Numen Virginis præsens ad Imaginem Odigitriam, cum inquit: *Bellum erat cum impijs, in quo licet non aperte, insignem tamen belli Socium habuisti Dominū nostrū IESVM Christum: deinde etiā sanctā, omnī Domine, castæ DEI Matris Imaginem, cuius faciē divites populi supplicant.*

13. **I**nternas quoque pestis Arrianæ molitiones hīc suppressit, lac penitus extinxit MARIA, Gajanas hæresis Arrianæ fautor, sanguinis Christiani cruentus helluo, cum templa Christianorū Arrianis aperienda, & Consulū capita non impetrat ab Arcadio, armorum apparatus clam Urbī subtraxit, palatiorū incēdia attentavit, trucidavit portarū vigiles, negatos Arrianis favores Civitatis excidio, & imperij ruina ulturus. Adfuit præsens in hac Imagine MARIE Numen, quod vim Arriani furoris retunderet; nam (Sozomenus lib: 8. cap: 4. ait:) *Videre sibi visi sunt multitudinem armatorum vastis corporibus formidabilium, qui sacrilegos conatus à cœptis machinationibus deterruerunt.*

14. **S**enior Andronicus, huic Imagini salutem, vitamq; debet. Rem è Gregora desumptam, sic refert Canisius l. 5. c. 21.

Cum junior Andronicus, ut erat mirè ambitiosus, nocte per insidias Constantinopolim occupasset, in magnos angores Avum suum, qui Senior Andronicus dicebatur, insperatā Urbis occupatione, iniecit; qui Avus cum adventantiū hostium tumultum, & clamorem præter omnem expectationem, nocte sensisset, de lecto prostratus perturbatissimus, præsertim quod nec duces, nec milites ad defensionem parati adessent, ac ipse humana ope destitutus se prorsus cerneret. Habebat autem in Palatio secum Deiparæ Imaginem, adquam in tanto discrimine sibi confugiendum putavit, ut optatam ac necessariam opem per Mariæ patrocinium Divinitus

PARTITIO SECUNDA

Vindictam impetraret. Itaque coram ipsa hac Imagine tum humi prostratus, magnaque fiducia usus, ardens cum lacrymis obtestari pergit, ne Virgo Mater periclitantem se deserat, neque sic ariorum ensibus miserum obijci sinat. Nec vana fuit obtestatio, sed subitam opem Virgo attulit, ut omni metu ac periculo Senior Andronicus liberaretur, suumque Nepotem contra spem omnem valde humanum exspectetur. Is licet novam victoriam elatus esset, attamen cum primum in Palatium ingrederetur, religione commotus, quoniam venerabilem Dei Genitricis Imaginem praesentem adesse cognovit, hanc imprimi veneraturus accessit. &c. Odigitriam itum ille auctor testatur, quamvis Gvilielmus Guppenberg in Atlante Mariano in Centuria 8. confundat hanc Odigitriam cum Andronici Imperatoris Imagine sub numero DCCLIV. Semper itaque in Imagine praesto Maria propugnabat Constantinopolim quingentis Annis, quantis deinceps misceretur tumultibus, post ejus in Russiam colonias, in hostium potestatem redacta, late legendum proponunt Orientis Historiae.

Gvilielmus
Guppenberg

CAPUT V.

*Iconomachia tempore Constantinopoli Sacra Imago
mirabiliter conservatur.*

14. **C**Lades Iconomachia a Iudaeis ad Saracenos transfugis habet exordium, ab hac Imagine occasionem. Tot Saracenorum Constantinopoli saepius imminuentium strages ad eam referebantur, quod in supplicationibus circumlata per mania, fulminum iussu hostes retundebat. In ipsa Vrbe exortum hoc incendium per Leonem Isauricum, cui ex magicis praenotionibus, aut veritus ex imposturis, imperij diuturnitatem appromittabant Iudaei, futurumque fore spondebant, si demolitis Imaginibus, cultum, & memoriam illarum aboleret. Hae ex Theophane. Quam indignis exinde modis tollebantur imagines, Ecclesiae Graecae Menologia loquuntur. Aliae securibus findebantur, aliae in favillam ignibus redactae, aliae coeno foedatae, aliae ferro in parietibus eradebantur. Ex utroque sexu Zelo armatos defensores habuit erga Sacras Imagines constans devotio. Plurimum quorum magna pars fuit in belli sceminarum turbata, sanguine suo incendium illud sopire ac extingvere conati, decoris in Ecclesia Graeca & Latina Martyrum Triumphis coronantur. In tam lata, & in Septuaginta annos protracta, sub tribus Leonibus, infernalium monstrosum catulis, sacrorum ac profanorum confusione Imago Odigitria inviolabilis perseveravit.

Iconomachia
origo

Theophanes

15. Ser

Imaginis
conservatæ
certus mo-
dus in clade
Iconoma-
cha ignora-
tur.

Baronius
anno 775.

ANALECTORVM MENSÆ REGINALIS

15. **S**ervatæ hic Imaginis, cui tribuenda laus, ignotum, nec enim Saliquam super hoc notitiam suppeditavit nobis traditio veterum. Suspicerer deberi Divo Germano Constantinopoleos Episcopo, quem permultæ Ecclesiæ Constantinopolitanæ Reliquiæ suum conservatorem recognoscunt. Et hæc opinio perplacuit nonnullis, quod in Palatijs Imperatorū Hospes Imago, incorruptam in illa sacrarum Imaginum clade, cultum habuerit occultum, à filiabus scelerati Leonis. Anthusas appello Copronimi filias, quarum Senior cum debitos honores Imaginibus præstaret, à Patre (ut loquitur Menologium Græcum) *dire percussa*, ab earundem cultu prohiberi non potuit; aut certè in Irenes Augustæ Curas referenda conservatio; aut demum, si humanæ industriæ nihil concedemus, Imaginis conservatio debebit ad providentiam Dei pertinere.

CAPVT VI.

Sacram Imaginem Constantinopoli Carolus Magnus in munus accipit, Leoni deinde Russiæ Principi donat, quam ille in Arce Betzensi in Russiâ collocat.

Carolus vi-
sor Sara-
cenorū Con-
stantinopo-
lim revisit.
cum Leone
Principe
Russiæ.

16. **Q**uo tempore per summam injuriam Irenes Augustæ throno Imperiali pulsæ, Constantinopoleos imperium Nicephorus usurpavit, Carolus Magnus post repressos Saracenorum, terram Sanctam occupare adnitentium, conatus, cum Leone Russiæ Principe, quem inter alios Principes ad belli societatem advocavit, victriciam Gallias arma referebat. Proceffit illi Nicephorus obviam exorans, ut per Græciam, Dalmatiâque profectus, Constantinopolim reviseret, quod arbitrantur, alij factum ideo, ut fraudibus circumventum è medio tolleretur, ne Irenes, quam ad connubialia fœdera non ità pridem Carolus Magnus experebat, injuriam, vindictibus armis ulcisceretur; alij, ut muneribus, & humanitate victoris benevolentiam captaret. Non abnuvit Carolus, humaniter exceptus Constantinopoli, multis à Nicephoro affectûs imperialis officij collitur, demum aperta totius Orientis gaza, ad eligendum quidquid placeret, invitatur.

Nicolaus
Lanckoron:

17. **N**ecessum est hîc Lanckoronium recitare, ut Caroli Magni religio fiat apertior. *Frustra (inquit ille) ratus est exhibere thesauros auri, & argenti tantum, sed desideratissima & omni veneratione digna*

PARTITIO SECVNDA.

17

gna antiquitatum, & Originis Christiana monumenta, Sacras videlicet Reliquias Christi, & Marię ejus Benedicta. obtulit Nicephorus &c. Benevolentiam & favorem Beati Caroli anhelans, Divinā pietate occultius disponente aperuit eidem thesauros sacrarum reliquiarum in Sacello Imperiali repositarum liberaliter offerens quidquid vellet, ex eis sibi vendicaret. Et primum obtinuit Venerabilem, ac decoram Imaginem Beata Mariae, de pictura Sancti Luca cum sufficienti descriptione Originis ejus, lintheamina de sepulchro Domini, Camisiam B. Virginis, in qua erat in illa felicitissima hora, quando Dominum peperit, duos cingulos in Monstrantij dyabus B. MARIAE, & Christi, quos B. Virgo propriis manibus fecerat, panniculum cinctura Domini in Cruce, Coronam spineam Domini non integram, Lanceam Domini, non modicam partem Sanctae Crucis, lintheamen sanguinolentum, quod subpratum fuit capiti Joanni Baptiste decollandi in carcere. Addit memoratus author has omnes reliquias se vidisse in Aquisgranensi Ecclesia (excepta imagine) in qua requiescit Beati Caroli Corpus integrum.

Ex Imperatorum Orientalium Thesauro hanc Imaginem Carolus accipit.

18. **R**evertebatur eo tempore cum Carolo Russia Princeps Leo, ob vitæ, morumque integritatem, tum ob virtutis bellicę gloriam illi dilectus, cujus consuetudine cum diutius oblectari Carolus desiderat, Russia Legati, nunciantes Provinciam prædatis Tartarorum armis populari, festinatam sui Principis præsentiam requirunt, quæ illorum pernicitatem, & audaciam coerceret. Victus ergo suę gentis necessitatibus, & amoribus, apparat expeditionem. Curæ fuit Carolo virtutem Principis Leonis, in humiliandis Saracenis victricem, ornare muneribus, quapropter nè minus gratus, ac liberalis videretur, quidquid inter supellectilem regiam placeret, eligendi facultatem proposuit. Oblata hac optime, indoluit Carolus se ad arbitrium Leonis liberalem fuisse, cum unius Imaginis Constantinopoli à Nicephoro sublatae, desiderio teneri Leonem intellexit; incipit recusare velle, sed validiores, ad expugnandum repugnantis animum, admovet modos, dum (ut habet ex Græcorum vetusta traditione Lanckoronski,) ad Regios pedes prociduus, promissum optiois iure donum exorat. Quid per ambages voluatur votorum exitus? quam Imaginem visam primò Constantinopoli amavit, in Galliis desideravit, & coluit, demum discessurus in Russiam impetravit.

Legati Leonem Russia Principem.

Leo Princeps Russia à Carolo M. hæc obtinet Imaginem.

19. **T**anti pignoris possessione ditior Leo, anticam Imaginis partem puro auro in laminam diducto, in sertis septuaginta tribus magni pretij lapidibus, posticam verò tabulæ faciem, thecā argentea clausit, sicque decoratam Imaginem in Quadriga, circum-

Leo inter triumphales pompas Imaginem in Russiam de-

ducit & in
Arce Belzē-
si collocat.
Gvagninus
in Sarmat:
Europ:

stipantibus undique armatorum copijs, ad speciem triumphi, ut in Exemplari Lanckoronij coloribus expressam Ecclesia Claromontana servat, in Arcem Belzensē, quā teste Gvagnino in Sarmatia Europæa, nequaquam Tartarica Sagitta attingit, deduxit, eo tempore, quo Roxolani fidei dogmatibus imbuti, tanta præside se dignos effecerunt, ubi sacerdotum ritus Græci custodiæ tradita, solius Russiæ devotione colebatur. Quibus beneficijs Diva Mater se propitiam Russiæ ostendit, per annos quingentos productum tempus, apud incultam literis gentem, veluti Letheus oblivionis vortex abligurivit, nullam præter solam imaginem hic relinquens gestorū memoriā.

CAPVT VII.

*Sacra Imago ex Russia in Poloniam translata Fratribus
Eremitis Ordinis Sancti Pauli Primi Eremita in
Custodiam traditur.*

Post 500.
Annos Sacra
Imago ex
Russia quo-
modo in Po-
loniam ve-
nerit.

20. SVB Casimiro Magno sæpius indulgentiā libertatis insolescēs Russia, subiectionem detestabatur rebellis suis Principibus, donec Vladislaus Oppolien sum Dux à Ludovico Vngariæ, & Poloniæ Rege sibi iure sanguinis conjunctissimo, Russiæ in Poloniæ ditiorē redactæ, hæres, ac Dominus, Poloniæ verò Gubernator constitueretur. Cum autoritate Regia susceptus à Polonis honorificè Vladislaus, & Russiam Poloniæ conteminam, rebellionibus contra se tumultuantem ingreditur, munitiones, quæ liberum prohibebant ingressum, expugnat, quas inter Belzensē dum invisit, hanc imaginem pristinis honoribus, & veneratione destitutam invenit. Et quia à Primo originis tempore, nihil ei tam proprium, quàm animos, & affectus Principum in amorem trahere, & Vladislaus ad primum ejus aspectum, suos illi devovit affectus. Pacatā non nihil in Russiæ visceribus rebellionē, aliquā pacis otio, sat perbrevis tor laborum fructu, sub hoc Orientalium victoriarum trophæo fruebatūr, priscos Virgini Deiparæ honores restituere cogitando, quos amplissimos fuisse Constantinopoli, tum fida majorum traditio, tum in vetustissimis scriptis ponē Sacram imaginem relictis, notitia comprobatur.

Tartari va-
santes Rus-

21. Interea Volhyniam, confinēque Russiam inundantes Tartari, totam igni, ferroque late usque ad Belzensē Arcem populā-

PARTITIO SECUNDA.

19

tes, à Vladislao munitionis deditionem extorquebant repetitis im-
pressionibus. Inopinatis assaultibus Princeps consternatus, à Di-
va Matre, ante hanc Imaginem procumbens, exorat auxilium,
dumque vota supplex prosequitur, sagitta pernix involat concla-
ve, guttur Virginis, & hodie cicatricem, quæ nullis coloribus ob-
duci potuit, referente Imagine, transverberavit. Sensit & Vladi-
slaus cordis vulnus ab Imaginis læsæ vulnere derivatum, iustâ-
que indignatione motus Divam appellat: *Ecquid Diva tuam injuriam*
non vindicas? hinc illico teterrima nubes agmina Scitharum circum-
clusit, ex quo horribilli tenebrarum syrmate seu egrediebantur,
seu nitebantur egredi formidanda mollis giganteæ monstra, quæ
armis trucique vultu horrentia Tartarorum terga premere, mina-
cissimo armorum splendore fulgurare, granibusque missilibus in sa-
crilegos fulminare visa fuerunt. Iam portentosa subsidij milita-
ris acie perterriti, perque campestria palantes, alij inter se vindi-
cibus armis mutuo lævire, alij fuga dubiâ saluti consulere, alij ri-
gefacti dum non patet effugium loco hære, donec Vladislaus pau-
cis præfidiarijs stipatus, ex Arce proruens, partem dissiparet, partem
in vincula conjiceret gloriosus læsi honoris Mariani ultor.

nam Obfid-
denc Vla-
dislaum.

Imago lædi-
tur sagitta.

Plaga pesti-
lens sacrile-
gos punit.

22. **A**Dgestæ itaque rei testimonium, victor Vladislaus, in Vnga-
riam Ludovico Regi, nonnullos à Tartaris, vinculis ad-
strictos, per Legatos mittit, qui suscepti laboris in defensione pre-
tium, inventam in Arce Belzenfi Imaginem expeterent, reduces à
Rege Legati, Vladislao, cui universam Russiæ provinciam dederat,
& Imaginis asportandæ facultatem declarant, in qua sibi novum
obtigisse regnum visus, submotam ex Arce Belzenfi, ac in Ducat-
um Oppoliensem destinatam secum deducit. Felix, ac facilis erat
cursus itineris usque ad Montem Clarum, à Castro Olsztyn dua-
bus leucis distitum. Cogitabat interim in itineris procurso Vla-
dislaus, quibus tantam Hospitem, sospitamque suam exciperet ho-
noribus in Oppoliensi Ducatu, sed anceps, suique dubius animus
debut erudiri miraculo, nutusque Mariæ & rarum sibi locum de-
ligentis expectari. In Montis ergo Clari vertice, veluti adnata
solo cum equis hæsit quadriga, quæ Sacram Imaginem supportabat,
necdum observantes arcana Divæ Matris placita, machinas cur-
rui movendo admoliantur, nihilominus constanter uni affixus lo-
co perseveravit. Sulpicatus, quod erat, Deum Divamque hunc
locum Imaginis habitationi delegisse, supplex supernæ voluntatis

Vladislaus
impetrat Im-
aginis
translationem.

Dum Imago
Oppoli-
um destina-
ta ducitur
miraculose
in Claro
Monte subsi-
stis.

interpretationem, & confirmationem Princeps exorat, ad sit in altæ somni quiete Legatus cœli, nuntiat Vladislao hunc suæ habitationi locum elegisse Reginam Cœli. Paruit monitori cœlesti pius Clientis animus, quæ mandabantur exequendo.

Vladislaus 23 **P**Principalis superabat cura Vladislao, dignum tanta maiestate, ad custodiam, cultumque, famulatum advocare. Florebant in Regno Vngariæ approbata non ita pridem, à Sede Apostolica sub titulo Sancti Pauli Tnebi Eremitarum Principis (quem Orthodoxa Ecclesia *Eremitarum Magistrum, & Authorem* nuncupat) Congregatio, & sanè gloriouis incrementis, de qua manuscripta Ordinis testantur, sæpius è Fratrum sepulchris non suo tempore lilia, rosasque germinasse, quæ frequentia miracula dum supremo Ordinis moderatori, aliisque Canobiorum præsidibus nuntiarentur, & post fata servandæ humilitatis obligatione adstringentes, obedientiæ professæ cultores mortuos, ad non propalanda Sanctitatis & meritorum indicia agebant illa Sanctitatis germina pedibus proculcando, ac proferendo. Fufius Ordinis hujus Elogia prosequitur in sua Archontologia Cosmica Ludovicus Gorofredus. Hæc per anticipationem, Non latebant adeo illustria novellæ Congregationis ornamenta Vladislao, quapropter huic pusillo gregi, ab Eremo Pannonia, vocato, Regnum hoc (sacræ Imaginis custodiam) & Deo, & Matri Dei & Vladislao Principi dare complacuit, qui eodem Anno supra Millesimum Trecentesimum Octuagesimo Secundo, hanc Thaumaturgam tabulam, per sæcula tredecim & amplius, sub Imperatorum, Regum, Principumque cura, servatam Nostrorum Patrum fidei, ac religioni commendans, Basilicam tantæ Patronæ & Canobium, prout angustia temporis ferebant à fundamentis erexit,



ANALECTORUM MENSÆ REGINALIS.

SEV

HISTORIÆ, DIVÆ VIRGINIS
CLAROMONTANÆ MARIÆ.

PARTITIO III.

*Montem Clarum, Ecclesiam, Sacram Imagi-
nem, cultum quo à Regibus, Principibus, diversisque
statibus, tam Ecclesiasticis, quàm secularibus,
honoratur, describit.*

Hic eminet.

IN SION MARIA.



Via ex hoc Monte vigili semper oculo MARIA,
communes Regni, particularésque populo-
rum necessitates, prospectat, meritò *Sionis*
nomine quod *speculationem* significat, appel-
lari potest. Hunc sibi collem in Speculam,
delegit, in qua gratiarum claritate præful-
gens, novamque fundans Pharum, omnes ad Asylum, por-
tūque salutis, ac solatiorum provocat, quotquot hoc
amaritudinis mare navigantes periclitantur. Ausi ma-
vis Arcam hic esse MARIAM, cujus erigendæ sedi non de-
fuit novus David Vladislaus. Expertus est illam esse ceu
publicum quoddam Divinæ propitiationis refugium; ejus
præsidio, & auxilio, per celebrem de Scythis victoriam,
reportando. Gratulemur Monti Claro, in quo habitare
Divæ placitum: *Exulta & lauda habitatio Sion, quia Magna* *Isaia 12.*
in medio tui Sancta MARIA!

CAPVT I.

Montis Clari, & Monasterij descriptio.

Verus Ec-
clesia Para-
chialis in
Claro Mōte.

In Luce
Mons Clar⁹
apparet.

D. Bonaf.
in Psal. B.
V. M.

In Turri Mu-
sica.

1. **H**abitabilem antehac Montem Clarum fuisse, docet supra memorati Vladislai Ducis Oppoliensis, Vielunenſis, Cuia-
viensis, Dobripenſis &c. Diploma, Anno 1481. 11. Mensis Iunij
confectum, cui cessio inferitur, quam A. R. D. Henricus, ad Eccle-
siam Beatæ Virginis **MARIÆ** in *Magna Czeszochowa* (hunc, olim in
hoc Monte verus Ecclesia titulum habuit) Præpositus, R. P. Geo-
gio Ordinis Nostri tunc temporis supra Budam ad S. Laurentium Pri-
ori, fecit. Templo, & Monasterio loci natura petram solidam sub-
stravit. Gura domesticorum proprijs impendijs, Regumq; munifi-
centia muro universam fabricam circumducens, ad fortalitiij formā,
securitatem providit, quam per circuitum amœnus convalium situs,
tum ipsa cœli serenioris temperies commendat. Claritatem loci au-
xit miraculum. Anno 1672. Mense Augusto, hæretica Mulier suis
contribulibus, dum ad Sacri loci visitationem è Silesiæ finibus appro-
perant, comes, procidentibus in genua, ad primum Clari Montis
conspectum, & Divam è longinquo salutantibus obmurmurans, &
nescio, quid, animo voluens, quod Marianum temeraret honorem,
luce fulgurum instar à Divæ Regiæ procedente percussa labitur in de-
liquium, hinc ad salutem vivifico radio sauciata ejurat hæresum do-
gmata, & inter filias lucis adoptatur. Omnis itaque lingua confite-
bitur tibi ô **MARIA**, cum Seraphico Doctore, quod, quædam Miracula
ceu quædam lingvæ loquuntur. *Prædicatio gloria tuæ dilucidat intellectu,*
& *lux Miserationum tuarum perducit ad salutem.*

2. **M**ajestatem ædificiorum exornat nubibus investita turris, du-
plici cancellorum serie è secto lapide incincta, hic è funda-
tione Magnatum Poloniæ personabat olim in diverso Musices appa-
ratu symphonia, provocans ad Devotionem advenarum, & domesti-
corum animos, at sublati nunc proventibus, cum tantus Musicorum
numerus foveri non potest, id munus obeunt quotidie rudi choraula
summo manè, & sub vesperum, domestici pediatūs Aulæ di, Psalmos,
Hymnósque in laudes honorémque Regiæ cœli compositos, conci-
nendo. Internum majoris Basilicæ, decorem auxit Sacellum Dô-
hoffianæ liberalitatis illustre monumentum, & huic vicinum gradi-
bus aliquot in profundum descendens nobilissimum Pantheon, cum
Altari-

Altaribus tum parietibus compactis è meris Divorum Liplanis, venerabile. Alij hic morbis incurabilibus absoluti, alij maleficijs, demonum vexationibus, potestateq; exempti, meritis Divorum, quorum hæc sacra specus conditæ exuvias, incolumitatem suam referre tenentur. Huic superincubat alterum Archiconfraternitatis Angelicæ Sacellum operis raritate, ac venustate excultum.

3. **P**ost limen Sanctuarij ære clausum, ac marmore mutuo se se respiciunt insignis pretij, & artificij sublellia, Majoris Aræ moles, summa tholi contingens, radiat in auro. Sacra imago, illo toto tempore hac thronum suum habuit, sub textis auro tentorijs, quo laboratum est in reducendo ad augustiorem formam Sacello, usque ad Solennem translationem. *Sancta Crux* titulum habet Ecclesia & *Nativitas* Beatissimæ Virginis MARÆ, ut patet ex Bullis Pontificum, sub his titulis memoratæ Ecclesiæ, indulgentias amplissimas concedentium; Dedicatio in Dominicam tertiam post Pascha incidit, quæ *Capitulæ Dominicæ* vulgo dicitur, quod hac die Capitula Provincialia hinc celebrari consueverint, quamvis legitimis de causis hanc invertere aliquando contigerit consuetudinem. Monasterium ad latus sinistrum Ecclesiæ, quæ Septemtrionalem respicit plagam, in quadrangularem formam, triplici contignatione subductum; ad Orientem & Occidentem, singularia Regum, Principumque Hospitum habet receptacula, ita tamen inter majorem Basilicam, & Canobium per commodum spatium interiectum est, ut sat amplum Divæ Matris Regiæ locum relinquat.

Titulus Ecclesiæ.

Dedicatio
nis Domini-
cæ. Capitula-
ris apella-
ta.

C A P V T II.

*Fundatorem Sacelli Mariani, ipsumque Sacellum
proponit.*

4. **S**atis augustum erexerat Fundator Vladislaus Divæ Hospiti-
MARÆ templum, in Bullis Summorum Pontificum Ecclesia
prima foundationis appellatum; verum quod adolescentibus tum tem-
pore, devotionis profectibus in regnorum vicinorum populo, ad Ma-
ternæ protectionis græmium confluyente, angustum videbatur, Illu-
strissimus, ac Reverendissimus D. Matthias Lubieński Archi Episcopus
Gnezniensis, Legatus Natus, Regni Primas, Primusque Princeps
sumptu liberali Partheniam Eadem in formam augustiorem reduxit
Externus, quæ orientem respicit, prostat imago Divinæ Matris fini-

Ecclesia pri-
mæ funda-
tionis.

Sacelli Ma-
riani Fun-
dator.

Sacelli de-
scriptio.

Aram substernentis in thronum Divino infanti, quæ victorioso calcaneoprimipem tenebrarum proterit. Hic solenne est omnibus, quotquot in villam ad montis clivum proiectam, hospitandi gratiâ descendunt, Versus Virginis Aulam procumbere, quorum alij in prolixiores preces effusi, gregatim vias occupant, adorantes è genibus Numen Mariæ, alij toto corpore per terram fusi, gemitibus, ac suspirijs Divam appellant. Quâ in conum ascendit fastigium, prominet aurato illigata metallo, ac diaphânô vitreo lampas perlucida, magnitudine sua, vel è longinquo aspectabilis. Assolet hic ad propullandas atræ noctis tenebras, iugis flamma foveri noctibus integris, quæ cum fulgorem per densam iaculatur caliginem, ingerit spectantibus notitiam, sub hac Pharo *Mariam Lucin Matrem* habitare. Ad occidentis oram vestibulum patet ad Virginis Regtam; è sæcto lapide frons prominet, ad cuius ingressum non adeo spatiola patet area, vulgo antiquitus idiomate vernaculo *Ráyski Dwor* appellata, sonat Latinis *Aream Paradisi*. Pulcrè quidem. Quâ enim ad Mariam, *Andræ* Ierosolymitano *Area vite* nuncupatam, pandi potest introitus, nisi per hanc *Aream Paradisi*?

Lampas in
Sacelli fa-
stigio.

Sacelli Ma-
riani forma
inferior.

5. **A**D Augusta Virginis ducunt postes marmorei statius è niveo formati alabastro substrati, quibus impendet Lubienscianæ Domûs gentile Decus; patens aditus, binas hinc, ac inde columnas præsentat, ad summum Sacelli fornicem subvectas, ternis ab utroque latere arcubus distinctas, sub quorum prima concameratione Altaria, & Magnatum aliquot Marmorea Epitaphia visuntur, medijs in arcubus utraq; parte, spatiosum in porticûs formam, odeum, Sacrarium incingit, ubi Reges, Principesque, per commodam suæ devotioni sedem, à tumultuantis inferius advenæ populi multitudine, sequestram habent; desuper impender, totam supernè basilicam ambiens lapidea corona, è qua victoriarum, ope Divæ Claromontanæ reportatarum insignia dependent, vexilla, Tartarorum, Moschorum, Kosacorum, Svecorum, Turcarum, aliorumque hostium castris erepta, ubi in arcum sinuata tertiâ contignationis series, liberaliter ab alto lucem effundens; hæc Aulæ Marianæ decora claudit, orbibus artificiosè ludentibus spectabilis testudo.

Sacelli San-
ctuarium
Clathris
clauditur.

6. **S**anctuarium, seu intimum Divinæ Matris Propitiatorium dividunt ingentes clathri, ad duodecim circiter cubitos ascendentes. gemina ferreorum cancellorum serie componuntur, ita ut ordo inferi-

inferior ab imo limine excrescens, binas ab utroque latere portas pandat, quarum utraque bipartitis foribus revolvitur, unaquæque balustriarum, in pede, ac in vertice æris fusilis coronâ circumdatur. Gratiùs ludit artis ingenium in tertia serie cancellorum, ubi ferrum in anfractus varios, flexûsque coactum desinit. E radice ferrea, septem ære solido fusa assurgunt candelabra; hic assolent in majoribus Salvatoris Nostri, Matrisque Dei festivitatis, ac sabbativis per annum diebus accendi luminaria; ante Aram permultæ tholo stellis aureis distincto lampades dependent, quarum quatuor sacro propinquiore Mariæ throno, jugem nocte, diæque in olivarum oleo fovent flammam. Spectabis ab utroque latere argentea anathemata, quorum alia sua mole firmam occupant stationem, alia in cælatis laminis diducta pendent, palamque docent Mariam hinc devocatam, omnibus, qui huc retulerunt in muneribus gratias, extitisse propitiâ. Ad tanta decora, quibus ornamentum, & majestatem accumulat Sacræ Imaginis præsentia stupefacti percelluntur advenarum animi, ut merito huic Augustali possit attribui, quod de Lauretanis ædibus, quarum supellectilis, hæc Mensa, pars fuit, ex Leandro Alberto Ordini Prædicat: desumptum recitat Turselinus Lib: 1. Hist: Lauret: cap: 28. *Nemo est tam ferus, ac ferreus, nemo tot, tantisque flagitijs, ac sceleribus coopertus, qui non in ipso sacra Domûs ingressu præsentis Numini Cælesti religionem persusus moliri suum sentiat pectus adeo, ut venerabundus Beata Maria imploret auxilium, & per eam a Christo suppliciter oret suorum veniam delictorum.*

Turselinus
lib: 1. Hist:
Lauret: Cap: 28

7. **O**Mnia suo Numine implevit MARIA. Sacrarum pulveres, qui teruntur pedibus advenarum, medicinalem imbibunt virtutem. Exemplum est in miraculo, miraculum in exemplo. Anno supra Millesimum Sexcentesium trigesimo quinto Nobilis *Susanna Olszka*, immedicabili morbo *Gozdziec*, duodecim hebdomadis afflicta, inter desperatas familiarium lacrymas animam agebat. Redux à Claromontana peregrinatione mendicus stipem ostiatim colligens supervenit, egitque medicum; ægram ad Claromontanam, primum visitationem adstringit, vino mistum pulverem propinat, eodem calidam abluendis pedibus paratam condit. Ut hoc poculo proluir interanea mulier desperata, mox sibi visa renasci, pedes rigentes mortis gelu ingerit lavacro, & extemporaneo miraculo vigorem pristinum recuperat. Attonitis ad insperatam sanitatem universis, illum testor (inquit mendicus) qui tanta per suæ Matris merita operatus

Sacelli Ma-
riani pulvis
medicinalis

ratus est, quoddam hic pulvis, tam efficacia virtutis, sublatus sit ex Clari Montis Lare Mariano, tanti æstimavi hujus pavimenti pulverem, ut eum pro singulari thesauro mecum asportârim, itaque vota solve, beneficium prædica, & locum venerare. Non morata votum Cliens Mariæ, cum Vicinæ nobilitatis testimonio præsens beneficium tabulis Marianis inferuit. En quàm largè benedixit terram suam Domina, & vestigio Sancto suo consecravit. *Amplectamur* (omnes appello cum Doctore Mellilacteo) *MARIÆ vestigia* Fratres mei, nec dimitemus donec benedixerit nobis, potens est enim. *Quàm familiari ei factus Dominus, quàm proxima! imò quàm intima fieri meruisti! quantam invenisti gratiam apud Deum! in te manet. & tu in eo; & vestu eum & vestitu ab eo, vestu eum substantiâ carni, & vestit ille te gloriâ suæ maiestatis, vestu solem nube, & Sole ipsa vestitu.*

*D. Bernar-
dus Sermi-
signum Ma-
gri.*

C A P V T III.

*Altare, Fundatorem ejus, & triumphalem Sacræ Imagi-
nis Translationem, prosequitur.*

Ebenū unde

8. **P**Eregre venit ab Indiæ finibus materies ad fabricam Altaris, Ebenum s. Ora septentrionalis hanc dare non potuit, quia
*Divisa Arboribus patria, sola India nigrum
Fert Ebenum.*

*Altare in
quo Sacra
Imago ex E-
beno, & Ar-
gento. Ejus
descriptio.*

Pretium illi ex raritate est. Altaris itaque moles operosissima Ebe-
no-Argentea, à marmoreo assurgens fundamento, summamque cō-
camerationem stellis auratis picturatam attingens; in utrumque sa-
crarij latus proportionata maiestate explicatur; utrinque meditulli-
um obfirmant, fulciuntque columnæ quatuor ebeno laboratissimo
in cylindrum crassiores efformatæ, quæ superiori systole, se se mutuo
respicientes, purissimo argento fusos ad justam hominis magnitudi-
nem Cherubinos, supra Imaginis thronum evectos. sustentant, ar-
genteis in varios flexus delineantibus capitellis coronatæ, argenteis
basibus insistent. Sub harum pede varia dependent in argento,
auroque anathemata gratiarum, quæ magnitudine, & multitudine
Aram ornando gravant, & ornant gravando. Vtræque parte Tutē-
lares Ordinis D. Paulus Thebaus, & D. Antonius Eremitæ, puro ar-
gento fusi prostant staturam hominis proceritate exæquant. Su-
periores Altaris regionem componunt variæ argento pariter cala-
ta forma, statuæque; summitatem coronat petasus affabre elabo-

ratus

PARTITIO TERTIA.

27

tatus, sub quo Divinæ Matris argentea statua collocata est. Ars, pretium, decori summa omnia. Dubites ebumum argento, an argentum ebena, candorem addat, nitoremque; ita admirabilis in utroque ludit varietas. Sicut Aula Marianæ parietes, plerumque in majoribus per annum festivitibus aulais auro, argentoque textis, ita & Sacri Altaris Mensa, aureo, ac argenteo vestitur apparatu, tota hinc in argento etiam quotidiana ad usum sacrorum, supellex. Gradus, ære solido fusi cancelli complectuntur, inconditam populi frequentioris multitudinem cohibentes.

9. **A**SCIA Senatoriæ, Censoriæque dignitatis apud Romanos insignis, cum subscriptione Fundatorem ostendit. Hic est Illustrissimus, & Excellentissimus D. D. Georgius Dux in Ossolin, Comes in Teczyn S. R. I. Princeps, Supremus Regni Poloniæ Cancellarius, Lublinensis, Lubaczoviensis, Lubomlensis, Rycensis, Adzielenensis, Bohuslaviensis, Brodnicensis Gubernator, ad Ferdinandum II. Roman: Imperat: ad Venetam Rempubli: ad Collegium Electorale, demum Romam ad Urbanum VIII. Pont: Max: Legatione solenni perfunctus, in gravioribus Regni momentis, non tantum popularium & Principum, sed & Imperatoris ac Pontificis amores consecutus, quem (ut Vassebergius in Floro Germanico testatur) *Anglia suscepit, Roma admirata est, Venetia laudaverunt, Germania venerabatur; ubique terrarum tot ornatissimis titulis, Marianis amoribus ornatiore, quos liberalitate prodigâ & prodigiosa propè, ex humilitate promeruit, dum se ejus mancipij vilissimi titulo scripsit, hanc enim in Ebena. Argentea mole suffixæ ASCIÆ subaravit Epigraphen:*

Altaris Fundator. Ossolinus.

Fundatoris tituli & Elogia.

Vassebergi

MAGNÆ MATRI VIRGINI

Vilissimum Mancipium

Georgius Ossoliński &c.

Dignum judicant artis impressoriæ peritiores, ut tantæ liberalitatis ectypus, apud posteros, & exteros permaneret, viveretque in coloribus, & amoribus, tam pretiosi operis, & Ossolinianæ Liberalitatis Idea. Thronum Gratiarum Matri Mariæ fabricavit hæc ASCIÆ; hinc in Imagine collocata præsto est omnibus ejus Misericordia, quapropter, ut persuadet Doctor Gentium. *Accedamus cum fiducia ad Thronum gratiæ, ut Misericordiam consequamur, & gratiam inveniamus in auxilio opportuno.*

Altaris Regiæ ægypti.

Ad Hebr: 41

10. **T**riumphalem Sacræ Imaginis Translationem, quæ sat longo

D 2

1523

Solennis in
Sacellum Sa-
cræ Imagi-
nis transla-
tio.

tempore in Ara Principe Majoris Basilicæ stetit, fusè profecutus est P. Dionysius Łobzyński in Libello cui titulus *Triumphus Mariæ*; hic eam strictim persequor. Anno supra Millesimum Sexcentefimum quadagesimo quarto festivitas imminabat sanctissimæ Virginis Annuntiatae, post solemnes Paschatis Octavas translata, in qua tum Illustrissimo Sacelli Mariani Fundatori, tum Regni Proceribus placuit triumphalis Translationis festivitatem decernere. Percupiebat Serenissimus Rex Vladislaus majoribus regni negotijs eo tempore distentus, solennitatem differri, secus tamen svadebant longè ante hac datae ad Regni Proceres, tum typo evulgatae per Dioceces, & Decanatus, ab Illustrissimo Loci Ordinario literæ, quibus ad eam solennitatem fideles evocabantur.

Translatio-
nis prologia

II. Imminente iam in crastino festivitatis Beatissimæ dietriumphis prolusit ænea, ac ferrea bellica Armamentarij Mariani supellex, & exquisitissima, ingenio artis Pyroteuticæ diutius apparata machinæ. Aderant veluti Paranympsi Divini VERBI Sponsam in thalamum augustum deducturi. Illustrissimus ac Reverendus D. Matthias Łubienski Archiepiscopus Gnesnen: Regni Primas, Primusque Princeps, Basilicæ Marianæ Fundator, & Illustrissimus ac Reverendissimus D. Petrus Gembicki Episcopus Cracoviensis, Dux Severiæ, inter Cleri Procerumque frequentiam, eaque Nobilitatis, tum promiscuæ multitudinis copia, quam nec utriusque templi, nec murorum, ambitus perampla capedine claudere potuit, ac sub aperto cælo, tota nocte, artefactis ignibus collucente, imminenti diei triumphum fecit præstolari. Ardere totus Mons videbatur, dum circumquaque per Montis supercilium ingentia dolia, pineis tædis impleta, depactis terrâ palis imposita, lento incendio, ad duotriave millia passuum lucem spargbant.

Actus Trans-
lationis.

12. SUB primam diei sequentis lucem, quam illustravit serenius Virginis Annuntiatae festivitas, tam Musico, quam Bellico apparatu salutata est Diva Armipotens MARA. A summo manè, ad præfixum Translationi tempus, omnium devotio fervebat. Deportanda Sacræ Imagini solito viridior gratiorque formâ omnibus arridenti, per Primores Ordinis ex Aræ majoris statione submotæ, succollatores humeros Illustrissimus Archiepiscopus, Basilica Fundator, & Illustrissimus D. Episcopus Cracoviensis Dux Severiæ, submiserunt, hinc appositè eximius Ecclesiastes ad Concionem applicuit illustri-
simis

finis Portitoribus illud 3. Reg: cap: 8 *Intulerunt Sacerdotes Arcam fœderis Domini in Locum suum in Oraculum templi, & in Sanctum Sanctorum, Subter Alas Cherubim.* Rite adornatis omnibus ordinatisque sacra Imago per majorem Basilicam, atriâque Monasterij, Pontificalibus humeris eminens, inter Sacerdotum Choros, & Confraternitatum cuneos procedebat ad Regiam; quatuor è Senatoribus Phrigio opere textam super imaginem petalum ferebant. Tot inter millia populorum, quis videre viderique à Maria non ambiret? cum primis hoc meruerunt Proceres Regni, qui in latam circum Virginis Imaginem, coronam conglobati, Illustrissimorum Portitorum latera propinquius stipabant, personantibus interea choris laudes Divinæ Matris, & bellicis machinis reboantibus. Sic invaporans pretiosis odoramentis, ac pretiosa suppellectili excultum Sacrarium importata est Sacra Imago. Postquam verò.

... Aulæ iam se Regina superbis

Aurea composuit ponda, mediamque locavit,
communibus, publicis, privatisque supplicationibus Numen Virginis propitium, honoratum est.

NON solis pectoribus, admirabilis lætitiæ sensu refovendis tunc liberalis fuit MARIA. Et inanimis gratiæ donum impertit. Dedi supra medicinalem sacri thalami pulverem, nunc oleum. Anno 1627. *Philippus Rachabicki* Academia Cracovien: Alumnus ulceribus exesum, deformatumque vultum tulit in Sacrae Imaginis conspectum. Accessit propinquior ad Aram, lampadem ardentem ad cancellos nondum appensam reperit fiduciâ recuperandæ sanitatis fretus, in oleo linteum madefecit, putentis oris, exesique vultus vulnera terfit, & mox dolorem evanescere, subnatci carnem, & inde corem pristinum faciem reformari advertit. Testatum, & fastis inscriptum Anno quo supra Ita omnia virtutem mirabilium effatricem hic imbibunt, ubi Majestas Dominæ, implevit templum Dominæ. tam in suo collocatam thalamo, (cum Seraphico Doctore omnes cohortor) *Honorate Reginam plenam omni gratiâ, & contemmini cum reverentia Sanctissimum vultum ejus; Nam salus sempiterna in manu tua Domina, qui te digne honorificaverint suscipient illam, Clementia tua non deficiet à seculi æterni, & misericordiâ tua à generatione in generationem*
ô MARIA!

Lampadis
oleum medicinale.
Gratia.

*D. Bonæ in
Psalmi B. V. M*

CAPVT IV.

Sacrae Imaginis Descriptio.

14. **V**eri æstimator animus, quid sentiendum iudicaret de formæ
Sacrae Imaginis, quærenti respondere potest illud:

Crede mihi plus est, quam quod videatur Imago.

quia, quemadmodum plenè comprehendere non potest ejus maiestatis
venustas, sibi que semper constans decòr, ita nec verbis exprimi. Qua-
propter Divæ Virginis formæ in coloribus viventi potest attribui.
Petri Damiani de Sanctissima Virgine effatum, quod sit *Virgo ineffabi-*
lis. Ineffabilem testantur ludentes affectus metamorphosi continuâ,
quam versibus prosequitur. *Petrus de Rozprza* ante ducentos circiter
annos in Academia Cracovien: Literarum & virtutum Doctor, &
luculentus gratiarum Mariæ in hoc loco scriptor:

Nescio quid virum multis spirare videris

Qui rentur statuam Numen habere tuam.

Hoc etiam mirum, quod in hac, ut piva, tabella,

Evarias vultum sæpius ipsa tuum.

Quidam te latam, quidam (mirabile) mæstam,

Hic indignantem conspicit, ille piam

Quo fit, ut scriptorum pictorùmque accurati conatus eludantur, dum
ejus decorem aut scribendo, aut pingendo, ad amissum proponere
præsumunt.

Sacrae Im-
aginis & For-
mæ B.V.M.
Descriptio.
D. Epiphani:

15. **A**dmodum rarum in hoc studio privilegium consecutus est E-
piphanius, ut meritò aut Divam Virginem ex Imagine no-
stra, aut Imaginem è viva Virginis forma expressisse credatur. Stry-
lum ejus in proprio cursu accipe. Erat (inquit ille) Maria in omnibus
rebus honesta, & gravè pauca admodum, eaque necessaria loquens, ad audiendū
facili, & perquam affabili, honorem suum, & venerationem omnibus exhi-
bens, statura mediocri, quamvis sint qui eam dicant aliquantum mediocrem
longitudinem excessisse. Decenti dicendi libertate adversus omnes homines usa
est, sine risu, & sine perturbatione, & sine iracundia maxime. Colore fuit tri-
ticeum referente, capillo flavo, oculi acris subflavi, & tanquam olive colore
pupillas in eis habens; supercilia ei erant inflexa, & decenter nigra, nasus lon-
gior, labia florida, & verborum suavitate plena, facies non rotunda, & acuta,
sed aliquanto longior; manus simul, & digiti longiores, erat denique fastus
minime expers, simplex, minimeque vultum fingens, nihil molitici secum trahens.

sed

sed humilitatem præcellentem colens, vestimentū, quæ ipsa gestavit, colorū nativi contenta fuit, id quod etiamnum sanctum caput ejus velamen ostendit, & ut pauci dicam, in rebus ejus omnibus multa Divinitus inerat gratia. Hæc Epiphanius. Confer utrumque cum oculo judice, Epiphaniij scripturam, & Divi Lucæ picturam, & fatebere quod

Sic oculos, sic illa manus, sic ora ferebat.

16 **T**Am Divini Filij cui sinistra manus Divæ Matris thronum dedit, quam ipsius Matris & Virginis Imago tota in affectibus est erga spectatorem. Regali diademate coronavit Vladislaus Rex (quæ occasione habetur infra sub capitis 8. numero 37.) Regnam Poloniæ. Diadema ob unionum lapidumque multitudinem admirabile, ad cujus limbum adamantibus hæc distincta leges Tibi MARIA. Coronavit & Regum Regem coronæ titulum superaddens: Tibi IESV. Cicatrices binæ (de quibus mox infra) tum cicatrix inscripta collo, non turpant at insigniter decorant Imaginem. Tota hæc pulchra, tota formosa cum Filio Maria, qualem calamo pinxit Albertus Magnus, quia *Habuit summum, & perfectissimum, quod potuit esse in mortali corpore. secundum statum viæ, operante naturâ. Sicut enim Dominus noster IESVS Christus fuit speciosus formâ præ filiis hominum, ita Beatissima Virgo, pulcherrima, speciosissima inter filias hominum.*

Ornamenta
& Corona-
menta Imaginis.

17. **P**erplacuit hæc pulchritudo Illustrioribus in Ecclesiastica Republ. personis, ejus honorem hæc occasione propagatum voluerunt. Pictores, quibus quidlibet audendi semper fuit æqua potestas, eo dementiæ processerunt, in orbe nostro, ut simulacra Divæ Virginis, ad illarum scēminarum imitationem depingerent, quarum favores aucupabant. Indignum erat tot Ectypos Divinæ Matris censere, quot cujque in mulieribus formæ placebant, quapropter abulū conatus abolere senatus Ecclesiasticus, in quadam synodo statuit sub gravibus pœnis, nè deinceps in Polonia sub alio schemate Deiparæ Imagines pingerentur, quam quod Ectypum Divæ Claromontanæ daret. Quam placitum Deo, Deique Matri Sacræ Synodi decretum hoc fuerit, liquidò vel inde cognoscitur, quod in Civitatibus, Oppidis, Pagis, Aulis, privatis Oratorijs, ac Domibus, plurimis commendatissima miraculis fecerit exemplaria. hinc desumpta (quorum syllabum dabit Partitionis 4. cap. 1.) alia verustiora sine stigmatibus, ante Husticam validitatem efformata, alia recentiora, quæ vulneribus signata. Quam verè Pulchritudinem Divæ commen-

Ad huc l.
magis Ex-
emplar
plures Imagines pin-
guntur.

dat

Bernardus de dat Bernardinus de Bussi Epistola ad Sixtum IV. Pontificem Ma
Bussi xim m.

*Nulla fuit tanto, mulier redimita decore.
Qua speciem superet Virgo Maria Tuam.
Candidior veris rutilas Regina decore,
Et radijs cedit clara Diana Tuis
Luna suum perdit Tecum sociata nitorem
Atque comes, nullum, Sol, Tibi lumen habet.*

C A P V T V.

De stigmatibus in vultu Sacrae Imaginis, de evocato prodigiosè Fonte ex arida, & Sacrae Imaginis reparatione.

Hussitæ Mō.
sem Clarum
invadunt,
diripiunt.

18. Anno salutis 1430. à collatione in hoc Monte Sacrae Imaginis Anno 153. ardentes Hussitæ hæresis contagione Bohemi, funestam per urbes & castella ad rei Christianæ cladem, ignis ferrique procellam ciebant. Satis per Silesiæ ditiones debacchati, feriâ quartâ Hebdomadæ Sanctæ (non nulli cum Dlugosso putant ipsum Sacratissimum Paschatis diem fuisse) trans Poloniæ limites effusi, apertum adhuc periculis, nec ullo præsidio munitum, sanctum Virginis collem, ex visitationibus peregrinorum, auri, argenti que congestam vim suspicati, inundarunt. Sed cùm locus fefellisset avaram spem, & fœdam colluviam prædonum, in eadem Religiosorum arma verterunt, & ne quid rabies hæretica omitteret, quod in Divorum contemptum non auderet, sacrilego æstro perciti.

*Fatale aggressi sacro avellere templo
Palladium, cassis summa custodibus, arcis,
Eripuere Sacram Effigiem, manibusque cruentis
Virgineas ausi Diva contingere vittas.*

Hussitæ Sa.
cram Ima-
ginem abri-
piunt, vio-
lant, vulne-
rant,

19. Sic abreptam loco suo Tabulam, cymmelijs exutam indignissimis tractavere contemptibus. Sputis turpam, sevo illi- tam (ut vetusta nobis narrat traditio) lambendam canibus obiciebāt. Neque hoc scelus sacrilegum, Numinis vindictam laceffivit. Postquam sævitum satis, Imago in currum projecta phalangem sequebatur. Ad tria stadia cursum promotum stitit occulta vis, adeo pertinax, ut nec

ut nec admotis machinis quadriga cum Imagine moveri potuerit. Suspiciatus audacior quidam, prodigiosam propter Imaginem in cursu moram, Sacram Imaginem adeo violenter illisit solo, ut solutis compagibus, in tres tabulas, media integrum Virginis vultum referente, dissiliret. successit alius in sacrilegij crudelioris vicem, adacto in dexteram Virginis malam ferro binum vulnus infixit, tertium intactum intentans, in cœcum lapidem riguit. Præsens Numinis vindicta nihilo mitiorem fecit animum comprædonis; ulturus socij pœnam, armatam ferro, dextram erigit, per cicatrices transversa reperiturus vulnera, at in pari scelere consortem, par vindicta corripuit, cæteri funesto spectaculo perculsi, decretas in ferijs victimas, relicta Imagine currai imposuerunt, versùs villam Dzbrow fugam præcipitantes.

Sacrilegij
pœna.

20 **I**lli duo cladis Ieonomachæ Principes, ubi turpes animas fuderunt, in terram abiecti, adeo fœdâ tæbe solvebantur, ut teterri-
mo fœtore, latè per terram & aëra diffuso, canum, ferarumque dentes, rapacium volucrum ungues, & rostra procùl abigerent. Adfuit & alijs Adrastia Nemesis, quæ pestifero involutos turbine, inter villas Dzbrow, & Kawodrza, prostravit, dignum harpijs infernalibus pabulum. Ex illo numerofo cætu, incolumes aliquot evaserunt, illi puto, qui comitatus tantum, aut visitandi loci sacri causâ venerant, & quæ vindex Iustitiæ Dei manus in sceleratos egerit, ex ordine referebant. Inter eos, qui cladis nuntij fuerant, quendam è Nobilissima Bohemorum familia oriundum refert Petrus de Rozprza temporibus illis vicinior.

Fœrent Sæ-
crilegi.

21 **R**everfi, quos metus in fugam egit, Religiosi, cælorum Fratrum manibus parentant. Imaginem in eo loco inveniunt, in quo nunc Domus Probationis sub titulo Divæ Barbaræ sita est, è qua sordibus detergendis, dum vicinia non daret laticem, prodigiosè de terra fons lucidissimus erupit, qui ab Imaginis ablutione virtutem medicinalem intrahens, ad hæc tempora perseverat. Salutem hic bibunt, quotquot accedunt cum Fiducia. In remotiora loca alportatur in vasis, permagno fidelium emolumento, & solatio, quod in ejus medicinali virtute experiuntur.

Religiosi Sa-
cræ Im-
aginem inve-
niunt.

Ad ablutio-
nem Imagi-
nis fons pro-
digiosè e-
rumpit.

22 **A**cceptas hic gratias Lyrico metro illigatas, decorè perstrinxit R. P. Michæl Krasulski Soc: IESV in sua Regina Polonia parte

Fons Medi-
cinalis

3. Ode 22.

34
Michaël
Kraſuski

ANALECTORVM MENSÆ REGINALIS

s. Ode 22. simul ad mentis puritatem cohortando. Placet ejus numeros Pœmaticos recitare, in quibus gratiæ sine numero, & affectus liberalior exprimitur.

*Factet petrosa fabula Lydia
Pactolum, avaris stultitiam Myda
Lavisse ripis, & superbo
In pretium rubuisse limo.
Te perspicaci lucidior vitro
Fons, Magna vero saurodatum beat.
Regina censu. Tu Tagais
Dona geris potiora baccis.
Nam tunc verendam cum Tibi licuit
Lavare miræ Matris Imaginem
A Matre descendens resedit
Mira Tuis medicina venis.
Ergo sagaci ceu properant apes
In prata cura, cum remeans novo
Ver rixit ortu, & latiores
Post hyemem rediere Menses.
Et nunc Hyblæis oscula Lilyjs
Figunt, pudica nunc trabeas rose
Morsu fatigant, vel tæpentis
Primitias violas, Aprilis.
Sic circinnatur Virginis advena
A plebe Rivus, pars latici caput
Immergit ardores dolorum
In laticis postura fundo.
Pars pestilenti lumina proluit
Extincta morbo, nec vacua fide
Si gaudet in castra salubres
Fontis aqua reperisse thermas.
Pars agra toto corpore, vividam
In tota Fontem viscera suscipit,
Langvoris ut se se per omnes
Insinuet medicina nervos.*

Afflicta

PARTITIO TERTIA.

31

*Afflicta large Virgineas bibe
O turba Lymphas! amoveat tamen
Hinc mirrha febres, & recedat
Mens olido malè pota Anygro.
Abi, impudica potio Salmacis
Quemcunque torquet; qui fluido pates
Narcissus in censore parvo,
Quem retinet vaga Biblis amne.
Fons innocentis munere Virginis,
Humana ditans commoda, fatidos
Exhorret halitus, pudici
Innocuos amat oris haustus.*

Perennes hic aquæ, quemadmodum & gratiæ, nunquam deficiunt, ut meritò exprimat hic Fons illam, quæ jugi beneficiorum latice fluens est Putus aquarum viventium, digna, ut quotquot Pœsis Fontium, Fluminumque centet Numina, tot homagijs adoretur.

23 **R**eparandæ Imaginis curas Vladislaus Poloniae Rex è bello Prussico redux suscepit, & Magistratûs Cracoviensis fidei credidit. Tentatos vulnerum obducendorum modos confudit vultus colores respuens. Ità placitum est Matri Filium imitari, quemadmodum illum, ita nec Matrem pudet vulnerum, quæ ex duplici victrix acie, tum Arcis Beszensis in gutture, tum sub Claro Monte, hæreticorum triumphatrix reportavit Itaque integritati suæ (si cicatrices excipias) restituta Imago, & ex Regis thesauro adornata, ad Clarum montem, novi triumphi Capitolium, in Senatorum, Magistratûs Cracoviensis, & populorum undequaque confluentium frequentia, deducebatur. Facit ad hunc locum autoritas. A. R. D. Simonis Starowski Canon: Cracovien: quem in sua Diva Claro Montana prosequentem Translationem, hanc in suo cursu recito.

Curis Vladislai Regis Imago restauratur.

Colores non suscipiunt vulnera.

24 **V**T primum reparata fuit (coloribus de nocte toties pereuntibus, quos de die periti pictores apponebant, ut cicatrices relictæ essent testes tantæ impietatis apud posteros) Proceres quosdam Regni, & Aulicum suum comitatum Rex, ad deducendum honorificentissimè, Czestochoviam usque misit, itaque loco pristino reponi mandavit, ut Ordinatione Episcopi Diœcesis illius, ritu antiquo cultus, religioque sacro pignori decerneretur.

Restaurata Imago Cracoviæ Czestochoviam deducitur solenniter.

” Vbi itaque ad radicem montis ventum est, nullâ præeunte voce
 ” humana, occultiore duntaxat vi quadam equi retenti gradum stite-
 ” runt, lacrumq; pondus Sacerdotes humeris suis in verticem montis
 ” ad templum detulerunt, cœlesti olim designatione erectum, cum
 ” nymnis & psalmodijs diversis. Exinde locus populi frequentia, nec
 ” non vicinorum Principum religione, & munificentia sacratior ha-
 ” beri cœpit, factumque deinceps consecutione temporum, ut extre-
 ” mis conflictati periculis Poloni, toties præsentissimum ab ea reli-
 ” gione remedium persentirent. Gaudent enim ibi, Reges, Pontifices,
 ” & Dynastæ Sarmatiæ simplicitate lacrymarum, Sacrisque promissis,
 ” fortunam Regni emere & cum exoraverint, auditas preces, scul-
 ” pta devotione in laminis confiteri; quinimo remotiores etiam Des-
 ” potæ, vicinorumque Regnorum Principes, felices regnorum suo-
 ” rum eventus, quos propter Deiparæ protectionem sunt emeriti,
 ” missis ed donarijs, palam visitantibus sacram Imaginem spectandos
 ” exponunt. &c.

C A P V T VI.

Memorabilia hic, & Mirabilia nonnulla.

Imaginis
 præsentia
 Sacrum hor-
 um inen-
 tit.
 Stanislaus
 Kobierzycki
 Multi ad e-
 jus præsen-
 tiam subfi-
 dere ne-
 queunt.

25 **M**emorabile, ac Mirabile hoc est, quod abhorreat hoc Specta-
 lum sine macula MARIA contractos naves peccatorum
 intueri. Amorem plerumque in Sereno vultus explicat, quem ut re-
 verentia temperet, Sacrum quendam horrorem incutit, quod adver-
 tit M. D. Stanislaus Kobierzycki in Obsidione Claromontana fol. 44.
 Non sine pavore quodam venerabili sacra Imago conspicitur. Fuerunt qui
 ab hac Serenitate jaculatum fulgur experti, non sustinuerunt in tantæ
 maiestatis conspectu subsistere, usque dum ad sacrum Pœnitentiæ tri-
 bunal expiati, clementem oculum illius meruerunt. Iam pridem, hoc
 proclamatum est, iustum, ac peccatorem, in hoc admirabili simula-
 cro suam explorare posse conscientiam, & veluti depictam in Imagi-
 nis prototypo, aut sereno, aut severo, legere. Illustrium Personarum
 testimonio constat; & firmatur authographis, inter quæ luculentum
 est, quod Anno 1623. fastis Marianis illatum à quodam primæ digni-
 tatis viro, qui admirandæ humilitatis exemplo syngrapha professus
 est, se ob quorundam delictorum conscientiam, vultus MARIE in-
 dignantis fulgure, seu fulgore percussum, ad salutem.

26 **A**D hujus quoque Serenitatis obrutum, stimulos admirabiles
 com-

Compunctionis experiuntur, & longis malæ vitæ consuetudinibus intricati, ad studium vitæ sanctioris initiati discedunt. Hic mutua ardentes Erynni, cœunt in amicæ pacis fœdera; hic per diversas adversæ fortunæ, Malas iactati, salutem desperantes, portum solationum, optimæque spei promontorium inveniunt. Quod verò maxime mirandum, alienæ religionis affectu, ad solam famam gratiarum, curioso oculo visuri Mariam, approperant, quos occulta sui Numinis vi, ad amplectenda fidei Catholicæ dogmata provocat, ut, quod obstinato nunquam infederat animo, abjuratis peregrinis ritibus, in gremium Sanctæ Matris Ecclesiæ festinent; Huc Ariani, Sarraceni, Luterani, Iudæique confugiunt, ut aut reconcilientur Ecclesiæ, aut salutari latice lustrati, in fidelem tantæ Matris populum adoptentur, Reges nonnunquā, Principesque hoc loco pro Patrinis habere meriti.

Animorum
mutationes.

Hæretici
convertuntur.

27 **H**as autem mutationes animorum, ut non infrequentes vide-
as, palam ostendit in sua Diva Olaro Montana Noster P.
Andreas Goldonowski, qui per Annos complures Apostolici Pœni-
tenciarii munere defunctus; unus, ad tria hominum millia, è Diver-
sis hæresibus, adunavit Ecclesiæ; cum iisdem facultatibus, plures alij
in hoc loco Pœnitentiarii præsident, qui obsequio fideli conve-
lantes hæreticos excipiunt, sacræque communioni fidelium aggres-
sant. Ferme quotidiana refero. Quamobrem merito cum D. Igna-
tio appellatur *MARIA Nostra Religio, & Pœnitentia Magistra* & cum
Sophronio *Contritio pravitatum hæreticæ*.

Frequentes
hæreticorum
conversiones.

P. Andreas
Goldono-
vski.

D. Ignatius
Martyr.

28 **F**Verunt nonnulli, à quibus videri noluit Imago, dum caligo,
quæ conscientia nitorem fœdaverat, in oculorum exterio-
rem aciem redundavit. Ex Senatoriæ dignitatis viris testimonium
est, & exemplum. Ad honorem illorum facit non citare, quod igno-
ti cupiant à publica notitia, privatam facti relationem. Et publicum
vidimus exemplum Anno 1863. Mulier votum solutura cum suis
contribulis venerat, ingressa Eadem Partheniam, errantibus in o-
mnem partem oculis, vidit omnia præter solam Imaginem, quamvis
vicinioris digito præsentem, & aspectabilem monstrarent. Vespere
in conductum regressa, ac manè mysterijs pœnitentialibus expiata,
repetit sacrarium, sed ut heri videns omnia, Imaginem videre non
meretur. Recedentibus cum solita benedictione viæ comitibus, in
tertium diem videndæ Imaginis spem nutriebat, sed neque tunc visa
fuit, quamvis iterum atque iterum, in Pœnitentiaria conscientia ra-

Invisibilis
nonnullis
Imago.

tionones exponeret. Iamque desperabunda mulier in publica lamenta,
& lacrymas effusa egrediebatur ex Aula Virginis, cui fortunâ occur-
rit R. P. Augustinus Kordecki, tunc Prior Clari Montis, luctuum
quærit, & excipit causas, ac prudenter existimans adhuc in consci-
entiæ secreto latere, quod videndi facultatem velaret, ad Pœnitentia-
rium vocat, examinat, demum ritè absolutam; ad Virginis relegat
Sacrarium, Imaginem videndam appromittens. Sponsio non fefel-
lit. Vidit, MARIAM, seque visam Misericordissimæ Matris oculis
lætata discessit. Quid aliud calente amoris flammâ pectore dicere
voluit, aut valuit, quàm Doctoris Seraphici verba: *Formidinem me-
am erexit in confidentiam bonam, & suo aspectu mellifluo mentem meam se-
renavit* M A R I A.

*D. Bonaventura
in Psal:
B. V. M.*

*Consecratio
non nullorū
laudabilis.*

*Plinius se-
cundus.*

29 Q Vapropter cū permultis Salutarem horrorem incutiat in
Sacra Imagine præsens Numen, in laudabilem nonnullis
consuetudinem abiit, non prius limen Sacri Propitiatorij, quod cla-
thri dividunt, transgredi, quàm à Sacramento Pœnitentiæ, consci-
entiæ puritatem, & innocentiam consequantur. Divinitus certè in-
spirato consilio, si enim asserente Plinio secundo in Panegyrico Tra-
ciani. *Animadvertimus Deos ipsos, non tam accuratè adorantium precibus,
quàm innocentia, & sanctitate letari, gratiorēque existimari, qui delubri eor-
um, puram castāque mentem, quàm qui meditatum carmen intulerit; pio-
fecto magis Deo, Divinæque Matri suam devotionem acceptam pro-
bant, qui innocentes ad exhibendum tantæ maiestati homagium
accedunt.*

C A P V T VII.

*Summorum Pontificum, Eminentissimorum S. R. E. Car-
dinalium, Legatorum à Latere, Archiepiscoporum,
Episcoporum. Abbatum, aliarumque dignitatis
Ecclesiasticæ Personarum erga locum sā-
crum pia animi affectio.*

*Menolog:
Græcum.*

*Summi Pon-
tifices loco
Sacro addi-
tū.*

30 D Vm venerandam summorum Pontificum revoco memo-
riam, Lampadem Inconsumptibilū Luminū, Mariam (sic in Me-
nologijs Ecclesiæ Græcæ appellatam) præfero, Bizantinorum Impera-
torum, Pontificumque more, quibus solis, dum in publicum prod-
rēt, in ea urbe, jus præferendi luminis competeat, ut eò illustrior
hoc

hoc loco fama illorum appareat, quo affectus Mariæ vicinior. Statim ac prima Mensa hæc sparsit opsonia gratiarum, miraculorumque lumina, post admirandam in hoc Monte suæ sedis foundationem, in Pastoralis cura vigilantibus summorum Pontificum oculis insulsi Claro Montana Serenitas, suos amores sacris pectoribus insinuando. Ideo quotquot summi in terris Christi Vicarii, in supremo dignitatis Apostolicæ culmine Ecclesiæ gubernacula moderabantur, tum ad ampliora Divini, Marianique honoris incrementa, tum ad uberiora fidelium undique confluentium spiritualia solatia, censuerant amplissimis gratijs oxornandam Mariæ Basilicam.

31 **L**ongum esset per aliquot secula tum Pontificum, tum attributarum loco Sacro gratiarum seriem pertexere. Recentiora & illustriora memoro. Sanctissimus D. N. Urbanus VIII. promouente negotium Serenissimo Principe Vladislao, ampliores quam alij prædecessores gratias impertivit, inter quas peculiaris est, pro festiuitatibus *Natiuitatis B. V. M. Annuntiationis, & Purificationis Sanctissimæ Virginis*, vniuersis Christi fidelibus ritè confessis, sacraque communionè refectis, plenariæ omnium peccatorum Indulgentiæ, concessio, per Bullam specialem quæ incipit: *Splendor Paternæ gloriæ &c.* illo verborum tenore: *Plenariam omnium peccatorum suorum indulgentiam, & remissionem misericorditer in Domino concedimus, presentibus, perpetuis, futuris temporibus, valiturus &c.* Non memoro locupletes alias gratias pro tempore tantum definito, elargitas. Inter Spiritualem Domus Mariæ gazam & istud singulare computandum, quod ab eodem Sanctissimo Domino Nostro **VRBANO VIII.** Pœnitentiaria ad instar Lauretanæ Domus cum amplissimis ejusdem Domus facultatibus sit constituta per Bullam quæ incipit: *Ex incumbente nobis &c.* quæ decernitur ibidem Virtute spectabiles, prudentiâ ac scientiâ polientes quatuor Sacerdotes à Priore Conuentus Claromontani debere deputari, ad hoc munus Apostolicum dignè, & laudabiliter obendum.

Indulgentia

Anno 1630.
14. Septemb.Pœnitentiaria
ad instar
Lauretanæ.

32 **S**uspiciamus, ac veneramur S. D. N. **CLEMENTIS VIII.** Advocatam in recordationem, quam in hoc loco illustribus exemplis, quando cum Facultatibus Legati à Lateri in Polonia morabatur, probavit, erga Sacram Imaginem, locumque, devotionem, & affectum, tum sub Cardinalium purpura, tum sub Pontificio Diademate integerrimum, & in acceptis ab eo

Legati à Lateri.
recre.

Spiri-

Clemens X.
ad hanc I-
maginē ce-
lebrat Primi-
tiar.

eo Spiritualibus thesauris, expertum: Habet quod adhuc in suā glo-
riā cumulum ex Arcis Vaticanæ throno vendicer Mons Clarus,
Clementissimos amores Sanctissimi Domini Nostri Papæ CLEMEN-
tis X. cum Legato à Latere olim in Polonia, & sæpius in Claromon-
tana Divæ Virginis, Basilica Hospes, hoc loco affectu impensiore
Divam Theotocon coluit. Et quamvis per Poloniæ Regnum, quā
decore loci, quā miraculis celebratissimæ Basilicæ numeraretur, una
Divæ Claromontanæ placuit Imago, ad quam primum incruentum
sacrificium Deo novus Sacerdos obtulit. Non fastidiunt cœlestes de-
licias in Mensa Mariana, summa orbis Christiani Numina, quas hic
proponit Hospitalis MARIA.

S. R. E. Car-
dinalis.

33 **Q**uotquot è lectissimo Poloniæ clero ad Cardinales purpuras
admoti, tum visitationibus, tum Spiritualium gratiarum
largitionibus Sacrum cum Imagine locum coluerunt. Nonnulli E-
minentissimorum S. R. E. Cardinalium, qui in Polonia Legatorum à
Latere Officijs defuncti, loci dignitatem perspectam habuerunt, vo-
tis, ac muneribus ab Vrbe Roma missis suum animum, testati sunt.
Archi Præsulum, Regnique Primatum, quanta erga locum hunc af-
fectio? & à majoribus tradita, scriptaque exempla legimus, & no-
stris annis oculis usurpavimus, de quorum medio Illustrissimum
Matthiam Lubieński Basilicæ Marianæ Fundatorem supra proposui.
Quemadmodum in solijs Regum Coronas, ita in Cathedris Pontifi-
cum, Majorum, minorumque Insularum sibi acclives habet celsitudi-
nes, *Principum gloria, Nobilitas Regum, Fortitudo Exercituum, Corona Sa-
cerdotum MARIA.* Fautores Patronosque habet Illustrissimos Episco-
pos Cracovienses, quos inter *Petrus Gemhicki*, quibus foveret locum
affectibus, decora æternitatis complexa exhibet gentilis *Fascia*, sub
cujus insignibus nonnulla hujus Ecclesiæ ornamenta visuntur.

Archi Epi-
scopi & Epi-
scopi

Menolog:
Gracum.

Musci: &
Reverendi
Andreas
Trzebiecki E-
pisc: Crac:

Aureum Ca-
licem ex vo-
to offert,

34 **E**minet alijs propensissima erga locum Sacrum religio, Illu-
strissimi, ac Reverendissimi D. *Andreas Trzebiecki* Episcopi
Cracoviensis Ducis Severiæ. Solenne illi fuit, in ætate jam provecta,
quot annis, quantum per majora negotia licebat, Montem Clarum
invisere, ad Aramque Divæ Patronæ suo, suæque Diocesis, ac Re-
gni totius nomine, vota deponere, & munera. Anno Dñi. 1676. 2.
Iulij aureum obtulit Calicem, cum hac subscriptione in convexo pe-
dis: *Andreas Trzebiecki Episcopus Cracoviensis, ad Imaginem Claromontanam
ex voto obtulit Sanctissima Genitrici Dei Maria, ob Urbem & Diocesim Craco-*
vien-

*vi.ensem ab invasione Turcarum Anno Domini 1672. servatam, Humillimum
errus.* Vidimus Illustrissimum Præsulem, admodum raro in tanta di-
gnitate ac ætate decrepita exemplo, pedes Montem Clarum cum suæ
Diocesis Clero, populoque subire, quem ad imitationem traxerat
efficacior exempli Pontificalis veneratio. Anno 1678. Salutatus à
Nostreis hæc reposuit: *Venio Publicas Patria necessitates, & privatas, meâ-
que novissima in hoc loco Deo, Patronæque meæ commendaturus &c.* Vsitatum
illi fuit Sacramentum Confirmationis populo imperituri, dum ade-
rat solitò frequentior, producto nonnunquam labore in adultam ve-
speram; atque ut legitime deinceps Divæ Nostre Magnalia conno-
tarentur, Notarium Apostolicum creavit, qui ritè cognita, probata-
que beneficia, quæ in dies huc refert pia Clientum gratitudo, fastis
Marianis inferret.

Montem Cl
rum subit
pedes.
Hic sua no
vissima com-
mendata

Notarium
Apostolicum
creat.

35 **E**pisporum, Suffraganeorum, Abbatum, aliorumque Præ-
latorum, tum è Seculari, tum è Regulari statu, plurimi devo-
tionis causâ, cum votis huc appropierant. Antecedentibus annis,
dum ad plura millia numerus peregrinorum excreveret, vidimus, &
in tanta dignitate viros pro sacro tribunali Pœnitentiæ sedisse, nostro-
rum labores adjuvando. Permultis censebantur, qui prima ad hanc
Magnæ Virginis Menlam, offerentes Missarum Sacrificia, sui Sacer-
dotalis statûs initia consecrarunt. Idque Deo, Divinæque Matri
quàm placitum, miraculum ostendit Anno 1574. Ioannes Oyrzynski ad
Ecclesiam Collegiatam Kruzvicen: Scholæ Rector flumen trajiciebat,
Imperitia regendæ celocis, fluctuumque cum ventis pugnantium.
vis, tremulis periculo manibus remum excussit. Extra humani au-
xilij spem positum sorbsit unda. Adhuc in illo periculo suus, Virgi-
nis Claromontanæ tabulam votis prensat, primum Missæ Sacrificiū
ad ejus Aram offerre pollicitus. Successit voto solatium, nam bene-
ficio fluctuum, quibus in profundo voluebatur, redditus continenti,
ipso sacro Pentecostes anni sequentis die, decretum voto primum.
Missæ Sacrificium obtulit, tabulamque, naufragij schema, gratiæque
acceptæ memoriam, appendit. Tanta in solennioribus Festivitatibus
Cleri Hospitis frequentia numeratur, ut vix cuiquam ex nostris, Sa-
cris operandi ad Aram Virginis fiat cōpia. Anno 1669. tanta, secu-
laris, ac Regularis Cleri multitudo numerabatur, ut ab ipso tempore
devotionis Paschalis, per octo circiter hebdomadas, vix aliquando
domesticis Patribus ad Aram Thaumaturgæ Virginis, tam festis, quàm
feriatis diebus, operari Sacris licuerit, ad hoc solis Hospitibus facta
copia,

Alij Prælati
Seculares &
Regulares
locum Sacri
venerantur.

Permultis
hic Primum
Missæ Sacri-
ficiū offe-
runt.

Hospitiæ
Cleri fre-
quentia

copiâ, quorum nonnulli (ut & nunc contingit) dum Hospitum frequentiam suspicantur, longè ante per literas, ad Aram, Sacrum Missæ Sacrificium celebrandi facultatem deposcunt.

Ad sacerdotēs.

36 **N**Equè omnino tacendum est, quod Anno 1612. 27. Septembris ad Aram Mariæ evenit. R. P. Petrus Skarga, Soc: Iesu, Vir Apostolici Spiritûs, à Concionibus Serenissimo Poloniæ Regi Sigismundo, cujus verbum quasi fax ardens, & tanquam malleus conterens petras, paulò ante obitum cereum ex cera candida manibus proprijs confecerat; utque ardentissimum suum affectum erga Divam Claro Montanam testatum faceret, ad Aram ejus donum misit, ut coram Odigitria Imagine usque ad consumptionem arderet. Mirum dictu! observatum est eodem tempore, ac momento, ante Imaginem sponte extinctum, quo, idem Pater Skargâ extinctus è vivis abiit. Hujus, quod refero meminit & R. P. Antonius Balinghem Soc: Iesu in suo Calendario Mariano, 27. Septembris, sub Numero 6.

C A P V T VIII.

Reges & Principes Locum Sacrum venerantur.

Reges Poloniæ frequentius hunc locum solent inviscere ab antiquo.

37 **R**eges & Principes, augustiora hîc reliquerunt devotionis exempla. Quotquot à Ludovico Poloniæ, Vngariæque Rege, sub quo Sacra Imago prodigiosè in hoc Monte stationem fixit, Poloniæ Reges numerantur, nullus erat, qui singularibus religionis officijs, propensum erga Divam nostram animum non testaretur. Divus Vladislavus Jagello & Regina Elizabetha Serenissimi Poloniæ Reges, Vladislavus deinde in Regnum Paternum successoris, & Divi Casimiri, quem Regali

— ab sede profectum

Æneid: 7.

Aurea nunc solio stantis regia cæli

Accipit, & numerum Divorum Altaribus auget,

Pientissimi Progenitores, cum alijs Filijs Principibus, Alberto, Alexandro, Sigismundo, & Friderico, S. R. E. Cardinali, & Episcopo Cracoviensi cum Illustrissimis Orbis Nostri Gratijs, Filiabus suis, Hedvige, Sophia, & Elizabetha, ad Spirituales Marianæ Mensæ delicias assuetus frequentare, præclara Sanctitatis exempla reliquit, tum loco Sacro, tum Ordini Nostro, per Ordinis Sacri Privilegiorum, gratiarumque participationem conjunctissimus, tot magna Nomina in Album

Con-

Confraternitatis inferens Anno 1472. Prostant Sigismundi Augusti,
& Sigismundi Tertij religionis erga hunc locum, vivuntque monu-
menta.

38 **D**vlcis est recordatio & Serenissimi Regis Vladislai IV. (quem
ob cultum religionis Catholicæ, & magna erga Sedem Apo-
stolicam merita Urbani VIII Summi Pontificis oraculum Carolo V.
Imperatori æquiparavit) impensiolem ejus affectum suis beneficijs
Diva meruit. Eâ tempestate, quâ Turcicis, ac Tartaricis ornatus
laureis, ad Iubilæi Magni solennitatem, Romam, auspicijs viæ hîc ad
ejus Aram petitis, profectus, quoddam redire incolumis, præcepto alijs
benedicto gladio, manu Summi Pontificis uni Principum Christiano-
rum dari solito, Patriæ vota impleverit, Divæ Virginis, ejusque loco
se debere professus est. Reducem ora Silesiæ reddere debebat Vladi-
slauum, at subitus langvor expectationes, & solatia stitit in summo
discrimine. Erant in comitatu Albertus Stanislaus Radziwil S. R. I.
P. Dux in Olyka & Nieswiez, M. D. Lithvan: Cancellarius; Step-
hanus Pac, Ducatus ejusdem Notarius; Lucas Zolkievius Capitaneus
Calissien: & Adamus Kazanovius, postmodum Castellanus Sendomi-
rien: qui partiti inter se de Principe sanando curas, cum errantes per
varia medendi studia non proficiunt, obversis ad eam plagam vultri-
bus & manibus, quâ collis Parthenius eminenti fastigio, ad tria mil-
liaria sese aspectabilem præbebat, Tutelarem Vladislai, suamque, vo-
tis implorant è genibus, ut subveniret, in vicem gratitudinis, suppli-
ces habitura cum Principe. Præsto adfuit Numen Virginis, tantum-
que mox virium concessit, quantum ad reliquum, quod superabat, i-
tineris pedes emetiendum, rata probatæque Vladislao aliorum vota re-
quirebant. Eodem die itinere pedestri labiens Montem Clarum,
gratus Hospes adoravit, tum præsentis, tum præteritorum beneficio-
rum memor, lytrum redemptæ à discriminibus vitæ, aureum Principi-
palis mitræ gestamen, gemmis lapidibusque pretiosis compactum,
in Reginale diadema Mariæ obtulit. Festinato passu ad Turanam
suam properans Vladislauus, approbat exemplo, quod Mellisa Æteus
Doctor asserebat verbo: *Summa gloria est o Maria post Deum Te videre;
Tibi adharere, in Tuae protectionis munimine commorari.*

Vasenbergi
in Vladislao
Principe.

Vladislauus
Rex huic lo-
co addic-
simus, Divæ
Patronæ be-
neficam ex-
pertus.

Pedester su-
bit Montis
Clari Aulam
Vladislauus.

D. Bernardus

Victoriarum
suarum hic
sumit ausp-
cia.

39 **Q**uomodo ex Serenissimi sui Parentis Sigismundi III. Polo-
niæ Regis decreto, ante horridum illud Chotimense bellum,
vota soluturus ad hanc imaginem, & sumpturus auspicia, properavit,

Huius affectus
testimonium

dabo in sequentis Partitionis capite 4. Et suarum victoriarum trophæa Divæ Nostræ templis intulit. Repetendum erat armis vindicibus occupatum à Molcho Smolenscium, huc prius vota tulit, auspicijs hujus Bellonæ suam initiaturus gloriam, dūmq̃ discedenti ex hoc Monte Fortunam, victoriamque Patres nostri precarentur, ad illud candidum examen conversus, quibus affectibus locum Divinæ Matri dilectum complecteretur, hīc palam fecit: *Scitote Patres mei, quod quamvīs urgentes Regni necessitates & imminētia pericula me hinc excent, nunquam ab hac mea Patrona discedo: sive Varavia, sive Cracovia, sive in Casiru agere me contingat, huc meum cor, & animum obverto, ante hanc Sacram meam Tutelari Imaginem, vobiscum supplex procido, Litanij, alijsque precibus auxilium deprecens, Numen ejus appello: & ubicunq̃ tandem commoror, hinc abesse nequeo.*

Cecilia Rex.
nata.

40 Secuta est Serenissimi sui Coniugis exemplum Serenissima *Cecilia Renata* Poloniæ Regina, cum Serenissimo Genero *Philippo Gvilielmo* Comite Palatino Rheni, Duce Neoburgensi, ejusque Serenissima Consorte *Anna Catharina* Constantia, quæ & Regias vestes suas, ad Ecclesiæ ornatum, donum fecit. Imitati sunt *Vladislai* Fratrī devotionem Serenissimi Principes *Ioannes Casimirus*, & *Carolus Ferdinandus*, *Vratislaviensis* & *Ploccensis* Episcopus, per complures dies hīc devotionibus suis vacando. Sæpius visitationem hujus loci repetebat *Vladislaus*. Eripuit atrox fatum ē vivis Pientissimam Principem *Ceciliam*, & ex virtute cœlestibus inseruit: quō mitius doloris acerbicatem ferret, crudum vulnus, ad Divam tulit, hinc leniendī doloris remedia capeffens. Annua temporum vice redijt, *Divis Primo & Feliciano* Martyribus, dies sacer (Natalis *Vladislai* fuit) ad hanc Mensam diem Festum egit Natalis sui; sæpe publicis non contentus colere Divam officijs, in furtivis de nocte vigilijs, in odeo superiori sacelli deprehendebatur; tanta ipsos hujus Sacrarīj parietes venerationē prosecutus, ut diceret, minimo hujus Basilicæ lateri, pulverique suam venerationem deberi, quōd hæc vestigia Sanctorum Virorum lacrymis delibuta suam reverentiam mereantur.

Private *Vladislai* Regis
devotiones.

Ioannes Casimirus Rex
Poloniæ,
Montē Clarū
cum *Ludovico*
Gonzaga

41 Cūm purpura Fratrī, decedentis ad otium vitæ beatioris, religionem & animum induit Sernissimus Rex *Ioannes Casimirus*. Propinrium hīc expertus Numen Mariæ, gratias beneficijs rendere eo maximē tempore conatus est, quo, Svericus Mars, validissimis impressionibus Marianam Arcem oppugnabat, ad sacrilegi robore.

roboris repressionem adlaborando. Successibus hic partæ victoriæ
latus, cum Serenissima Conforte *Ludovica Gonzaga*, anno medio, &
amplius hic moratus, Comitiorum tractandorum Præsidem fecit
Mariam. Affectus erga Divæ Regiam, usque ad Maiestatis neglectū
proceffit. Pervebat mercenarius labor in ruderibus egerendis circa
fortalitium, & propugnaculis erigendis, Serenissimi Reges sceptro
assiveras manus, sarculis, & ligonibus admoliebantur, terram, & rude-
ra in illum ab Oriente terream suggestum vectitando, quā opera per-
petuum *Regij Propugnaculi* nomen fecerunt. Sequebatur non segnem
in ornanda, muniendaque Divæ Regia Principum Zelum Senatus
cum Aula Casimiri; successit Gynecæum Reginale, totāque certatim
nobilitas insudans strenuo labori, specimen devotionis, quā domum
Partheniam dignaretur posteris ætatibus datura:

intimis fo-
ver affectib.

Singulare
Serenissimo.
rum Regum
exemplū in
munienda Ar-
ce Virginica.

42 **A**terna voluit beneficia sua esse Casimirus Monti Mariano
perpetuum facturus ornamentum, & munimentum, hac
mente potissimum, Oppidum Klobucko, cum adiacentibus bonis
contulit: Gratam, ratāque pientissimi Principis dignationem, ac do-
nationem habuerunt Liberales animi Senatorum. Latius provexit
affectus suos, dum conciliaturus Summi Pontificis Alexandri VII. er-
ga locum Sacrum, affectus, cum Serenissima Regina *Ludovica Maria*
Gonzaga literas dabat ad Sedem Apostolicam. Facturus Senatus,
Populoque Polono exemplum, quā sincerā mente, quā humili ve-
stigio subeunda essent tecta Marianæ Domūs, & in pròvecta ætate,
per complura Hadia pedes iter ad Clari Montis Limina prosequenda-
tur, tota Aula ad vestigium Regis composita: ut iam non tam aspera
Principibus alijs, rotique Nobilitati ad Divæ Regiam via censeatur,
quam augustis vestigijs Reges tritam fecerunt.

Serenissimus
Ioannes Ca-
simirus cum
senatu bona
Klobuccensia
Monti Cla-
ro applicat.

Nunquam
eum Aula
sua pedes a-
dit Montem
Claram.

43 **R**egios amores erga Montem Virginis continuat Serenissimus
Rex Michaël. Redux ab orbe peregrino, & hoc loco ad anni
quadrantem circiter commoratus, quos affectus erga Divæ Theoto-
cos Imaginem testatus est, & sub trabea Regum servavit. Se suūm
que Regnum Patronæ huic deberi ut ostenderet, aureum Cor diade-
mate coronatum, inter alas ad volatum explicatas, salutarī stigmate
MARIA adamantibus distincto, exornatum, ad pedes Marianos appen-
dit, inclusa in Cordis medio syngrapha, quæ incipit: *Santa Maria Ma-
ter Dei, Ego Michael Rex, Divina Tuaque gratia &c.* 15. Decembris An-
no 1669. Dum ad Urbem Regum Coronatricem Cracoviam profici-

Serenissimi
Regis Mi-
chaelis I.
erga locum
Sacrum af-
fectus.

Aureum cor
offert cum
Syngrapha.

secre.

aceretur, ad Aram supplex adoravit. Productis ad Kalendas Decembris Coronationis Comitij, imminentem diem Immaculatæ Virginis innocentiam illustrebat hic celebraturus, iter festinatum repetebat, quod quamvis lubricum acrius gelu strinxisset, tamen usurpato non infrequens Regum more, è longinquo, pedes, quod supererat perfecit, posthabito Majestatis respectu, quam recens capeffitæ Regalis purpuræ, coronæ quæ dignitas ampliaverat.

Michæel
Rex hic Nu-
ptialem So-
lennitatem
celebrato

Imperatrix
Eleonora
cum Filiab
Locum sa-
crum invisi-

Serenissima
Eleonora
Monte Cla-
rum diebus
Sabbatis
frequentat.

Serenissim
Rex Ioannes
Ml. Claro
Monti addi-
tus.

44 **P**rimus Regum Poloniæ Solennitatem Sacri Matrimonij hæc celebravit cum Serenissima Poloniæ Regina Eleonora Maria Iosepha, Augustissimi Imperatoris Leopoldi germana sorore. Aderat & Augustissima Imperatrix Eleonora, olim Ferdinandi Tertij Roman; Imp: Conjux, cum Serenissima filia Archiduce Austriæ, cumque ad Marianam Mensam Delicias, quas Hospitalis explicat Maria, delibasset, fidum erga Divam affectum muneribus imperialibus probavit. Quòd ab Imperio tot Principes ad Sacram Nuptiarum Solennitatem evocati, Odigitriam Imaginem, venerati sunt, ejusque prototypis secum asportatis, & alibi cultum ejusdem propagarint, sincera veritas imputat Serenissimo Michæeli, quo ad felicem æternitatem evocato, Serenissima Marita Eleonora, hebdomadis compluribus in Arce Kruszynensi (leucis non amplius quatuor à Claro Monte distat) commorata, quovis die sabbati, ad Sacra Altaris sumenda mysteria, appropriatebat.

45 **E**T Serenissimus Rex Ioannes III. legitimus in Regnum ex Virtute successor, Exercituum Imperatoris munere defunctus, inter media hostium discrimina, cum quibus multiplici acie certatum est, servatus invocato hinc Mariano Numine, acceptam vitæ gratiam, & affectibus, & muneribus rependit. Grandiorem lampadem, artificio insignem, & pretio, ad Odigitriæ Virginis Aram appendit, accenditque, ad jugem flammam, olivarum oleo nutriendam, applicato censu perpetuo, qui ejus amores erga Mariam, ardentes, & æternos probaret. In generalibus Regni Comitij, dum more & instituto Patrum nostrorum ad Aram Divæ Theorocos, successus, & momenta Electionis, & Comitiorum, publicis, privatisque supplicationibus commendarentur, Rex Electus; antequam Sacris verticibus impendentia cum Serenissima Regina, diademata subiret, præsens Divæ præstitit homagium, intimis, sibi semper propitium ejus Numen colens affectibus. Iure colitur Obsequijs Regum in hoc suo

Domio.

Domicilio Maria, quia (ut Rupertus Abbas lib. 4. in Cant. ait.) *Hæc Rupertus in Cæli Regina Sanctorum, in terrâ Regina Regnorum est, quandoquidem est Mater Regū coronati.*

CAPUT IX.

Illustrium è Seculari statu Personarum, Virorumque Ordinis Equestris, erga Divam Claromontanam Religio.

46 **V** Bique benefica, ubique mirifica Diva nostra, non tantum Illustriores in Regum Solijs, sed & in Senatorum subellijs, in Castris, Personæ Mō non populares amat Principum Virorum amores. Veritas non egens tem Clarum à verbis precaria commendatione, luculentam habet ab exemplis venerantur, per tot secula deductis. Proceres, & Nobilitas universa, publicis, privatisque studijs, tam in particularibus Palatinatum, quàm in generalibus Regni Comitijs, promoven, quæ aut ad procurandam loci securitatem, aut immunitatem conservandam pertinent. Privatos Principum ac Senatorum affectus, ex annua frequentatione devotionis metimur, tum ex muneribus, quæ tum exteriorem Ecclesiæ cultum, tum bellicam suppellectilem augent, aut gazæ Marianæ, aut Armamentarijs illata. Vivit in illis exactissima, erga Divam Odigotriam, religionis Imago, quam in Orientis Imperatoribus, Constantinopolis coluit, in Carolo Magno Gallia suspexit, in Leone Russia admirata est, in Vladislao Fundatore nostro Polonia amavit.

47 **Q** Va occasione quinque muralibus Scelopis Armamentarium Augusto Armamentarij Marianum auxerit G. D. Alexander Franciscus de Zakrów Zakrowski, recitant tabulæ Marianæ Anno 1671. Vnius, quem tractabat libera curiositate. pilâ ferrea, letaliter manum læserat, ut con- quassatis ossibus chyrgi nec tractare totam manum in vulnere, nec spondere vitam præsumerent. Integerrimus, & in Mariæ meritis fidentissimus animus, ad sperandam præter chirurgicæ facultatis ad- miniculum sanitatem, ægrum, & viribus collapsum, erexit. Peregrinationem ad Montem Clarum spondet, voto pactus, grandiores illas Fortalitio Mariano bombardas, applicare. Medica Mariæ manus tulit opem Clienti, nam præter spem aliorum, leto obnoxium vulnus persanatum, vigori pristino manum restituit. Anno eodem vota cum præfato munere bellico, solvit.

Letaliter
saucius Vo-
to sanatur?

Capitaneus
Oſwieci-
menſis Pie-
niazek Offi-
Immac: Con-
cep: Funda-
tor.

ANALECTORVM MENSÆ REGINALIS

48 **A**D Eccleſiæ, & devotionis ornamentum non poſtremum ac-
cedit Honoris Mariani promovendi Zelus, Perilluſtris, ac
Magnifici D. Ioannis de Odrowąz Pieniązek Oſwiecimienſis Capita-
nei. Vt dulces amores ſuos Divinæ Mariæ, eiſque loco probatos fa-
ceret, perpetuum cenſum attribuit, ad decantandum quotidie ſum-
mo manè cum Organo, ſeu Poſitivo, Immaculatæ Conceptionis B.
V. M. Officium. Quanto devotionis incremento in advena populo,
facile coniecerit ille, qui conſonis vocibus, & affectibus perſonantem
quotidie Marianam Aulam adverterit.

Et externi
Principes
ſuam huic lo-
co devotio-
nem teſtan-
tur.

Moschorum
Legati Mon-
tem Clarum
viſitant.

A R. P. Augu-
ſtinus Kor-
decki.

49 **E**Xcivit & devotionem Principium Romani Imperij prodi-
gioſa illa Obſidionis ſolutio, apud quos cœpit intimis affe-
ctibus foveri, colique locus tantis miraculis conſecratus. Hæc vo-
carunt Magni Moschorum Dynaſtæ Alexij Michatowicz Pincernam,
& ad Sereniſſimum Poloniæ Regem Ioannem Caſimirum, Legatum Io-
annem Inlen. Cum enim pacem ſtabiliret (quod Legationis mo-
mentum erat) viſitandi Czestochoviam recens victoriâ celebrem,
à Rege facultatem accepit (quod à ſuo Principe commiſſum habebat)
quamobrem Comitatu Regio ſtipatus, nomine, & mandato ſui Principi (ut
reſert in ſua Gigantomachia R. P. Auguſtinus Kordecki, tunc Pro-
vincialis Poloniæ) Montem Clarum aſcendit, & cum magna præſentium
admiratione, primùm in Templo ad Aram maiorem, tum & in Capella ad Alta-
re Virginis Beatiffimæ, auguſtam Sacræ Imaginis intuitus maiestatem, more
ſua genti, profundâ cervicū inclinatione, & manūs ad terram demiffione, ſe,
ſuūque Imperium glorioſa Virginis patrocinio ſubmittens, adoravit. Exhi-
laravit animos præſentium, dum à Noſtris Patribus, ac Proceribus
percontatus eſt: Iſta ne eſt coruſcans miraculū glorioſiſſima Chriſti Parentis
Menſa, & Imago? cuius arte manu ſacta? à quo tempore hic conſiſtens? un-
de, & qua occaſione, & à quo huc deducta? cicatrices vultui impreſſas quomodo
contraxit? quibus clara miraculū? &c. Deductus ad præcioſam Domūs
Marianæ ſupellectilem, attonitus Polonam Liberalitatem admira-
batur. Utque conceptum, erga Divam Thaumaturgam, locūque
ſacrum, affectum foveret, obtinuit, quod ad fidem vilis adſtruendam
experebat, Libellum, Sacræ Imaginis Originem, & miracula com-
plectentem, nec non Eclyptum Sacræ Imaginis, quem ubi accepit,
ſuo Principi magno futurum ſolatio, dixit: Religioſiſſimus eſt, & tener-
rimus Chriſti para cultor. Porro antequam diſcederet, audivimus lo-
quentem: Quæ ſæpius dicta audivimus de Sacra Czestochoviænſi Imagine, pa-
rum apud nos videbantur habere momenti, nunc verò quæ didici altiori babe-
re.

buntur loco, & Princeps, at Dominus meus Clementissimus, postquam Imaginē miraculose istius, ac gestorum hīc rationes, ita ut vidi, & audiui, à me plene acceperit, religiositatem suam, & pium in Christi Matrem affectum, Regijs, issq; amplissimū muneribus sacra huic Domui certò contestabitur. Et Anno 1679. 8. Maij, in ipso Festo SS^{mæ} TRINITATIS, Moschorum Principis Legatos ad Augustissimum Romanorum Imperatorem Leopoldum I. coram Nostra hac Imagine supplices vidimus, qui Divam Theotocon tum adoratione profunda, tum munusculis, in præsentia solito frequentioris populi, ritu solenni, suæ gentis, venerati sunt.

50 **N**ullo remissior tempore, sed semper constans Belli Ducum, & Exercituum, erga Sacram Imaginem devotio, plurimis, issq; quotidianis exemplis posset ostendi; studium tamen brevitatis professum, dedecet ingens exemplorum farrago. Generale dabit argumentum Quartarij Militis, & Nobilitatis Confœderatio, Svecorū temporibus ad Patriæ labenti ferendum auxilium coacta, in qua Montem Clarum, suæ Pietatū in Deum, Sanctissimamq; Matrem Fundamentum appellant. Tenorem Confœderationis recito: Basilicam Czeschochoviensem, non in Patria duntaxat, sed per orbem Christianum, votū, & pijs peregrinationibus celeberrimam, aliquot millium Exercitu cinctam, sacrilego ausu oppugnat, & mœnia tormentū arietat, diripiendi causā thesauros Divino cultui sacros; atq; ut diruto hoc in Deum, & ejus Sanctissimam Matrem, Pietatū Nostræ fundamento, ausu maiori ad eliminandam prorsus de Regno Fidem Catholicam, progrediatur; & in ejus locum, inducat homines peregrinos, novū, & diversis inter se de Religione opinionibus tumultuantes &c. Didicerunt hanc Religionem à Serenissimis Poloniæ Regibus, ac Belli Imperatoribus, qui antehac nullam ferme contra hostes expeditionem apparabant, nisi prius hīc mysterijs Pœnitentialibus expiati, Domino, Dominæq; Exercituum litarent, accepto in Pacis osculo, omine victoriæ, discedentes.

Belli Duces
cum Exerci-
tibus Montē
Clarum ve-
nerantur.

Eundem suæ
Pietatis in
Deum & Dei
Matrem Fun-
damentum
appellantes

51 **Q**uam sincero id Affectu peragerent, testantur summorum Belli Ducum Clavæ, ad pedes Armipotentis Mariæ depositæ. Illusterrimus D. Martinus Kazanowski, dum Generalis Exercituum Ducis Officio fungeretur, minimè fidens arbitrio fortunæ, tesseram Officij sui, Clavam, pretiosis lapidibus infertis decoram, antequam contra Tartaros moveret Exercitum, offerens Mariæ, hīs ante hanc Imaginem eam appellavit: Ego ô Magna Regni Nostrī Mater, & Regina, hoc insigne Officij mei ad pedes Tua Maiestati depono. Cum

Militiæ Re-
gni Præfe-
cti Clavas
Officiorum
insignia hīc
offerunt.

bat tesserā omnem meam fortunam, meorum Exercituum felicitatem, salutemq;
in manibus Tuae potestati resigno. Me, meisq; curū creditos milites in omni
sue rege, & protege, supplices habitura &c. Nec frustra. Liberalem enim
Herois animum, auspicijs Marianis partē coronavere Victoriz. Di-
verlam aleam belli spectavit Orbis noster in Illustrissimo D. Martino
Kalinowski, Magno Campiductore Exercituum Regni, Domino in Snia-
ryn &c. Anno Dñi. 1649 fecit cum suis belli periculum, & ex-
pertus est, direptis per Kosacos, Tartarosq; castris actus in Tauri-
cam. Vices fortunæ, quæ pareit nemini; frustra questus, votis ad Di-
vām Claromontanam nuncupatis, liber evasit. Anno sequenti 1650
suis privatis, publicisq; rebus consulturus, ipso solenni die Natæ Re-
ginæ Cœli MARIÆ, ad ejus Aram, ut pote capessiræ Libertatis ti-
tulum, præsens, Clavam, Officij insigne, lapidibus pretiosis distinctā,
Reginæ Cœli gubernandam obtulit.

32 **A**D ejusdem Reginæ pedes Clavas suas, & cum illis suorum
populorum gubernacula, fortunamq; deposuerunt Magni
in Polonia Heroës, Magnorum Officiorum, & Victoriarum Admi-
nistri, non minùs bellica gloria, & natalium splendoribus, quàm er-
ga MARIAM, eiusq; locum piissimis, amoribus Illustrissimi Viri. Illu-
strissimus & Excellentissimus D. Stanislaus in Potok Potocki, Palatinus
Cracoviensis, Generalis Exercituum Regni Imperator, præter alia
religionis erga hunc locum argumenta (quæ & ab Illustrissimis ejus-
dem Filijs, Andrea Kiioviensi, Feliciano Siradiensi, Palatinis, hac ætate
nostra Mons Clarus habet) & Imperialem Clavam, eleganter iaspil-
dibus ornatam, Officijq; sui momenta ad hæc Aram deposuit. An-
no 1651. Æqua Religione, fiducia, ac pietate, Illustrissimus D. Ioannes
Stanislaus Jablonowski, Palatinus Generalis terrarum Russiæ &c. Anno
1666. 8. Decembris, per Illustrissimam Consortem suam (quæ pro
Filio vota, cum aureo pretioso segmento, è carbunculis compacto, of-
ferebat) Clavam, suarumq; bellicarum expeditionum successus, Ma-
riæ gerendam regendamq; commisit. Emulatus est aliorum pieta-
tem, & liberalitatem erga Mariam, & Perillustres, ac M. D. Alexander
Polanowski Colonelus Copiarum Serenissimi Regis, nunc Dapifer Re-
gni, qui Anno 1664. 30. Augusti, tabulam argenteam, opus insigne,
sub qua dependet Officij Militaris tessera, Clava, ad Aram MARIÆ
supplex, se, suaq; commendans, suffixit, cui hæc inscripta leguntur:

EGO ET DOMVS MEA

Serviamus

M A R I Æ,

30. Augusti Anno Domini 1664.

Parom

PARTITIO TERTIA.

Parem affectum, tum in alijs pretiosis ex auro argentoque mun-
neribus, tum in oblata Clavæ ad pedes Armipotentis MARIE, dono,
probavit, Perill: ac M. D. *Nicolaus Danilowicz Olshynensis* Capitani: cum
hoc munere bellicæ dignitatis, copiarum suarum salutem ejus prote-
ctioni, & gubernationi, subijciendo Anno 1651. 14. Novembris.

53 Sic exhibitum sibi affectum, cultumq; quàm abundè rependat
MARIA, patebat in G. D. *Adamo Komoranski*, Duce Copiarum
Illustissimi Palatini Sendomiriensis. Sub *Grudziec* cum subsignanis
explorator castris egressus Svecicam cohortem premebat usq; ad vi-
ctoriam feliciter. Miraculo partam, docuerunt manifesta vitæ di-
scrimina, quorum vestigia tulerunt. Tribus ipse commilitonibus sti-
patus, acri conflictu dimicavit. Primus globo percussus in pectore,
quod Eclypum Imaginis Claromontanæ præmuniebat, retudit ictum
innoxium: alterius manica quamvis rupta, manu tamen salva glo-
bum excussit: tertius per dorsi transversum petitus, rasuram, acce-
ptæ gratiæ stigma tulit: ipse Dux transverberata ad latus pharetra
globum nihil in corpus proficientem excepit. Suam, suorumq; vitā
conservatam, huic se loco debere professus est. Addidit: totius ex-
peditionis bellicæ tempore, se cum socijs inter continua pericula ver-
satum, nec unum tamen ex suis desideratum. Vnam gratiæ causam
asserbat, vota ad Aram Odigitriæ Imaginis concepta. Merebatur
fidelem protectionem MARIE, speciali fidelitate nota cohors Ducis
indylti. Imminente loco Sacro Svecorum exercitu, argentea Basilicæ
Marianæ supellex, in vasis viciniore stagno immersa, quā fortunā, i-
gnotum, in manus militum devenit; quapropter unum cavebat,
curabatq; Dux generosus, ne quid in eam auderet rapax militum ma-
nus, quousq; decedentibus ab Oppugnatione Clari Montis Sveco-
rum armis, integra sacræ Domui restitueretur.

54 Immortalem hic merentur laudem, & superstitem apud poste-
ros etiam post fata gloriam, studia Illustrissimi D. *Venceslai*
Wierzbonski. Dum enim imminentes Claro Monti Svecorum Exerci-
tus, & iam armis validis MARIANAM Arcem oppugnantes accepisset,
cum Illustrissimis suis Fratribus, minimè sumptibus parcens, ac la-
boribus, dissipatorum, à Svecis militum collegerat manipulos, Claro-
montanis Obsessis auxilium laturus. Et certè, generosis, ac arduis
conatibus repressisset, retardasset, aut infirmasset sacrilegam impiorū
violentiam, nisi Divinæ providentiæ sic placitum fuisset, immaturo
fato ad meliorem vitam evocati, bonam voluntatem in cœlis gloria,

In periculis
conservans

Zelus, &
conatus pro
Clari Mon-
tis defen-
sione,

ANALECTORVM MENSÆ REGINALIS
 obfessorum in hoc Monte labores, abiq; humanis adminiculis, victo-
 riâ coronare.

Mos Patrius
 deferendi
 Imagines
 Odigitriæ
 Virginis.

55 **E**X hoc loco ferunt pectoribus appensa, sericeis thecis (ut iam
 serè omnibus mos est) inclusa Odigitriæ Imaginis prototy-
 pa. Hic ad bella processuris, Arma, & Vexilla; ut olim Divæ memo-
 riæ Vladislao Principi, postmodum Poloniæ Regi fortunatissimo, ad
 Chotimense bellum contra Turcas, tum alio tempore contra Mo-
 schos & Tartaros moventi, benedicuntur, & ad Pacis Aram, Pacis o-
 sculum à Mysta operante Sacris tribuitur. Imagines, Coronæ, & aliæ
 devotionis tesserae, contactu thumaturgæ Imaginis, qui solet fieri in
 præpotentis dexterae brachio, consecrantur; atq; hinc unusquisq;
 pacis omen, & felicitatis desumit, libi pollicitus:

Pars mihi pacis erit dextram tetigisse (MARIÆ)

Et hoc quidem agunt, quoniam admodum sano, ita sancto consilio;
D. Bonav. in quandoquidem cum Seraphico Mariæ Cliente D. Bonaventura epi-
Psalm: B. V. M. phonemate illo Divam appellant. *Potentia & Virtus in brachio Tuo, ro-
 bur & fortitudo in dextera tua ò MARIÆ.*

In Castris
 Illustrissimi
 D. Palatini
 Kiiovienfis,
 erga hanc
 Imaginem
 devotio.

56 **Q**uamvis in Patrijs castris par ubiq; vigeat devotio erga hanc
 Dominam Exercituum MARIAM, illustrior fuit sub copijs
 Illustrissimi D. Andrea in Potok Potocki Palatini Generalis terrarum,
 Kiiovix, Halicensis, Kofomeiensis, & Lezayscensis Gubernatoris.
 Principes ejus Exercitus Viri, Capellanum ex Claro Monte desidera-
 tum acceperunt R. P. Christophorum Lobodzinski, qui Apographum O-
 digitriæ Imaginis, quod Duces expetebant, castris intulit. Præ alijs
 exemplaribus, sub quibus Divinæ Matris effigies proponebantur, hoc
 placuit: quapropter cum sub tentorijs Exercituum Domino Obla-
 tionem Incruentam litaret, continuus ex alijs cohortibus cursus, &
 recursus militum fuit; replebant intra, vallabant extra tentorium:
 sæpius mutuam devotionem provocabant, & affectum ad frequentan-
 dam Nostræ Imaginis Imaginem: *Vadamus, Pergamus Czestochoviam,*
 intelligentes Hospitem sub tentorijs Imaginem. Alij diurnis, no-
 cturnis alijs precibus & vigilijs intenti, quantum per officia bellica
 vacabat, vultum Imaginis Odigitriæ, quæ olim in *Fortune Auree* lo-
 cum succederat, veluti auspicem fortunarum suarum deprecabantur.
Pulchrè ad imitationem Christianorum Principum, de quibus Iulius
Cæsar Bulengerus de Imperat. Rom. Lib: 2 cap: 28. de Aurea Fortu-
na ad finem: Christiani Imperatores pro Fortuna simulacro Beata Maria Vir-
ginia

Iul. Cæsar
Buleng. de
Imper: Rom:

gini Imaginem Ducem coluerunt, *Ἐοικύττω ὁδὸν ὑπὲρ πύλων*. volant, quam illi ubiq; in bella deferebant, & cum per Auream portam in urbem inirent, præmittebant. In Castris, ex Ecclesiæ sensu (in Litanijis Lauretanis) MARIA est Auxilium Christianorum. Nostra Odigitria, Dux Imago, Luxque, si in Castris est, Auxilium Christianorum erit (Anagrammate pandit arcanum Quintinus Duretius, Illustrissimæ Benedictinæ Familiæ Decus, in suis Litanijis) *Lux Christi via animorum*. Edislerit, & è Castris, astris infert animos, pia Pòësi, per Auxilium Christianorum MARIAM. Ad Lucem, & Viam ejus Pedestrem Musam dabo.

*Est Via Lux Christi mentes ad sidera ducens,
Quæq; patent rutili regna beata poli.
Non ita Tyndaridæ, fulgentia sidera Nautas
Per mare, dum tendunt carbasæ, Luce iuvant.
Est Via Lux Christi meritò dicenda MARIA,
Ejus enim cali gratia pandit iter.
Qui tenet hanc Lucem, scelerum caligine pulsa
Calica directo tramite regna subit.
Lux igitur pia Virgo animi sic dirige gressus,
Lucidus ut certâ tendat ad astra Via.*

CAPUT X.

*Vrbes, Oppida, Sodalitates, Pagi, & promiscua è varijs
Regnis multitudo Sacram Imaginem, locumq; venerantur.*

57 Quid MARIA sit Propitiatorium universa terra (ut ait D. Bernardus) omnis ætas, & lingua, confitetur. Palam fecerunt in Regno nostro Vrbes nobilissimæ, Oppida, Sodalitates, pagi, aut acceptorum, aut petitorum beneficiorum memorias huc ferendo. Nunquam copiosius, ac Anno 1630. post sævam pestis populationem. Ad sublevandos, in Confessionibus excipiendis, labores domesticorum, & ex alijs Cœnobijis evocandi fuerunt Patres, quorum nonnullos, tum laboris assiduitas, illo anno continua; tum aëris crudi, & nondum ex pestilentia repurgati intemperies absumpsit. Tunc Civitas unaquæq; suo nomine supplex gratias referebat, in suis reliquijs superstes. Numerus ad 20. & nonnunquam ad 30. millia supplicantium exercebat, pro Festo Ascensionis Domini, Sacro diè Pentecostes, SSmæ Trinitatis, ac Solennitatibus Virginis Beatissimæ, Sacra Synaxi refi-

D. Bernardi
Serm. 1. de
Assumpti

Concurren-
tium ad Mō-
tem Clarum
multitudo.

ciendus. Et nunc ad complura millia pro vna die peregrinantium accedit numerus; quo sumptu, ac apparatu solennitatem supplicationis adornando, nōrunt illi, qui in morem triumphantium Divæ Regiam subeuntes, legiones, viderunt aliquando, audieruntq;.

Vota suppli-
cantium.

58 **E**T nunc viget idem supplicantium ritus; Nescio si unam Vrbem, aut Oppidum in Majori, Minoriq; Polonia reperiēs, quæ se huic loco solennibus votis non obstrinxerit, ad exemplum Posnaniæ, in cuius publico anathemate hæc leguntur:

Posnania, Virgini Matri ex Voto.

Divum, atq; Hominum spectatrix, Hera Tutelariū, spem speratam, quam Civitati Posnaniensi obtulisti, ob Domos, Familiam, Urbemq; post multorum annorum pestilentiam, à Te protectam; Respublica grata, hoc Te primum à se misso delato, in Claro Monte Tuo, veneratur munere, ut sis in casibus Mater Sospita. Quodsi beneficijs Tui eandem muneri addas perpetuitatem; salui, incolumes, majora solvemus. Neq; hac Posnania Tecum paciscitur, cum ipsa libens, volens, gratuito benefacias omnibus, sed quia Tibi ab omnibus debentur omnia. Accipe, & fave.

Peregrin. ap.
properant
ad Imaginē.

59 **P**Lura similia pij in hanc Patronam animi prostant schemata in tabulis. Similia tulerunt, diversis temporibus in argento, Gnezna, Calisium, Vielunium, Krepicium, Wolboria, Pinczovia & aliarum Civitates. Huc à 60, à 100, alij: à 200. & amplius alij milliariibus, ab ultimis Litvaniæ, Moscæq; finibus properant, quos tantæ viæ, fluminum, solitudinum, montiumq; divortijs discretæ difficultates non retardant. Præunt exemplo Illustriores Personæ, è suis Oppidis Pagisq;, Prælati è suis Decanatibus, complures sæpe centurias secum trahendo. Inter alios principem meretur locum Illustrissimus, & Excellentissimus D. Iacobus Albertus Sczaniński, Palatinus Iunowladyslawiensis, qui anno præterito in vigilia Ascensionis Domini die 29. Maij. cum Illustrissima Consorte sua pedes Montem Clarum, subijens, numerosam subditorum suorum, ordinatissimam cum Vexillis, & Imaginibus cohortem, quæ diverso Musices, quæ vocum apparatu Divinæ Marris laudes personantem, cum summo devotionis incremento in advena peregre populo, ad præstandum Reginæ Cœli homagium deduxit. Magna pars Nobilium in comitatu adorantium, in habitu incognito precario vitam sustentant. Dum votis interponunt moras majora negotia, iam non popularibus tantum, sed & Principibus, Senatoribus, Exercituum Ducibus, Militibus, Civibus in usum

Prælati &
Magnates
præunt e-
xemplo.

PARTITIO TERTIA.

55

in usum venit per internuntios Divæ Virginis Sospitæ favores demereri. His adlegendus est Civis quidam *Kleensis*, qui post Svecorum populationem, circiter ante annos 23. religiosam expeditionem ad Arcem Marianam adornaturus, pro viæ comitibus, qui precario, aut alieno sumptu victitare volebant, sex millia florenorum Polonicalium impendit, erga MARIAM ex animi, fortunæ q; bonis liberalissimus.

60 **E**T qui remotius ab orbe nostro degunt, cum se, suosq; subditos, & dominia, præsentibus hic MARIÆ devovere non possunt, religiosam, erga hanc Generalem omnium Patronam, mentem, muneribus testantur. Prostat insertum Aræ Marianæ illustre Anathema, argenteum 40. marcarum, in quo supplices MARIÆ Clientes, è genibus MARIAM adorantes, Arces, & Dominia cum subditis expressa visuntur. Huic subjicitur inscriptio

*Votum ex
Vngaria*

DEO TRINO ET VNI.

Ac Sacratissimæ Virgini MARIÆ Deiparæ, Immaculatè Conceptæ,

Nec non omnibus cælestibus,

Ex Voto hanc Tabulam dedicarunt,

Illustrissimus ac Excellentissimus Comes Paulus Esztherhas Galanta, perpetuus de Frakno, Sacri Romani Imperij Eques, Comes Sopron: Supremus Comes, Sacre Casarea, Regiæq; Maiestati Consiliarius Camerarius, Curie Regiæ Magister, Partium Regni ultra Danubium, ac Præsidiorum Antemontan: Generalis, nec non Præsidij Czobantz &c. Capitaneus. Illustrissima Comitissa Veresola Esztherhas de Galanta perpetua de Frakno, ejusdem Domini Comitissæ Charissima Conсорs. Anno 1670.

61 **E**N Poloniæ Regina MARIA, non suis tantummodo Polonis silesiæ Civibus exhibet se propitiam. Nam sicut omnibus patrocinandis Militaribus, tas Gliviciæ
sericors Mater, dignanter suscipit officium, ita omnium salutis gerit protectat.
negotium. Nullam gentem excludit à Patrociniò. Novit Glivicium Silesiæ Civitas, ad leucas decem à loco sacro sita. Infidelitatis testis, ra notus Europæ Mansfeldus, Imperij Romani hostis, ac proditor, Silesiam prædatus, & Glivicium armis nefarijs subigere conabatur. Quassatis per violentas impressiones obsidione diuturna mœnibus res felicitari videbantur. Extemporaneum occurrit obsessis desperatis consilium, Mariam ex Aula Clari Montis votis appellare. Ergo manus inutilibus armis fatigatas, Divæ devinctas ad eam plagam attollunt, in qua Mariana Arx situata est, supplices vota ferunt, æternam gratitudinem polliciti, Adfuit illico Propugnatrix MARIÆ;

60 ha-

eo habitu, quo in Imagine Claromontana visitur, muros obambulat, & mœnia, pallium ad tutelam propandens. Sic visa est tutari Civitatem sibi deditam MARIA. Præmonentur itaq; ab hariolis, magisq; hæretici, qui Duci retulerunt *Gliviceses esse sub Magna Domine Tutela*. Confusus hostis cœlestibus ostentis, turpiterq; reiectus, ex appetitis MARIE Clientibus, nihil præter ignominiam reportavit. Obsidione soluta supplex Civitas adest, ac in perpetuum Mariæ Protectrici, & Propugnatrici de hæreticis triumphum, vexillum, quod Imaginem oppugnationis, & protectionis refert, appendit: in cujus una parte sub Civitate leguntur ex Psalmo 123. versus:

Benedictus Dominus qui non dedit nos in captionem dentibus eorum

Anima nostra sicut passer erepta est de laqueo venantium.

Ex altera vexilli parte, in qua D. Michâel principem tenebrarum victorioso præmit calcaneo hæc sunt.

Laqueus contritus est, & nos liberati sumus.

Adiutorium nostrum in nomine Domini, qui fecit cœlum & terram.

S. P. Q. O. G.

Infra insigne

Media aquila aurea, & Turre,

Anno 1627.

Nonnulli an
tequam mon
tis radices
attingat mu
tuâ depreca
trone recon
ciliantur.

62 **O**B multiplices gratias, non solum domus Virgineæ limina, sed & ipsos montis radices veneratur pia advenarum religio. Qui à Silesia, Bohemia, Moravia, Germania, Austria annuatim veniunt, non prius Clarimontis attingunt clivum, quam deprecatione mutuâ reconciliati, cœant in fœdera mutæ Charitatis. Hinc vidimus nonnullos totis viginti aut triginta milliaribus prægraves Cruces bajulare, alios sagatos, (vulgo dicitur,) capam indutos, flagello dextram armatos, in sua corpora desævientes; horum pars nonnunquam constat mulieribus, quæ patientiæ, & penitentiae severioribus armis devotionem condiunt.

Salutâs Di
væ Basilicæ
è longinquo
liberatur à
lepra,

63 **S**alutandi è longinquo Virginis Montem, aut corporis prostratione, aut genuflexione, modus, qui & hodie non infrequens est, quàm gratus Deo, Dei que Matri, quàm salutaris Clientibus, insigne probat miraculum. *Nicolans Presbyter* secularis, Gentis Polonus, Patriâ Sochaczovien: dignitate Sacerdos, stigmate Clientis MARIE, conditione miser; decurrente anno, quo Sacris Ordinibus initiatus est, leprâ percussus, constituit non prius se la-
res

PARTITIO TERTIA.

res patrios, per loca miraculis celeberrima peregrinando revisurum, quam obtineret emundationis beneficium, aut certè in pijs operibus vitam finiret. In Suburbano Posnaniensi apud Patres Carmelitas admonitus, huc properavit, habens obsidem recuperandæ sanitatis, fidem promissis adstructam. Mente jam, & corpore vegetior, festinat iter: viso à longè Basilicæ Marianæ fastigio, pronus per terram Mariæ Regiam salutat; nondum eius attigit limina, & se mundatum stupet, gaudium admiratione miscendo. Prostat Idea, actum repræsentans, in Majoris Basilicæ Exedris.

64 **S**trictim insinuatam habes religionem advenarum. Lauda-
verunt eam Summorum Pontificum judicia; Probavit Sa-
cra Tridentina Synodus; de sacræ Imaginis cultu, populorum conflu-
entium devotione, de hæreticorum conversionibus, de veritate, ac
varietate miraculorum, per Sereniss: Poloniæ Regis Legatum infor-
mata. Rapiebatur, fateor, vulgus promiscuum, cui hoc solum pla-
citum, quod novum, ad fruendum illis delicijs, quas per diversa loca
in thaumaturgis Imaginibus, his præcipuè nostris temporibus, pro-
ponebat DEVS Opt: & Max: neque tamen in Mensa, hic Nazaræ
semper propositæ fastidium pepererunt, ad quam ab omnibus
iterum, atque iterum, cum votis recursum est. Nec mi-
rum: nam secundum D. Epihanium Oratione
de B. V. M. Hæc est Mensa Virginæ opti-
mæ quibusque cibis abundans.

Sedes Apo-
stolica, &
Tridentina
Synodus de
huius loci
magnalij
informata.

D. Epihanus



ANALECTORUM MENSÆ REGINALIS

S E V


HISTORIÆ, DIVÆ VIRGINIS
CLAROMONTANÆ MARIÆ.

PARTITIO IV.

*Sacræ Imaginis Odigitriæ Prototypa miraculis
illustra, Apparitiones tum SSmæ Virginis,
tum Imaginis; Auspicijs ejus Regum, Prin-
cipumq; partas victorias; è Turcarū,
Moschorum, Tartarorūq; ca-
ptivitatibus vindicatos
proponit.*

Hic est secundum Ildephonsum de Virginitate
MARIÆ, Cap: II.

NOSTRÆ LIBERTATIS TITULUS MARIA.

 Vemadmodum videre supplices, ita & ab ijs vi-
deri amat MARIA, nosciq; vel in Imagine. Sol-
vit compedes, quos Tyrannus iniecit, ut Liber-
tos in suum allerat mancipatum. Moderamen,
& imperium ejus dulce est; nec enim ullum solet esse mi-
tius imperium, quàm ubi Mater parere iubet, & liberta-
tem firmat, cùm servitutem expetit, *Libertatis nostræ Titu-
lus MARIA.* Dulcem, ac amabilem ejus speciem con-
templabimur, Victorias Regum, Principumq; cantabi-
mus, & è captivitate profugis compedes MARIANOS
gratulabimur.

CAPUT I.

*De Imaginibus quæ suam originem ab Odigitria Imagine
ducentes, tum in Polonia, tum alibi memorabili
veneratione coluntur.*

I. IN Templis, Aulis, Regum, Principum, Nobilium; in Castris,
privatis Oratorijs, Domibus; vario, privato, publico cultu,
Honorantur Imaginis Claromontanz Prototypa. Qua occasione
numerus illarum antehac excreverit, habes supra Partitione 3. cap: 4.
Num: 17. Permulta miraculis inclauerunt.

§ I.

Glogoviz in
Silesia

Antecedit alias venustate, & verustate illa Imaginis Odigitriæ I-
mago, cuius origo desumpta à Nostro Exemplari, quæ in Nostro
Cœnobio SSmæ Trinitatis, in Silesia ad Superiorem Glogoviam in
Pratis colitur. Ex manuscriptis Conventûs coævum esse Cœnobio
constat. Anno Domini 1384. (Anno secundo post Odigitriæ Ima-
ginis collocationem in Claro Monte) in laricina tabula ex Authogra-
pho Odigitriæ depicta, usque ad Annum 1470. religiosissimè habita,
permultis fuit solatio. Zyska Monasterium & Templum in favillam
redegit, salva inter flammæ Imagine. Cui pepercit incendium, non
pepercerunt hæretici. Diva Virgo, super suum, Filijq; sui sacrum
Caput, binis exceptis vulneribus, horrore concussit Iconomachos,
abegitq;. Cicatrices arte nulla medicabiles, & hodie perseverant,
Modò Ecclesia & Monasterio à fundamentis erecto, in Ara Maiori,
iustos à fidelibus honores habet, & pium affectum gratis rependit.
quarum capaces & hæreticos fecit devotio. Dum enim plures erga
Divinam Matrem, in hac Imaginè venerabilem suos affectus (it à gra-
tiæ cœlestis illapsu moderante rebelles Divinis animos) testati sunt,
suscepto fidei lumine, Ecclesiæ adunari, prolectis Lutheri dogmati-
bus, meruerunt. Permulta beneficia hic supplicibus exhibita com-
pilavit noster P. Stanislaus Wesotomski.

§ II.

Sokali in
Russia.

2. Sokalensis quàm clara Miraculis, novit Septemtrio. Originem,
Saut si mavis, occasione n. nostro debet Exemplari. Litvanus 14.
cobus Węzyk, Pictor insignis noctem tulit in oculis ad conspectum I-
maginis Odigitriæ, Anno 1392. ac recepto visûs beneficio, voto se
obstrinxit ad instar illius Imaginem depingere, populis ad cultum pu-
blicum

blicum, in Ecclesia aliqua proponendam. Memoria confidentia fretus, solam Ideam in animo domum tulit; quæ, dum opus aggreditur, evanescens, ad repetendum rursus iter ad 150. millia prostratum, cœgit. Adest. Supplex iterum, orat sibi copiam imitandi prototypum concedi, cujus speciem sibi comprehendisse visus, redit apertâ officinâ, nihil serio conatu proficit ad votum. Desperat totaliter successum: nihilominus contribules, viciniq; recens ad fidem conversi, Imaginis Odigitriæ, quæ crescentibus in dies prodigijs inclaruerat, habere simulacrum percipientes, persvadent *Iacobo*, ut peregrinatus ad Montem Clarum tertio, Ideæ delineandæ causâ, peregrine suis contribulibus solatium relinqueret. Domum à tertia peregrinatione reversus, invenit lumine fulgens conclave. Imaginemque in tabula, quam reliquerat, absq; opera hominis, nemo enim manum admoverat, depictam spectat attonitus, cum ardente ad eam eereo. Prodigium agnoscens, prolapsus adorat, auditq; vocem: Deo placitum, ut Imaginem in *Sokal*, ad ripam *Bug*, venerationi populorum Septemtrionalium exponeret, ibidemque vitæ suæ dies finiret. Factum. Ibidem in Ecclesia Patrum Ordinis S. FRANCISCI strictioris Observantiæ, specialem cultum habet. Ad hanc Anno 1678. Die 6. Novembris, Sacris operatus, amplissima, gratias referentium, anathemata spectavi, ubi & Chmielnicij, Kozakorum Ducis religiosi animi symbolum, in argenteo munere servatur. Supplicem hic Serenissimum Poloniæ Regem CASIMIRVM, & Exercitus, culta Pœfice cinxit R. P. *Michaël Krasuski*, in sua *Regina Poloniæ* Parte VIII. Ode I.

§ III.

Neostadij in
Austria,

3. **A**Bannis circiter 50. Imaginis Odigitriæ Ectypum summum honorem, ac venerationem habet Neostadij in Austria, in Sacello Conventus nostri. Austriaci mirificam in operibus, & beneficam in necessitatibus experti, gratitudinem varijs muneribus rependunt. Dependent argentea anathemata, quæ supplices in hoc loco, post vitæ pericula triumphata, in perpetuum Virginis Thaumaturgæ triumphum appenderunt. Augustissimis Romanorum Imperatoribus in delicijs est: hanc tum in hoc Sacello publicâ, tum in suis conclavibus (veluti *Auream Fortunam*, fortunarum suarum Auspicem) privata veneratione dignantur. Augustissimus Romanorum Imperator LEOPOLDVS I. quibus Divinam Matrem in hoc Virginis Odigitriæ Simulacro, cum Augustissima Imperatrice, totaq; Aula sua, foveret affectibus, DEO, MARIÆ, & Austriacis palàm fecit, dum grandioremlampadem argenteam, certè Imperiale munus, ad ejus Aram donavit.

§ IV.

PARTITIO QUARTA.

§. IV.

4. **G**entis *Danilovicia* propago, ex hoc loco suas habet delicias, I-
maginē Odigitriæ imaginis. Hic sibi cultam *MARIAM*. & ad
amores, favoresq; pretiosissimis muneribus, præcipuē Illustrissimi
D. Nicolai Danilowicz, Thesaurarii Regni, qui, cum animo auro pre-
tiosiore, aureum Cor Anno 1641. tum alia, temporibus alijs, adaman-
tibus compacta monilia, ad Aram ejus deposuit, devinctam, in Arce
sua *Vchanensi* habere debuit, tanquam Fortunam, Præsidentem, & Præ-
sidium. Quomodo hic electum occupavit locum, ex nuda nonnul-
lorum relatione, recenseo. Hic à quadam persona incognita em-
pta est. in privato asservata, cuidam Personæ in donum oblata, non
absq; miraculo (si ex narratione verum refero) iterum in Arcem re-
dux, inventa est. Lapsu temporum, adolevere, cum domesticorum,
tum externorum erga illam amores, unde ad publicam venerationem
exposita, pretiosissimis monilibus, lapidibus, auro, argento exorna-
ta, honores sibi impensos, gratijs recompensavit. Principalis est,
quam ipsa Arx obtinuit, viginti millibus *Vkrainensium*, & *Moscho-*
rum oppugnata, non tamen expugnata. Delectabunt lectorem tri-
umphus ex hac Arce, quos in ætates ire pedibus voluit *R. P. Michælis*
Krasuski Soci. tsv, Pœsis, in *Regina Polonia* Parte VIII. Ode VI. ubi
postquam Illustrissimæ *Danilovicia* Domus decora, ex Gentilitijs in-
signibus percensuisset, & nunquam tenebratam gloriæ claritudinem,
Domi, forisq; in auge sua constitutam, dilaudasset, ab Insignibus *Da-*
nitovicia *LVNÆ*, ad *MARIAM* in Arce *Vchanensi* Hospitem, Præsi-
dentemq; sub *LVNÆ* symbolo celebratam, descendit:

*Nec sola magnorum, excubias agit,
Fecunda Mater CYNTHIA luminum;
Borysthenaorumq; vanos
Gnara canum cohibere rictus:
Suda repexis nocte trionibus
Puræq; solis lampade purior
LUX INCREATÆ plena lucis,
Purpureo cui Luna subdit
Calcata crines, impavidos facit
Regina muros, ipsa volaticos
Ignes remolitur, nitrosum
Arce procul fugat ipsa nimbum.*

ANALECTORVM MENSÆ REGINALIS
 Ipsa & libratis, dissipat hostium,
 Globos catheijs, & regit alitis
 Plumbi procellas, ipsa trudit
 Densam Equitum, Peditumq; nubem.
 Absiste captis Moscu, filia
 Frigentis Ursæ, quo ruis irrito
 Kozace conatu? recede
 Prado Lechis onerate pradis.
 Illisne Mavors pravalet Arcibus?
 Illane turres ariete concident?
 Quæ tantam habere Contribulem,
 Et validam meruere Civem?

§ V.

In
 Opporovv.

Opporoviensis Conventus noster, in Ecclesia sua ante complures annos exposuit publicæ venerationi Ectypum Imaginis Odigitrix. Sicerat consulendum devotioni fidelium, ut qui non tam facile Montem Clarum, ob loci distantiam, genuinum Apographum Divinæ Matris visitaturi possent frequentare, in coloribus ejusdem simulacrum haberent. Honores, & amiores hominum ex omni statu, sat liberales habet. Quàm benefica & hinc erga miseros Mater Miserationum Domini MARIA, novit territorium illud, quod & hodie ejus miserationibus cumulatur. Prostant permulta superatorum vitæ discriminum, & calamitatum trophæa, quæ rebus quàm verbis disertius; tum MARIA miserationes, tum Clientum gratitudines, etiam sine voce, fidelius oculis, quàm auribus, loquuntur.

§ VI.

In Mskovv

Prima gloriæ Marianæ, iterum in Imaginis Claromontanæ Prototypo, hoc sæculo renascentis, cunabula, dedit Aula Inclytissimæ Zamoyscianæ Domus, quæ Divinum, Divinæq; Matris cultum, statim à primis suis originibus, in posteros hereditaria successione transmittit. Hæc in Nostræ Imaginis Imagine colenda, cum affectus MARIANÆ probat, beneficijs ejus meruit honorari. Hinc Mskoviensis Imaginis ordior Historiam Illustrium natalium honore, & in MARIA venerationem propensione Nobilis, & Inclyta Virgo Sophia Zamoyška, Claromontanæ Virginis Imaginem in phylra papyraceam, Vratislaviæ coloribus expressam, habitans in Strzelce apud Germanum Fratrem M. D. Stephanum Zamoyki Ensiserum Siradiensem, privata devotione coluit. Paralyti tacta, cum domesticæ vitam spondere non possumus

PARTITIO QVARTA

sumunt, ut potuit nutibus sibi dilectam porrigi mandavit Imaginem, ad cuius præsentiam soluto lingvæ vinculo, domesticis in stupore defixis, Salutationem Angelicam recitavit. Extemporaneo prodigio, sensuum facultatibus, viribusq; restitutis lætior, impensiori devotione, & affectu deinceps, etiam in statu Matrimoniali cum G. D. *Balthasare Wezyk Widawski* vivens, venerabatur, suam Salvatricem *MARIAM*, cuius hoc Eclypum secum in Villam Biala deportavit. Hic domestici primùm, externi deinde varij statûs homines, beneficam experti, pro solatijs tum acceptis, tum accipiendis, in Aulam G. D. *Widawski*, aurea, & argentea anathemata ferebant. Dæmones, templo, & publicæ venerationi reddendam (sic ordinante Divinæ voluntatis placito) dixerunt, at in maiorem suam pernitiem; nam iidem oblecta corpora, ante hanc Imaginem, in Ecclesia Mstoviensi duobus à Claro Monte milliaribus, collocatam, deferere coacti sunt. Promoveantibus cultum Marianum ad hanc Imaginem *AA. RR. DD.* Canonicis Regularibus Lateran: ab Anni 1647, Die 6. Martij, quo hæc Imago exposita est, usque in hodiernum diem, iustos habet à fidelibus honores. Dependent plura in auro & argento anathemata, supplicum, pro beneficijs, gratitudinem testantur. Anno eodem 1647: in Festo Beatissimæ Elizabetham Visitantis, per solennem Commissionem ab Illustrissimo loci Ordinario, Inquisitio de miraculorum veritate, & varietate facta, Miraculosam probavit. Hæc ex Archivo Ecclesiæ Mstoviensis desumpta, in scripto misit Adm: R. D. *Simon Pasynski* Canon: Regul: Lateran: in eodem Conventu Mstoviensi Prior. Suo scripto prodidit Perillustris, & Adm: R. D. *Prosser Krylinski* eiusdem Candidissimi Ordinis, ibidem Præpositus, Vir eximie devotionis, sub tempus pestilentie, per subiectum Monasterio Oppidum sævientis, plures corollis floreis, ab hac Imagine petitis, pestiferas mortis acies, propulsaße, ab eaq; immunes, alijs Concivibus fato succumbentibus, conservatos fuisse.

§. VII.

AD sua quoq; amplissima ornamenta, erga Divam Virginem Odi. Cracovien-
gitriam religionem assumpsit, Poloniæ Metropolis, Regum Coronatrix Cracovia. Non solum annuis peregrinationib⁹, vt singularem totius Poloniæ, suamq; Turanam, in hoc Monte colit *MARIAM*, verùm & quotidiana ejusdem Eclypo impendit devotionis obsequia in Ecclesia principaliori *B. V. M. IN CIRCVLO*, appellata. Hic Divæ in omnes, qui invocant eam, sub Turri in Pauperum Sacello, quotidianum cultum habet. Munificam & hic experti Clientes, votivis muneribus gratitudinem testati sunt,

§. VIII.

ANALECTORVM MENSÆ REGINALIS
S. VIII.

Roma.

6. **A**nno supra Millesimum, sexcentesium septuagesimo primo, novo cultu Imaginis Odigitriæ Simulacrum inclaruit in Alma Vrbe Roma. Inter solatia non postrema, & hanc numerat Imaginē, quam in Conventu Nostro Claromontano, ex Authographo per Patrē Felicianum Ratynski, Ordinis nostri, solerter depictam, & ad Romanum Conventum Ordinis nostri transmissam A. R. P. Ioannes Wánowicz, ibidē Procurator Generalis, Romanis ad publicam venerationem proposuit. Et ne Romanos laterent illustrissima in hoc Eclypto Divinæ Matris Magnalia, Historiam, cum ejus Origine, & pleraq; principaliora, quæ circa eam ierolymis, Constantinopoli, in Russia, demum in Polonia, considerari potuerunt, in lucem publicam evulgavit, sub Clementissimis Auspicijs SS. D. N. CLEMENTIS X. Pont. Max: qui ad hujus Imaginis Prototypum, in hac Virginis Æde, Magnus olim in Polonia Hospes, prima Incurrenti sacrificij offerebat libamina.

S. IX.

Oppolij in Silesia.

Crescit in dies Honor, etiam apud externos, hujus Imaginis. Oppolium in Silesia, cui olim Odigitria Imago destinata fuit, ne penitus tanto frustratum esset solatio, accepit ad cultum Imaginem ejus per R. P. Venceslaum Schwertser Societ. Virum Apostolicum, Oppoliensis Collegij Rectorem: à quo cum de Imaginis nostræ colloca-tione perquirerem, hæc ad me (quæ placito illustrissimi D. Loci Ordinarij Andrea Trzebicki Episcopi Cracoviensis, Ducis Severiæ propo-no) scripsit:

Reverende in CHRISTO Pater.

Quod Paternitas Vestra petiverat, ut occasionem, & modum, quo Sanctissima DEI Mater Claromontana in Eclypto à nobis, & in Collegio nostro cœpit coli, hoc Anno 1673. perscriberem, facio id perquam libenter, ob honorem Domine Nostræ, cui ego & natalem in mundum, ob me impetratum à Parentibus in Czeschoviens. excursione, & me oblatum sub sacrificio Missæ ad Annum ætatis meæ decimum quintum, atq; simul statum vocationis meæ debeo, ac densq; vitam non semel prorogata, ut reliqua silentio premam, libentissimè & reverentissimè adscribo. Inter reliquas curas meas, quando ad erigendum Oppolis Collegium per gratiam Dei singularem missus fui, fuit & illa, ut SSme DEI Matræ, & in Eclypto specialiter Thaumatur-ga Cla-

ga Claromontana, cultum eo loco excitarem, ad quem olim humanis intentionibus sacrum Authographum destinabatur. Ne igitur locus noster domesticus thesauro illo privaretur omnimode, quandoquidem ex intentione Ducis Oppolienſis Ladislai Polonia quondam Gubernatoris, pro Ludovico Polonia, & Vngaria Rege, in Vngaria residente, Oppolium destinata fuerat Imago, sed voluntate Divina in Clarum Montem, seu Czeſtochoviam devota est; placuit in Apographo saltem, eandem Divam Virginem Patronam nostram in templo nostro possidere, populumq; ad devotionem sibi veluti propriam, aut debitam, excitare. Et emerſit e penicillo feliciter pia Effigies, qua ut virtutem, aliquam ab Authographo vultu intraheret, spectantibus nostris tribus, me inter illos presente, Czeſtochovia, ad Sacram faciem Puelli DEI, ac Deipara Virginis appressa fuit, cui actu domesticis Collegij sumptibus, nitidum Altare conficimus, cum hac Epigraphe: Effigies Deiparae Thaumaturgae Czeſtochovienſis, cujus Authographum à S. LVCA depictum; & Oppolium ab Oppolienſi Duce Vladislao, Regni Poloniae pro Rege Ludovico Gubernatore, contra Tartaros in Russia victore, destinatum quidem fuit, sed in Claro Monte jussu Dei manere jussum est. Vt tamen etiam locus iste, ad quem destinabatur, gratiarum Marianarum particeps fieret, Societas IESV, loci hujus per gratiam Augustissimi Romanorum Imperatoris Leopoldi Haeres, Apographum hoc facie ad faciem Thaumaturgae attactum, & appressum piae venerationi exposuit. Anno 1673. Die Visitantis, & Magnificantis DEVM, MARIAE. Expositionis porro modus hic fuit: Collocata sacra Icon ad Altare majus, ipso die Visitantis Deipara ad maximum populi pro Confessionibus, & Communionem accursus, totis subinde octo diebus, mane sub primo Missae Sacrificio Musica, cum subsequente ad frequentem semper populum Exhortatione, qua à diversis nostris Patribus, & Magistris, in MARIAE laudes conspirantibus habebatur. Octavo demum die sub ipsum vesperum pramissis Litanis, & Exhortatione, populo, si unquam, copioso, tubas inter, ac tympana per Arcem Arcis nostrae circumlata, stationem in theatro fixit, ubi precibus, & Collecta (ut vocamus) cantuq; honorata, in templum nostrum redux, in Ara propria, suspiria inter, & affectus,

ANALECTORVM MENSÆ REGINALIS
collocata est, succinente choro in Ambrosiani Hymni vicem,
Cantico MARIÆ appropriato. Magnificat anima mea
Dominum &c. Referendo hæc Paternitati Vestræ Reveren-
da, commendo me ad eandem Thaumaturgam precibus. Oppo-
lij. 15. Decembris, 1073.

Wenceslaus Schwertfer Soc: LESV
Collegij Oppolien: Rector.

S. X.

SCIO plurima hîc desiderari, & quidem consultò omitto plurima
Imaginis Apographa, quæ in diversis Provinciis à Regibus, Prin-
cipibus, Senatoribus, alijsq; Proceribus ad venerationem exposita
sunt. A tribus iam seculis numerus illorum excrevit; veneratio
excitata est, per devotionem Regum, Principumq; in Polonia, Rus-
sia, Prussia, Masovia; & apud exteros, in Germania, Austria, Silesia,
Bohemia, propagata.

C A P V T II.

Clientibus apparens, Claromontanam peregrinationem
imperat MARIA.

7. VERUM est ò MARIA! quòd Quibus auxiliata fueris Domina, eris
refrigerium pacis, & à quibus averterè vultum tuum, non eris spes ad
salutem. A conversione vultus Mariæ datam utramque mentis, &
corporis vitam fatetur M.D. Nicolaus Boglerzski Vexillifer Crescen: An-
no 1552 In geniali convivio, hilari occupatum infania, domum redu-
cem, laxatis frenis l'berius, ferociens excussit sonipes, totaque mole
superincubans, prefficit. Serius ponè sequentes amici, in rigefactò cor-
pore hospitem explorant animam, exulemque rati, Divam Claro-
montanam votis appellant. Cœpit vivere Nicolaus, ac videre velle;
sed quibusdam horribilis imaginibus perterritus, tremir, palpitat, ge-
mit, suspirat. Adsoit gloriosa Virgo in auxilium ab amicis vocata,
monstra dissipat, suumq; Clientem ab incuriù pradicat, amicorum vo-
ta probat, gratitudinem præsens exsolvit. Utque se MARIA gratum,
ostenderet, in Leczefzyce fundavit, dotavitque Ordinis Nostri Mo-
nasterium, in Divam eiusque servos munificus. Salutavit, non dubi-
to, illis Ecclesiæ vocibus Adstitem Patronam: Salve Regina, Mater Mi-
seri.

W. Bonaventura
in Psal:
B.V.M.

In quo op-
pressus.

PARTITIO QVARTA.

Misericordia, Vita, Dulcedo & Spes Nostra Salve, O MARIA

8. **M**ARIAM qui sic inelamat, amarque, presentem habet. Habuit in aquis & in morbis
 G D Stanislaus Ostrowski de Ostrowek. A procella in Vistula in morbis
 profundum actus, Imaginem Claromontanam in undis spectavit, e- apprensus
 merisitque ex miraculo. Aliquot deinde annis post, in ægritudine su- geminato
 premum fatiscens, in Medici Persona stantem ad lectum Angelum, periculo li-
 tutelarem habuit, qui somnum (vadebat. Illo vix adrepente, clausit berat Maria
 lumina, & ecce Divina Mater se se.

Oculis tam clara videndam

Obtulit, & purâ per noctem in luce refulsit

Alma Parens confessa Deam, qualisque videri

Cælicolis, & quanta solet, dextraque prehensum

Continuit;

quæ sacra manûs porrectio medicis desperatum, erexit, iussitque in-
 vicem gratitudinis revifere Clari Montis limina. Tanto prodigio
 viribus resumptis, lætior, præsens gratiam acceptam iuramento ro-
 borat, coram Actorum Præside R. P. Adamo Zavada Anno 1648. Ha-
 ber ecce suos Divina Phœbe Endymiones MARIA, quibus datura pa-
 cis osculum, non ad Latmum, sed ad Clarum Montem, in potestate, &
 virtute descendit. Merito O Dilecta Phœbe MARIA! in te respiciunt
 oculi totius creatura, quia in te, per te, & de te benigna manus Omnipotentis
 quidquid creavit, recreavit. D. Bernardus

9. **M**ariano favore magis, quàm suo nomine, Felix Skiba, in Tur-
 cia servilis conditionis labores, vincula, carceres, viginti
 sex, annis tolerans, ad Machometi dogmata, ritusque, cogeatur. Tot
 ærumnarum lenimen erat, religionis Catholicæ tenacissimo, erga
 Divam devotio, & in vinculis libera. Vesper in occasum solem præ-
 cipitatur, cum illapso, carcerem genij tenebras facibus dissipant: ad-
 est & Heroïna (Maria erat) è captivitate missionem Clienti datura
 præcipit ut libertatem adeptus, ad Aram Imaginis Odigitrix in Cla-
 ro Monte vota deponat: atque ne illusum se putaret, miraculosè ve-
 stes, seræque resolvuntur, de manibus pedibusque labuntur vincula,
 & adhuc inter hostes, Mariæ libertum testantur. Egreditur, non
 queritur, medios pervadens hostes, non agnoscitur, non tenetur. Re-
 dux in Patriam supplici gratitudine libertatis anathema appendit.
 Anno 1638. 14. Maij.

In vineulis
 gementè in-
 vifit, ac in
 libertatè e-
 ducit Mariæ

Amico capti-
vo apparens
Votum pro
cupare iubet
& captivum
reddidit liber-
um Maria.

IO. **A**micis quoque captivorum apparens, & suæ libertatis gratiam ignorantibus, occurrit MARIA. Vir insignis & generis claritate, & Martia virtute *Andreas Nomosielski* à Turcis interreptus ex acie, 17. annis in tremibus laboravit. ingeniosissimi, ad captandam occasionem fugæ modi, non successerunt; quia plerumque iteriles sunt mortalium conatus, nisi supernis favoribus felicitentur. Vtroque, & sanguinis, & affectus iure devinctus captivo N. *Stanislaus Ianicki*, mandatum à Diva apparente accepit, ut ad Clari Montis Aram pro Andrea lytrum ferat, si amicum unice dilectum, gratia libertatis donatum velit. Paret, solvitque vota non illibens, accipit redugem, amicum; uterque præsens hic apparitionis, ille mirandæ liberationis, gratiam enarrat. Iuramento firmatum in Fastis Mariæ, Anno 1645. 25. Iulij.

In agitudine
ne apparens
Claromonta-
nam peregrina-
tionem im-
perat Maria.

II. **E**T suos Hyacinthos diligit MARIA, quos per influxum gratiæ, & gloriæ miraculorum vult florere. *Hyacinthus Sutkovius*, A. A. L. L. & Philosophiæ M. Scholæ Biecenſis Rector, in desperata ægritudine, lassus gemitibus MARIE Numen implorabat. Adest illa; nonnulla fusiùs prolocuta, peregrinationem ad Clarum Montem imperat. Visionem mox subsecuta sanitas, attonitos omnes in rei novitate tenuit. Non moratus vota, nondum firmatos artus baculo sustentat coelestibus monitis impigrè obsecuturus, sed egressus domo, pleno valetudinis munere potitus, prodigium Parthenij Fastis intulit, Anno 1648. 4. Maij.

In gestilenti-
a simile.

12. **M**irare etiam, quod iubeat, cogatq; sanari nolentes MARIA. *Thomas Kłodavius* in *Baldrzyce*, quatuordecim hebdomadas per silentem affectionem passus, à vicina morte patientiæ finem precatus, vidit Divinam Matrem, quæ, ut suam Imaginem in Claromonte visum irer, lvasit, & cunctantem ad votum coëgit. Sed fortè iam apud moribundum, verum, quod fiebat, mera fuit Imago somnij. Mandatum neglectim accipiens, fecit, ut iterum apparens ægrorum salus Maria; arguendo segnitiam, iussa repeteret. Prævaluit, quæ dominatur ubique, & hominum affectus rebelles moderatur: extorsit loci visitandi consensum, ut beneficium impertiret. Redijt ad se, redeunt & in suam legem, morbi acerrimi vi, membra distorta; adest, Salutis Aram hic complexus, apparitionis, & miraculosæ curationis donum. in gratiarum memorias inserendo. Quo compellent affectu discedentem Clientes, qui vultus gratiam diutius contemplari cupiunt? credo cum D. Anselmo. *O vincta exaltata quam sequi conatur affectus anime*

PARTITIO QVARTA

61

mea! quò aufugū aciem mentis mea, opulchra ad intuendum, amabili ad contemplandum, delectabili ad amandum! quò evadū capacitatem cordis mei?

*D. Anselm^{us}
in Orati ad
B. V. M.*

13 *N*obilis Sanda G. D. Martini Sanda Nobilis Coniunx, peste grassante in aperto campo tugurium colebat. Mors rapuit familiam, liberos: ipsa duas hebdomadas ægra, prædonibus mapale subeuntibus, propè exanimis, iugulum ferro parabat. Mirum! in tam aperto discrimine, reluctantem sopor placidus invasit, in quo vidit à Divina Matre, decretam antehac ad Montem Clarum peregrinationem imperante, ori suo, medicinalis ambrosiæ poculum ad-moveri. Excussa somno adhuc coelesti dulcore defluens palatum miratur, constituta in medijs lavernionum armis, vota repetit, se suæque salvâ omnia, dilapsis nemine persequente, in fugam prædonibus, Numini Mariano adscribens. Verum proinde est, quòd *Fidelis Mediatrix* MARIA, quæ salutis antidotum, viris, & mulieribus propinavis.

*Apparēs am-
brosiæ ægræ
propinat
Maria.*

D. Bernard^{us}

14 *A* Mavit videri Maria & ab *Hedvige Czubińska*, nobilitate generis Litvanis nota, de Domo *Otrarzenska*. Sexagenaria Moscuâ abducta, tribus annis captiva, hospitem habuit infernalem animarum cleptam, qui syadebat ad ærumnæ finem, iam parato funi gulam inferere. Adfuit eodem tempore & Maria, animum vitæ impatientem reprehendens, atque si libertatem cuperet, ad sacra Clari Montis limina, iter votis promitteret. Vigil amat sua somnia *Hedvigæ*, & imperiæ captivitatem evadit, vota solvit, Anno 1664. 12. Januarij.

*Desperatæ
apparens su-
spendii pro-
hibet Maria.*

15 *V*idet oculus Mariam, quem peccati navus non caligat. Vidit Nobilis *Catharina Wolska*, viginti hebdomadas, paralyti affixa lecto. Visa sibi aliquando ad Aram Divæ Claromontanæ præsens, hæc à MARIA audisse: *O satius mulier, huc te & affectu & votu humilibus convertes, & tantopere desiderata gratiâ sanitatū potiere.* Expergescit, cœlurus inspiratum consilium intellexit, ratum habet, advertit donatam extemporaneo beneficio valetudinem. Anno 1671. in Festo S. Andreæ, miraculo adeptæ sanitatis authenticam recognitionē reddit Coniux ipse peregrinationis comes. Gloriæ partem agnoscimus Mariæ vultu beari. Et hoc satis fortunæ mortalium, vel in somno. Nec mirum. Ecce (enim) quàm gloriosum gloria Maria privilegium est, quòd ipsa in gloria gloriosissima est, post Deum gloriosum. Gloriæ Maria privilegium est, quòd quidquid post Deum pulchrius, quidquid dulcius, quidquid jucundius in gloria est, hoc Maria, hoc in Maria, hoc per Mariam est. Glorio-

*Paralyticæ
alloquitur,
sanatque
Maria.*

*D. Bonavent^{ura}
in Speculo
cap. 6.*

H3

sum

sum omnino Mariæ privilegium est, quod post Deum major gloria nostra, majus nostrum gaudium de Maria est.

CAPVT III.

Apparitiones Sacrae Odigitriæ Imaginis referuntur.

Aristoteles.

Inter duellantes apparet Imago hæc media, & rixam dissolvit.

16 **A** Moris documentum est videri à MARIA. Philosophus enim ait: Cum videris hominem frequentantem in te visum, hic te diligit. Frequentat MARIA intueri miseros Clientes, amores suos probatura. Et Imaginis ejus aspectus auxilio fuit, & solatio. Testis est M. D. Vladislavus Zalincki, Ensisfer Livenfis. Hospes olim ad Aram Virginis, adhuc puer, tutelæ Marianæ commendatus est à Parente. Pios ille inculcavit amores erga hanc Matrem, qui ita cum Ioanne adoleverant, ut congeniti viderentur. Fuit, quod in Civitate Liwsko, Anno 1640. ad necem ab adversario quærebatur 25. Iunii; occurrit inermis hosti, dumq; expeditum vaginâ in ictum librat acinacem, ferro illatam vim repressurus, globum excepit framea. Tremere, torpereque coepit dextera armis tractandis impar, hinc certam sibi spondens æmulus victoriam, intentat fatalem ictum Ioanni, sed Clypeum obiecit MARIA. Stupendum! visibilis inter utrumque coegit. Imago Odigitriæ apparuit, si hostis non parceret, ictum exceptura pro Ioanne. Sic rixâ diremptâ, prodigium ad pacem animos dissidentes coegit. Staturat Ioannes frameam, quæ globum inanem exceperat, hoc loco tholis Marianis appendere; quod dum moratur, inter globorum nimbum constitutus, vota repetens evadit integer. Aut negligens, aut differens deinde proposita, apud Principem Radzivilium Succame-rarium Lithvaniæ à Curia dicta Orle per arctum aggerem descendens, plus viginti framearum ictus impune lævientes excepit, extra vulnus tamen; quod eodem Clypeo munitus. Sic servatus, tot miraculis, ac periculis commonefactus votorum, ad Aram supplex adorat Anno 1642. 22. Maij. Syngrapha gratias testatus. Non periclitari, non perire vis? apprehende votis Mariam, & vel in Imagine Super Scutum potentis, & super lanceam, pugnabit pro te. Eccles: 29.

Eccles. 29.

In profundo Tanais mer-so apparet Imago.

17 **H** Hieronymus Puskarzewski, Vir genere, & bellicis artibus clarus, Anno 1620. contra Turcas castra secutus, dum ad Tanais crepidinem inopinatis barbarorum assultibus premitur, in flumen se dedit præcipitem, quod equi fiducia, & natandi peritia vitam sponderent.

rent. Vtrumque labefactavit procella. Hic adhuc suus animus votis appellat Hospitam Clarimontis Mariam, quæ obiecit per ima Tanais raprato, tabulam, Imaginem Odigitriam aspectabilem, cujus auspicijs quævis brevia, syrtelque, aut latrantes scyllas, evaderet: quo factum, ut infidorum fluctuum Diviniori Nymphæ obsequentium officio, continenti redditus, votis potiretur. Votorum reus, per diversas iniquioris fortunæ Malæas jactatus, intellexit pœnam perfidiæ, quæ ad Aras Divæ Sospitæ coëgit. Legitimè in Actis Marianis, cum gratijs, adnotatum Anno 1653. 24. Martij.

18 **A**ffine beneficium exhibet tabula per antiquæ picturæ affixa in Sacrario Virginis, cum subiectis versibus:

*Excidit è navi mulier dum flumen inundat,
Et misera in clamat: Diva mea adfer opem!
Hinc videt in fundo Claro de Monte MARIAE
Vultum, & naufragio libera, vota sacrat.*

Ne te Stygis atræ sorbeat procella, invoca Divam cum Seraphico Doctore Extende ad nos brachium tuum Virgo gloriosa, & ne auferas à nobis gloriosum, vultum tuum ô MARIA.

Mulier nau-
fraga sacræ
in undis vi-
det Imagi-
nem,

D. Bonaventura
in Psal-
B. V. M.

19 **E**t Religiosorum Cœnobia suo Numine implet MARIA. A. R. P. Adamus Boski Ordinis S. Francisci in Conventu Leopoliensi Commissarius, fractus laboribus languebat. A medicorum curis vita pendeat; his quoque destitutus, quod immedicabilia symptomata crescerent, ad Divam Claromontanam votis, & animo itavit. Prælusit solatijs in Imagine Odigitria Desperatorum Spes MARIA. Eâ forma, ut in Ara colitur, habet aspectabilem; hinc non tantum exhilaratum se, verum & sanitati donatum lætatur. Anno 1617. gratitudinem præsens exsolvit. Tuum exorantes Numen ô Pulchritudinum creatarum pulcherima, jure accinimus cum Gregorio Nazianzeno:

*ô Puella gratiâ
Æquanda nullis. Mater, & Virgo, supra
Omnes decora Virgines, & Maxima,
Qua sola vincis Calituum omnes ordines!*

D. Gregor.
Nazianz.

20 **T**alem vidit in Imagine Leonora Monwidowna Ierzykowicówna Tabionowska, Notarij terræ Nursiensis Illustris Marita. Im-
langyore qui medicant facultatem excedebat, fatiscens, & extra spem
vite

Geminatum
beneficium
sanitatis &
vite

Sacra Imagi-
nis appari-
tio.

vitæ posita, ad Divinas medendi artes ingenium, in quod jus nullum usurpabat morborum malignitas, convertit. Nutribus iubet Nostræ Imaginis Imaginem ad lectulum affixam manibus inferi, appositam pectori complexa, Montem Clarum adeundi votum concepit, hinc protinus ad tactum Imaginis, letales ardores extincti sunt. salusque redijt. Lapsu temporis, & gratiæ & voti memoria evanescens, Superum civit vindictam. Coquit iterum præcordia pestilens ardor, nonnisi à mortis gelu remedium habiturus. Antequam in longam clausisset lumina noctem, dormire sibi visa, inter somnum, & vigiliam Imaginem Divæ Claromontanæ candido Religiosorum examine stipatam videt, arbitrata ad conductum funebrem Religiosos advenisse, ad Imaginem suspirat. Redit neglecti voti memoria, placet iterum, quod placebat, à Lithvaniæ ora ad Divæ nostræ templa cum votis proficisci. Dat vires miraculum, vitamque Præsens hîc cum teste gratiæ R. P. *Toma Tetkowski* Ordinis Prædicatorum, testatam gratiam reliquit in Actis Domûs Partheniæ. Iterum Anno 1663. invocata ex hoc Monte ope Mariæ in infirmitatibus gratiam sanitatis consecuta, cum gratitudine præsens, carbunculis compactum aureum monile obtulit 14. Augusti. Profecto Oculi (Domina) *super timentes eam, protectrix potentia, firmamentum virtutû, regimen ardori, & umbraculum meridiani, deprecatio offensionis, & adiutorium casûs, exaltans animam, & illuminans oculos, dans sanitatem & vitam & benedictionem.*

Ecclesi. 34.

Sub specie
sideris appa-
ret in Ima-
gine Maria.

21 **T**heophilam Charzenwska, G. D. Petri Charzenwsky Conjugem accepti beneficii tessera Mariophilam quoque fecit. Integro anni quadrante dolorum letalium acerbilas, vitæ fecit fastidium. Desperata, ad spem MARIÆ ivit. Adfuit in Imagine Odigirria, oculis objecta sub specie sideris fulgentissimi; veluti Lucifer, qui novos spei, vitæque desperatæ dies auspicatus, vitam pristino vigori restituit. Anno 1650. 15. Octob: recognitum. Ecce (quis dubitabit?) *Maria stella est, ideo peccatores, quasi in nocte, à Maria consolantur.*

Richardus de S. Villore

In luctu po-
sitis particu-
lis apparet
Imago à qua
salus filiar.

22 **E**t oculis speciem, & auribus vocem, ab hac Imagine profectam acceperunt pientissimi Conjuges G. D. *Martinus Zaleski, & Sophia Mikolajewska.* Vrsula sexennis filia glutigit acum, quæ pertinax hæsit in gutture. Circumstabant seminecem puellam chirurgi, & casum, qui acûs educendæ fallebat industriad, non minùs indignabantur, quàm dolebant. Tetigit vulnus filiar parentum cor, iamq; mors caput in votis esse. Sed vota properant ad MARIAM parentes, quæ

quæ dum in privato conclavi, lacrymas inter, prosequuntur, insulsi
 immanis lux, Effigiem Imaginis Odigitrix in mortuorum parentum,
 ferens obtutus, prolocuta ex Imagine Virgo, filie sanitatem appro-
 misit. & ne quidquam in promissi certitudine ambigerent, potentiam,
 ab omnipotentia Filij, veluti Filium interponit. Conternati primū
 apparitione Coniuges, moxq; erecti, sua non capiunt solatia, quæ I-
 mago ferebat. Accedunt ad filiam dolentis, & amanti affectus in-
 temperantiā sedata, quæ impatiens quietis cepit concuti, motus pro-
 vocavit vomitum, qui omnibus in stupore defixis, incurvatam, cru-
 entamq; acum eiecit. Liberales gratias egit primū ipse Pater G. D.
 Martinus Zaleski, gratiamq; coram A. R. P. Nicolao Stasewski Provin-
 ciali Poloniz, & R. P. Adamo Zawada Priore Conventus Claromon-
 tani, recognovit, deinde Mater ipsa cum filia præsens, quæ relatis
 subscripsit. Quam Divine Anselmus: *Sicut impossibile est, ut illi à quibus*
Virgo MARIA oculos sua misericordia avertit, salventur; ita necesse est, quod
hi, ad quos convertit oculos suos, pro eis advocans, iustificentur, glorificentur.

D. Anselm.

23 **N**on solis Aulis Nobilium, & Civium ædibus, & oculis af-
 fulget lux vultus Mariani. Franciscus Kmita Civis Gnesnen-
 sis, in profundo fluminis præfocandus voluebat: invocata cum
 proposito peregrinationis Claromontana MARIA, pereuntem salva-
 vit. Elabitur memoria beneficij, & propositi, cum tempore. Casti-
 gavit neglectum paralytis gravior sensuum externorum clade. Iam-
 spes, iam desperatio, alterna vice exercent ægrum; advocat varias I-
 mages, nocturnum tempus distrahens variâ cogitatione. Obiecit
 in se reflexa conscientia reatum gratitudinis, quam non ita pridem
 sponderat; hinc accusans infidelitatem, dolet; supplexq; eidem
 Divæ Sospitæ, geminato & nunc miraculo, beneficium sanitatis de-
 siderat replicari. Hæc dum suspirat, speratq; occurrit in serpente
 somno Imago Odigitria, loquitur, promittit sanitatem, si staret pro-
 missis. Detergens somnum inter, & vigiliam pendencia lumina, rata
 habet vota sua, & quia MARIA voluit, convaluit. Anno 1646 7.
 Maij. iureiurando visionem, & beneficium adstruxit, cum testimonio
 Magistratus Gnesnensis. Saluta, cui concessum est hoc aspectu trui,
 cum Ecclesia Græca: *Salve o tota pulchra Virgo! tota nihil nisi nitor &*
species lucis, diem ad Deum adferens, vulnerati sumus à singulari amore Te
glorificandi, o MARIA!

Ex Imagine
sponder sa-
nitatem Clie-
nti MariaMenologi
GræcumGeminata
beneficio, &

24 **E**va Marynkowa de Szulmierzyce, licitos Hymenæos exosa, sta-
 tuic

66
Imaginis ap-
paratione
Illustris.

MALEFICARUM MENSÆ REGINALIS

tuit in aliquo Parthenone vitam religiosam profiteri. Ad Magnani-
mæ Virginis constantiam, nihil præter dotem desideratum est: quam
a facultatibus non habuit, ab arte Musica quæsiuit, Studium pullandis
Organis impendens. Maleficarum artes utramq; manum tabe ab-
sumplerunt, ultra contemptum, quod multis procis petita connubia
respuisset. Tribus annis illud pondus inutile circumferens, ad Aram
quoq; Divæ nostræ tulit, manus arfactas, at gratiâ Dei, interven-
tuq; Divinæ Matris ad pristinas functiones restitutas accepit. Re-
dux domum, sept. m hebdomadas affectione maniaca dilacerabatur:
ventum est ad supremam luctam; inferitorum manibus sacer cereus, to-
ta in viam æternitatis accingitur. Altiora meditatus consilia Con-
fessor moribundam Divæ Claromontanæ despondet, quo & mens
Virginis nonnihil recollecta collinabat. Videt Hospitem in Imagi-
ne Odigitria MARIAM, cujus præsentia recreata, sensit in animum
dulcedinem, in corpus sanitatem illabi. Præsto cum testibus, gratias
retulit Anno 1562. 4. Iunii. Quotquot aut corporis, aut mentis o-
culis pulchritudinem ejus contemplamini: *adorate illam in decore illius*
& glorificate Opificem pulchritudini ejus.

D. Bonae in
Falsis B.V.M

C A P V T IV.

*Auspicijs Claromontanæ Virginis, de hostibus relatæ Re-
gum, Principum, Heroumq; Victoriæ.*

Stanislaus
Kobierzycki
in Obside

25 **M**Os fuit Poloniæ Regibus, hic post victorias vota deponere.
Meminit Stanislaus Kobierzycki in Obsidione, Divam affatus:
In hoc Monse deposito diademate Reges supplices Tuam venerati sunt clementiam,
relatasq; ex Oriente, Septentrione, ceterisq; partibus in Tuum gremium depo-
suerunt laureas &c. quia hanc Exercituum Dominam in belli societa-
tem votis deposcebant. Decumanna fuit victoria illa Divi Sigismundi
Poloniæ Regis Anno 1514. Acri cum Moschis prælio pugnatum
est: eadem hora, durante in acie conflictu, Conarius Episcopus Cra-
coviensis ad Imaginem Odigitriam Sacris operam dabat. Deum, Di-
vamq; pro secundis belli successibus invocando. Itaq; fervente po-
puli hic devotione, daemon insolens obfessi corporis exagitator,
latus hæc publicè profatus est. *Eia Sodales! multos hodie convivas apud
Plutum nostrum hospitalem excipiemus. Non observatum hoc, quia negle-
ctum acceptum; donec sub ejusdem Sacrificij tempus, cum quodam
animi dolentis affectu subinferret: O MARIA! Tu invicta, indefessaq;*
perfi-

perflū in precibus pro Tuū Nazaraū. Observare placuit effatum. Paulo post fama tulit, illa hora felici, quā hic ad Sacram Imaginem Sacrifatum est, Regem victoriā potitum. Cæsa hic ultra quadraginta, capta ultra decem millia barbarorum memorantur. Probavit Rex Victor, qui vota solvens, erepta hostibus Vexilla in Odeo Superiori Marianæ Basilicæ appendit. Et quid, in Divæ Claremontanæ auspicijs partam illius victoriæ gloriam *Leoni X. Pont. Max.* à Rege significatum est. *Menol. Grad* Iure Diva Nostra in Menologijs Græcorum salutatur. *Salve Principum gloria, Nobilitas Regum, Fortitudo Exercituum & MARIA.*

26 **N**Otæ sunt apud Vassenbergium D. Vladislai IV. Victoriæ. *Vassenbergium in Vladislai Principe.* Strictim insinuo. Erecta de Osmanno Turcarum Imperatore trophæa, vindicatum Smolenscium, à Moschis usurpatum, inclinata ad ejus pedes hostium vexilla, sechinus Moschorum Generalissimus ad pedes victoris procumbens. & vitam exorans. Iterum Amurrtæ Turcarum Imperator Vladislai Nominis fama perterritus ad pacem coactus, & Svecorum concussa potentia, quæ omnia Vladislai testimonio, votis ad hanc Aram susceptis, debentur: neq; enim ullam apparabat expeditionem, nisi hic successus omnes *MARIA* commendasset. ad cujus Aram Vexilla, & Arma, propriumq; gladiū, quo latus muniebat, benedici curavit. Merebatur profectò in periculis Adstitem, Tutanamq; ad Victorias Auspicem Ducemq; *MARIAM* habere Serenissimum Cliens; cujus ille affectus sibi torquibus adamante lucentibus obstrinxit, annulis desponsavit, multiplicibus in auro, gemmis, ac lapidibus pretiosis, muneribus, per se, tum per internuncios votorum suorum, quoties arduitas rerum exposcebat, oblatiis, quibus ad liberalitatis, & affectus erga *MARIAM*, certamen, Serenissimam Reginam Cæciliam, Serenissimos Fratres, ac Sorores, tum Hospitem Magnum Generum suum, Philippum Guilielmum Comitem Palatinum Rheni, Ducem Neoburgensem, provocavit.

27 **I**lla quoq; D. Sigismundi III. de Osmanno Victoria in campis *Sigismundus III. Rex Polon: Chotimensis victoria hinc sumit auspiciis* Chotimensibus huc relata est. Audi Simonem Starowski: *Simon Starowski* Licet (inquit ille) pio Pontificum nostrorum instituto per universum orbem Sarmaticum in ea victoria vota publici ubiq; supplicationibus Despara vocaretur, quod non solum de communi sensu, nec unquam spe fallaci, constaret, ipsam præ Celitibus apud Natum efficacissimè pro Christiani interpellare, speciali attamen religione Vladislai IV. Princeps tunc, suo, Parentisq; sui Invidissimi semper, nomine, ad visitandum Sacram Theoticocon Imaginem Claremontanam, pro

suū Poloniū obstrinxerat; effeceratq; tam pio voto suo, ut bellum illud toti Europæ terribile, paucis diebus conficeretur; & victoria illa, quæ fortasse maiorem à condita Polonia. Dacia solum non conspexit, MARIE Virgini sospiratu, à partibus nostris stetit; Tyrannusq; inglorius ad suos reversus, à proprijs militibus per tumultum discerptus, hostia non ingrata ad inferos descendisset. Hæc ille. Quam victoriam, ut apertius huic loco deberi, constaret, gratus Rex Cherubinos duos in genua procidentes, MARIE Palmas, & Coronas offerentes, ulterioris gratitudinis prodromos præmisit, qui in hodiernum diem, ad perpetuum victricis MARIE triumphum applicati, pro Palmis, Coronisq; Luminaria præferunt. Imploranda est Auxiliaris Dominæ Exercituum dextera, Regibus Nostris semper amicâ (cum D. Bonavent. in Psalt. B.V.M.) Excita furorem, ô MARIA, & memento belli, & super eos effunde iram Tuam; innova signa, & immuta mirabilia! sentiamus adiutorium brachij tui.

Ioannis Ca-
simiri Pol:
Reg: victo-
rie.

28 **A**D hoc Sarmatæ gloriæ Capitoliū, intulit trophæa Ioannes Casimirus Serenissimus Rex. Theodatus Chmielnicki Kozakorum Dux, accitis in belli societatem Sâtrapis Tartarorum, involavit Russiam. Patriæ res, in summo discrimine politæ nutabant, quod infestis ab hoste tractibus, Nobilitas Regē sequi non potuerit. Conciliato hic MARIE Numine, intrepidus ad immensas illius colluviei copias, admonet per Facialem Dominum Tartarorum, qui spebus prædæ ditioris pellectus, Theodati rebus operam navabat, ne rebellibus opem ferret. Mirum! qui Oppugnator venerat, cruentæ pugnæ directus ptoꝛ fuit, cumq; defecisset ad Regias partes, fortunam Kozakorum adeo labefactavit, ut Dominus, coactus in genua, supplex rebellio- nis culpam deprecaretur, canentq; receptui. cum auxiliariis Tartarorum copijs, liberam periculo, iam nonnihil metu concussam Poloniam reliquerit. Princeps victor vota non moratus, eodem Anno 19 Octob: ad Aram Claromontanam, octo Vexilla hostibus erepta appendit, illustres triumphos Victrici Virgini, per bellicum apparatus, ignesq; subsidio artis Pyroteuticæ nocturnos, ac diurnos hic instauravit. Et victoriam sub Czudnon Anni 1661, se debere huic loco testatus est Serenissimus Rex Ioannes Casimirus. Huc secum traxit ad homagium MARIE, Magnum Kozakorum Ducem Cieciura Supplicem Divæ spectavimus, quam ille, præsentē Serenissimo Rege, more suæ Gentis veneratus, læsæ Maiestatis veniam impetravit. Utq; perpetua Regiæ gratitudinis, pro obtenta victoria, hoc loco maneret memoria, Clavā Ducalem, præfati Cieciura Officij insigne, argentēā, ad Mariæ

Teerum de
Kofanis, &
Mofehis

Maria pedes, in perpetuū anathema appēdit. Et quia semper sibi propitiū Virginis Numen expertus est Serenissim⁹ Rex; iterum cum Moschis commissurus praeliū Mariam hinc devocavit in subsidium, ejusdēque auspicijs Moschos triumphans, anni sequentis diē 2. Februarij, in tholis Aulæ Marianæ aliquot vexilla cum Moschorū insignib⁹ affixit.

29 **V** Na acies compluribus Victorijs stipatum proponit Virum Principum sanguine satum *Præclaus Lanckoroński*. Sub *Sigismundo Augusto* Germanicas cohortes prostravit in Prussia; iamq; consummata victoriā potitus, hostib⁹ dissipatis, omniaq; secunda arbitrat⁹, familiarium quendam inter cadavera quærens, hostibus ex improviso clausus, nec in fuga, nec in armis habuit auxilium. Divam ergo Claramontanā, quæ victoriā primam dederat, votis appellat, cuj⁹ gratiā, inopinatē, armis, & periculis subductus est.

30 **N** Onne & in Te *MARIÆ* protegentis favor elucet, quā natalium splendore, quā bellicis artibus spectabilis *Procopij Sienicki*. Tumultuariē collectis modicis militum copijs, immensas cohortes Turcarum à feudali Polonia Volhinia repressurus properavit; felicibus quidem auspicijs, quia Marianis; quæ votis ad Odigiriā Imaginem meruit. In acie media missilibus Turcarum septus, extra auxilij humani spem, modumq; non tantū incolumis, sed etiā, alijs cæsis, alijs inaudita fortitudine dissipatis, victor evasit. Voti re⁹ Auctoratus *MARIÆ*, argenteam tabulam, decumannorum discriminū Schema, præsens cum gratiarum actione ad Aram Tutanz *MARIÆ* suffixit.

31 **L** iteris ævum prorogat apud Historicos *Konieczpolsiana Domus* gloria, quam in summo posuit Illustrissimus *D. Stanislaus Konieczpolski*, Exercituum Regni Supremus Imperator: victorijs coronatā. Bella cum Turcis, Moschis, Tartaris, fuerunt. Chotinenses, & Oczakovienſes campi, ipseq; *Maldaviæ* sinus, non min⁹ faciliter, quā feliciter pugnantem, & vincentem, viderunt. Comes erat Bellorum Arbitra Maria, ad consilia, & auxilia ex Aulæ ClariMontis precib⁹ devocata. Quod ut liquidò posteris ostēderet, Heros Inelytissim⁹ hic argenteum anathema ad Aram Armipotentis *MARIÆ* appendit, quod artificio summo bellorū, & periculorum ideam referens, æternam & hodie gratitudinē, & liberalitatem Illustrissim⁹ Clientis demonstrat.

32 **I**dem excedere videtur admirabilis victoria *G.D. Joanni Sklanſki* Ducis Exercitus Palatini Volhinia. Hinc viginti millibus Turcarum, inde sex millibus Palatini Transilvania cinctus, ad o-

Paulus Pius ad Ann. num 1633. Ec. 1638. Ec.

Stanislaus Konieczpolski huc refert victorias,

Turcarum cæde, & dissipatione Victoria

ram, quæ Montem Clarum habet, oculis, ac manibus obverlis, ubi se, suolq; iubilantes Divæ votis deponit, manus, & signa conferuit. Alijs trucidatis, alijs captivatis, alijs in fugam turpem coactis, victor, probavit in se, quantum quilibet possit in contumacem fortunam cum auxiliari Nomine Mariæ. Præsto MARIAM veneratus, gratiam recognovit. Anno 1595. 6. Martij. G. D. Ioannes Zdrovski, cum Tartaris, Kosacis, dubites an ad Martiæ virtutis, an ad Marianæ beneficentiæ in desperatis casibus. experimentum pugnabat, semper comite victoria Plurimum sibi usurpavit in viro belli studiis instructo, virtus Martiæ, sed eam semper nixam fuisse Divæ Claromontanæ, votis invocatz, patrocinio, Ioannes ipse Anno 1661. authographo testatus est.

Piores Vi-
goriz.

33 **P**lurimum MARIÆ beneficiorum Atlas, G. D. *Martianum Wagliski*, frequenter cum Svecis dimicavit, victor Adstite Mariæ, quam ex Claro Monte votis deposcebat. Periculorum aliorum frequentia, periclitandi consuetudinem, usumq; fecerat, securè tamen, quia Marianæ protectionis pectus munus fuit. Cadentibus in acie circumcirca sodalibus, solus stabat gratiæ Marianæ innixus. Felicitas Martiani, debebat experiri & captivitatis squalores, ubi MARIAM propitiā agnosceret. Agnovit, eius gratiā libertati donatus. Diversis locis, ac temporibus, tot miraculis auctus, Sospitæ MARIÆ Numen hic veneratus est Anno 1657. Tot prodigiorum effectrix dextera MARIÆ modernis temporibus cum D. Bonaventura imploranda est: *Glorifica manum, & dexterum brachium tuum, & prosterantur à nobis inimici nostri à MARIA!*

D. Bonaventura
Psalms. V. M.

C A P V T V.

Votis Divam Claromontanam appellantes, Moschorum, Tartarorum, Turcarumq; captivitatem evadunt.

Ex capiti-
tate profu-
gus benefi-
cio Mariæ.

34 **F**ortuna iniquior, quæ Illustrissimum Principem *Samuelem Krecki*, contra Turcas, & Tartaros novemdecim prælijs victorem, tandem in vigesimo hostilibus armis involuit Anno 1617 & *Gabrielem Skiba*, Districtus Vinnicensis, captivum fecit. Trans mare mediterraneum actus exul, in villa *Musakadzîata* Civitatis *Galeopoleos* venundatus, servilibus obsequijs annum impendit. Audierat aliquando Patrum suum *Mielesek* Ducem Kozakorum retulisse, quantum accepisset beneficium in prodigiosa pedis curatione ope Divæ Claromontanæ; secut^o religionem Patruj, statuit eandem Patronam votis sibi

sibi conciliare ad gratiam libertatis. Saga subodorata Gabriellis mē-
tē, video (ait) quid velis, sed abstine conatibus, quidquid attenta-
veris, non succedet. Minacibus præstigijs Gabriel nil territus, repo-
suit: se omnia quæcunq; moliretur signo S. Crucis, & invocatione
MARIAE dissipaturum. Beneficio noctis elapsus; manē nimbo, caligi-
ne, fulgure, tonitruis, circumfusus, tot imposturas dæmonis, Crucis
vivificæ signo, & oratione propulsavit. Iterum in amœna planitie
profundæ valles, paludes, voragine occurrunt; sed & hæc amolitus
est. Sub vesperum longè horridum malum circumeludit profugum: in
medio sylvarum sibi errare visus, circumcursantibus per avia explo-
ratoribus; & hic armis cœlestibus munitus, aciem inveteratoris tri-
umphavit; reditusq; Patriæ, votorum neglector, iucundo utebatur
otio cum familiaribus. Anno rursus 1611. cū Exercitus in Volhi-
niam moveret, signa secutus, venit in vincula barbarorum. A-
gnovit infidelitatis pœnam, laborem in triremibus. Navigatio-
nibus Arabicæ socius, & naufragij esse debebat, quantente procel-
la solitū vehementius Actuarium: Periculum Christianis com-
missum est; ad quos Turcæ: *Vos Christiani gloriāmini de magna pote-
state Matris Propheta vestri; nunc eam invocate, ut nos ab hac morte im-
pendente libere.* Exprobravit hic pristina beneficia Gabrieli reā tot
votorum conscientia; iterum sit supplēx Mariæ, vota ad Aram
Claramontanā pollicitus; quorum beneficio redditum conti-
nenti navigium effecit, ut Turcæ precibus Christianorum deberi
vitam suam professi, miris agerent cum Gabriele, Exoratore
suum à triremium laboribus absolvendō. Nondū plenā asscurus
libertatem, in Civitate *Tomea*, ubi olim Carthago stetit, per quinque
mīum, quā obsequijs, quā precario peculium corrasit in lytrum Do-
mino, à quo manumissus, tuncq; ditiones Turcicas pervagatus, vota
neglectim in moras ire sivit. Movit in Volchiniam Constantinopoli,
ubi à Basilio Gubernatore Volchinie capitis damnato, Gabrieli vo-
torum neglectori, conscientia tot ingratitudinibus intricata, iudex e-
rat, & carnifex. A Diva non ausus vitam exorare, hæc solum lacry-
mabundus inclamavit: *Memento sanctissima MARIA me esse cultorem
Filij Tui, & quod Te nunquam inter barbaros abnegaverim. supplex oro saltem
Catholicè moriar.* Dedit Mariæ, ex Gubernatoris Fratre tyranno, Pa-
tronum; qui lacrymis persusus gladio subtrahit monuit, ne fugam
deinceps attentaret. In carcere à 24. satellitibus custoditus, ambitæ
libertatis ductu omnia perlustrans, vidit fenestram patere; pro indu-

In naufragio Divam
Claramontanā appel-
lans se &
Turcas libe-
ravit.

Mortem &
captivitatem evadit.

vis filia, telamq; poscit, obtinet: per *Martinum Labienicki* concupis-
sum, è turri ad 60 cubitos præcipitium explorat, commissiq; *Divæ*
Claromontanz suis conatibus, dum minimè suspicantur vigiles, per
telam in modum funis contortam descendentes elabuntur. Per om-
nem partem studiosos insectatores non evitârunt, ad Fluvium *Pruth*
deprehensi; verùm ad miserationem barbarorum affectus inclinan-
te *MARIA* dimissi, & ad maturationem fugæ animati, integra liber-
tate potiuntur. *Gabriel* dilationis impatiens, cum socijs captivita-
tis per tot adversæ fortunæ scenas, ope *Odigitrix* Virginis victor, re-
rum gestarum ordinem, coram R. P. *Priore* *Claromontano* enarravit
Anno 1635. die 3. Novembris. Idem recitat *Bzovius* tomo 15. *An-*
nalium. Laudaverunt Deum reduces, illudq; credo, Matri Dei acci-
nebant. Te Matrem Dei laudamus, Arcam Pietatû, & Gratia, Portum nati-
fragantium, miserorum solatium, pereuntium Refugium ò *MARIA*!

Ô Beata & in
Hymn. B. P. M.

In triplici
captivitate,
& morbis
victor,

35 *SVb* memorato Principe *Samuele Korecki*, *Sebastianus Krassowicki*
Vir Nobilis, primùm in *Tauricam*, in *Turciam* deinde venum-
iit ex acie. Post annum servitutem pertæsus, vota, seq; *Divæ Cla-*
romontanz despondet, fugamq; Ad crepidinem *Tanais* ab insequen-
tibus premitur, auxilij inops, & consilij; dumq; rationem prævenit
necessitas, obvium truncum arripuit, quem cassim insidens, *Tanaim*
traiecit. Iterum sub illo *Hectore* *Sarmatiæ* *Stanislao Zolkievio* castra
secutus, minùs prosperè dimicat; interceptus, ad verniles operas in
maiores *Armeniam* venundatur, sed & hic auspice *MARIA*. comite
miraculo captivitatem triumphat. Tertiò ex acie in captivitatem
relapsus, & *Constantinopolim* reductus, lytro repetito in mancipatû
concessit. Diebus quatuordecim in compedibus ferro vinctus tene-
batur. Libero ingenio suis votis consuluit. *MARIAM* Libertatis Pa-
tronam in auxilium advocando. Adfuit Numen ejus præpotens, quod
vires ad comminuenda vincula suppeditavit, elapsumq; securè ad pa-
triam oram, per *Moldaviam*, & *Volhyniam* deduxit. Alium adhuc *Se-*
bastiano campum fortuna metata est, in quo cum desperatis morbis
decertaret patientiæ *Atleta*. Iterum (duobus mensibus decumbens)
ad *Divam* recurrit; & tantum gratiæ accipit, quantum remedijs præ-
sens calamitas exigebat. Tot favoribus Marianis ornatus, authenti-
cè in tabulas memoriam beneficiorum retulit. Anno 1623. 22. Ju-
nij. Appellat *MARIAM*, cum *Divo Anselmo*: Ô Beata fiducia! ò
tutum refugium! *MARIA Mater DEI, & Mater Nostra!*

D. Anselmus

36 **I**dem Annus 1632. sistit ad Aram MARIAE cum gratitudine G. Libertas a carcere & morbis.
D Martinum Zebrowski Is ex acie in Scythiam devenit. Vipera, serpentesque in profunda turri exceperunt hospitem captivum. In superiorem contignationem tractus, manus pedesque ferro cinctus sola spe (ea erat ex Aula Clari Montis vocata Desperatorum Spes MARIA) æumnas levabat. Claves obiecit fortuna, itaque conatu admirando manus & pedes expediens profugit. In Tartaros cæpestris pervagantes impegit, tractus in Græciam, ligoni, & hârpagini manus inasivetas, admoliri coactus, lapidibus colligendis, evellendisque radicibus operam dabat. Quoties fugam tentavit, retractus toties ad vincula, annos triginta obsequijs Domini se impensurum spondet, ad manumissionem. Potiore sui parte liber, Montem Clarum votis frequentat, à Maria gratiam libertatis precatus facilis votis supplicum flecti Maria Libertatem donavit, cumq; Constantinopoli in desperatâ ægritudine illam invocat, Medicam habere meruit. Tot peregrini soli, solisque superatis discriminibus, præsens sacræ Domûs limina exosculatur, cum testimonijs à Perillustri & M. D. Alexandro Kálinowski Anno quo supra 4. Maij. Agnoscim⁹ ô Domina tantorum magnalium opifex (cum Gregorio Nicomediensi loquimur) *Habes vires insuperabiles, robur inexpugnabile, ne immensam tuam clementiam superet multitudo peccatorum. Nihil tue resistit potentia, nihil repugnat tuis viribus, omnia cedunt tuo jussui, omnia tuo obediunt imperio, omnia tua potestati serviunt, Te omnibus tuis operibus redditis excelsiorem, qui ex Te natus est.* Gregorius Nicomedi

37. **E** Adem tempestate Nobilis Stanislaus Káczynski, sub Gen: D. A captivitate absolut⁹.
Nicolao Málin⁹ski, Tribuno Milirum Serenissimi Regis Sigismundi III. ad Cecoram captus, viginti sex hebdomadas laboribus attritus, ibat per diversorum Satraparum manus, lytro sæpius repetito. In Turciam ductus, solam spem fovebat in devota Aræ Odigitriæ Virginis, fiducia. Non confudit fidentissimum animum. Clientis Maria, Libertatem dedit, quam, egressus ditiones Tyrannorum syngrophâ testatus est Anno 1622. 9. Maij. Si tanta fieri in nobis non meremur, amemus in alijs, & veneremur fatendo cum Divo Ephræm Serm: de Deipara: *Tu unica spes desperatorum, oppressorum auxilium, & ad te recurrentium præsentaneum sublevamen, omnium denique Christianorum firmum præsidium ô MARIA!* D. Ephræm

38 **N**obilis Ioannes Widelski, vincula, fortunamque secutus, ivit in Tauricam, Sed pulchra libertatis ambitio, aliò traxit
 K. animum
 Auspice Māriā Tartarorū

ANALECTORVM MENSÆ REGINALIS

animum votis prægnantem, quibus eam apud Mariam licitabatur. Fecit Maria, quæ sola ut faceret deficientibus auxilijs mortalium, remanserat, non in Ara, sed in captivitate adorata, adeo facili nutu reducens ex hostico, ut non tam annuere captivorum votis videatur, quàm obsequi arbitrijs, quamvis absque delectu omnibus, attamen gratiosis, gratisque maximè, quos si tales non invenit, facit. Altius assurge fiducia mortalium! per opinata solatia, quæ tibi mentiri potes vaga, & exerrans, sequere Mariam affectibus, dum licet, & passibus, nam ut D. Bernardus ait: *ipsam sequens non devias, ipsam rogans non desperas, ipsam cogitans non erras, ipsâ tenente non corrumpis, ipsâ protegente non metuis, ipsâ Duce non fatigâs, ipsâ propitiâ pervenis.*

D. Bernard.

CAPUT VI.

Prodigiosas Maria supplicum è vinculis, & carceribus liberationes prosequitur.

Ad invocac-
tionem Ma-
riæ vincula
sponte de-
cidunt.

D. Ephram.

Vincula &
carceres li-
berum di-
mittunt.

39 **I**N carceribus & vinculis miracula nascuntur. Huc remeant. Cum Tartaris captivorum pars, in vincula & carcerem ivit G. D. *Gabriel Czárnecki*, Vocat Divam Claromontanâ in vinculis, adfuisse vocatam sensit, & expertus est, senserunt Numen & vincula eius, quæ ut voti reum ad Aram Divæ sisterent, sponte decidua, venerata sunt. Favente MARIA, favit & lethargus custodum, fugæ. Dum insequuntur Tartari, in aprico pugillus graminis testum abscondit. Favorum præco homagium præfens præstitit Anno 1617. Quid mortales mortaliû spebus innititur, & damnablem caducamque fiduciam extra Matrem sanctæ Spei venamur? Ad Te recurrimus, Te compellamus cum Divo Ephram: O MARIA Spes desperatorum, per Te reconciliati sumus Christo meo, & Filio Tuo, Tu peccatorum, & auxilio destitutorum, unica Advocata es, atque adiutrix; Tu portus naufragantiû tutissimus; solatium mandî; carcere clausorum liberatrix celeberrima; Tu orphanorum susceptio, Tu captivorum redemptio, Tu agrotantium exultatio & omnium salus.

40 **P**Robè nôrunt Clientes, quid sit amari à Maria. Miraculis perudiuntur. Vir iterum prodit è Scithica servitute G. D. *Cherzenski*, (centum triginta octo annis nomen sepultum non invenio) clausus in carcere Tartarico, feròque onustus, libero animo, in Claro monte negotium libertatis agebat, Favit Numen MA-

RIÆ. Et quid cætera non faverent? Profundus carcer, arcta vincula, fores vectibus obfirmatæ, tenere non potuerunt Mariæ devotum, sponte recedunt vectes, fores revolvuntur, cadant vincula ad nutum Virginis **MARIÆ.** Gloriam tot miraculis propagatam, cui barbarorum oræ, oraque testimonia debent, ad Aram tulit. Anno 1540. En **MARIA**, ut Lactimelleus Doctor ait: *Omnibus se exorabilem; omnibus se præbet clementissimam, omnium denique necessitates amplissimo quodam miseretur affectu.* Simile beneficium de **G. D. Nicolao Warszawicki**, suis operibus inseruit Abraham⁹ Bzovius Tomo 15. Annalium Ecclesiasti ubi plura Divæ nostræ magnalia memorat.

D. Bernarda

Simile apud
Bzovium
tomi 15.

41. Annâ Strzezenska, G. D. Albezowski Consors, Krimum abducta. tres annos serva, quò mitius ferret illam calamitatem, religionem erga Divam Claromontanam assumpsit, Adolevit matura, capaxq; miraculi devotio. Cum alijs 50 Matronis venum exposita, ubi Mango nullum de ea pretium statuit, in carcerem reducta, Divæ vota sacrat, & ecce, stupetque ferrea vincula dissolvi, diduci compedes, adyta repandi; evadit, vaditque prosperè. Occurrit in via Dominus cum Satrapa, qui eam licitatus, reliquerat in carcere; trepidat mulier, obviam tyranno procedit, nec agnoscitur, oculorum correxit errorem carcer vacuus. Libera cum votis venit Anno 1629. 5. Maij. Confiteatur tibi omnis lingua ô Domina, quòd *Dedit Te Dominus in Fædus populi, in Lucem gentium, ut aperires oculos cæcorum & educeres de conclusione vincitum, de domo carceris sedentes in tenebris* ô **MARIA.**

Vinculis prodigiosè absoluta non agnoscitur fugiens,

Isaia 42

42. Decuit profiteri Liberationē à Virgione, quia à **MARIA.** **G. D. Christophorum Skarbek** Palatinatus Lublinensis, apud Tartaros captivus didicit, quantum inter se distent Servitus Libertasque. Totum se suamque sortem Divæ Claromontanæ devovet, Nec frustra. Misit illa de nocte fecialem (Angelum Tutelarem opinari licuit) ætatis provectæ virum, quem vigilibus oculis usurpans, suæque, sequentibus aliquot noctibus, in familiari colloquio, incommoda questus, opem promissæ libertatis accepit. Adest signata senecioris oraculo dies; nullo manus admovete vincula dissiliunt, panduntur fores, nec tenent manumissum Mariæ, vovet retulit Anno 1624. Par beneficium expertus **Christophorus Cieſynski**, per omnia simile, nisi quod hic in vigilia hospitem libertatis fidei jussorem, accepit, ille de nocte; Ecce **MARIA** est illa

Apparicio & liberatio

Simile

*Sapient. 10. Sapientia (quæ) hos qui se observant à doloribus liberavit, hac venditum
justum non dereliquit, sed à peccatoribus liberavit eum, descenditque cum illo
in foveam, & in vinculum non dereliquit illum.*

*Prodigiosa
liberatio &
Aluminis tra-
jectio.*

43. **P**ietatis impetu mens fertur in Moschuam, & calamus.
Hic, Ioanni Lithaor in Arce Biate leziro, collumque ma-
nūsque, pedēsque, ferrum attrivit. Ipsius vitæ miserum tædebat.
Quæ vota Divæ nostræ ægro animo deprompsit, carcer testis est,
qui imperio Virginis, absque manūs alienæ obsequio, vincula mira-
culosè decidua vidit. Testis est & Volchoia fluvius, qui Libertum
Mariæ, ejusdem miraculi subsidio in adversum littus exposuit. Si
beneficium lingvæ tacebunt, fluctus littoribus allapsi sonabunt;
quanquam & Schema gratæ mentis, cum Imagine captivitatis re-
lictum hic, subscriptumque Anno 1566, eandem gratiam loquitur
abundè.

*E captivita-
te liber.*

44. **N**ec tacet N. Martinus Michálowski, quī per manus Tartarorum in Turciam venit. Pars magna calamitatis fuit, in crudelem Dominū fidei desertorem incidisse in Turcia, quem socium Catholicæ religionis habuit in Patria. Ærumnas leviores fecit erga Divam Claromontanā affectio, & fiducia, quā comite liber, ad libertatis Aram gratitudinis anathema, cōpedes appendit Anno 1624. Quid agit mortales inter gratia MARIE? Ostendit D. Bonaventura in Speculo cap: 5. *Gratia Mariæ colligit malos, impingvat bonos, liberat universos.*

*Liberatorū
multitudo.*

45. **H**æc strictim. Nihil itā frequens ætate nostra, ac libera-
tiones captivorum, quorum gratiæ non omnes fastis in-
feruntur, non quòd non magnæ, sed quòd quotidiana frequentia
studium connotationis, & admirationis excedant. Nōrunt ipsa
pœnalia claustra Tartarorum, quorum nobilior munere Legationis
aliquando in Poloniam defunctus, curiositatis causā cum Senatore
quodam, vota persolvente in Claro Monte præsens, nonnulla cum
Patribus nostris conferens quælivit. Hicne est Mons Clarus Czesstocho-
viensis? hunc esse ubi responsum, subintulit: *Quàm fatalū est nobis hic
locus, vidimus eum semper in ore captivorum esse, huc plurimos aspirare,
cum quanto nostrorum Sarraparum damno, testantur carceres miraculosè va-
cui, soluta, proiectaque vincula & compedes; nullæ custodia, nulla vincula
tenere possunt, nulla cura observare ne evadant. Quàm magna gentis ve-
stra, & aliorum veneratione colendum! &c.* Hoc idem supra memora-
tus Mo-

*Tartarorum
testimonium*

gus Moschorum Legatus ad Serenissimum Regem Ioannem Casimirus, referebat, de quo hinc cap: 9. Ad fidem proposito faciendam hæc retulisse sufficiat. Vnde nosci potest Diva Mater Maria, secundum Ildephonsum: *Nostre Libertatis Titulus.*

CAPUT VII.

Sacerdotalis dignitatis Personæ, ab hostibus circumventæ, invocatione Divæ Claromontanæ, superant, evaduntque pericula.

46. **L**ætitia & Gloria Sacerdotum MARIA, (sic à D. Ephraim appellata) quos dignitatis exceptione singulari extra, supraque mortalium conditionem statuit, suis quoque curis dignatur. R. D. Ioannes Mussenius de Krosno, & R. D. Clemens Szimecz de Zdzielskowice Presbyteri, Anno 1577. 10. Maij, ex Synodo Præmissiensi reduces, ad Collegam in Charle diverterunt. Nocte concubia 40. circiter prædones stipitibus & securibus armati, miserè confusos, ac vulneratos, direpta suppellectili, reliquerunt. Nullus vitæ spem fecerat semineibus. Vt potuerunt mutuo provocata devotione, suspirijs Mariam appellabant, Claromontanæ Basilicæ limina visitare polliciti. Adfuit vocatum ejus Numen, sanitatem vitamque desperatam dedit, quod beneficium, vota solventes Syngrapha testati sunt.

D. Ephraim

Duo Sacerdotes à prædonibus vulnerati miraculose curantur.

47. **N**ostri sæculi est, quod sequitur. R. D. Pigelius Aedituus Bujakoviensis, in Ducatu Silesiæ in villa Krzyzanovice, Decanatus Rattiborien: ab hæreticis captus Principis Karnoviæ militibus, & Comiti de Turno oblatum, ubi 300. Equites, & 100. pedites præsidium tenebant, de thesauris Ecclesiæ requirebatur, Excoriatione, strangulationem, capitis præcisionem, positâ super collum machæra, minitendo, ad prodicionem cogebant, metum auxit antecedanea crudelitas, quæ complures ibidem Sacerdotes sustulit de medio. Inter frementium armorum furorè, procumbit in genua, Divam appellans: *Sub tuum præsidium, &c.* & votum Claromontanæ Visitationis ingeminans, Libertati donatus est; quam Syngrapha recognovit Anno 1623. 7. Maij. Vide & confide, quod (ut ait Sapiens) *MARIÆ gratia & amicitia liberant, quas tibi servare ne exprobrabilis sis.*

Inter hæreticos captivus liberante potitur.

Proscrib: 18.

Multiplex in
liberatione
beneficium.

48. **R**everendus D. *Ioannes Rádosenki*, Parochus Szymkoviensis, Anno 1656 ad Reverendissimum D. Abbatem Paradisiensem in Silesiam profectus, à Svecis interceptus (eo tempore Poloniam populabantur) sex hebdomadas in carcere detentus, quatuor dies inedia maceratus, postmodum poenis immeritis vitam daturus, vitæ consilio, à votis ad Aram Odigitrixæ Imaginis, sumptu, è fenestra carceris ad octodecim cubitos se se præcipitem dedit. Quot Diva Mater ulnas supposuerit, agnovit, nullum sensum doloris, aut convulsionis expertus. Duo restabant, obstabantque Libertati, flumen rapidum, & vulnera insequentium, successit Libertas, nam & securam protegente Maria fugam fluctibus innatas raptavit, & cum aliquot centena sceloporum è continente in profugum exonerarentur, tot armis in se ruentem mortem evasit. Præsens gratiam Dyphicis Parthenijs testatus est.

Inter periculum
virescentium
& morborum.

49. **S**upplicem, ex insidijs, hæreticorum elapsam excepit Aramariæ A. R. D. *Bartholomæum Ciešynski* Decanum, & Parochum Kovnensem. In structas ab hæreticis insidias impegit. Armis prævaluit odium ingeniosum, prolapsus armis premebatur, fluente copioso sanguine, in quo vitæ naufragium imminebat. Novus Marianus Geryon à casu vires colligens, surgit, nudam manum, nudum infaustis ferrum arripit, quo confudit, contuditque conatus hæreticos victor. Divæ retulit victoriam, cui ad Aram Clari montis vota spondebat. In tabulas Marianas relatum Anno D. 1627. ultima Octob: complures alios favores recensendo, quos in morborum, & aliorum discriminum impugnatione percepit. Mors, periculum, fraus, dolorque fugient, modo, ut Lactimelleus Doctor *D. Bernard.* ait; *In periculis, in angustijs, in rebus dubijs, Mariam cogita, Mariam invoca, non recedat ab ore, non recedat à corde Cordi nostri Cor MARIE.*

Pura beneficia.

50. **A**mplioribus gratijs ornavit MARIA R. D. *Bartholomæum Celewicz* Parochum Borkoviensem Anno D. 1650. In morbis, qui medicam artem fallebant; in animi dilaceratione, seu quadam naturæ implacabili tyrannide, ad Divam Claromontanam votisivit, & propitiam habuit. In his futurorum beneficiorum obfidem accepit fiduciam. Anno memorato, dum prædatrices copiarum Kosacorum, & Rakocianorum, ad oppidum Proszowice (4. Levcis Cracoviæ) per campestria vagantur, septus armis, animo primum, deinde corpore cœpit angustari. Solabatur trepidantem recordatio præ-

tiō præteritorum, iterum ad subsidium Divam Claromontanam devocat, & habet Adititem. Senferunt latrocinantes phalanges, quæ panico timore percussæ, securum reliquerunt. Tot gratiarum portitor vota solvit.

51. **A**ffinitas beneficij trahit in consortium gratitudinis & R. D. *Ioannem Rubinkowski* Dunaygrodensem Parochum. Sedis Apostolicæ in Consistorio Kamenecensi Notarium. In obsidione Barensi sex Sacerdotes cæcos spectavit, septimus ille polcebatūr ad necem. Huic loco se se votis despondet, & ecce inter fremitus Kosacorum Tartarorumque, veluti invisibilis, cædi subtrahitur; nondum tamen extra periculum, nam relegatus in carcerem quidquid fortuna ferret iniquior, expectat. Divæ se dum commendat, inopinato lytrum adest ab Archidiacono, quo factus liber, totum se debere huic loco professus est, præsens Anno D. 1650. 9. Iunij. Tot Mariana gratiæ ornamenti illustris loqui potuit de Maria cum Petro Damiani Serm. de Nativit. B. V. M. *Scio Domina, quia benig-* *Inter Kosacos & Tartaros mortem evadit.*
gnissima es, & amas nos amore invincibili, quos in Te, & per Te Filium Tuum, & Deus Tuus summa dilectione dilexit; imò ipsa sibi devotos peculiariter diligis, juxta illud Proverbum: Ego diligentes me diligo; & quia amor nonnisi amore rependitur, ideo eam amare pro virili studeamus. *Petrum Damiani*

52. **A** D Aram Sacris operantem R. D. *Martinum Boznowski* in Vliatin & Tinno Tartari in hostiam deposcebant, ad Liturgiæ finem implentes Ecclesiam. Divæ nostræ se commendat, ad cuius Eclypum sacrificatum est, & versis ad suppellectilibus Ecclesiasticæ direptionem Tartaris elapsus est. Reversus non multo post, iterum invadentibus Tartaris periclitatur, sed invocata rursus votis Mariâ, opportunum dedit latibulum, quod Clientem incolumem servavit. Iterum de Grodek cum DD. Hæredibus domum profectus, à Tartaris, qui tractus intederant, circumdatus, pari beneficio servatus est. Tot Mariæ trophæis auctus in Claro monte cum M D Kalinowska Capitanea Kamenecensi, Laudes, & gratias dixit Mariæ huic loco salutem suam attribuens Anno 1623.

53. **A**lius in vinculis, Mariani mancipatus compedes cum amat, it in libertatem. Est R. D. *Adamus Budkowiez*, apud Tartaros captivus, vincula, carceres, complura vitæ discrimina, subsidium Mariæ ex hoc loco implorans superat. Miraculo

E captivitate Tartarica liberatus.

rem ge-

rem gestam in autographo ostendit Anno 1611. 18 Aprilis. Gratum talemur tantam potestatem *MARIÆ*, sed & nobis ejus dignatio-
D. Bernard. nem. Bellè dulcis Bernardus Serm: 4. de Assumpt: Nos quidem ser-
 vuli Tui ceterū in virtutibus congaudemus Tibi, sed in misericordia potius,
 congaudemus nobis ipsis *ô MARIÆ*!

Inter latro-
 num infidias
 victor,

54. **E**T in Patria hosticum offendit A. R. D. *Iacobus Kakolewski*
 Præpositus Białokamenecensis. De Iaworow cum Domi-
 na sua Parente ad Montem Clarum profectus, votorum solvendo-
 rum causâ, post obtentum ope Mariæ in morbis desperatissimis vi-
 tæ beneficium, in latrunculos infami prædandi dexteritate nobiles,
 qui armis tractum occuparant, incidit. Viâ cedendi necessitas,
 honestus rixandi, prædandique titulus fuit; quâ verbis mordaci-
 bus, quâ armis minacibus inermes ad pugnam provocabant. sed
 Prælatus leni verborum gratiâ pugnam dissimulat. Nihilo miri-
 ores gestatoriam bombardam ad caput, strictam frameam ad collum
 applicant Prælato, ut eo deterrito, aut sublato, liberius imbellis
 præda cederet. Expertum antehac auxilium à Diva, cui vota fe-
 rebant, imploratum est. Aderat, nam exonerata bombardam fefel-
 lit ictum fatalem, & quamvis serena dies spiraret Etesias, subita
 aëris tempestas terrefactos involvit. Audaciores cum fecisset præ-
 dæ spes avara ad vulnera pugnatum est. Soror A. R. D. Præposi-
 ti binis affecta vulneribus periculi signum tulit. Vna opportunè
 aderat machæra, cuius, in pugna capulum præcisum, infirmam im-
 parémque periculo dexteram reddidit. Adfuit invocatum Virgi-
 nis Numen, nam Prælatus, veluti si adversarijs ademptas vires u-
 surpasset, adeò inermis invaluit, ut superandis pluribus unus suffi-
 ciens, equis dejectos, fatigatos, in terram stratos, absque vulnere
 tamen reliquerit victor. Recognitum, & in Fastos gratiarum
 Mariæ relatum Anno 1640. 3. Maij. Hinc audisse mihi videbar
 ad Aram exclamantem cum Divo Germano Patriarcha Constanti-
 nopolitano: *Certè Domina Dei Parent, certè meum refugium, vita &*
D. Germanus *defensio, arma & gloriatio, spes & robur meum ô MARIÆ.*
Patriarcha
Constantin.

Garceres e-
 labitur.

55. **A**Lius non armis, at votis, non pugnando, at precando glo-
 riosam adeptus victoriâ, hic supplex stipat Aram Mariæ
 suis trophæis, Est R. D. *Sigismundus Zarnotewski*; in carcere, & vin-
 culis Divam appellans, barbarorum curas, & carceres evasit, voto
 huc nuncupato. Beneficij memoriam cum Personis primæ digni-
 tatis testibus in Acta Mariana inseruit Anno 1622.

36. **I**terum Moschovia Divæ nostræ supplices ad homagium reddit. R. P. Bonaventura Bonar Ordin: S. Francisci Strictioris Observantiæ, in squallore carceris Moschovitici detentus, vota ad Divam Claromontanam frequentavit. Equidem non tantum in his angustiis, at in alijs tum infirmitatum, tum aliorum discriminum casibus positus, liberalem in partitione gratiæ, expertus est. Authographo recognitum reliquit ad Aram præsens. Vtere jam manumisse Mariæ stimulo Tutelaræ Tui Bonaventuræ, quo Religiosorum, ac fidelium corda provocas ad amandum amores & gratias Mariæ, & loquere: *Religiosi omnes honorate illam, quia ipsa est Adjutrix, & vestra specialis Advocata MARIA.*

Plures gratias

D. Bonaventura
in Psal: Be
Virg: Maria

CAPVT VIII.

Imagine Virginis Odigitriæ sua protegentes pectora, tum in acie, tum in alijs occasionebus prodigiosè ab armorum ictibus, & vitæ periculis illesi.

37. **H**uc pertinet applicandum Divæ Nostræ quod Franciscus Petrarcha Petrarcha accinit **MARIÆ**, restitutum in Latinum à Philippo Beroaldo.

*Tu Clypeus miseris firmus mortalibus una es
Ictus fortuna contra, mortisque cruentos.*

Clypeus Maria

Norunt illi, qui Odigitriæ Imaginis Imaginem, omni Bulla pretiosius gestamen, signum felicitatis, circumferunt. Novit & G. D. *Nicolaus Moczárski*, in castris annos triginta versatus, nunquam ex acie pedem retulit, semper adverso in omnem ictum fortunæ pectore. Suffragio fortitudinis, & felicitatis, bellicis admotus dignitatibus, inter missilia, globosque nihil læsus, & veluti aliqua styge lustratus videbatur, cum lædi non potuit. At quæ Pallas sævâ Gorgone formidabili seuto, pectus & latera tutata est? Iam edixit, scriptq; Cliens in Parthenia Ephemeride, protectione Mariæ vitâ incolumem in acie stetit, cujus Imaginis Claromontanæ Ectypum in pectore ferebat contra omnem fortunam securus. Quoties inchoanda belli proodia, primus ruit, illi se despondens, cujus Imaginem habuit pro pelta. Interpositâ conscientiæ fide retulit vota solvens Anno 1628. Quis non credat quod *Clypeus est omnibus* *Proverbi 31*

Triginta annos extra periculum Imagine Odigitriæ proteget pectora.

stantibus in se MARIA

ANALECTORVM MENSÆ REGINALIS

58. **P**eregrinè D. Bonaventura de MARIA. *Qui habuerit cha-
racterem Nominis ejus adnotabitur in libro vite.* Addam: Qui
portaverit Imaginem ejus cum fiducia in Deo, à vitæ præsentis pe-
riculis præservabitur. Exemplum probat in Viro Nobili *Adamo
Strzatkowski.* Is sub Batovv ab hostibus interceptus, in sylvam
tractus est immeritis capitis pœnas daturus. Iam procubens in-
genua cervicem flectebat, verum Imaginè Divæ nostræ apprimens
pectori, vitæque exorans virtute Numinis MARIAE hostis ferire,
ille mori prohibetur, cadente ferro, tremefactis manibus tartarus
barbarum quid immurmurans coepit placari. Nihilominus Erynnis
innata suadet illi nocendum, quem aliquando sibi nociturum in a-
cie suspicabatur. Iterum adactus in genua fatalem ictum expectat,
at idem è collo pendens amuletum appressumq; pectori impenden-
tem acinacem cohibuit, vim repressit. Hoc sub Batovv.

59. **A**nno postmodum secundo sub Cudnov dum in acri con-
flictu in eos, qui latera stipabant, pericula mortisq; di-
viduntur ictu excepit adverso pectore, qui transverberato nexili tho-
race, ubi in Imaginem è collo suspensam, impexit, agnoscens Nu-
men protegentis MARIAE, post extimam vestem, thoracèq; lapsus
adoravit. Corpus illæsum, thorax ferro nexilis trajectus, globus
grandioris bombardæ, (musq; verum dicimus) in Imagine vestigiū,
prodiderunt magnitudinem periculi.

60. **I**dem in Sadek neglecto quodam in pedem defluxu, vitæ
periclitari coepit, nec enim capax erat remedij, lethali pe-
riculo absolvitur, medicam MARIAE manum implorans. Pertæsus
otium domesticum, ad castra movit, hîc duobus globis bombardi-
nis petitus, dilectæ sibi Imaginis Clypeo munitus, mortem retu-
dit. Tot bellicis, ac domesticis, de barbaris, de vulneribus, de for-
tuna, victorijs illustris, tot gratias consodaliū testimonijs firma-
tas in Claro monte vota solvens subscripsit Anno 1672. Confide,
& aude dicere cum Cosma Ierosolymitano: *Invituperabilem Deipa-
ra spem Tuam habens salvabor; defensionem tuam possidens Immaculata, non
timebo. Persequar inimicos meos, & in fugam vertam, solam habens ut tho-
racem protectionem Tuam, & omnipotens auxilium Tuum. O MARIA!*

61. **G**eorgius quoque Kobylecki Vir Nobilis cum aquilonari
Marte signa conferens majoris bombardæ globum pe-
ctore

ore exceptit, sed veluti cautes respuit. Stupebat prodigium exercitus, Divamque nostram veneratus est, cum vidit ejus Imaginem pectus obarmatum. De morte victor, vota solvens, & gratiam enarrans, facti memoriam fastis intulit. Oraculum Sapientis provocat ad amores Divæ Virginis Proverb: 4. *Arripe illam, & exaltabit te, & glorificaberis ab ea, cum illam fueris amplexatus, & coronâ inclytâ proteget te* MARIA.

Proverb. 4.

62. **Q**Uod Regum aures implevit, Exercituum Duces exhilaravit. In castris, colendæ Odigitriæ Imaginis consuetudinem roboravit, barbaros stupefecit, antequam Fastis Marianis infereretur, nunc propono Imaginis miraculum, quod ostendit, ubiq; & in castris, & in tranquillitate domestica, & in captivitate Numen MARIÆ invocantibus propitium. Generosus D. *Andreas lezowski*, Ductor Copiarum Serenissimi Regis, impensa devotione colebat nostræ Imaginis Imaginem, quam velut fortunarum omnium auspicem secum ubique limbo argenteo circumductam in theca sericea, more nostris Polonis consveto, è collo pendentem circumferebat. Contigit sub Brahisów Anno 1666. Affinis ejus Nob: D. *Iosephus Łąsor*, cum supremâ ægritudine luctatus, hanc Imaginem, quam memoratus D. *Andreas lezowski*, omnium expeditionum comitem habuit, sibi porrigi impetravit. Itaque manibus insertam dissaviat, complectitur, apprimat pectori; conceptâ pristinæ sanitatis ingenti fiducia; cupiensq; eandem, ultimæ luctæ adstitem (si ita Fatis visum esset) habere, ad grabati latus curat appendi. Sensit moribundus præsens Virginis Numen, in flammis ab Imagine procedentib; torpens mortis gelu incalescit vehementius, æstuat, ardet, demum incendio ferendo impar, Imaginem adductâ cortina velari præcipit; nihilominus salutaribus torretur ignibus; qui dum paulo post remissius agunt, in placidum somnum resolvitur. Incendium, quod jaculabatur Imago, quam fuerit salutare, somno excussus intellexit, plenâ sanitate donatus. DEO, MARIÆ, adscriptâ vitæ gratiâ, quam exinde studiosius venerari cœpit G. D. *Andreas lezowski*.

63. **R**ependit ampliori beneficio venerationem suæ Imaginis MARIA. Anno eodem 1666 in Podolia sub Iazłowiec in villa Bazar nuncupata, subterraneæ specus, in qua more Podoliensium, qui carent granarijs, frumenta longiori tempore servabant, ostium ut primum aperuerunt subditi, villicus pestiferâ exhalatione

affatus subito concidit extinctus. Coniux Gen: D. Andreas Iezowski, præfatam Imaginem super mortuum, aut mortificatum posuit, invocans Matrem vitæ MARIAM votis supplicibus; quæ Imago nuper jaculata flammis, moribundo sanitatem donavit, eadem vitæ spiritum in cadaver, in quo nullum explorare potuerunt adstantes vitæ vestigium, vigoremque membris infudit, sub illo enim dulci pondere suspirare cœpit, & suspicere, pauloque post plenâ valetudine potitus, se vitam debere MARIAE recognovit.

64. **A** Nno post decimo, scilicet 1676, sub Zorawno signa moriens Gen: D. Andreas Iezowski, individuum comitem belli secum tulit, & hanc Imaginem, dumque minus prosperè dimicatum est, ad Woynilovv interceptus à Tartaris, & in hosticum abductus, ærumnas captivitatis, carceres, famem, verbera, quæ tribus per hebdomadam vicibus reperebantur, ejusdem præsentia, preces fundens, & lachrymas, solabatur. Aliquamdiu cœlare potuit sibi permultum dilectam Imaginem. Postquam verò melioribus vestimentis exutus est, & ille pretiosus thesaurus abscondi non potuit; venit in manus barbarorum. Imago, quam lachrymis & precibus impetrare non potuit: at quia argento spoliata hosti visa fuit vilior in majorem Fidei nostræ, sacrorumque contumeliam procul inter equos abjecta est, pedibus eorum conculcanda. Iam longè gravior fuit captivitas absque Imagine, cujus jacturam deplorabat. Laboribus, & mœrore fatigatum somnus invalit. Evigilat, Imaginem ponè caput repositam aspicit, stupet, lætus excipit, cujus restitutionem adscribit miraculo. Sedulus captivorum observator Scythia, videns Imaginem ad Andream reducem, iterum totis obnitenti viribus eripere conatur: spectat pertinacem utriusque luctam: quidam ex maioribus Satrapis (Mursas vocant) rapinam prohibet, finitque captivum aliquali ex illa Imagine frui solatio. Et in hostico religiosissimè deinceps Divam in hoc Simulacro coluit, cui precibus & votis suam liberationem committebat. Hac Auspice Libertatem adeptus coram Serenissimo Rege IOANNE nunc regnante feliciter, & Principibus Viris propalam prædicavit se semper Divæ MARIAE, in Odigitria Imagine venerabili, auspicijs suam à captivitate vindicationem debere. Et ne oblivionis injuriâ tot gratiarum interiret memoria, Patribus Conventus Nostri Varlaviensis ad Sanctum SPIRITUM

IVM in scripto tantorum magnalium fufforem recognitionem porrexit, Belli Ducum, & Illustriorum Personarum (quæ in Archivis leguntur) manibus subscriptam, Actis Domus Marianæ inferendam. Anno D. 1677. 14. Januarij.

65. **P**lura exempla non refero, quamvis nudâ narratione relata exceperim plurima. Ea solùm memoratur, quæ propter veritatis auctoritatem à testibus petitam, legitimè fastis Parthenijs illata sunt. Hac Pelta salutari Nobiles, Duces, Senatores, Principes sua pectora communiant, uberem suæ devotionis mercedem accipientes in casibus adversis tutelam. Si in Aulis Principum, Regumq; in *Aurea Fortuna* locum successit (ut supra clarè monstratum est) in pectoribus appensa *Aurea Bulla* (quæ signum nobilitatis erat, quò victores donabantur) vicem occupat, quam Cicerone in Verrem *Indicium*, atque *Insigne Fortuna* appellat. Hanc alij in argentea, alij in cuprea lamina pictam, in pectore deferunt, reperies Iro quoque pauperiorem, qui Procerum Regni, Nobiliumq; devotionem æmulatus, Ectypum hujus Imaginis, aut Scapulari, aut vesti assutum, aut in lamina è collo pendulum, suæ felicitatis, ut inquit de Bulla Juvenalis.

Mos Odigitriae Imaginis exempla ria appendi in pectore,

In Juvenalis.

- - - *Signum de paupere loro*

deferat. Et triumphantium, Bulla gestamen erat, in cûjus medio seu corde, remedia contra invidiam (ut videre licet apud Pierium Valerianum Lib: 41. cap: 5.) veluti amuleta reponebantur. Hoc certè contra invidiæ fortunæ odium novercale Clientes in sacra Imagine, veluti in *Aurea Bulla* amuletum habent, cum quo omnem ejus aciem triumphant.

Pier. Valer.



ANALECTORUM MENSÆ REGINALIS
S E V

HISTORIÆ, DIVÆ VIRGINIS
CLAROMONTANÆ MARIÆ.

PARTITIO V.

Pericula ab Elementis, & Elementatis Clientes cum Diva Claromontana triumphant.

Hic est

MUNDI DOMINA MARIA.

Domina
Maria.



MARIA interpretatur DOMINA, hoc quoque optimè competit tanta Imperatrici, qua revera Domina est Cœlestium, terrestrium, & infernorum; Domina inquam Angelorum, Domina hominū, Domina Demonum, Domina utique in Cælo, Domina in mundo, Domina in inferno. ait D. Bonavent: in Speculo cap: 3. Quia in primo instāti suæ conceptionis, Monarchiam totius promeruit, & obtinuit universæ, teste Bernardino Senesi. Si e-
D. Bernard: Senen:
D. Athanas: nim (ait Athanasius) Christus Rex est, & Dominus, Mater qua eum genuit, & Regina & Domina verè censetur. Itaque Verè rerum omnium conditarum Domina effecta est, cum Creatoris Mater extitit, asserente D. Damasceno lib: 4. Orth: Fid: cap: 11. Hunc antehac semper Polonia attribuebat MARIÆ titulū, ut vetusta Missalia Dioecesis Cracoviensis probant, in quibus inscribuntur Missæ de Domina. Et si Dominam à Domando dicimus; vide quomodo elementa domet nē noceant,

CAPVT

CAPVT I.

Ruinis terræ oppressos, profundisque foveis illapsos, desperato casu; MARIA viribus vitæq; restituit.

1. **M**agna Domina MARIA, ideò magna virtus ejus, in terra, & sub terra. Viderunt omnia sæcula, & nostra. Exemplum quæ mireris, accipe. Anno 1609. sub Ilkufio (Civitas est ab urbe Cracovia ad quintum circiter lapidem projecta, plumbi, argenti que mineralibus opulenta) quinque operarij, *Iacobus Golá, Valentinus Lantogonek, Iacobus Pinowarek, Simon & Ioannes Bodzinek* germani fratres, in lacuna ad 90. cubitos profunda, impendente mole terræ, 18. Augusti clausi, ad 22. Mensis ejusdem latuerunt, extra omnem auxilij humani spem. Vitæ, & spiritu Divæ nostræ vixerunt, cui se committebant. Votæ, quæ cælos penetrant, altitudinem terræ superârunt, eluctata ad aures MARIA, quæ pios animos Civib; indidit terram egerere, & oppressorum cadavera solito Christianis more sepelire. Vivos inveniunt, supplicēsque ad Aram Claromontanæ MARIAE sistunt. Anno quo supra.

In lacuna
terrâ obruti
quatuor ope
rarij illasi
inveniuntur

2. **M**atthias Glinká puteanus de *Ostrowie*, scaturigines aquæ rimatus in profundo, oppressus mole terræ, gemebat sub pondere, multumque luctatus, dum incubantē glebam excutere conatur, succubuit. Desperato libertatem providit MARIA, ad cuius Aram suspirabat. Vicinus non procul à loco, in quo Matthiam noverat laborasse, transiens, deflexit à tramite visurus operam, sed acclinis ad os putei, suspicari cepit, quod erat, ruinâ tumultum. Accivit socios, qui non æquo tumultu conditi, iusta soluturi, sarculis, ligonibus, manus admoliuntur, egesto que terræ ingenti pondere, in vivo miraculum inveniunt. Divæ nostræ sospitatu vivus, ad gratias animos spectatorum, enarratione beneficij coëgit. Relatum Actorum Præsidij, & factis ritè adnotatum cum testibus. Sicut aliorum Omnipotentis suæ miraculorum, quibus negotium salutis nostræ ante sæcula præordinatum agebatur, MARIAE administrâ Deus effecit; ita horum omnium Opificem constituit. Testatur Chrysippus. *Horum omnium, quæ alia causa est, præter eam, quæ genuit hujusmodi miraculorum Opificem, id est Christum.*

Similes

Chrysippus
in Orat. ad
Despar,

In profundo
casu dura
collisio & sa-
nitatis gra-
tia.

ANALECTORVM MENSÆ REGINALIS

3. **M**arianæ gloriæ semina, miracula, iterum è fodinis *Ilkufen-
sibus* trahuntur. Anno 1643, *Ioannes Wieliczka* Civis *Ilku-
sensis* cum filio *Laurentio* per fauces lacunæ suburbanæ ad 60 cu-
bitos demittebatur. Citius quàm sperabant, infelicius quàm cu-
piebant, rudente rupto, ad fundum decidui, venerunt. Collisio-
ne violentâ, laxata membra, solutæ nervorum compages, vires, &
propè vitam ademerant. Protrahuntur bina funera, quorum ca-
sus miserabilis excivit ad 100 personas, quæ spondere vitam non
præsumentes, lacrymas dederunt. Consilium fuit *Divam Claro-
montanam*, quam illa Civitas annuis excursionibus impensè cole-
re sœvit invocare, & invocavit, vota votis comulando. Preces, nō
morata *Maria* jam jam intereuntem vitam revocavit. Grati cum
redivivis Clientibus Givēs, *Divam* homagio venerati sunt, qui ex-
traordinariæ gratiæ spectatores, iidem & testes.

Similes

4. **I**n eodem quoque suburbano. *Stanislaus Kita* ad 50 cubitos
in fauces mineralis fossæ deciduus, jamque animam agens,
ad *Mariam Czeszochoviensem* aspiravit. Sospitatricem, quod ha-
buerit, mirabiliter ereptus morti, miraculi secum extulit vestigia
Anno 1610. Quicumque solatiorum expertes, in profundo mise-
riarum, aut quod longè miserabilius est, in profundo peccatorum,
viciniores Herbero delitescentes gemimus, inclamemus, & salute-
mus patheticis affectibus *MARIAM*, nostris calamitatibus intentam.

D. Bonacēt.
in Salve Re-
gina.

*Salve Virgo Virginum stella matutina,
Sordidorum criminum vera medicina.
Consolatrix hominum. qui sunt in ruina
O MARIA!*

Casus inno-
cuius.

5. **A**lius à fortuna damnatus ad ossifragium (*Christophorus*
nomine) incautè in puteum profundiorē lapsus, stipite
obstante in ejus orificio, luctabatur, quaecunque sibi laturus au-
xilium *MARIAM* identidem appellabat votis, cum decreto *Claro-
montanæ Visitationis*, nihilominus ut periculum experiretur, &
miraculum, præceps in profundum, casum frustravit; incolumis
extractus, votum, quod *Aris MARIÆ* debuit, solvit Anno 1598.
5. Iunij.

6. **A**lios collidunt, alios dum favet *MARIA* in faciem sinum
excipiunt præcipitia. Nobilis *Anna Krzyporecka* in Palati-
natu *Ploenski*, nocte currum præcedens, in foveam lupis capiendis
ador-

adornatam lapsa, cum prole, quam pragnans ferebat, periclitata, ad Matrem, omnium meliorem Matrem Mariam vota promisit, ad ejus Aram hic supplex futura. Correxerit errorem, calumque ejus miseratione, quæ matrem & prolem servavit. Recognitum Anno Domini 1593. 30 Maij.

7. **V** illa *Grudzin* erutam lacunâ puellam, stitit cum gratiis ad **MARIAM** Anno 1613. 3. Maij. Hæc, Nicolai & Annæ filia, ad fodiendam argillam profecta, abruptâ desuper impendente gleba, tumulata est. Serum laturi parentes auxilium, pondus amoluntur, extrahuntq; exangvi pallore, livoreq; mortuali deformem Cura satis impigra viribus revocandis adhibita est, sed letalis tepor studium, & industriâ frustravit. Eundum erat ad Divinam, Divinæq; Virginis opem; sed omnes occupantur in exploratione spiritûs vitalis. *Sophia* vicina puella, consobrinæ miserata casum, innocentes manus, lacrymasq; Aris Claromontanæ Mariæ offert, & stupente natura, attonitisq; omnibus redivivam accipit. Confiteamur coram Domino Dominorum, miserationes bonæ Dominæ **MARIÆ** (cum Damasceno de Dormit. Virginis) *Quisnam immensorum horum bonorum, atque omnem mentis caput, & cognitionem superantium Officina exiit, an non perpetua illa Virgo, quæ se in lucem edidit, MARIA?*

Puella in
lacuna op-
pressa,

D. Damasc.
scenno.

CAPUT II.

Ex ædificiorum, Arborumq; summitatibus prolapsos; ferocientibus equis excussos, letaliterq; collisos, vocata Claromontana Virgo, pristina vitæ, viribusq; restituit.

8. **N** vantium, lapsorumq; **LEVANAM, MARIAM, Clientes** Experti, explodunt superstitionem Tartarorum, qui (teste Botero) ad ostium fluvij **OBIC**. patrio ritu quoddam colunt idolum Anus decrepitæ (Anum auream appellant) quæ unum ad pedes provolutum, habet, alterum in ulnis gestat infantem. Quoddam telluris, aut generalis cuiusdam Numinis credunt Simulacrum, ejus officij est, hominem à ruinis, aut præservare, aut relevare. Verum posthabendo profana, Mariam, aut præservantem, aut relevantem à ruina, corporis & animæ, Clientum Bajulam, credamus; cuius munus expressit *Noëmi*, id est *Pulchra*, quæ gremio, suæ *Nurûs* excipiens

Boter lib: 20

Idolum a-
puâ Tartar

Ruch 66

cipiens infantem, Nutricis, ac Gerula fungebatur officio. Nam collapsis, quomodo non minùs faciles, quàm fideles, obvia casibus, ulnas explicet, adverte.

Admodum R. D. *Simon Ludovicus Zyglinensis* Parochus, Anno D. 1644. dum Svecorum prædatrix cohors Parochialem ejus Residentiam invasisset, è superioris cœnaculi fenestra præceps, viam evadendi quæsit. Violento casu convulsus, dum virium impos jacet, apud hostes miserationem inruit. Sensim ergo recollectâ mente & spiritu in concusso corpore, *MARIAM Czeszochoviensem*, ad ejus Templum, se adfuturum supplicem spondens, implorat, & Medicam in casus desperati reparatione expertus est. Exclâmet cum D. *Anselmo*: *O Femina mirabiliter singularis, & singulariter admirabilis, per quam elementa renovantur, infirmi medicantur, homines salvantur, & angeli reintegrantur. O Femina gratia plena! de cujus plenitudinis abundantia respersa reviviscit omnis creatura.*

Præceps ab
alto & con-
cussus sanita-
ti redditus.

9. **A** Tronita Vrbs *Leopolis* ad prodigium, Divæ nostræ clemens-
tiam laudavit, Anno 1638. Fuit hoc in *Blasio Firlik*, quî
laborans in erectione lapideæ, à summo culmine (quinquaginta
cubitos numerabant) decidens, colliusq; ore, naribus, auribus
fudit sanguinem. Sensus Confusi, aliquod adhuc vitæ superstitis ve-
stigium præferebant, animus autem adhuc suus, sanitatis suæ nego-
cium suspirijs commendabat Divæ *Claromontanæ* *MARIÆ*, quod
consecutus, se debere huic loco professus est Anno 1638. 5. Maij.

simile.

10. **S**imilis ruina concussit *Benedictum Iudyskæ* *Malogostensem*,
Ab alto præceps, & in frequentia, quæ è muro promine-
bant obstacula, impingens, ubi desperatus appellavit votis Mariam,
extemporaneas vires ad opus prosequendum accepit. Ad Aras Ma-
riæ supplex, voto huc nuncupato beneficium adscripsit.

Convulsio,
& ossifragiâ

II. **S**tanislaus *Alexandrovicz* apud R. R. P. P. Conventuales Sancti
Francisci, in *Bytomie* à servitijs, è fastigio domûs prolapsus,
non tantùm casu gravi luxavit nervos, sed penitus tibiam. fregit.
Ossifragium, & langvor in concusso corpore immedicabilis, ulte-
rioris vitæ spem amputavit. Ipse miser, suæ fortunæ faber, & sa-
nitatis artifex fuit. *MARIAM* sibi votis fecit propitiam, ad *Basili-*
cam *Clari Montis* iter decernens, quæ opem tulit sperato citius, &
pedem consolidans, & membris vitalem vigorem insinuans prodigio.
In Fastos gratiarû adnotatû Anno 1626. Quid dicam de ma-
nibus

PARTITIO QUINTA

97

nibus Mariæ, nisi quod sint non tantum Cœlestis Salomonis, sed & miserorum Ferculum, hoc enim (ait Rychardus à S. Laurentio) agri Lib: 10. dā & debilibus necessarium, omne enim genus mortalium, tam peccatorum, quam Laud: Beati & penarum morbu agrotat, & à planta pedis usque ad verticem capiti non est sine, in eo sanita, & omnes indigent fulciri patrocinij Virginis gloriosa.

12. **A** Què funestus fuit casus, ab alta arbore Alberti Brostensis à Bochnia mortuo, quàm vivo similior, domum reportatus est. Solus spiritus vix superstes fecernebat hominē à cadavere. Domestici de funere, moribundus de Maria cogitat, ejus Imagini devotus. Miraculo indeptam vitæ reparationem, juramentum probavit. Anno 1591. 1. Maij.

13. **S**Æculi & anni ejusdem est beneficium Divæ nostræ, in Valen- Hæ arbore
tino Tabczyk de Strypow propè Niepolomice, quem præcipitem lapsus, &
ex arbore procera paralytis corripuit. Frustrata in arte medica stu- Paralytis
dia coegerunt vota ad MARIAM. Spondent amici ad ejus Aram ho-
magium cum ægro & publico prodigio, viribus & sensibus restitu-
tum accipiunt, sistuntque supplicem cum gratijs. Anno 1591.

14. **L**Evanam Mariam habuit & Bartholomæus Kotodzieczyk. Ar-
boris præaltæ cacumen prensans, decedit, jacuit, mori cœ-
pit. Transcuntes fortunâ vicini, manus amicas admovent, & mori-
bundum ad proprium larem deportant. Iam leto vicinum, in mor-
tuale stratum deponunt, complorantque precibus Mariam, ad prodigi-
um lacellendo. Adfuit fiduciæ Christianæ meritum conferens,
desperatæ valetudinis restitutionem. Votorum reus, Numen Mariæ
beneficium in thaumaturga Imagine gratus adoravit Anno 1626. En
quam salutem fatali casu, plectendo piacula mortalium, Patris indi-
gnantis aufert Iustitia, eandem Clementissimæ Matris MARIÆ resti-
tuit misericordia. Audi D. Anselm: Sicut Deus suâ potentiâ parando cun-
cta Pater est, & Deus omnium; ita Beata Virgo Genitrix MARIA, cuncta
reparando, Mater est, & Dominarum rerum.

D. Anselm.
de Excellē-
tia Virgo
Cap: II.

15. **N**ON obsolescunt ætatum lapsu memoriæ gratiarum M A-
RIÆ. G. D. Nicolau Czynski à ferociente equo excussus,
horis aliquot, interclusâ loquendi facultate, comploratus à familia,
decubuit. A servis beneficium valetudinis accepit, qui eum Divæ
Claromontanæ devoteutes, ad vitam repararunt. Syngraphâ, quæ
in Archivo fusiùs legitur, gratiam testatus est, Anno 1538,

Excussus
quo,

92
Simile.

ANALECTORVM MENSÆ REGINALIS

16. **S**imile dat miraculū Silesiæ, finibus nostris conterminæ pa-
rgus Bukwica. Hic Ioannes Drzymala, Ioannū & Hedvigū filius se-
riā secundā Pentecostes, illius territorij more, post ortum solis, eques
in hyppodromum processit. Vbi iam

Ancid: 1.

*Ante urbem pueri & primævo flore iuventus
Exercentur equis.*

ad metam cursum præcipitans, excussus à refractario, prius vitæ,
quàm alij victoriæ metas attigit. Reliquit mox nativus calor iuve-
nem, loquendi sentiendique perempta vis, non homo in homine do-
mum deportatur. In pallenti frigidoque corpore hospitem animam
requirebant parentes, sed deficientem cum advertunt, ad Mariam vi-
sitandæ Imaginis ejus in Claro monte propositum accelerant. Satis
magna mœstis parentibus fiduciæ, & devotionis merces erat, die se-
quenti, filio plena sanitas reddita, quam miraculo adeptam, Pater,
Mater, Soror, vicini que palam testati sunt Anno 1624. infra octavas
SS. Corporis Domini. Iure Levana MARIA, titulo ab Ecclesia Græca
sibi attributo appellatur *Cadentium Erectio.*

Menolog:
Gragi

C A P V T III.

*Marianam Clarimontis Tabulam votis apprehendentes,
Marina superant pericula.*

Hæreticus
in Mari in-
vocat Ma-
riam & sal-
vum evadit.

17. **Q**uam salutaris Marianæ Mensæ sacra Tabula naufragis fue-
rit, illustre exemplum est in M. D. Stanislao Łaski Sepulchri
Domini Milite, quem mare orare docuit, & aliter, quàm ante hac, de
Rebus Christianis, de Sanctorum, Mariæque suffragiis, sentire, cui
Mons Clarus erat Portus salutis. Summam ex authographo, quod
fusiùs est in Archivio tum apud P. Góldonowski strictim percenseo.

*Mirabilis Deus in Sanctis suis &c. &c. Maximam laudem
tribuo Divæ Virgini Maria, ac prædico, quæ me in mari primo
Baltico ex Anglia in Poloniam navigantem, tempestate valida
in fines ignotos Moschovia, quos Moridagiam vocant, inter (co-
pulus pulsum sic, ut nulla unquam, nec de vita, nec de reditu spes
supereffet, vivum ac sanum eripuit de morte, cui me de-
voveram. In mari iterum Adriatico, cum ex Ægypto, Alexan-
driæ. Constantinopolim, iter velis & navigio facerem, magna
ventorum vis in Phœniciam portusque ignotos, ruptis velis, ac
male*

malo ipso, me, & alios cum mala sorte salutis nostrae, omni spe prorsus destitutos propulerat, ubi invocato Dei nomine, ac Virginis gloriosae, in Czeszochovia, voto emisso, ex mortis faucibus erepti fuimus, tempestate mox sedata. Demum tertio, nactus Patriam, domumque cum morbo gravissimo, ac subitaneo correptus fuisset, in tantum, ut omnes fratres, amici, & ego de vita iam desperarem, praesentem opem Deipara erga me adverti. Posito enim mihi in illo ad mortem impellente dolore, inter somnum & vigiliam, apparuit cujusdam elegantis viri visio, querentis an sanus esse vellem? cumque indicarem me maxime id cupere, cave (inquit ille) ne haeres antiqua & renovata ullatenus consentias, tum te Virgini gloriosa in Czeszochovia devoteas, quod cum feceris, te sanum fore, corpore, & animam non dubites. Quod cum linguam exprimere non potui, corde id devote feci, & post hac obdormivi. Post somnum testor Deum, & fateor me crastino mane meis viribus, de tam gravi infirmitate, integris sensibus, sanum, & incolumem surrexisse (qui moriturus eram) gratiam Dei omnipotentis, precibus & meritis gloriosae Virginis Matris Dei, pro quo sit benedictus Deus in sacula, & hac, qua Virgineo suo utero Sanctissimo, & purissimo meruit portare eundem. &c. &c. Hoc indignus terrarum Sanctissimi Sepulchri Domini Hispaniarum, Francia, Anglia, &c. &c. Miles & veneror, & fateor &c. &c. qui sum &c. &c.

Stanislaus de Łasko quoad vixero &c.

Ad nostram promovendam in meritis MARIAE dum Auctoratus MARIAE ad ejus Aram supplex adorat, dicamus Virgini cum D. Bonnav: Tu mundi Domina, Cali Regina, post Deum sola spes nostra; Tu salus Te invocantium; Portus naufragantium, miserorum solatium, pereuntium refugium o MARIA?

D. Bonnavim
Hymno Te
Matrem Dei
Lauda

18. **H**vic quoque Arx suam debet refertque salutem per invia ferventis Oceani naufragus, vagusque. Stirpis Odrowązix germen inclytum Procopius Pieniązek Eques Militiae Ierosolymitanæ Sanctorum Mauritij & Lazari. In defensione Goleša duabus Turcarum Triremibus captis, in Siciliam ad Ioannem de Austria revertebatur. Dies novem noctesque continuò iactatus, duas è suis triremibus

Naufragus.

amisit. Littus, portusque ponto deesse videbatur, sol Cælo serenum atra nox involuens, evadendi quoque spem eripuit. Comitum unusquisque, prout sua cuique devotio dictabat, Patronos implorabant, Procopius ad Claromontanam Pharam reflexit oculos mentis, & pristinos amores instauravit erga Mariam, quam in Imagine Odigitria colebat in Patria, spondens Aram ejus in Patria invilere. Beneficio voti continenti redditus, locoque sacro memoriam gratiæ fastis inseruit, cujus schema coloribus adumbratum prostat in publicis Exedris cum inscriptione:

*Ecce Classis Melitensis
Velis per mare protensis
Mergitur naufragio.
Hic Pieniązek Procopius
Divam vocans securius
Enatat auxilio.*

Simile in
Mari Baltico

19. **D**ulcis MARIA, dulcorat maris amarorem. Quid mirere? Si dest ut inquit Damascenus Pelagus gaudii inexhaustum? Libavit Ioannes Zebrdowski Serenissimi Regis Sigismundi Aulicus in mari Baltico fluctibus iactatus, qui usque ad vitam desperationem actuarius præcipitabant. Sed una spes superabat MARIA, cujus cultui deditus Ioannes, Præsidem classis, & operas inutili fatigatas labore, iubet votis, vocibus, animo, Divæ Claromontanæ dexteram Auxiliarem implorare, spondens ad futuram indubiè invocantibus. Et adfuit. Sensit præsens ejus numen mugiens procella, iamque abliguriens classem ad malatiam coacta obmutuit, placide ad portum deferens clientes deditos, debitoque MARIA.

In Naufragio, & in alijs discriminibus gratiæ.

C. Abbas Oliva

20. **C**alamitatum fertilis annus, supra millesimum sexcentefimum quinquagesimus quintus, gratijs, ac solatijs à Maria provenientibus est intertextus. Fidem verò facit Perillustris & Adm: R. D. Antonius Michæl Hacki Professor Monasterij Okiveriensis Ordinis Cisterciens: Notarius Apostolicus, qui postea Prior ibidem, ac deinde Perillustris & Reverendissimi D. Nicolai Zegocki Abbatis Præmislen: in Noviciatu Magister, & in exteris nationibus Director fuit, Dantisco in Belgium cum quatuor ejusdem loci socijs, Profetis, profectus in Mari Germanico propè Norvergiam per turbinem malo maximo cum velis, in mare dejecto, anteriore quassato 26. Septemb. naufragus ultra 24. horas iactabatur. Eadem D. Claromontanæ revisers dum

dum spōdet, placato, pacatoq; mari ferebatur. Ampliora beneficia se expertū testatur; sive Norvergiæ trib⁹ hebdomadis subsistēs; sive per Hollandiā peste infectā securē transthēs; sive varias, Belgij, Lotharingiæ, Galliæ, Germaniæ, & Austriæ, peragrans regiones, ubiq; sanus, & salvus. Domū redux vota solvit, gratias syngrapha testatus Anno 1663. 10. Octob. Quā verum est, quod ait Epiphanius: *Tranquillatē mari, id est Mundo attulit, dum Portū peperit Christū, MARIA.* Epiphanius

27. **I**N Corporis, Animæq; periclitātī naufragio, Portū in mari dedit MARIA Anglo cuidam Sebastiano. Venit Geda-
 num, ejuratisq; Calvinī dogmatibus, Ecclesiæ, Fideiq; nomen dedit. Hæresis abjurata contemptus, non latebat malē germanum fratrem, qui occasione quærens avocandī fratrem à fide, svasit reditum in patriam, persualitque, odium Fidei, quam averlabatur in Sebastiano interea dissimulans. Solvit ē Gedanensī portu, Balticūq; navigat mare, in quo frater personatum fratrem deponens, verbis venefico melle conditis, multa promittens, & quidquid in vaserrima Calvinī Palæstra fraudum erat, exerens, Sebastianum ad Fidei desertionem, contemptūq; urgebat. Sed intractabilis, sancteq; pertinax animus novelli Christiani, risit, lusitque astum perfidi. Didicit tunc Sebastianus, quod idem uterus misero fratrē dedit, & carnificem, qui Catholicæ constantiæ tyronem alligatum rudenti, in maris procelloso fluctus dedit præcipitem, & prætervolante pressit, merisitq; navigio. Quoties cum fluctibus luctantem retrahit, quærit num animum obstinatum mutârīt? cur detestetur Calvinum? sed facilius fuit liquido elemento, quod sulcabant, dursitiem persuadere, quā ad impietatem Calvinī Sebastiani mentem detorquere. Retrahit ergo in classem viribus fractū, exutum meliori vestitu, lacernā vili præcingit, stringit vinculis, in mare Confessorem projicit, Martyrem mox futurum. Cum Cliente Mariano mitius egit mare, cum tribus horis fluctibus jactatum non præfo-cavit, MARIA identidem vota nuncupantem, ad ejus Imaginem thaumaturgam in Claro Monte solvenda, alienæq; classi fortunā transeunti incolumem restituit. Gedanum redux, quæ sibi in mari fecisset MARIA, præco laudum liberalis, enarrat; demum in Claro Monte Anno Domini 1589. Si sæculum mare est, MARIAM Cynosuram, quæ in utriusque, corporis & animæ discrimine naufrago portū ostendit, respicite. Ildephonſi vos verbis appello: *Agite dilectissimi; ut Lucifer ille, qui nescit occasum oriatur in cordibus vestris, dum* *Ildephonſus*
in hoc serm: i. de assumpti

Anima, corporisq; naufragiū evadit Anglus.

in hoc seculo esis, nam mare prorsus seculum est, Stella autē B. Virgo Maria, de qua ortus est ille, per quem illuminatur totus mundus.

Anagramma
ex Nomi-
bus IESVS
& MARIA,

Alia 10, v. 2.

Vetus Missa.
de Ecclesi-
asticorum,

22. **D**Ecebat sanē, ut Mater in maria Filij potestatē usurparet, quia arcano sensu, in suo, Filijq; sui Augustissimo Nomine Viam Maris prae monstrat. Duo, quae diem æternitatis in gloria Beatorum collustrant, Lumina, IESVS, & MARIA, in Anagramma coacta, revelant mysterium: ES VIA MARIS. Occumbite diurni soles, faculas vestras condite cælestes ignes! modò in hoc mari, in quo tanquam in vasis papyri super aquas, in testea corporis mole navigamus ad portum æternitatis, alluceat solus Sol IESVS, & sola Electa ut sol MARIA! E mari in Flumina descendo, classemque remige penna dirigo, Tuis Clientibus excipiendis. Itaque

Vale iacob mirans stella & illustrans maria:

Vale consignata Cella, rubus in vi flammea

6 MARIA

C A P V T IV.

Ope invocata MARIE, è Fluminum periculis erepti.

In San nau-
fragus,

23. **P**ericlitandi facilitas, & in fluminibus, lacubusq; Salvatricem MARIE dexteram habet. Testem appello Gen: D. Stanislaum Wiatkowski, qui Anno 1572 in villam cum Agnete consorte sua profectus, Fluvium San lembo traiecit. Commotis ventorū vi fluctibus, extra hominum auxilia constitutus, Mariam, cum votis ad sacram imaginem Odigitriam, appellans, Salvatricem expertus, hocq; loco professus est.

Simile in
Vistula.

24. **E**T illud in vetustate sua autoritatem habet venerabilem, quod in Perillustri, ac M. D. alberto Wilkanowski Succame- rario Ploccensi, annus 1567 spectavit. Ad Wyssogrodum Vistulam liburna superans, dehiscente navigio, mergi coepit. Proles in aquis paternis manibus gestata, prius debebat experiri periculum, quam posse. Vocatū Nomen Mariæ, cum decreta ad Aram Czystochoviensem peregrinatione, adfuit; nam partitum inter undas naufragium, fluctibus rapacibus carinā, parentē cum prole continēti dedit.

Simile in
Warca.

25. **G**enerosus D. Nicolaus Poniatowski, è territorio Siradiensi in Warta fluvio parem gratiam expertus est. Movens, in civitatem Sadek, necdum solidē gelu constrictum superans cum famulis, rupto glaciali ponte, nec à comitatu, quem par discrimen- sorbe-

torbebat, sperans auxilium, frustra cum glacie fluminisque rabidi vor-
ticibus luctatus, nè desperaret, spes animo infudit MARIA, cui dum
vota ad Aram Clari montis spondet, in se famulisq; replicatum pro-
digium agnoscit, Fastis adnotatum Anno 1597.

26 **V** Nius fuga periculi, præcipitavit in aliud G. D. Stanislaum *Simile in*
Pruck,
Osewski Palatinatus Lenczyensis Tartaros insequentes
fugiens, in flumen Pruth appellatum prolapsus, & aquis haustus, sum-
mum hoc solatium habuit, Mariæ meminisse; quam invocans cum
visitationis Claremontanæ; à duplici, Tartarorum, & fluminis peri-
culo liberatus, littori, domuiq; redditus est. Gratitude recipro-
cā Mariam veneratus, anathema appendit, gratiam subscribens.
Anno 1623. Magna est potestas Mariæ? *Glorificate eam Cæli & terra, D. Bonæ*
mare & flumina, ac fundamenta orbis.

27 **S**olennis recensenda est memoria Perillustis & Adm: Reve- *Illustris ex*
rendi D. Sebastiani Makowski I. V. D. Auditoris causarum apud *aquis libera*
Illustrissimum D. Stanislaum Karnkowski Archiep: Gnesnen: qui, per *rio, & ima-*
multiplicia pericula vitæ, tractus ad interitum, comitem habuit Sal- *ginis B. V. M.*
vatricem Mariam, cujus opem fidei cultu meruit. Ex authographo, *apparicio.*
quod fufissimè descriptum est, rem strictim adnotatam accipe.

*Meum verò Diva misericordiarum Mater humile An-
no salutis 1617. delatum, Sacratique Sacelli parieti, appo-
situm votum, primâ hic in fronte, æterna repetita grati-
tudine colloco &c. &c.*

A Comitibus Varfaviensibus Divæ memoriæ Principem Stanislaum *Subsidit gl*
à Karnkow Archiepiscopum Gnezensem, Regni Prima- *cies,*
tem, secutus hyeme ad oppidum Skwierniewice rapidum flumen e-
ques glaciali ponte superare volebam. In medio constitutus, partem
abruptæ glaciæ conspexi. quapropter in aggerem deflectens, ab e-
quo descendi. hic à vertigine capitis oculorum aspectu sublato, la-
psus, & in profundo merfus, per cataractas quæ exundantes aquæ de-
fluebant, præceps ramum obvium prensavi, à quo una manu pendens,
sublevatis oculis Sanctissimæ Salvatricis Imaginem filiolum gestan-
tem in nube loco proxima conspexi, manumquæ liberatricem porri-
gentem sensi, & votum subito pedes, Clarum montem Divæ sacra-
tum visitare concepi.

ANALECTORVM MENSÆ REGINALIS

28. **A**ccurrunt interea famuli, & ipse loci Capitaneus G. D. *Hieronymus de Zelazna Trzeński* Dapifer Sochaczoviensis, dato campanæ signo; frequens de oppido populus in genua provoluti Divinam opem comprecabantur; quidam de illo tumultu longum titionem molæ insistentes, ab una parte porrexerunt, quem apprehendens, horâ circiter integrâ aquis totum corpus alluentibus, hæsi; sed deciduus, ad proximum palum trusus; inde abreptus, & aquarum vi capite in profundum præcipitatus, memor *MARIÆ*, è profundo emergens; aquarum dorso, opinantibus omnibus, me jam aquis suffocatum, ferebar; & in saxo depositus, quod profundum fovebat, erecto corpore subitici. Abrepto à saxo, & in proximum vadum deportato, opem ferre conati nonnulli insiliunt, vestibûsque apprehensum ad littus attrahunt, chyrothecam tantum unus illorum retinuit; me vis fluminis retraxit.

In aquis a-
quas non
haurit.

Isaia 41.
D. Bonav.
in Psalms
B. V. M.

29. **S**uccurrerunt alij, & in firmum littus deductum. postea in pagum ferventissimis linteaminibus curarunt. Mirum fuit me nihil aquarum hausisse. Die sequenti redux ad oppidum, in Templo exactis Deo omnipotenti gratijs, Matriquæ ejus, conservatrici *MARIÆ* iterato voto, dies meos servitio Matri misericordiarum, lociquæ *Claromontani* quotannis venerationi obligavi. Anno illo fidenter persolvi &c. &c. Hæc breviter ex autographo. Credo audiivit à *Maria* promissum illud *Isaia 41.* Cum pertransieris per aquam tecum ero in-
gruente cujuscunque fortunæ tempestate, in clamentibus auxilium *MARIÆ* deposcentes cum *D. Bonav.* *Extende ad nos brachium Tuum, Virgo gloriosa & ne avertas à nobis gloriosum vultum Tuum à MARIÆ!*

Ad Cracoviam
in Vistula

30. **N**ihilò mitius egit *Vistula* cum Reverendissimo *D. Andrea Brzechwa* Abbate *Tynecensi*: Per glaciem littus adversum petebat. Subsidit oneris impatiens. Extra opem humanam cum famulis rebusque positus, Divæ *Claromontanæ* supplex, religione erga locum sacrum, vitam suam suorumque meritis, gratitudinem testatus est. Anno 1677. 9. Januarij.

In Narev
Amiles

31. **A**ffine est beneficium *R. P. Gabrieli Cracoviensi Ordinis Minorum Stricti*: Obser: præstitum. In traiectu fluvij *Narev*, non prius vento iactari desijt, quàm ejectus lembo, extra vitæ opisque humanæ spem poneretur, actus in profundum, animus, ad *Templa Mariæ* votum tulit, cujus merito restitutus littori
Glicens

Clientis Mariæ, ad Aram vota cum incruento Sacrificio Miffæ perfolvit Anno 1606. 21 Maij. Quod fufpiravit ille, quod fperavit, nos, imitati Seraphicum Bonaventuram precemur, ut perpetuo fuphurei torrentis, temporaliq; naufragio non sorbeamur:

D. Bonavent.

*Ave Virgo fpes humana,
Preme ventos, fluctus plana,
Ut everti mundi undis
Emergamus de profundis,
G MARIA.*

32. **L**udentem in fluctibus innocentiam, fi non vidifti, leges, *Pueri Vifitatio* *inundantem* *crumphant.*
Lex relatione Illuftriffimi Domini Hyacinthi de Lubra-
niec Dabki, Castellani Konarienfis, fuccinctius quàm legitur in
genuino ftvlo.

Ego Hyacinthus de Lubraniec Dabki, Castellanus Konarienfis &c: cum mea Coniuge Anna de Szydlow, profiteor maximam nos accepiffe gratiam à MARIA Claromontana in Filiorum, aquis jam opprefforum, recuperatione. Anno 1668. 29. Iulij, Vifulam fub Opatowiec iufu latius exundantem trajeturi, descendimus de quadriga, folis parvulæ, Andrea & Paulo relictis. Anteriores rotæ in navis limen impingentes, adeo violenter navigium protruferunt, ut excuffi vectores, cum rudente, pontonem dimittere cogerentur. Quadriga cum equis & filijs in fluctus praceps, abfque ulla vita fpe, à nobis Divæ Virginis Claromontana, è littore fpectantibus, commendabatur. Votis noftris propitiâ vidimus, nam fortunâ appulit alia navis, quæ filios ereptos tutius fervavit. Quadriga fluctibus immersa, rotæ fupernèolvebatur, equi mergebantur; attamen ejufdem Sanctiffimæ Patronæ gratiâ, ad aliquot ftadia natantes, in obvio quodam vado, in verfa iterum in rotas more fuo rheda, fubfiterunt. Et quamvis apertis feneftris, hac, atque illac aqua perfucret, nihil tamen de rebus, quæ intrò fervabantur, deiderium eft. Hoc miraculum admirabundam populi multitudinem evocavit, qui gratia testes, & fpectatores fuerunt. Pro quo fit DEVS benedictus, eiuſq; Matri gloriofa Honor &c. &c. Quod hic in hac charta ſcribitur, argenteæ tabulæ, quam fupplices hic ad Salvatricis Mariæ Aram appenderunt, præſentes cum votis Clientes,

entes, inaratū legitur. In tam aperto discrimine dum servat MARI-
 A innocentes, Arca Noë dicine possit, quid verabit? Optimè
 Hefychius: *MARIA est Arca latior, longior, & illustrior, Arca Noë.*

33. **N**escio an quid illustrius orbis noster videre potuit, illo
 prodigio, quo G. D. Nicolaum Wolke Palatinatus Siradien-
 sis, MARIA insignivit, Anno supra Millesimū Sexcentelimum Septua-
 gesimo. Quadam indomitā animi dilaceratione exagitatus, dum li-
 cebat per intervalia, pacatā mente cœpit nosse calamitatem suam,
 cui tollendæ dum non favent adhibita Medicæ facultatis studia, vo-
 tis ad Imaginē Odigitriā itabat, ad ejus Baulicæ supplex futurus.
 Et festinavit promissa, in amicorum, vicinæq; Nobilitatis comitatu,
 mente sana, & ex toto sua. Ventū est ad lacum Kotonieensem, ad
 duo circiter milliaria in longum, latumq; diffusum; ubi, comitatu
 nihil simile suspicante, è rheda procurrens, in stagni illius altitudi-
 nem, ad duo circiter stadia ferebatur. Per solidum horæ spatium
 cum liquido elemento luctatus, mergi videbatur, nisi cœlum daret,
 à terra nullum habiturus auxiliū. R. D. Martinus Rolnicki, Curio-
 nis Paukoviensis Vicarius, viæ comes, vota cum alijs supplicibus,
 Nicolai votis addidit, Divæ Virgini Claromōtanæ patrocinio devo-
 vens desperatum. Nec multò post, recollectus in undis Nicolaus
 stare videbatur, quæ tamen solidum pedibus fundamentū dare non
 poterant, quòd ad sex, & amplius majores passus, in inum profun-
 diras descenderet. Hoc ad crepidinem lacu circumstantes Nobilium
 plurimi, demirati, cum auxilium dare non possent, suspirijs, votisq;
 Turanam Mariam, iterum, atq; iterum, implorabant. Stupendum
 vestibus madefactis gravatus, incipit enatare altitudinem, lasso ma-
 nuum remigio aquas subigendo, Duce tamen illa, quæ ut adesse di-
 gnaretur, votis implorata est: quod idem Nicolaus clarè verba ex-
 cipientibus, fassus est inclamans: *Beata Virgo Czeskochovienſis MARIA,*
ad quam lubenti animo pergo; ducit me ad vos. Gratias illi refero. Enata-
 vit, litus attigit. Per terram sulcus, præcabatur amicos, ut è geni-
 bus laudes, gratiasq; Hospitatrici MARIA diceret. Actum anno quo
 supra, feria 5. ante Dominicā 6. post Pentecost: Præsens cum iisdē
 periculi, & miraculi spectatori bus, & testibus, corpore integer & a-
 nimo, plena sanitate donatus, vota solvit. Dicere potuit cum Divo

Dr. Bonaventura. Hæc in temp. statum studiis pnter tenuit me: MARIA.
in Psal. Bi
Præ Maria. 34. **A**uthoritatem à Posuanientibus testibus habet, quod scribo.
Joannes Katussek Molitor, ad listendum cursum aquæ è mo-
letina.

PARTITIO QUINTA.

101

Letrina circa medium noctis egressus, in cataractas delatus, favente periculo nocte intempesta, raptatus ad molarē machinā, præcepsq; horis aliquot non comparuit. Laborans in profluente, nullum aut habere, aut sperare potuit auxilium, quod in cœca nocte inutili conatu palpabat. Marianus advocat lasso gemitu, decreta ad ejus Oestochoviensem Basilicam peregrinatione. In suspicionem domesticorum venit mora non comparentis, quapropter egressi quærun, post horas quatuor, & amplius; inveniunt prodigiose ad ripam expositum, stupefacti ad beneficium quod obtinuit in calu per molarē rem rotam, incolumis servatus. Recognitū Anno 1598. 21. April.

Per cataractas illasus laeditur nec mergitur.

35. **P**ar discrimen involuit, traxitq; in desperatum casum, *Andree Kokoška* filium nomine *Simonē*, de *Kunow*. Circa præcipitis aquæ cataractas ad molendinū oberrans, in aquas prolabitur, hærens in aquis hora media inventus, Mariam vitæ reparatricem habet, ad cuius Aulam *Claramontanam* moribundū parentes devoverunt. Celebratum in *Claro Monte* beneficium, per contribules *Oppidi Kunovienſis*, qui cum *A. R. D. Valentino Sedurowicz*, Hospitalis *Kunovienſis* Præposito, præstitæ gratiæ testes aderant, Anno 1646. 25. Aprilis. Optime in consumilibus periculis, curas Mariæ depinxit *D. Amedeus*: *Adſtat ergo Beatissima a ſingulari merito præcipua, vultui Conditoris, prece potentiſſima ſemper interpellans pro nobis. Illo enim cuncta noſtra videt discrimina, noſtrig; clemens, & dulcis Domina, Materno affectu miſeretur, MARIA.*

Simile

D. Amedeus Homil: 8.

36. **M**emorabilis est & ille favor, quem meruit mulier quædam (nomen antiquatum in Archivo non lego) *Cracoviensis*. Proceſſit ab Urbe, ut mercibus coëmptis, in *Cracoviensi* foro luculentaliquod faceret. Triginta tribus gallinis corbem impletum ferebat, dumq; flumen ad *Oppidū Koſzycki* ſubjugat, incautē, pragravante corbe, retrolapſa, mergitur cū pondere. Vna hora per fluminis iinum raptata vndarū vi, necdū confuſa periculo mente vorū concepit viſitandi ſacram Theotocœon Imaginem in *Claro Monte*, & ſtupentibus perlittora populis, liberata, vitæ discrimen evaſit, Anno 1608. 4. Auguſti. Feliciter itaq; navigant, qui ad Aram Mariæ ſuæ ſalutis Portum conſtituunt. Fatemur cum Clientibus ejus Patrocinia: hæc nunquam elegantius in compendio complectemur, quam methodo *Gregorij Nazianzi* in Tragedia de Chriſto patiente:

Simile

Regina, Domina; Generis humani bonum;

Amica ſemper eſto Tu mortalibus;

Maximæque quorū in loco mihi Salus;

OMARIA

N3

Gregorius Nazianzus

CAPVT

CAPVT V.

Aquis præsocati imperio MARIE vitæ restituuntur.

Aquis extin-
ctæ revivi-
scit.

34. **A**B aquis ad Reginale Mariæ Gynæceum, trimula Nympha legitur, M. D. Nicolai Rakowski Vexilliferi Vîsnensis Filia. Curis, & educationi credita N. Laurentij Stucki, ancillam secuta, dum infirmum, tremulumq; gradum per scamna piscinæ molitur, non advertente famula decidēs hausit frigidam, quæ nativum calorem, & vitam extinxit. Longè post inventum cadaver tumens aquis, Laurentium, qui aliena solatia fovebat, ad Mariam coëgit. Cum Marita igitur peregrinationem ad sacra Claromontanæ Basilicæ limina decernens, religione in Divam Virginem, puella vitam meratus est. Huc relatam Anno 1636 6. Novembris,

simile be-
neficium.

38. **P**AREM beneficio gratitudinem exhibet G. D. Albertus Dzierzanski terræ Rosanensis pro Filia vitæ. Circa domum oberrans puella, in piscinam præceps, absque anima rigens inventa est. Varijs artibus quæsitum vitæ vestigium explorari non potuit. Frustrati solatio, ad Mariam preces, & vota properant vitam exorantes, simulq; redivivam ad ejus Imaginem in Claro Monte sistere promittentes. Favit votis Maria, quæ perdita parentum solatia, in vita puellæ resuscitavit. Fastis Partheniis illatum Anno 1938 18. Julij.

D. Ildephon:

Libet exclamare cum Ildephonso: *O quam beata est Mater ista, quæ sine contaminatione concepit, & sine dolore peperit Medicinā, felix (inquam) Mater, per quam generi nostri vitæ est reparata, quæ de Cælo suscepit prolem, & mundi genuit Salvatorem MARIA!*

Tertio die
redivivus.

39. **S**TIPANT Aram MARIE Gnesnenses, sui Concivis gratiæ testimonium subscribēdo. Albertus Wesotowicz Patricius Gnesnensis Anno 1611. sub tempus æstivum frigida refovendi corporis causâ, flumen ingressus, gelu mortis obrigit. Aquis turgens domū deportatus, amicorum lachrymis exceptus, ad tumultum parabatur. Tertia dies in occasum defecerat, quā omnia ad solennem funeris conductum pro crastino apparata fuerunt; cum cœlitus inspirato, atque insperato consilio, nonnulli familiarium ausi Divam appellare pro Alberto, votis, precibusque vitam licitabantur, addito peregrinationis Claromontanæ decreto. O felix præpotensque fiducia, quæ ad vota placitaque tua, MARIA miserentis Numen inclinas.

Exul a.

Exul anima, frigidum, lividum, putridum, informe, subit' hospitium, surgit cadaver, jam non cadaver, Gnezna attonita usurpat oculis prodigium, quæ & testimoniū prodigialis resuscitationis ad Aram dedit.

40. **S**imile vidit Lovicium seculo præcedenti Anno 1597. in *Pa-* In aqua
Slo de Gárnolin solari flammâ acrius percoquente corpus, in mensus re-
profluente Bzura (fluvij nomen est) calorem temperat: Condiscipu- vivificati
los lacertorum robore fretos, & fluvium, qui ex præviis imbris
intumuerat, natatu sæpius subjugantes, æmulatus subsidit sub undis
morâ, urinæ arti attribuebât alii, alii alibi enterfuisse arbitrati, pe-
riculi suspicionem non alebant. At vergente in occasum sole, quæ-
runt, inclamant Paulum, sed surdum elementū clamori tantum im-
murmurans fluctuum ad littus allapsu, Paulum non reddidit. Post
sex circiter horas fluminis imia pererrando, inventum aquis ebrium
cadaver in continentem evolvunt. Tetigit amantes animos illa o-
lim charissimi condiscipuli imago, subiit animo Thaumaturgam Vir-
ginem ex Aula Clarimontis devocare; procumbunt in genua, heroi-
câ fiducia; de potestate Mariæ piè præsumentes, vitam impetrant mor-
tuo, concussum enim motu violento cadaver, ructu frequenti fudit
aquam; sensim intepuit, incaluit, & vivit, qui vixerat. Beneficium
in celebres Mariæ memorias à Lovicensibus relatum Anno 1597.
En MARIA clementi vultu respicit, & animat. Itaque asserente D.
Bonaventura in Speculo cap: 3. MARIA dicitur Mare propter affluen- D. Bonaventura
tiam & copiam gratiarum, unde scriptum est Ecclesi: 1. Omnia flumina in-
trant in mare; dum omnia charismata Sanctorū intrant in MARIA M. Quid
mirum si omnis gratia in Mariam confluit, per quam capta gratia ad omnes
defluxit; unde ipsa optime dicere potest illud Ecclesi: 24. In me omni gratia
via & veritatu, in me omnis SPES VITÆ, & virtutū.

41. **A**Dhuc Vistulæ profunda rimare calame! produe trophæa
MARIÆ, quibus Aram suam urbemque Cracoviam co-
ronat. Albertus Krupa ad suburbanum Cracoviæ, Zwierzyniec dicitur,
infirma manu regens liburnam, excussis fluctibus, horis quatuor bi-
bit frigidam. Audet, præsumitque Mariam invocare Marita, de-
cernit peregrinationem ad Templum Mariæ, & attonita urbe Cracovia
redivivum accipit Anno 1598.

Simile in Vie
stula sub
Zwierzyn-
niec.

42. **A**lbertum Czekaý Alberto subnectimus. Vistulam ad clivū
Vavelli collis, quem Cracoviensis Arx coronat, carinā
subjugabat; turbine dejectus, manuum remigio littus appetebat, ite-
rum at-

Simile ad
Arcem Cra-
coviensem.

ram atque iterum retrusus, inimicā vi aquæ haustus, in arena reclina-
tus, inventus, quos in vivis charos habuit, amantes, & mortuus ex-
pertus est; hi pias curas precesque ad Divam Claromontanam tulerunt, vitam mortuo ad Aram Matris viventium exorando, simplex
ruditas, & nil nisi non peccare gnara, reducem animam apud Mariam
meruit. Vivum ad Aram miserunt Anno 1644.

Merfus puer
in Rudava
ad Craco-
viam.

43. **E**T Rudawa (fluvius ad australem plagam alluens, suburba-
na Cracoviæ) animanda MARIÆ reddit funera. Ad cre-
pidinem pusio vagabundus *Anna Porebska* Civis Cracoviensis filius,
decidit & suffocatus est. Serò repertum pusillum cadaver; filij um-
brā Mater ulnis excipiens, ac in genua procubens, meliori Matri Mariæ
cum lacrymis offert, si viveret ad Aram in Claro monte sistendum:
merito fiduciæ restituta in parvulo solatia recognovit mater cum
testibus Anno 1638. 26. Julij. Quæ interventu meritorum suorum
vitam temporalem exorat, & impetrat, & ad æternā promovere non
cessat. Audi, quid Petrus Comestor afferat: *Sicut per illam accepi-
mus gratiam vitæ, quæ nunc est, ita per illam habemus spem vitæ quæ futura est,
& habituri sumus fructum gloriæ, quæ semper duratura est.*

Sub Mogilâ
in Vistula
mersa mu-
lier.

44. **D**E Mogilâ est, quod subnecto (de pago sic dicto ad mille
passus Cracoviâ est sortitus nomen à vicino tumulo, qui
more gentilium *Vande* Craci filix olim Poloniæ Reginæ superjectus
incubatur) mulier absente remige deducendo in adversum litus G. D.
Lesiewski, impigram, at infirmam obtulit operam Liburna propellen-
tibus ventis huc & illuc liberè vaga non tulit utrumque. G. D. *Le-
siewski* cum decumano vitæ discrimine luctatus inter procellâ ena-
tavit, mulier mersa à piscatoribus vix mortua inventa, à vicinis mi-
serationem, & quale quis potuit præstare, habuit obsequium. Ami-
ca quædam defunctæ *Sophia*, cum alii de funere cogitant, vitam re-
parare meditabatur. Itaque Divam Claromontanam implorat, re-
divivam ad eius Aram sistere voto pacta; vota votis amici junxe-
runt. & ecce mulier oscitanti similis erigitur, vivitque. In Tabulas
gratiarum MARIÆ relatum, Anno 1633. 8. Julij.

Sub Zakro-
cim puella
mersa vivit.

45. **I**N pusillo corpore magnum vidit prodigium Annus 1596.
Sub Oppido *Zakrochim* ad ripâ Vistulæ, ludebat puella, quam
abrupti littoris gleba traxit in ruinam, mersitque. Mater *Sophiam*
(hoc puellæ nomen) quærens, cadaver offendit tumens Vistula. La-
crymis

chrymis tepentibus perfusam, ad Aram Imaginis Thaumaturgæ in Claro Monte, despondet, & congratulantibus vicinis, acceptam, & Maria beneficium, renatam habet.

46. **D**ivisum, in matrem, filiumque, miraculum, seculi præcedentis est. Mulier quædam Sophia nomine, non procul à Warkâ cum filio, imperitâ manulebum per Vistulæ fluctus regerant; excussi merfi, tribus horis errante per aquas marito, absque anima tumentes aquis reperi, Claromontanæ Virgini voris oblati, in frigida hospitia, stupente natura, reduces animas susceperunt. Supplex impale ad Aram Mariæ, miraculū dixit, & gratias Anno 1598. 20. Maij. Quis obstupefcens non exclamet cum Lactimelleo Doctore: *O admirandam, & omni honore dignissimam Virginem! ô Feminam singulariter venerandam, super omnes feminas admirabilem, parentum repatriatricem, posterorum vivificatricem, MARIAM.*

Sub Warkâ
mater, cum
filio merfa
revixit.

D. Bernardus
Homilia. 2a.
super Misericordiam
est.

47. **I**n unam classē compeant & in alijs fluminibus lecta magalia mortuū vivificantis MARIÆ. Agnes, Matthiæ Sieglecki, & Annæ, de Skwierniewice filia, flumen domui vicinum resolutâ stridens glacie calcans, absorpta, glaciēq; pressa, profluentis impetum sequēbitur. Matthias Kitá (sic vicino nomen) ad opem ferendam clānore evocavit viciniā, quæ convolans vidit majus periculū conatibus humanis. Beneficiū visa est præstitisse undarū vis, quæ in dumero littori vicino funus exposuit, aggere glaciē tumulatum Calentibus parentum, amicorumq; lacrymis, calore vitali non restituto, M. D. Ioannes Mielecki Capitaneus Skwierniewicēsis funeris spectator, misertus parentū orbitatem, Divæ Virgini Claromontanæ, glacie quassatum, livensq; cadaver despondet: quanti meriti, fiduciaq; in curas Marianas projectæ, vir fuerit, vita puellæ restituta probavit Anno 1622.

Merfa glaciēq; quassata puella resuscitata.

48. **T**radidit nobis exemplum venerabile, liberalis vitæ Mater MARIA in quadrima filia Petri Mielcarz de Kietczygłowy. Ad piscinæ crepidinē acclinis, prensando florem lapsa in aquas interijt. Sat multo post G. D. Nicolaus Vleyki transiens, vestis advertit tumam sūmbriam innatare: protrahit in aggerem piscinæ cadaver, vocatq; reddit Parentibus. Luctus humano solatio major videri potuit; temperavit illū memorati G. D. Nicolai Vleyki singularis, in Mariæ meritis collocata, fiducia, quam objecit moestis Parentib; svasitq; Matrem vitæ Mariam, è Clari Montis Aula invocandam.

In piscinā
merfa vitæ
resumit.

candam. Vota sua parentū votis addidit, Mariam appellando; quod factum, ut cum reduce vita puellæ solatia quoq; deplorata parentū reviviscerent. Recognitum ad Aram MARIÆ Anno 1658.

49. **N** Eapoli puella in lacū ædibus vicinū prolapsa, & ampliū s horis duabus inanitis. Marianis hujus loci liminibus devota visitationis proposito, animā exulē suscepit. Relatū in Mariæ Fastos Anno 1598. 8. Augusti. Vbiq; & quotidie morimur, quia serpentinū virus bibimus. Dulcorat amarorē ejus MARIÆ, & hanc pestem vitali gratiæ suæ latice tēperat. Appellemus eam cū Mellilacteo Bernardo: Loquere Domina quia audii Filium tuum, & quacūq; petieris, impetrabū. Invoca nomen ejus bonum super nos, ut curemur à vetusta lepra hac carni & spiritui. Exurge virus hoc mortiferū exinanitura, quod de pomi sui reliquijs Eva nobis propinavit, quando succi noxialis gustu ebriata est, & reliquias dimisit parvulū suū. Utinam peculū suū ebria illa totū ebibisset, non itē in nos diffudisset.

D. Bernardus in De-
precati ad
B. V. M.

Simile in
guero,

50. **G** Ratius ad MARIÆ Gynæceum lectis, & Narcissus jun-
gitur. Michæli Flanth. parvul⁹ è laci crepidine formam
suam contēplatus, cū in imaginē suā complexū ruit, facili casu ex-
tinctus est. Exciipiunt rigefactū mortis gelu parentes. Ad Thaumā-
turgam Claromontanæ Virginis Imaginem offerunt, & suæ religio-
nis inopinatum meritū habent vitam. filij Anno Domini 1598. 19.
Maij, Tabulis Marianis illatum.

Infans mer-
sus in bal-
neo vivit

51. **E** T qui Marianæ beneficentiæ magnitudinē intellectus am-
bitu non complectuntur, miracula capiunt. Alberti Franko-
niz aliquot hebdomadarum pusio, à matre ad hortenses operas
profecta, relictus in balneo, ebrius calidā, vomuit animam. Mater
funus inventum lacrymis lavit. Mariam è Clari Montis Aula sup-
plicibus invocat precibus, votivā peregrinationem pacta: quæ ex-
temporaneo prodigio, filio vitam, matri in filij vita solatia renas-
ta, largita est. Anno 1598. 20. Maij.

Ex Silesia
simile rela-
tum.

52. **M** Ajus iterum Marianam Clari Montis Aram, coronat flo-
rida ætate, ab aquarum profundo sinu, post mortem rena-
scente. Parvulus triennis honestorum Parentum de Villa Krawarz
Districtus Oppaviensis, torrentem transvadere molitus, tractus in
foveā, ejectus deinde profluentis dorso, per graviores casus inanitis
ferebatur. Pater excepit in continentē modicū cadaver, submissisq;
genibus Mariam Claromontanā appellavit. Sanctissima Virgo (verba
desūpra ex Archivo recito) multa Tu prestat beneficia ad Te confugien-
tibus, indignus oro, digneris nunc mæsto parenti solatiū asserre, esse ut hic
mem fi-

PARTITIO QUINTA.

mens filius ad vitam revocatus vivat! Audijs MARIA quæ id ipsum ut à Cliente vocaretur, fecit; vitam filio dedit, cujus umbram in argento celatam supplex parens ad Aram appendit, Anno 1620. II, Maij. Intueamini in exemplis, Imò (cum lactimelleo Doctore loquor) *Altius intueamini quanto devotionis affectu, à nobis eam voluerit honorari Deus, qui totius boni plenitudinem posuit in Maria, ut proinde, si quid spei in nobis est, si quid gratia, siquid salutis, ab ea noverimus redundare, qua ascendit delicijs affluens, MARIA.* S. Bernardi
Serm. in
Nativ. B. M.

53 **I**N profluente Rudavá ad mœnia Cracoviæ, Civis Cracoviensis filia captans ad ripam flores merfa aquis ad vitam naviculam impleta, suffocata, præceps per cataractas in molarem rotam delata, per horam non comparuit, inter palos hærens in fovea. Inventa ob rotæ molaris pondus protrahi non potuit. Sistitur cataracta, machinâ difficili cardine motâ, reddidit cadaver miserè laxatis, distractisque membrorum compagibus deforme, grande tormentum parentibus; Occidente jam sole, miraculo debebat collustrari à Diva Claromontana, Cracovia. Offert ad ejus Aram puellæ mater, cum votiva gratitudine, & post solidum horarum octo spatium, stupente ad prodigiî magnitudinem Cracovia, vivam recipit. In Acta relatum Anno 1578. In Rudavá
ad Cracoviã
puella me-
sa.

54 **A**Lia domi naufraga, in dolio domesticis usibus aquâ impleto, in submontana civitate Kenty, seroque inventa inanimis, dum parentes apud Divam Claromontanam casum queruntur, peregrinationem voto pacti, vitam recepit Anno 1633. Domi in
Kenty
quæ doli
naufraga.

55 **I**N oppido Chęciny, (est marmoribus celebris locus) puella. *illa rediviva sistitur ad Aram Mariæ Anno 1600 In profunda palude vicina domui, puella merfa, mortuali torpebat gelu. Parentes devotione fiduciaque in Mariam projecta, meruerunt accipere resuscitatam. Meruistis innocentes animæ Mariæ innocentis favores, salutate pulchrâ dilectionis Matrem, & cum Bonaventura dicite, vestræ renatæ vitæ, Auroram exorientem adorantes;* In Chęciny
simile.

*Salve lux fidelium fulgens ut Aurora,
Qua es supra liliū pulchra & decora,
Omne quod est noxium tolle sine mora,
Et Dei auxilium pro nobis implora.*

Ô MARIA!

O 2

56 Non

D. Bonaventuræ

In Bzura
mersus, &
vitā donat⁹.

56. **H**ic vitæ portum invenit & Vir Nobilis *Samuel Witkowski*.
Redux ē castris latē inundantem fluvium *Bzura* sub *So-*
chaczem fidens equo risu pertinaci superare conabatur. Excussus ab
equo, ad milliaris quadrantem raptabatur procella; inventum ina-
nimem, & Divæ commendatum familiares redivivum salutarunt An-
no 1628. Mense Augusto cum votis supplex adoravit.

Simile.

57. **N**on absimile discrimen, similem habuit favorem *MARIÆ*
Gregorius de Zborowiec Vniejoviensis mersus in aquis per
ima fluminis tribus horis vagus, tandem ejectus in aridam lacry-
mæque amicorum exceptus, ut ferventi devotione *Mariæ*, cum de-
creta ad *Claromontanam* Aulam peregrinatione recommendatus est,
vivit vitæ beneficium in fastis *Partheniis* testatus, Anno 1598. Ma-
gna est gratia *Mariæ*, quæ mundum mundavit, hanc invenit, quam
nos perdidimus. Adstruit Angelus: *Invenisti gratiam apud DEVM.*
Optimè Chrysologus: Hæc est gratia, quæ dedit cœli gloriā, terræ Deum,
fidem gentibus, finem vitij, vitæ ordinem, moribus disciplinam; Hanc gratiam
detulit Angelus accepit Virgo, salutem seculi reddituræ.

Petr: Chry-
sologus Ser-
mon 143.

C A P V T VI.

Ære pestifero contacti, ac Epidemia lue laborantes, pa-
trocinio Mariæ, vitæ discrimina evadunt.

Lib: 12 de
Laudibus
B. V. M.

In peste Cra-
coviæ salv⁹.

58. **S**iquidem Cupressus odoris violenti arbor, nidorem pesti-
lentialem arcet ut testatur *Plinius* lib: 13. cap: 1. & *Rychar-*
du à *S. Laurentio*, *MARIAM* Cupresso comparans inquit, quod
arbor est medicinalis, & medetur corporibus, non mirum; quod Cupressi-
na *Domus Nazareæ* Mensa virulentam pestis violentiam propulset:
In Exemplis res est. *Cracoviam* latē miscens funeribus, & Perillu-
strem & Adm: *R. D. Adamum Szypowski* involvit. Contracti mali si-
gna jam circumferebat, quæ incapacia remedij letale vitæ periculum
prodiderant. Ad Cupressum in Monte hoc *Mariam* recursum est, quæ
medicinali virtute repurgatis plagis pestilentialibus, extra periculū
constituit supplicem. Autographo recognitum.

In peste de
vita peri-
clitatis

59. **E**adem malignitas *N. Joannem Lukowski* corripuit cum Ger-
mano fratre stigmata fatalia prodebant periculum vitæ;
ut primum hoc adacti, supplices *Mariæ* fiunt, ædem *Claromontanā*
invig-

invisere polliciti, contumax virus in corporibus impune grassatum, extinctum est. Quam verum est ò MARIA (quod ut inquit Damascenus) Tuum in Calum ascensum impuri atque in aëre versantes spiritus perhorrescunt, tuo transitu aër benedicitur, superior ather sanctitate afficitur ò MARIA!

*D. Damasci
Orat: de dormi: B.M.*

60. **N**ON mirum quod inter medias mortes salvum & incolumem se se admiratus est Famatus D. Ioannes Ruszkowski Civis de Oppido Kenty, quia pestium omnium Repurgatricē MARIAM, votis suis ad Montem clarum nuncupatis sibi fecit propitiā. Anno D. 1677. Filium Cracoviā tunc peste sedatā, reducem domo excepit. Paulo post mortuum suis sepelivit manibus. In alios domesticos partitæ mortes, in consortiū contagionis, & Hospitem traxerunt. Alijs tribus filijs, dum in ejus oculis exhalarent animas, patentavit. Tres filias eadem clades, ex familia quæ domesticis obsequijs operam navabat, itidem tres personas prostravit. In Oppidum deinde, eadem hinc lues diinavit. Quod solus salvus & integer sit servatus, huic loco se debere professus est, & subscripsit Anno 1677. 22. Iulij. Argenteum minusculem gratæ mentis symbolum ad Aram appendit. Testes gratiæ Archivum habet.

Simile.

61. **P**ERMAGNUM in acri pestilentia beneficium expertus, voto ad Montem clarum servatus, Gener: D. Andreas Oyrzynski, ejusdem reddendi negligentia, ultricem iterum expertus est, Anno D. 1603. aëris pestiferi luem. Nutrix infantis filia, quæ mortifero ubere lac propinavit, & famuli tres extincti, in Villa nonaginta subditi eadem lue sublati, commonefecerunt gratitudinis, ad hanc Aram debitæ. Appellat repetitis propositis MARIAM, & tantæ calamitatis, in familiam subditosq; replicatæ, medicam expertus est. Ad amplitudinem miraculi, filia, quæ pestilens lac suxerat, infirmitas servata est. Vota reddituri parentes filiam in conducto reliquerant, ipsi supplices ad Aram MARIÆ pro salute ejus Neminis clementiam exorantes; gratitudine novum meruerunt prodigium, nam sub Sacrificium Missæ deformem vermium glomum, eiecit puella, quæ anno medio fatiscebat. Repetitæ gratiarum actiones Anno D. 1606, 19. Iulij.

Dominus cū familia, & subditis in pestilentia.

62. **Q**UID in Generoso D. Samuele Kátuski, Vice-Judice Livenfi non ausa plaga pestilens? hæc tamen uno invocationis MARIÆ amuleto propulsata est. Quartana hebdomadis octo, ter-

Febres pestilenciales,

cianā novem, quotidianā tredecim laborans, miseram vitam trahebat; in gremio maritæ proles animam exhalat, plena pestilentialibus ulceribus, secuta nutrix fatum lactentis, auxit periculum. Relictā sede in qua liberius sæviebat pestis, cum tribus filiis, conjuge & famulo subiit mapale, secura existimans omnia, in prædium vicinū commeat, ubi febribus terrefactus pariebatur potius vitam, non vixit. Vnum erat in his casibus sanctis remedium, invocatio Divæ Olaromontanz, cui impensam devotionem spondebant; ejus merito tribuendum, quod extenuatis artubus sex mensium cōtinuū in morbis variis tormento vivat. Tantæ gratiæ Imaginem ipse Cliens gratus ad Aram Mariæ supplex appendit Anno 1620. 29 Julij.

simile.

63. **N**obilis Matrona *Vrsula Dorothea Lenina* cum marito olim apud Serenissimos Poloniæ Reges, Sigismundum. III. & Vladislavum IV. Architecto, Varsaviā pestem attulit in Oppidum, Czystochowa, unā hebdomadā in Mariana Basilica devotionibus intentā, trans limites in Tarnowskie Gory (Latinis Tarnomontopolim dicere licet) Civitatem argenteis mineralibus percelebrem movit. Hic malum crudele virus exeruit febris pestilens, alternaque vice gelidus membrorum torpor, ad vitæ fastidia processit; eadem lue scadata vicinia, sensit, qualem in gremium hospitem suscepit. Cliens Mariæ, dedita suæ vitæ artifex fuit identidem Divam Olaromontanam appellans. Adfuit Numen Mariæ, ad cujus præsentiam, dum sternutationes repetitæ leniter concutiunt corpus, mortualem torporem excusserunt. Relatæ gratiæ Anno 1663. 8. Maij.

In pestis medio incolu-
mis.

64. **I**llustrius Divæ nostræ gratiarum insignibus, quàm Regionum Diadematū apicibus, coronatur, Regum Coronatrix, Vrbs Cracovia. De morte, morbis, hic exempla sparguntur. Nunc est ab æris extincta malignitate. *Lucas Lenartowicz* Cracoviensis Aurifaber, totam urbem absumente pestilentia, spectavit cum suo, conjugis, liberorumque periculo, domum mortibus impletam. Et jam pustulas, vomicaeque letales induta conjux, moriebatur. Prævenit summum discrimen pacto Olaromontanz peregrinationis voto, à quo medicinam, & salutis amulera dedit Maria. Gratitude appenso ad Aram Tutanz suæ anathemate testatus est. An. 1613.

Domus integra in peste circumqua-

65. **H**æc eadem Marianæ gratiæ diapasmata, Civis Calissiensis Domum integram ab ingluvie mortis præservarunt, eoque

quod Præsidentem, Præsidiumq; sibi votis conciliaverint Divam Claromontanâ Virginem. Stupebant miserabiles vastata Civitatis reliquiae, unius domus immunitatem, laudabantq; Mariæ protegentis clementiam, dato celebri testimonio de conservatione miraculosa, Anno Salutis 1608. 9. Maij.

66. **S**imile in Tabulas gratiarum MARIA dedit beneficium. Ioannes Piskorz, Civis Krepicensis Anno 1623. 23. Iulij. Pestis absunibat Oppidum, jamq; domum ejus invadens, duos e familiaribus sustulit. Ex illo incendio fugit Ioannes. Fuga erat ad Montem Clarum, ad Mariam, adlectis ad votorum societatem majoribus, & minoribus, qui inter medias mortes versati, pestifero commercio valetudinem non commacularunt. Amemus o Clientes, nostram securitatē, & amando quæramus. In Maria est, & per Mariam. Ad Te ergo, pestium Repurgatrix Maria supplices recurrimus, vulnera animarū nostrarū pandimus; & qui in peccatorū peccatis gemimus, à Te sanitatis beneficiū imploramus, o Salus nostra MARIA. Meam in hac peste confitens miseriam, Tuam appello misericordiam, exemplo Anselmi Tui, factus Tibi supplex. *Regina Angelorum, Domina mundi, Mater ejus, qui mundat mundum, confiteor quia cor meum nimis est immundum, ut merito erubescat in tam mundam intendere, nec digne possit tam mundam intueri.*

Plures in eadem lue servantur,

D. Anselm^o

67. **C**ivitatem Stawisyn ejusq; territorium scedavit aura pestilens, quā passim afflati, sensibus viribusq; stupebant; & qui mori cœperant, pro mortuis efferebantur. Idem contigit cum Francisco Fuldrycz Patricio Polnaniensi. Tractus in vicinam planitiem, tribus diebus mortuo simillimus jacuit, nemine contagij metu manus admovente ad funerale obsequium. Familiars nonnulli seposita formidine venerunt, cadaver tumulo reddituri: uncō trahūt in foveam, sed rigente toto corpore, in solis pedum summis digitis vitæ vestigium explorant; ideoq; retractis ab ultimo obsequio manibus, de vita cogitant. Consilium erat Claromontanæ peregrinationi devovere moribundum. Contribules vota votis cumulāt, & calentem à Matre Charitatis Maria, vitæ radium impetrant, quo tactum præmortuum cadaver, vitæ, sensuumq; vigorem induit. Feflinavit ad Aram Mariæ vota, oblato totius Civitatis gratiæ testimonio, Anno Domini 1633.

Pestilentia rigescens, pro mortuo derelicta sanitati redditur.

68. **P**estis Vratislaviam populata Anno Domini 1506 quendam Civium prostravit, qui consueti Catholicis more Sacramentis

Anno Domini 1506.

mentis munitus, oblato in manum sacro Cereo ad mortem disponebatur. Adstitit morienti senecio amictus candidâ veste, & hæc ad moribundum: *Fac votum peregrinationis Claromontana, & Maria tibi vitæ prolongationem impetrabit.* Paruit: suspirijs, & gemitu piam voluntatem testatus, obdormivit. Interea malignum aposthema diffudit, exemptumq; periculo, Aris Marianis supplicem sanum reddidit. Verum est Mantuane, quod MARIA

Bept. Mann

Ante preces etiam nondum obsecrata favores

Donat; & ad miseros Maternas explicat ulnas.

*Bine eiusde
nominis mu-
lieres in pe-
re servatur*

69. **P**ROpitia suo sexui MARIA, in eadem lue salvavit Anno D. 1606 Magdalenam Woydilina de Kokow à Borek; & Anno sequenti 1607 nominis ejusdem Magdalenam de Koscin: dum enim cœli gravioris intemperie premerentur, ad Montis Clari Templâ vota spondent, solvuntque, beneficij memoriam, recognoscentes. Quamdiu vivimus, venenum bibimus, præmatura clade casuri, nisi Maria, inimica nobis ad suos triumphos cogat elementa. Optime D. Chrysologus: *Per orationem fit Moyses Pharaonû Deus, & ad triumphos suos militare sibi omnia mandat elementa; per orationem Virgo fit universæ tanquam Dea creatura.*

*Bept. Chry-
sologus.*

*Plures gra-
tia.*

70. **E**T è medio Epidemiæ Clientes legit MARIA, quos salute donet. N. Laurentium Przytycki videndi, audiendi, & loquendi facultate privavit hæc pestilens affectio. Ad Divam nostrâ votis itum est, & illico filius loqui velle, proloqui deinde, demum loqui incipit. Votorum solvendorum neglectus, difficultatem loquendi anno integro caulavit. Serò licet præstitutum pridem iter prosequuntur. Ventum est ad *Sulejan*, (illac iter erat) cum Laurentius sacro Colli vicinior, perfectius videre, audire acutius, loqui expressius, adhuc non sua valetudo, roborari solidius incipit, stupefactis ad replicata in filio miracula, parentibus. Agnovère numerosi viæ comites præsens MARIA Numen vivificum, gratiæque tum domi, tum in itinere acceptæ, autoritate sua, testimonium dederunt.

*Cam conit-
ge & liberis
à morte præ-
servatur.*

71. **C**ornelius Lipnicki Civis Wislicensis, in eius malignitate aceri tormento, cum liberis, & conjuge anno integro fastiscebatur. Frustratus humanis remedijs, apud Divam Virginem Claromontanam obtinuit, ut ejusdem patrocinio, plures in hac acerbitate gementes relevarentur. Recognita, actq; gratiæ Anno Domini 1598. 1. Maij.

71. *Crux*

72 **C**Rudelius sæviit in filium Ioannu Zeromski Suleioviensem. Post In peste va-
 sensuum cladem viriumque, expugnatâ animi aere, ratio- letudine ma-
 nem confudit. Hoc erat beneficium misero, sedata mentis afflictissi- & visus gra-
 ma tempellate, intervalla ad liberum rationis usum habere. Qua- tiam conse-
 propter opportunè usus beneficio, spondet visitationem Aedis Vir- quituro
 ginez, atq; stupentibus domesticis, subitâ valetudine donatus, visus
 quoque gratiam, veluti sub luce dubia inchoatam, demum, præsens
 cum patronam adorat, plena claritate perfectam recepit. Oculis Il-
 lustrum personarum subiectum ad Aram Mariæ beneficium, testimo-
 nium habuit Anno 1624. 10. Iunij.

73 **E**Cce opitulandi promptitudinem non impedit ad filij dexte-
 ram in Cœlis collocatio, quam nobis univit Materni amo-
 ris, & comparis naturæ cognatio; hinc rectè Petrus Damiani appel-
 lat Mariam: *Non convenit tanta misericordia tantam miseriam oblivisci, quia*
et si subtrahit gloria, revocat natura; non enim ita memorari iustitia Dei soli-
us, ut misericordiam non habeas, atque ita es impassibilis, ut sis incompassibilis.
 & MARIA.

Nostrum e-
 blivisci non
 potest Ma-
 ria.

Petrus Dam-

CAPUT VII.

Mons clarus, Vrbes integræ, Oppida, Pagi, singulari MA-
RIÆ patrocinio à lue pestifera præservantur.

74 **E**Adem hostilitas pestifera infedit Clari Montis territorium, Mons Clarus
 Anno 1622. Ab vrbe Cracovia per totam Poloniam proser- peste circū-
 pens Klobucium, Krepicium, Czeszochoviam, Oppida viciniore, pagosque datus,
 involvit subitaneis cladibus, immediatè sequentibus annis 1623. &
 1624. nihilò mihiùs agens in subiectam ad Clari Montis Clivum
 villam descendens, intra septa Monasterij se insinuavit, quòd tamen
 contagiosa calamitas, nec à religiosorum cœtu, nec à familia quem-
 quam absumpserit, non curis, aut fortuito casui, sed solius MARIE,
 protectioni, communi omnium sensu est attributum; quam luculen-
 tius exploratam habuit Mons Clarus Anno 1625. cùm iterum sub-
 iectus pagus, quinque Menses eadem atrocitate in superstites reli-
 quias desæviret.

75 **A**Tquè idè (ut semper facilis inter pericula suspitio) fama fu-
 ait, omnes quotquot intra Monasterij septa claudabantur, hac
 tunc-
 Peste labo-
 rantes Mon-
 tem Clarum
 visitant.

funestâ populatione sublatos; Certe pone sequentibus annis hoc fieri potuisse manifestè patebat, quando ex tota Polonia votorum solvendorum causâ, continuus populorum confluxus & refluxus templum, & mœnia implebat; illorum pars erat maxima, qui secum illam pestem primo in Pœnitentiæ sacro Tribunali Confessoribus propalabant; alij se ex recentissimâ pestis contagione ob vitam conservandam ad hoc Propitiatorium confugisse. Exhorruit Mons Clarus ad illam temerariè piam peregrinorum audaciam, sed propulsarunt metum omnem aperta miracula, quando qui debiles, ac languidi letifera aposthymata tulerunt, perfectâ sanitate donati, canentes **MARIÆ** misericordias, domum revertebantur. Alij perculsi Mariani Nominis præsentiâ palam audacis religionis veniam precabantur, quòd licet prodentibus signis exterioribus sua nòssent pericula, in medium frequentis populi, ac Mariani Sacrii pestem inferre præsumpsissent.

Aperte liberatorum
multitudo
hic vota solvit.

76 **S**uperavit annorum præcedentium calamitatem supra Mille-
simum sexcentessimum trigesimus, quo idem pestilens incendium totam Poloniam absumere videbatur. In publicas actorum tabulas relatum memoriam secuta anno immediatè sequenti 1631. populorum gratitudo, quorum numerus propè innumerabilis Montem sacrum, Aramquè salutis coronabat. A triumphali Resurrectionis Dominicæ Solennitate, usquè ad omnium Sanctorum festivitatem, quo tempore annuis peregrinationibus Aula Virginea affolet frequentius impleri, adeò copiosa diversi statûs, conditionis, dignitatisque personarum agmina, non in Centurias, at in legiones coalescentia, solebant confluere; ut certò constiterit, ab immemorabili tempore nunquam tantam supplicis populi multitudinem cum votis ad sedis Marianæ limina confugisse, uno die ad 12, nonnunquam ad 15. nonnunquam ad 20. Millia populorum censebantur, qui Divæ nostræ interventu, inter medios aggeres cadaverum, mortisquè vitam servatam precario professi in Archivo generalem, unde hac desumpta referuntur, gratitudinis memoriam reliquerunt.

Publica gratiarum actio
per Oratores Ecclesiæ
facta.

77 **Q**uo fit ut unaquæquè Civitas Oppidum in suo comitatu habeat, præter alios complures, peculiarem aut è seculari, aut Regulari Clero socium, qui veluti omnium cordium Atlas, & affectuum interpres, ad Aram Magnæ Matris, liberali præconio Marianam clementiam dilaudans, gratias aut acceptas refert, aut immensas precatur. Ab alijs Civitatibus, ut innocentissimæ Virginis favorem,

rem, innocentum ora decantent, adornatæ apparatus comico, puerorum ad Magnificentiam theatralem, personæ, cum Rythmis idioma- te patrio compositis sistuntur, cum deportatis mortis superatæ & pestis extirpatæ trophæis.

78 **P**rostant Civitatum anathemata ab hac clade servatarum: Anno 1678. quo ab Vrbe Cracovia per Poloniam serpens invibilis plagæ hostilitas, plurimos absumpsit. Aduit in supplicatio ne solenni Pinczovia, Lovicium, Olborz, & complura alia oppida, pagique MARIAM in peste sospitam, alia à peste Præservatricem recognoscendo.

Civitates Anathemata appendunt

79 **D**Vm hoc annorum aliquot calamitoso cursu, Orbis noster gemeret sub virga furoris Domini, sædatus grassantis pestilentia contagio, ipsa Metropolis Cracovia veluti trophæus, aut vorago mortis, totumque territorium funeribus mœcebatur. Plurimi huic loco se debere vitam cum publice, tum privatim spontaneâ gratiarum relatione, & recognitione testati sunt. Inevitabile, & adeo perniciosum malum, & nonnullas Russiæ partes populabatur. Exhorruit Polonia, ad tot acervos cadaverum plurimis computatos hominum millibus, in suum gremium proiectos, attonita. Quapropter nonnulli Magnatum, sancto ingenio, à devotione, & affectu erga Divam Odigitriam suæ, subditorumque suorum vitæ consilium capiebant, & auxilium. Integras Imaginum Nostræ Imaginis centurias, visitantes hunc locum asportarunt; alij per internuntios hic ad Sacræ Imaginis contactum consecrari fecerunt, quæ pro inviolabili Clypeo Civitatibus, Oppidis, Pagis, Aulis, Mapalibus, foribus, aut parietibus affixa contra pestilentia grassantis mortiferas acies opponebantur. Dicant qui servati sunt à Domina, & communi cladi quæ tot millia populorum involuit, subtrahit. Ad rei veritatem comprobendam, omissis aliunde pluribus Illustrum Virorum testimonijs, Autoritatem interpono Illustrissimi D. D. Feliciani in Podhayce Lotocki, Palatini Sira tiensis, Sokalensis, Ropczycensis, & Krasnostawensis Gubernatoris, qui ingruentibus, & circum suas ditiones grassantibus à lue pestifera vitæ subditorum discriminibus in domibus hoc Amuletum, Odigitriæ Imaginis Simulacrum, affigi curavit, sanctæque asseruit. in mea plurimumque Nobilium præsentia Anno 1678 in Sokal: hac Imagine præmunitas subditorum suorum domos à pestilentia immunes extitisse. Tanti æstimat Deus criminum justus vindex,

Ad munimen contra pestem Imagines Odigitriæ exponantur.

dex, Matris suæ Divinæ merita, ut illorum respectu sepositis suæ justitiæ armis, ad misericordiam inclinetur. En latè Nomen beneficum, Nomen salutare, Nomen odoriferum MARIE diffunditur, quo contagio pestilentialis absumitur. Hoc implet mundum, & implendo à pestibus mundat immundum. Assertorem B. Alanum audi. Cujus Nomen preconatur mundus, nisi Virginis hujus? Et eleganter fama, & gloria Nominis ejus oleo effuso comparatur. Oleum esurientem reficit, agrotantem sanat, membra defatigata mitigat: Odorem parit, flammam nutrit; sed & in laude Virginis resicimur, exemplo ejus ad virtutum medicamina invitamur, adversitatibus fessis ejus patientiâ recreamur, vita ejus formâ illustramur. Nominis fama diffunditur, & non solum oleo, sed & oleo effuso Nomen ejus comparatur. Quidâ sicut Oleum effusum magis redolet; sic quanto magis Nomen Virginis dilatatur, tanto magis gloriâ augetur.

CAPUT VIII.

Flammarum & Fulminum incendia compefcit & extinguir MARIA.

Inter flamas illæsa
nova fidei
Alumna.

80 **B**enedicite igni & æstui Domina, cui creata benedicunt omnia, cujus privilegio datum est Clientibus, inter ignes non uri, inter incendia non consumi. Hoc prodigium est in Sophia Pokrzywin-
ska. In Civitate Prussicæ Sukno oriunda. Patrem Martinum, Matrem Margaritam habuit, utrumque Anabaptistarum Hæresis tenacissimū, maledicti fruticis surculus benedictus, pessimorum parentum proles Optima. Eo intus impellente, qui spirat ubi vult, ad fidei Catholicæ cognitionem anhelabat, in qua à domesticis obsequijs famulam, habuit fidei Magistram, dum per otium furtivum licebat, amores fide insinuantem. Adolevit cum tempore, maturavitque miraculo, par erga Deum, Deiq; Matrem devotio, argumentis magnalium, quæ interventu Sanctissimæ Matris suæ patrat in Glaromonte benignum Numen, propagata, cujus ardorem ut salutaribus undis temperaret, profuga inscijs parentibus sacro baptismi latice lustrata est? Quidquid in parentum, cognatorumque affectibus amorum, aut odiorum erat, exortum est ad retrahendum à fide sanctæ obstinatum Neophitæ animum; dumque nihil conatus proficiunt, consilium fuit, filiam veluti parricidalis flagitij ream, ad flammæ, & cineres damnare. Parentes & cognati ipsi iudices, & carnifices, in pyram ingentem ponunt ligatam puellam, hoc uno nomine ream, quod Catholicam, hoc impi-

Impiam scelere, quod piam in Deum, Virginem Matrem, & Cœlites, quibus se impensâ religione devovebat, sacra Domus Claromontana limina invadere decernens in animo. Succenditur feralis rogas, ebullit flamma, incineratio puellæ, aut præfocati præustique corporis licio expectatur. Sed novum seculo nostro Phœnicem ad cinerem damnatum, absumpta pyra reddit; vivit puella, Divæ Claromontanae sæpius invocatae suam liberationem attribuens. Stupefacti parentes, non sunt ausi tollendæ filia querere supplicia, cui Mariam & elementa propitia viderunt. Vltamen Sophia Cliens MARIÆ novo initiaretur signo, stigma in latere inustum, illustris prodigij vestigium retinuit. Per multis deinde persecutionibus, & morbis divexata, vitioque lingvæ laborans, ejusdem Virginis Claromontanae opæ absoluta, expeditaque loquendi facultate donata, Miraculi memoriam, quo Prælia, & Russia, vicinaque Provinciæ inclaruerunt; in fastos tulit Anno 1611. 15. Maij cum illustrium personarum testimonijs. Saluto Te O MARIA tantorum prodigiorum opifex cum D. Ephraim: Ave spes omnium proborum adversis casibus afflictorum, dulce conversorum solamen, & praesidium: At Liberatricem ab incendio gratiam, quomodo miser aut invocabo aut impetrabo? Dicam Nazianzeni votum secutus, & stylum, ad Te O MARIA.

D. Ephraim

--- Tuere me atque ab æterno asserere
 Igne & tenebris, per fidem quâ iustior
 Sum factus, & per gratiam Tuam inclutam
 Quâ nuppiam ulla notior orbi fuit.

Gregori Nā
 zianzi in
 Tractatu de
 Chriſtiani

31. Sæculum præcedens annum 1598. Divæ nostræ miraculo illustrem proponit. Nobilis Viri Christophori Godzieſenski domum flammæ vis involvit; tum rei familiari, tum personis periculum imminabat, viâ undiquæ ad evadendum clausa, sit cum suis Mariæ supplex, vota ad ejus Aram pollicitus. Et suam suorumque incolumitatem huic loco se debere profitetur Anno quo supra.

Flammas &
 damna evadit.

32. Hoc verò nostris annis propinquius quod sequitur. In prædio N. Viri Petri Ochocki Civis Craeoviensis ancilla cadentem in stratum scintillam aut contempsit, aut non advertit, donec in summos ædificiorum apices erumperet incendium. In desperato casu Prædij Dominus ex hoc loco MARIAM invocat, & Salvatricem expertus est. Recognitum Anno 1644.

Incendium
 compeſci-
 tur.

Mons Clarus
inter incea-
dia illatusus.

83 **E**clarius agnovit, integro cursu Oblidionis Svecicæ dum inter ignem Machinis balearibus fulminaturn, veluti *Rubus ardens in om-
bustus* apparuit, sed hæc ad suum locum referuntur. Quidni tuam im-
ploremus umbram, dum urimur ô MARIA cum Seraphico Cliente.
*Esto umbraculum protectionis in tentationibus nostris, expansio alarum Tuarum
defendat nos à devorante ô MARIA?*

D. Bonaventura
Psalmi

In Montem
Clarum de-
mones in-
corquentes
fulmina,

84 **E**T in fulmina jus habet MARIA, quæ Tonantis Mater est.
Agnovit Mons Clarus Anno 1621, & vidit R. P. Teretius
seculo nostro Vir Apostolici spiritûs, dæmon enim visibili formâ nu-
bes conglomerans, & contra aciem basilicæ dirigens, tonitruis &
fulgaribus ærem miscebat, jaculatus fulmina, quibus binas in turri
columnas diffidit. Iterum anni ejusdem diē 5 Augusti fulminibus
prægnante caligine erepto ex oculis diē, Montem involuens, imma-
nia damna moliebatur, attamen confugientibus ad Aram Mariæ
Fratribus Numen ejus Machinationes dissipavit. Vlturus irritos co-
natus suos cruentus inveterator per maleficia immissus, rursus anno
sequenti 1622. cum maledictis molitionum suarum architectis, à
memorato Patre Teretio visus fulmina torquere in Sacellum Maria-
num, tectorum summitatibus insultans, at ubi turris per exorcismos
à maleficijs repurgata est, à qua provolantem sæpius dæmonem Pater
Teretius videbat; Mons Clarus Cælum propitium habere cœpit, ha-
betquæ. Fulmen est Mariæ Nomen salvificum fulmini; quia ut Mel-
chior Bernardus Doctor ait *Non sic timent hostes visibiles castrorum aciem copio-
sam, sicut æreæ potestates MARIAE vocabulam, patrocinium,*

S. Bernardus

Fulmine læ-
sus persana-
tur,

85 **A**nno 1560. 20. Maij. G.D. Stanislaus Chodowski in Chodow pro-
pè Kłodawam domum fulmen præceps involavit, & quot-
quot hypocausto claudebantur, prostravit. G.D. Ioannes Boczkowski
letaliter lauciatus, præter foramen in extima veste, thoracæque qua-
dratum, ad magnitudinem globi bombardini, in corpore duo vulne-
ra in violaceum desinentia colorem, ad latitudinem auricularis exce-
pit. Doloris acerbitate confusa mens ad Divam recurrit, habuitquæ
propitiam, nam sublevatus à terra, dum acriore ignis fulminei vredi-
ne præcoquitur, nuncupato ad visitationem Claromontanæ ædis
voto, non tantum vitæ periculo, sed omni prorsus dolore absolvitur.
Autographum quod fulius legitur, vota solvens, reliquit. Anno 1560
20. Maij.

PARTITIO QUINTA.

116

86 **N**ecessitatibus beneficia, periculis miracula metimur. G. D. *Ioannes Miarnowski* de Miarnow, in cœtu convivantium ictus fulmine, dirigit. Dies quatuor in funerali strato absq; motu nutuq; decubuit, adhuc nonnihil superstiti vita in calore & cordis palpitatione. Concussio corpore motu inopinato, vehementiori anhelitu cœpit laborare. Adett Curio, luctantem animam commendaturus superis, qui ab anima ad corpus curas detorquens, moribundum Divæ Claromontanæ devovet, atq; si cupito solatio potiretur, se itineris voto promissi comitem futurum despondet. Voti beneficio Ioannem vivere fecit, Vir pius, supplicemque stitit ad Aram **MARIÆ** Anno 1654. 8. Septembris.

Ictu fulminis prostratum relevat Mariæ.

87 **I**N Virō quoque Nobili *Gregorio Swieczki* de Swieczyn Magnus Mariæ favor enituit. Anno 1610. adustus igni fulmineo, sensuumque facultate privatus, anno integro toleratam in oculis noctē, acriores uredines corpus depascentes ad vitæ fastidium, aliæque calamitatis tadia, loqui non potuit. Occurrit aliquando ægro Clari Montis recordatio, hic Divam genitricibus & suspirijs appellat, habetque benignam, quæ vitam roburque pristinum extinctâ uredine restituit, oculis lucem, lingvæ verba dedit, quibus beneficium recognosceret anno sequenti. 1611. Hoc dotale munus miserendi, quibus eunquē volet, accepit **MARIÆ**, cum à Divinissima Triade eligeretur in sponsam, quandoquidem, (ut loquar cum Divo Bernardino tomo 3. serm: 11. art: 2. Cap: 3. de Assumpt: Virgin:) Tota Trinitas uniformi & concordī voluntate inestimabilem Virginem ostendit esse suam sponsam incommunicabilū charitatū, Celi Reginam inattingibilū dignitatū, mundi Dominam imparticiabilū potestati, Electorum omnium Genitricem piā, inextinguibilū pietatū.

Ab igne fulminis cæcitas, & uredines.

D. Bernardus.

88 **E**T mulieres beneficium Mariæ numen loquuntur. Nobilis *Catharina Mierzenka* in Lublinensi Palatinatu cum famula ad Calentem focum sterit, quo tempore tonitrua aërem miscebant. Il. lapsus fulmen exanimata ancillā, heram prostravit, & ademptā facultate sensuum, vix spiritum reliquit superstitem. Quatriduo mortuæ simillima, demum remissa nonnihil vigoris vi, septem hebdomadas in inhumani tormento decumbens, suæ salutis auspex fuit. Divam Claromontanam imploravit, sensitque opportunam ejus medicinam quam extremo langvori medicorum studia conatusque nec dabant, nec spondebant, miraculo vivens vota solvit Anno 1628. 7. Septembris,

Fulmine prostrata persanatur.

89 Su-

ANALECTORVM MENSÆ REGINALIS

89 **S**uper *Włoszowa* ingravescens aëris intemperies, Anno 1649. fulmen in domum præcipitavit, vehementior vis nidorisque pestilens malignitas, Nobilem *Sophiam Przemianowska* tetigit, usque sensuum penitus privavit. Soror quæ non tentavit remedia, ut stupentem membris. & sensibus sororem persanaret: errans per studia medendi, speratisque solatijs frustrata, ad Divam *Claromontanam* vota tulit, fecitque germanam miraculi, salutisque capacem per Mariam. Ambæ pro accepto beneficio gratæ, vota solvunt. Anno quo supra 20. Iunij Excellenter os aureum. Non est fas, ô MARIA Te illum posse deferere, qui spem suam fiducialiter in te collocavit.

Ignis mercurialis extinguitur.

90 **M**ercurialis quoque flammæ uredines extingvit MARIA, G.D. *Salomon Niezabitowski* Vir bellicolus usque ad doloris, mortisque contemptum patiens, vulnus in sinistra manus pollice ferebat. Temporis morâ sacri ignis incendium invalescens, per manum, totumque brachium serpens, desperatam manus præcidendæ necessitatem fecit. A crudelibus Chirurgicæ consilijs, ad Mariam recurrit æger, decretâ visendæ Arcis Marianæ, in hoc loco, peregrinatione. Affudit Maria gratæ rorem, qui depascentem flammam sopivit, extinxitque. Recognitum in Comitatu *Leloviensis Nobilitatis* Anno 1614.

Immedicabilibus vulnibus & Mercurialibus ignibus medetur Maria.

91 **N**obilis *Petrus Malachowski* de *Raciefzyn* aliquot globis bombardinis peritus, qui fractis ossibus, lacerato corpore, ruptis arterijs in profundis vulneribus hæserunt, à Chirurgis intractabiles accedente ad ærumnarum cumulum hydrope, demum accensâ ignis Mercurialis flammâ, desperatus vel à morte beneficium expetebat, quæ vivendi, dolendi que finem faceret. Peritorum fuerunt consilia, amburendæ aut præcidendæ dexteræ iacturâ, totius corporis salutem, quærendam. Antevertit Crudelis decreti executionem Nobilis Matrona *Sophia Strasskowska*, ad Clarum Montem vota maturat, pro moribundo, & quidem feliciter. Adfuit medica manus Mariæ, quæ vulnera occulta referavit; fuit cum tetra sanie morborum malignitas, sequuntur globi cruorem, demum pestilentiali uredine extincta, salus redonata est. Gratæ redditæ pro gratia Anno 1616. 26. Maij. Quæ temperas exitiales ardores, extingve luccensam peccatis Dei vindicis iram ô MARIA? nam (cum D. Petro Damiani omnibus fatendum est.) Scio Domina quia amat nos amore invincibili, quos in Te, & per Te, Filium Tuum, & Domum Tuam, summa dilectione dilexit. Qui scit quoties refrige-

Petrus Damiani,

*per tram iudicii, cum Iustitia virtus à presentia Deitatu egreditur? in manibus
tuis sunt thesauri miserationum Domini, & sola electa es, cui tanta gratia
concederetur & MARIA?*

CAPUT IX.

Febrium æstus malignos, temperat & extingvit

MARIA.

92 **M**alignos dixi, quo noveris vitæ discrimen immedicabile: *Febriis immedicabile & medicorum desperatio*
Primum è statûs prærogativa testimonium est. R. P. *Ferdinandi Wieniecki* Ord: S. Francisci Reformat: Conventus Leopoliensis.
Ex itineris laboribus fractus, apud M. D. *Ioannem Korytko* Palatinum Visnensem, duodecim diebus & noctibus malignæ febris ignibus coquebatur. Hoc erat apud medicos miraculum, sic ardere & durare. Destituti à medicorum solatio curam gessit memoratus Senator, ad moribundi grabatum cum coniugè in genua prociduus, iam iam supremo langvore fatiscenti vitam à Diva Claromontana imploravit, impetravitque. Testimonium gratiæ in Mariæ fastos relatum cum attestatione M. D. Palatini cum vota solveret ad Aram. Clientis supplex. Rosa Medicinalis est MARIA, quæ febrium æstus extingvit, ideoque salutanda cum Adamo de S. Victore,

Salve verbi sacra Parens

Flos de Spinæ spinâ carens

Flos spineti gloria;

Nos spinetum nos peccati,

Spinâ sumus sauciati,

Sed Tu spinâ nescia.

*Adamus de
S. Victore*

93. **A**t nam toto corpore sibi circumferre visus est G. D. *Balthasar Mastowski* in Vielunensi territorio. Erat febrilis ardor maior studijs medicorum, quorum labores frustravit. Adest A. R. D. *Adamus Rudzki* Custos Vielunensis, qui munitum Sacramentis ad supremam luctam initiavit. Etiam mortualis torpor totum infederat, cum marita nuntiat Præ lato, se coniugem Divæ Claromontanæ despondisse; addit votis vota, eadem & erga herum pietas domesticorum, & fida erga Divam religio promover. Plus erat animo quam pedibus ijsse & suspirijs, quam exquisito, orationis apparatu salutem postulasse, nam subito ad nativam temperiem reductus calor, extin-

*Superiorum
similes.*

Oto letalis febris fomite, extra periculum moribundum posuit. Votorum alienorum, suorumque reus, cum præfato Custode Vielunensi recte prodigii, supplex ad Aram adoravit, Anno 1641. 13. Aprilis.

Desperatus
in Maligna
Febre salva-
tus.

Menolog.
Gratiæ.

94 **I**N districtu Siradiensi Nobilis *Alexander Karlinki* per duas hebdomadas in deterius proficiente maligna febre urebatur. Medicorum & amicorum desperationem correxit spes Clientis, quæ auspice vitam & stimulatione prudentum amissam, resumpsit, solo peregrinationis Claromontanæ voto emptam. Recognitum Anno 1623. 25. Septembr: Quotquot sub nube protectionis Mariæ rorem salvificum anhelos pectore sititis, salute Divam cum Ecclesia Gratiæ: *Salve Divinum imbrem vehens lucida nubes; & Te beatificantium animas illuminans O MARI A.*

Refrigerium
in febribus à
Maria.

Bona-
Speculo ei.

95 **S**EU MAVIS MARIAM dicere umbrosam Platanum, ad refrigerium explicatam; experimento probavit Nobilis *Dorothea Paprocka* & Palatinatu Cracoviensi febrilibus incendijs exusta, liquoribus medicis, qui sopirent æstum, utebatur. Sed hoc erat oleo flammam extingvere. Pro aliquali solatio vocatæ, ex Illustrissima D. Dominici Familia Sorores Tertij Ordinis de Pœnitentia, ad Clari Montis Aram Mariæ ægram devovent, pauloque post plena sanitate donatam, stupentes excipiunt. Testatum à Parentibus fide Publica Anno 1613. 30. Maij. Parentur fideles animæ, hic fundata Mariana Tempe, ubi Arbor MARI A protectricem umbram explicat. Et quidem, ut D. Bonav. in Speculo cap. 5. loquitur. *Rami hujus arboris, rami honoris & gratiæ sunt, virtutes & exempla, multa ejus misericordie, & beneficia in hujus ramis libenter habitant; in hujus libenter inibant celestis avicula, id est anima sancta, & de ipsis etiam dici possit illud. in Ramis ejus conversabuntur volucres Cæli.*

Simile.

96 **A**LII umbram amant, undam alij, dum æstuant: Nobilis *Margarita Boglenska* igni maligno terrefacta, nullo fonte recreari potuit. Ad Mare gratiarum Mariam Claromontanam vota dum festinat, veluti è limpidissima vitæ vena salutare poculum hausisset, stupentibus vicinis, ac domesticis, plena sanitate donata est. Relatæ gratiæ Anno 1598. 6. Julij.

Simile.

97 **A**NNA quoque *Remissenska* Civis Loviciensis letali æstuat in incendio, quod adhibitas medicinas non tam respuit, quam absumpsit, suspirat ad Mariam statuto peregrinationis ad ejus Aram Clari.

Claromontanam decreto, unde vitæ venam profluens MARIA, nocivos æstus restinxit. Merito Richardus à S. Laurentio usurpato Isaïæ textu invitat ad Mariam. *Omnes sitientes venite ad aquas.*

*Lib. 9. de
Laudib. V. M.*

98 **A**ndreas Crucis Italus insignis Architectus cum filio, Monasterio *Klobucensi* reparando operam dabat. Tum labor, tum peregrini æris gravitas, morbis non medicabilibus pugnavit in alienigenas. Sangvinis fluxus continuus, tædia usquæ ad nauseam vitæ, diuturnis ærumnis desperatos exercebant. Vehementior febris accensa in exhaustis corporibus nullâ arte sopiri potuit. ægrè collectâ mente Pater & filius ad Divam opem Claromontanæ Mariæ vota fecerunt. Aram ejus invisere polliciti, & piæ mentis proposito, capaces miraculi effecti, votis potiuntur Anno 1620.

Pater cum
Filio Refria
geratem
Mariam ex-
pertus.

99 **A**lius conatu, pertinaci corpore vota secutus, ad miraculum venit Hospes, in æde Mariana *Andreas Borzecki* de *Zem-borzyce* Vir Nobilis, per medium annum febre malignâ æstuavit. Accingitur itineri, ambulat, ducitur, portatur vehiculo, fatigatur, labitur in via, quia nondum attigerat *Portum salutis*. Fractus Viribus collem ascendit, sacræ Domûs limen attingit, & in conspectu Mariæ prodigioso refrigerio recreatus, sensit prodigio vitam viresquæ reparatas. Anno 1623. 4. Maij.

Dom. & in
via æger,
hic sanatus.

100 **P**etrus Remer de Chislow diuturnis febribus præsumptum, mors in spoliis deposcebat. Votis despondent cognati Divæ Claromontanæ futurum supplicem, & extemporaneo miraculo relevatum excipiunt. Humillima gratiæ recognitio legitur in Archivo sub Anno 1608. En de plenitudine ejus omnes accipiunt & quod adhuc immeriti non accipimus, speramus, utq; speramus, spes nostra facit MARIA, quia illa, asserente Lact. melleo Doctore *Copiosissima* Charitate debitorum se fecit, omnibus misericordia sinum aperit, ut de plenitudine ejus accipiant universi.

Superioribus
simile.

D. Bernar.
Serm. 1. de
assumptis

CAPUT X.

In purgantibus flammis detentos ab incendijs protegit, liberatq; MARIA.

101 **N**on tantum vivis, sed & mortuis se præbet Maria benefici-
cam,

eam, ex hoc loco verus seculi superioris miraculum refero.

--- *prisca fides facta, sed sama perennu*

Oswaldus Illyricus, villa *Symonowe* oriundus ad oppidum *Prynwidz* novit aliquando *Claromontanam* peregrinationem. Sed morte præventus non explevit. Filium adolescentem in vivis reliquerat, cui apparens ait: *Agnosce genitorem tuum, vides tantam catervam hostium quæ me perdere conatur, & perderet, nisi gladio hoc, quem teneo, me tuerer, quem mihi tantisper commodavit Virgo Sanctissima ad defensionem, donec tu vice parentis iter ad Clarum Montem consecreris, ibidemque primum Misse sacrificium celebraveris.* Lapsu temporis sacris ordinibus initiatur filius, memorque visionis, monita parat exequi, sed prævaluit amicorum cognatorumque persuasio, qui visionem nuperam, meram illusionem appellabant. Quapropter in Patria *Missam* celebrare statuit. Et tentavit prosequi introitum, sed mulctatus silentio, nec verbum potest protolui. Hoc miraculum, vera fuisse quæ mandabantur, probavit. Svacent ergo qui dissuadebant, iter prosequendum ad Montem Clarum, & ad Aram *Mariæ* sacris operandum. Mutus iter ingreditur, hic loquendi facultatem ademptam consecutus ad Imaginem *Odigitriam* rem sacram peragens Patrem liberat Anno 1521. Hic *MARIA* ostendit, quod *Brigittæ* famulæ suæ spondit. Sua benignitate purgatorij pœnas remitti. Ego sum Regina Cæli, ego Mater Misericordie iustorum gaudium, & aditus peccatorum ad Deum, nulla etiam pœna est in purgatorij igne, quæ propter me non remissior erit, & levior ad ferendum, quàm aliter esset.

Apparicio,
Parentis Filii loquendi
facultas intercepta.

D. Brigitta
Revelat:

Morenus in
Claro Monte suffragia
exorat, habetque

101 *Seculi* nostri est quod sequitur. *G. D. Andreas Miaskowski* de *Pozaryca* æger septennio decubuit. Morborum vis diuturnitate invalescens, tyrannide implacabili pugnavit in animum, ideoque eligens mori breviter, quàm diu pati, arreptâ bombardâ seipsum traiecit. Error erat; & verè salutaris, non letaliter saucius cœpit sapere, nosseque mortem propinquam, sacrâ Pœnitentiâ noxam eluit, unctusque sacro Ceromate Christianus Atleta, dolendi, vivendique finem fecit. In illo itaque loco in quo sibi feralem ictum inflixit, sub meridiem & vesperam hæc ejus vox lamentabilis audiebatur à domesticis: *Veni diebus Sabbativum ieiunare & Claromontanam peregrinationem obire, rogo hac pro me persolvantur.* quoties toties importuna vox, illic, loci habitantes stupefecit, donec animosior quædam matrona quis esset quærens, audiit loci Dominum inter purgantes flammæ detineri, qui subiunxit. *Tandiu vobis molestus ero, quândiu desiderium meum satissatum non fuerit. Dentur in eodem loco pauperibus elemosyna pro me & sacra*
Missa

PARTITIO QUINTA.

123

Missa sacrificia offerantur, tunc primò liberabor His de rebus confors defuncti certior facta Dorotea Konarzenska maritalem affectum, quem vivo debuit, & mortuo testata est, peregrinationem ad Aram Virginis Odigitriæ perlolvit, omniaque desideria executâ, coniugem liberavit. Anno 1623. 6 Septembr: Idem à te præcabor precorquæ ô Protectrix MARIA cum D. Casimiro

Pro me pete ut quiete

Sempiterna perfruar,

Ne tormentis comburentis

Stagni miser obruar.

*D. Casimiro
in Rykmo.*

103 **R**esentius est, quod in Mariæ fastis adnotatum Anno 1671. 8 Maij, ex authentica recognitione G. D. Maximiani Krobanowski translatum.

*Superiori
mle.*

In minori villa Krobanow sub Sadek Anima D. Matthiæ Rayski Anno 1671. signis frequentibus se penitentem insulit via & suas necessitates palam fecit. Die 8. Ianuarij, tria Missa sacrificia postulavit, novem pauperes, tres Presbyteros, qui pro sua à flammis piacularibus liberatione, peregrinationem Claromontanam obirent, enixe precata est, quinque Missa sacrificia, ad miraculosam Imaginem tria in solenni cantu, duo lecta. Die 25. Ianuarij Psalmum Pœnitentialem idiomate vernaculo. Zał miżem kiedy zgrzeszył, &c. &c. celebrem de Immaculata Concept: B. V. M. Rythmum. Naywyzsza Mátko &c. cantavit. 26. Ianuarij anni ejusdem, ejus desiderijs obsecutus mensam tribus Sacerdotibus, & novem pauperibus apparavi, ubi mihi signa latitiæ exhibuit, & Sacerdotibus de Łasko. Patri Fabiano tortam detulit, Patri Francisco figuram, sui simillimam cum vulneribus quibus confectus fuerat: Parocho de Marsyna frustum panis. Postulavi deinde ut si Spiritus bonus esset, afferret Imaginem Sanctissimæ Virginis, qua ad lectum pendebat, fecit, & scapulare ante Sacerdotum ora deposuit, & complura alia sue jugis presentia signa ostendit. Psalmos aliquos cum altero Spiritu in Sacerdotum presentia cantavit, quod à multis hominibus auditum est. Ad mensæ limbum coram hospitibus varios Characteres formavit, Patri Francisco manum de nocte deciduam lecto, levavit, & in pectore composuit. &c. &c. &c.

Cantat Spiritus,

Q3

Rela-

Relatio suprascriptorum in Claro monte per prænominatum Generosum D. Maximianum Krobánowski facta est die 8. Mensis Maij, Anno 1671. Hoc in Claro monte cum intentionibus defuncti satisfaceret, Sacerdotes oculati rerum testes, & permulti nobilium, qui in Comitatu vota solvebant recognoverunt. Quam verum est illud D. Bernardi Serm: 2. de Pentæ: ad MARIAM oculos omnium re-

D. Bernardi: spicere. Ad illam sicut ad medium, sicut ad Arcam Dei, sicut ad rerum causam, sicut ad negotium seculorum, respiciunt, & qui in Cælo habitant, ut resarciantur, & qui in inferno, ut eripiantur; & qui præcesserunt, ut Prophetæ fideles inveniuntur; & qui sequuntur, ut glorificentur.

Anima ad
Montem
Clarum peregrinatur.

104 Sic Deo placitum est, ad maiorem suæ immaculatæ Matris honorem propagandum, & illos ad captanda ex hac Mensa suffragiorum, & gratiarum opsonia dimittere, quos extra merendi statum collocatos, in pœnalibus flammarum purgantium claustris, vindex exercet iustitia. Anno supra Millelesimum, Sexcentesium, septuagesimo audivimus, & ex manifestis, quæ non sine horrore oculis usurpavimus, signis rei veritatem prodentibus, didicimus. Hæreticis conscijs, & ad signa prodigialia stupentibus, actum est: apertis rebus occultam fidem adhibere coacti, & publicum testimonium dedissent, nisi obstinatio taciturnitatis legem posuisset. Sufficit nobis in testimonium, tacitus illorum iudex, conscientia. Res sic habet. Generosus D. Martinus Stokowski seculo defunctus, in eadem aula, in qua fati concessit, læpius, mortalibus induvis amictus, candens undique flammis circumlambentibus, Virgini cuidam domesticæ, apparere solebat, significans non prius se beatæ sortis participem futurum, quam in Claro Monte Ozesstochoviensi ad thauaturgæ Imaginis Aram, amici subvenirent suffragijs; quò Domini Fratres, & familiares peregrinari, ibidemq; ad Sacram Imaginem quinque Missæ Sacrificia offerre debebant. Non pauci frequenter vocem audierunt; incognitos characteres, carbone, mensis & orbibus inaratos legerrunt, horrore perculsi: inter quos fuerunt N. N. D. D. Iacobus Stokowski, Frater demortui, Valentinus Szawinski; N. D. Marianna Stokowska Coniunx, cum Elizabetha filia, & N. Anna Kłodawska. Cum itaq; per Virginem votorum suorum internuntiam, & signa, desideria sua satis liquidè intinuaslet, defunctus, Cognati, & familiares, non differentes suffragia, peregrinationi ad Aulam Marianam sese accingunt; adest & viæ comes Anima pluribus argumentis suam in illo itinere præsentiam propalans, quæ quandam animi gelientis latitiam prodidit.

diderunt. Contigit in Widawa, nam hac iter erat. Appetente vespere hæretici cujusdam subierunt conductum, cum tribus ex Silesia mercatoribus hæreticis. Hi causâ peregrinationis intellectâ, fortasse non nihil, quod Religionem Catholicam, Divumque honorem impiare poruit, tacitis premebant cogitatibus. Obviavit illorum cœcitati Divinum Numen; per invisibilem viâ comitem, Animam defuncti. Vident, miranturque globulos precatorios visibili motu, per aëra projici; postero die librum precatorium amissum invisibili manu in sinum Elizabethæ Stokowka demissum, stupent attoniti, sed quasi non vidissent, factum confusi dissimulant. Ventum est cum Adfite spiritu ad Montem Clarum. Ante Divæ Virginis Imaginem, tum ad Privilegiatum pro Defunctis Altare Patres Nostri Sacris dant operam: & hic præsens adest Anima; cruce, & peregrinos nobis videntibus formât characteres, soli Virgini Mariannæ desideriorum suorum apud cognatos interpreti, visibilis. Postquam Devotioni, & suffragiis matutinum tempus impensum est, regrediuntur in conductum Hospites, cum quibusdam nostris Patribus, assident mentæ; præsto fuit & spiritus, qui ad orbis limbum, coram tot spectatoribus, satis confusos formavit characteres; legunt aliquam ex illis significationem eruere cupientes: Et quidem fuit, nam retrogradè hoc legebatur: O SI TIBI HODIË! Sensus adeo ambiguus quid exprimeret, adhuc ignotum erat. Existimarem iam tunc beatorum consortio adlectum, supernæ Patriæ delibasse delicias, nam placato hic per actus pœnitentiales Numine, à Virgine, cui ultimò defunctus cum gratiarum actione apparuit omnibus gratitudinem pollicitus, didicerunt familiares pœnis absolutum: quod & cereus ardens eo loci, ubi se pœnituisse dicebat, domesticis omnibus apparet; & cœlestis formæ juvenis zonâ aureâ præcinctus, soli Virgini visibilis, eundem cereum manu præferens, probavit. Actæ subinde Numini liberales gratiæ. Res plurimum è Nobilitate testium juramento firmata, ad Apostolicos Ecclesiæ Claromontanæ Notarios, Fastis Marianis inferenda venit. Nec latebat hoc, quod Poloniam maiorem impleverat, illustrissimum ac Reverendissimum D. Andreæ Trzebicki Episcopum Cracoviensem, Ducem Severiæ, qui cum hæc Analecta typis evulganda apud se propè ad anni medium servata revolveret, hanc Animæ pœnitentis peregrinationem inter principales gratiarum memorias inferi præcepit.



ANALECTORUM MENSÆ REGINALIS
S E V

HISTORIÆ, DIVÆ VIRGINIS
CLAROMONTANÆ MARIÆ.

PARTITIO VI.

*Mortuos, Moribundos, Desperatos, Diva
Virgo Claromontana, vita restituit.*

Hic Lucet

MATER VIVENTIVM MARIA.

D. Bondi
in Psal. B. V



D. Epiph:
Hares 78.

*I in manu MARIÆ, salus & vita consistant, merito
Mater viventium appellatur. Idem sensus est B. Epi-
phanij Haresi 78. Beata Mater MARIÆ per Evam
significatur, qua per anigma accepit, ut esset Mater
viventium. Ab illa Eva omnis generatio ducta est in terra,
hic autem verè à Maria, hac vita mundo genita est, ut viven-
tem gigneret & fieret Maria Mater viventium; Vitam à gra-
tia huius Matris viventium, non tantum animæ, sed & cor-
poris pendere, exemplis docebère.*

C A P V T I.

Natos exanimis animat Diva Claromontana MARIA.

Filium mor-
tuum genuit
Mater, quem
Maria vivit
fecit.

*I Nfelix illa fœcunditas, quâ matres utero mortes fundunt,
vitaque primus thalamus factus tumulus, prius experitur se
gestare funera, quàm pignora. Vnum aded miseræ fœcunditatis
est solatium, animandos MARIÆ peperisse. Animavit complures.
Primum exemplum est in prole Generosi D. Ioannis Strzyſewski, cujus
consors filium genuit exanimum Anno 1648. 26. Februarij. Lacry-
mis lustratum funus cunæ feræles exceperunt. Pater iterum Pa-
trem*

rem egit, votis ad Divam Claromontanam nuncupatis vitam exorans filio; eadem mens, eadem vota Matris ad MARIAM, quæ exulem animam ad corpus revocavit, vivamque prolem reddidit Parentibus. Relatum Anno 1650. 9. Maij. Optimè proinde Divus Amedeus: *Sicut in Eva omnes moriuntur, ita etiam in MARIA omnes viviscabuntur.*

Amedeus
Homil: 7 de
B. V. M.

2. **I**n domo Nobili Gent: D. Matthie Ciemienski risit funesta mors expectatam natalium lætitiā. Natum cadaver absque vitæ superstitis vestigio, amantium, ac dolentium parentum, ad Clarimontis Aram, supplices affectus coëgit, quo felix fortasse partus non duxisset. Sufficiebat inlinuasse MARIÆ desideria, & miraculo illustrari voluisse; nam ope Mariæ rediviva proles, vagitu civit parentum lætitiā, quam grati Clientes Anno 1623. ultima Septēbris muneribus testati sunt. Quis non mireretur quòd (in vitæ restitutione) *Tu sola simul cum DEO eorum quæ Dei sunt, partem habere digna fuisti. sola DEV M generans carne indutum ex DEO Patre unice ac sempiternè genitum.*

Superiori
simile,

Methodi in
Hypati

3. **N**obilis Elisabeth Naderzinka de Grodzisko ope medicā, intra stabili hydropē tumens, vitamque desperans; ad Mariam votis properans salutarem medicinam consecuta est. Iterum parentium doloribus arctata frigidum, inanimemque fœtum utero fudit. Ad Aram vitæ MARIAM peregrinari constituit, Aulæ Claromontanæ limina revisura, & pio voto, fiduciaque invicta, modicū cadaver animæ perditæ, miraculique capax effecit. Cum resuscitata prole, actæ & in tabulas Mariæ consignatæ gratiæ, Anno 1572. Qui vitæ Mariæ vivunt, meritò profitetur cum D. Augustino. *Mater generis nostri, pernam intulit mundo. Auxitrix peccati Eva, Auxitrix meriti Maria, Eva occidendo obsuit, Maria vivificando profuit, illa percussit, ista sanavit.*

In matre, &
mortua prole
repligata
gratia,

S. Augustini:
Serm: 11 de
Tempore.

4. **R**eplicatum in Matre & prole, vitæ & libertatis miraculum, produnt Fasti Mariani Anno 1598. 6. Maij. Anna Halicēsis ex Podolia in captivitate, servilem vitam agens, mortuum infantem peperit. Lacrymis Divam Claromontanā appellat, cum decreto visitandæ ejus Basilicæ, & vitam prius puero, impetrat; mox prodigio partam libertatem assecuta, cum filio præsens vota solvit Anno, die, quo supra,

Captiva mortuum generans, sibi liberatæ, filio vitam impetratā Mariæ

superiorib.
simile.

5. **I**N Oppido *Oborniki* Episcopatus *Posnaniensis* *Anna* *Obornicensis* fabri marita, mortuâ peperit prolem, quod casui fortuito imputatum est. Vertente tempore nascitur altera, sed mortua. Tertium lapsu temporis natum funus *Divæ Claromontanz* supplices fecit parentes, qui lacrymis votisq; inanimi proli vitam exorabant. Infudit cadaveri animam *MARIA*, ad miserendum facilius, quàm homines ad implorandû, Prodigium; dum gratiâ solverentur, testem habuit *A. R. D. Caspæm Janikowski*, Præpositum ac Decanum *Obornicensis* Anno 1631. Iure in orbis facie gloriatur per *Ecclesiastem MARIA*. *In me gratia omniû viæ & veritatis, in me omni spes vitæ & virtutis, & spiritus meus super me, dulci, & hereditas mea super me, & favum.*

Ecclesi. 14.

simile.

6. **E**T *Diecefis Plocensis* Oppidum *Ciechanow* compari miraculo illustravit *MARIA*. *Matthæus Pistor* annis quatuor sine prole suscepta vivens, munus fecunditatis à *DEO* precabatur. Ea erat, quam habere nolissent, pristina sterilitate contentis peperit filiam mater, quam in utero matris strangulavit mors; Ad *Aram Matris viventium affectus*, preces, votaq; vertunt peregrinationem ad *Divæ Claromontanz* limina decernentes, & ejus beneficio Numine reanimatâ prole acceperunt *Actæ* cum votis gratiæ *A. 1629*. *Beria* 6 post *Cineres*. Verè secundum *Ildephonsum*: *Introitus Vita MARIA*.

Ildephonfus
serm. 4. de
Assumpt.

simile.

7. **N**on solas Nobilium Aulas, Vrbes & Oppida magnalium suorum luce serenat *Maria*, & villana gratiis suis implet mapalia. In *Palatinarûs Cracoviensis villa Nasieckonice*, Conjux *Alberti Woytik*, gemellos minùs favente *Lucinâ* fudit utero, partitâ mortem inter, vitamquè fecunditate, in vota *Mariam* è Montis clari Regia precibus inclinant, & adest Mater vitæ, quæ mortuâ prolem resuscitavit. Recognitum in *Tabulis Marianis* Anno 1631. Nonnè (ut *D. Epiphanius* Sermon. 3. de *Deipara*). *Per Te mors consuecans à MARIA?*

D. Epiphanius

C A P V T II.

Pueros vitâ functos, ad vitam revocat MARIA.

Puer à puritate dicitur.

8. **P**Vra est, & purorum amans *MARIA*, ut *Damascenus* ait, & si pueris à puritate vocabulum attributum est, pueros amat,

amat, si puerorū innocens vita, in puritate nomini responderet. Hoc titulo suos à morte vindicat, & hic orbi mortem triūphantes proponit. Binam primò cum parente prolem masculū utrumque, Matrem à filiis non divido, quos in prodigiali vitæ restitutione Diva non sejunxit.

Civis Lublinensis Lanio, Martinus nomine, cum Vxore & familia domo egressus, duos filios bimulum in cunis, & quadrimum reliquit: hic, ut vidit parentem in macello jugulantem agnos, obvium cultrum arripuit, cunas repetens fratris gurgur præcidit. Ut errorem artis, temerè tractatæ advertit, pœnarum actus formidine, reptat in fornacem, & post lignorum struem latitat. Redux mulier, flammam lignorum incendio subijcit, quo præfocatus puer, exanimatur. Protrahit misera mater filium, sola serum ferens auxilium, super quo lamentata plurimū, limen transgreditur, & propinqua cunis, alteram prolem inanimem sanguini innatantē offendit. Consternatam, propèque morientem, geminato funere maritus convenit, ratūque uxorem cædis geminatæ ream, gravius cædit, occiditque. In illa non pecorum, aut filiorum, uxorisque laniena, humani incapax solatij, amicorum tamen consilij tenax, ad majorem homine fiduciam erigitur; in carpento cōposita cadavera, per quadraginta quatuor miliaria, ad Clarum montem deducit, & in Ecclesia in conspectu sacre Imaginis deponit. Solennes eo tempore à Choro Vesperæ cantabantur; ubi ventum est ad Hymni Mariani Versum: *Fecit mihi magna qui potens est. & sanctum nomen ejus.* Obstupefacto sāt frequenti populo, mater cum filiis è funerali tūba surgit. Quæ tunc fidelis populi tanto prodigij spectaculo exultātis lætitia Factum Anno 1540. Non tantū lingvis hominum, sed & Scriptorum calamis celebratum est tantum miraculum, verè ait D. Bonavent: *Salus & vita in domo illius, & in tabernaculo ejus, pax & gloria sempiterna.*

Mater enim
duobus filiis
ante Imagi-
nem hic re-
divivam.

D. Bonavent
in Psalterio
B. V. M.

9. V Idimus in ipso Aula Reginalis limine, ad augustum Virgini-
nis conspectum huc deducta assurrexisse funera. In Mo-
ravia filium illustris Matronæ mors in sua jura traxit. Reclinato in
loculum funeralem cadavere, quæ ad solennem funeris conductum
facere videbantur, procurat. Verū spes insinuata per tutelaris ge-
nij nuntium, mœstam parentem exhilaravit, cujus summa erat vi-
tam filio in Clari montis Templo redonandam. Et in seipsam, & in
Divæ benignitatem peccasset, si abnuisset cœlestium nutibus obtem-
perare.

In Templi
vertibulo
assurgimur
tunc.

perare. Quapropter tabe confectum cadaver in tumba deducit, ac in Augustalis Mariani Vestibulo collocat. Vix attingit ædis Virgineæ limina, expergefactus à mortis somno adytis Marianis, prodigium redivivus intrulit, stupente populi multitudine. Prostat eleganter coloribus expressum in publicis exedris Basilicæ Claromontanæ. Illud certè Virginæ Domus vestibulo applicandū est, quod nonnemo affixit Lauretanæ Domui.

O Cælo dilecta Domus possesque beati.

D. Bernardi A. Actum Anno 1606. Pulchrè Mellitaetus Doctor. Tolle corpus hoc solare, quod illuminat mundum, ubi dies? tolle Mariam hanc mariæ Stellam, mariis uique magni, & spatiosi. quid? nescialigo involvens, & umbra mortis, & densissima tenebræ relinquantur.

In ludo puerili suspensus, mortuusque reanimatur.

IO. **E**T in puerorum ludo, mors suas partes agit. In villa Zborow Palatinatus Calissiensis, pueri tempus iudicio fraudabant; alius Iudicis, alius Parroni, alius Spiculatoris, lictoris alius partes obibat. Nobilibus oriundus parentibus *Valentinus Zeromski* reum agebat. Iudicatus, condemnatusque in serbo circa collum tuniculo suspenditur, in saltu proximo. Sed pallere, trepidare, agitari, cum cernerent Valentinum, frustra subvenire conati, moriæque perterriti, in vultu pallido, voce faucibus hærente, domum profugi, relicto in arbore cadavere, castis tragici suspitione tulerunt. Sub solis occasum quæritur à parentibus, & domesticis Valentinus, at non nisi cadaver in ramo pendulum; non minori dolore, quam horrore conveniunt, resecant, domum reportant, ubi parentes liberalibus lacrymis, luctuque, fatum filij querebatur. Unica pietati eorum, fuit revocandæ vitæ filio, firma fiducia in Divæ Claromontanæ patrocinio; illi mortuum supplices devoverunt, & peculiari beneficio redivivum excipiunt attonito, ad prodigij magnitudinem orbe nostro. Ad Aram supplex cum parentibus filius, Matrem vitæ adoravit. Anno 1598. 4. Junij. Laudate clementissimam Matrem MARIAM, & cum D. Athanasio appellate *Matrem Regeneratricem!*

Sub Claro monte mortuus resurgit.

II. **A**NNO D. 1613. Nobilis *Stanislaus Gorzkowski* cum Conforte *Anna Lagodzinska* ad visitandam thauumaturgam Divæ nostræ Imaginem profecti, filium longæ ægritudine confectum secum tulerunt. Ut subierunt conductum ad montis radicem, puer ante medium noctis animam exhalavit. Mœsti Parentes contra sacram ædem prostrati, quod noctis reliquum erat, votis & precibus ad Divam de-

viam dederunt, cui impensâ devotione mortuam prolem devove-
bant. Votis vota cumulavit, & frequens hospitum cœtus, in pre-
cibus perseverans. Miserrata orbitatem parentum. Mater Misera-
tionum Domini MARIA, sub solis ortum gratiæ radium vitalem
vibravit, & in pusillum cadaver animam infudit. Propagavit erga
Divam religionem apud advenam populum tantæ gratiæ testem, pro-
digium, quod fastis adnotatum Anno quo supra 13. Iunij. Iure cum
D. Sergio nuncupatur omnibus fidelibus *Fons immortalitatis MARIA.*

*D. Sergio
de Nativitate
B. V. M.*

12. **E**X eodem immortalitatis fonte vita promanavit filio Ma-
ritime Nobilibus *Margarita Zloczen ska* in Podolia. In absum-
pto febribus corpusculo deliquit, animâ ad exules à vita ma-
nes dedit. Parentum interque ad Limina Divæ Clatomontanæ vo-
tis mortuum deponentes, non tam ægre tulerunt fatum chari pi-
gnoris; nihilominus affixi Dei beneplacito, mortuorum induvis
operiunt, cadaver, & in sequestro conclavi reclinant ad funus præ-
paratum. Horis post balneum funerale duabus circiter, ancilla sub-
intrat cubiculum, manuum pedumque motum advertens, nuntiat
vivere filium, at minimè credunt parentes. Arbitrata sensus de-
cipi, repetit conclave serva, & videt nictus oculorum veluti exper-
gefacti, & adhuc dormituriens; vocat parentes qui vivum suis ul-
nis exceperunt à MARIA, quæ D. Epiphaniô appellatur. *Mater ce-
lebrissima.* Anno 1647. Mense Mayo.

*Puer ad fu-
nus præpara-
tus è strato
fugit.*

*D. Epiphani-
Oratione de
Laud: B. M.*

13. **I**N Kamienecensis Districtus Civitatē *Vliatyn. Stanislaŭ Waj-
dzic*, erat filiolus unum inter Charissima delictum, nisi esse
delisset, pugnante in corpus imbecillum dolorum vi, captus è vi-
vis Sabbatho ante solis occasum. Noctis mœrorem, votis ad MA-
RIAM in Odigitria imagine celebrè, distrahebant, ad Basilicæ Cla-
romontanæ Aram iter polliciti Parentes, si redivivam prolem vide-
rent. Iam antelucanum sidus diem propinquum nuntiabat, cum pa-
ter ex more Catholicorum ad mortualem lectulum, volens ignem
accendere properavit ad Curionem, Cereum benedictum allaturus.
Redit pater, fœt lugubrem tædani filio, vivum in mortuali strato
reptantem deprehendit, ulique se chari genitoris amplicitibus in-
sinuantem, excipit. Miscebant lætitiâ dulces lacrymæ; Diva Cla-
romontana prædicatur, cui gratus pater votum, testimonium. fi-
lium, ac deinceps impensius colendæ MARIE propositum obtulit.
Anno 1317. Numquid non ad rem D. Epiphanius? *Eva mortis
causa.*

*Superiori si-
mile.*

causa facta est hominibus, per ipsam enim mors ingressa est in mundum. MARIANA vero causa vita, per quam genita est nobis vita. & per hanc Filius DEI advenit in mundum.

*Bis mortuus
bis vitæ do-
natus.*

14. **B**is mortuus, bis vitam resumit, Divæ Virginis, & merito, & placito, Stanislaus, Hedvigis Ziemkowicowa Civis Sandomiriensis filius. Lacum ad usus domesticos impletum, aqua oberrans incidit, & suffocatus est. Quærit mater, vocat puerum, sed nec obedit, nec audit. Inventus, ab illo naufragio protrahitur, in quo nec minimum vigeat vitæ vestigium; Divam Claromontanam inclamat mater, & facillè liberalem experta est, quæ pro decreto ad ejus limina visitationis proposito, vitam proli redonavit. Non ita multò post sub altioris domus fastigium, quo quidvis audendi, videndi, atterandi præceptis curiositas deduxit, ascendit, unde lapsus, vita defecit. Advolat mater, sublevat mortuum, serum obsequium, præstat in mortuali strato exanimem reponendo. Lamenta, & lacrymæ, quibus plurimum indulgit, non extinxerunt pristinam erga Divam Claromontanam devotæ mulieris fiduciam, hæc freta pro filio peregrinationem decernit. Replicatur novo prodigio attonita Civitate beneficium, occulta virtute in suam legem divulsa coeunt membra, intrepescit puer, caler, vivit, surgit, atque cum matre tot votorum rea, in Civium, Sandomiriensium Comitatu, Templum, Aramque vitæ revisit. Dypheticis Domus Marianæ illatum Anno 1666. 12. Maij. Alij experiuntur, alij vident, legunt, clamantque, cum Dionysio Carthusiano: *Mortis Destructricem MARIAM.*

*Dionysius
Carthusi*

Seneca.

*Arbore oppressus re-
suscitatur.*

15. **Q**uemadmodum, a Terente Seneca (demedijs Fortuitorum) Natura est, non præa mori, ita gratia, & non debitum post mortem vivere. Quis hanc genuit orbi, nisi illa quæ Gratia plena Oraculo cœlesti salutatur? Hinc accepit vitæ gratiam Civis Lublinensis cognomine *Lysek* (nomen non invenio) filius cum Patre in sylvam profectus, in eam partem deflexit, in quam præcisa pinus casum propandebat. Cecidit arbor, oppressit puerum, animam extorsit. Confractum cadaver domum portavit mœstus genitor, ut, cum dare vitam non posset, saltem iusta ritu Christiano persolveret. Reflexit ægram mentem ad illustria Divæ nostræ thaumata; fit supplex Matrî Viventium, vitam puero precatus spondet peregrinationem Claromontanam, & extemporaneo beneficio, attonita ad re-

novita-

novitatē Vrbe totā, integrum vivumque recipit. Quot letalia vul-
nera, tot mortes, tot vitas, tot prodigia numera. Acceptum ac re-
cognitum Anno 1543, Prostat in Exedris Basilicæ expressum. Quid *Ecclesiæ* in
amat dicere, amantis *MARIA* affectus, nisi cum Ecclesia quod sit *Salve Regi:*
Vita Dulcedo, & Spes nostra MARIA!

16. **P**ROdigiorum fertilis ætas eadem, alterum adnotavit Patrem *Casu fortui-*
in Fastos Mariæ, qui & calamitatis idem artifex, & sola *to occisus à*
tij, filium quem genuit, illicite occidit Anno D. 1542. Civis erat *Patre reviv-*
Chęcinenſis *Andreæ Chroſiek* filium subiratus ut percussit, excussit a- *vifcit.*
nimam. Funus ante oculos corruens, sedavit animi furentis tem-
peſtatem, & lacrymas civit, quibus implorata è sua Clari mōris Aula
Clementiæ Reginā *MARIA*, adfuit præſenti ſuæ virtutis potentia,
quæ in corpus reducto exule ſpiritu, iterum, illum, qui Pater dici,
eſſe que non meruit, Patrem fecit reduci à morte filij. Adnotatū
cum teſtibus Anno quo ſupra feria 6. poſt Octavas Corporis Chri-
ſti Verè Domina, (cum *Ruperto* in Cantica proloquor) verè in- *Rupertus in*
quam Nos & qui venturi ſunt poſt nos letabimur in Te, & cantabimus dicen- *Cantu.*
tes, quia Eva nos plorare, Maria in neceſſitatibus noſtris fecit exultare.

CAPUT III.

Puellis mortuis vitam reddit MARIA.

17. **R**Eginam Servæ, Dominam Pedisequæ Virginitatis Primi- *Die 4 mor-*
ceriam virgunculæ ſequuntur, quas ad Gynecæum ſuum *tuam filiam*
vindictas à mortis legibus adſcribit *MARIA*. Ad Caſimiriā, *in tumba ad*
ponē Oppidum Lutomiſko, Nobilis *Matthias Klinſek* cum *Hedvige*, *Clarū mon-*
filiam è favore cœleſti ſuſceperunt. Natum illud ſolatium nonniſi *tem ducētes*
ad biennium productum fuit. Scilicet *Levana* lapſus, caſusq; in- *redivivam in*
ſantum obſervans deſiderabatur. Gerula etenim Domus editiorem *itinere ac-*
locum conſcenderat, è cujus ſinu filia præceps exanimata eſt. triduo *cipiunt.*
domi ſervatum, & lacrymis luſtratum cadaver, Divæ *Claromont-*
tanz commendarum eſt. Arbitrabantur parentes mortuæ puellæ, *tem*
à Maria in Claro monte deſiderari præſentiam, quapropter cadaver *modicum*
modicum vrna funerali clauſum, carpente die quarta imponunt de- *deducendum*
ducendum ad Odigitriam Imaginem (quod à Patre *Gofdonowski*
omiffum fortasſe brevitat's cauſa miror, cū in Archivio expreſ-
ſum legatur) movent domo, jamq; tertij milliaris ſpatium emenſi,
cū vi-

eum videndæ prolis desiderio ducti loculum aperiunt, vident ho-
rere nativam labiorum, genarumq; purpuram, reductis palpebris gy-
rari oculos, & in parentum gratis obtutibus puellam subridere, in-
ter confusam admiratione, & lacrymis lætitiâ in gremium exci-
piunt, & ad Aram sistant Anno 1598, in Festo Ascensionis Domi-
ni. Illustrium Personarum testimonijs probatum syllabum gratia-
rum auxit. Quam benè ad sensum D. Athanasij Serini de Deipara
MARIA. Nova Eva Mater vitæ appellatur, variegataque permanet ad
primitias vitæ immortalis omnium viventium.

Iterum mor-
tua vivit,

18. **A**Nnam & Margaritam ipso nomine pretiosas MARIÆ Cha-
rites, Nobilem utramque, utramque beneficio Mariæ spi-
ritu post fata viventem scribo. Generosi D. Ioannis Wilczek de Cho-
mentonice & Anna, Anna filia satis cōcessit impatiēs tormenti, quod
morbi acerbitas fecerat. Paulò post funebri honor decernebatur.
Sed consilium erat, quod nondum advertit amantium parentum,
dolor vehemens, Divam appellare, & pro filix vitæ ad Aram Cla-
romontanæ Virginis Mariæ votis peregrinationē despondere Suc-
cessit, vivit filia quæ vixerat. Statuta ad Aram Virginis cum
solemnibus gratijs pro beneficio, cuius Imaginem in argento coe-
latam deposuerunt. Anno 1633. 16. Iunij.

Emile su-
perioris,

19. **E**T Margaritam Gener: D. Sebastiani Zuchowski & Ursula filiam
Egratia Mariæ pretiosam fecit. Contumax dolorum, vis,
arte nullâ placabilis, usque ad mortem in puellam pugnavit. Mu-
tuo luctu conjuges immaturam filiz fatum coram Diva Claromon-
tana querebantur, ad ejus sacram ædem peregrinationem polliciti, si
in emortua prolis unicz vitæ, vitam amissaque solatia resumerent.
Miraculo itaque novam vitam filia vivit, nunquam naturæ tantū,
quantū Mariæ obligata, quæ vitam dedit. Relatum in Acta An-
no 1647. 10. Iunij, ritè probatum autoritate Adm: R. D. Alexan-
dri Trambinski Parochi Posterioris Diocesis Płocensis. Dum ad Ma-
rianæ gratiæ exortum tanta lux miraculi refulget, bellè secundum

Chrysippus.

Chrysippum Sermone de Sancta Deipara dicitur: Ortus Solis nullum
ferens occasum MARIA.

20. **D**E Brzeście populosa Civitate Cuiaviz, MARIÆ trium-
phantis mortem in hoc loco trophæum statuitur Anno
1598. In eadem Civitate ad ædificium Iudæi trabes viâ publicâ con-
vehbant,

vehabant, quo tempore vicinâ domo puella prorepens in orbitam, confederat, hinc occasionem nocendi Christiano sanguini sumens hostilitas Iudæa, detortâ consulto in obliquum trabe, puellam oppressit. Reliquit mox anima imbecilli corporis hospitium. Solers amantium parentum dolor, ubi puellæ manibus per lacrymas litavit, arduo fiduciæ consilio, ad Divæ Claromontanæ adyta pervadit, vitam peregrinationis voto licitatus. Itaque ea potestate, paulo post, quam Deus cum Matre sua partitus est, resuscitata, præsens cum Parentibus, & testibus Divam Matrem supplex adoravit. Admiramini fideles animæ, potentiam, & clementiâ MARIÆ, & cum Doctore Seraphico in Speculo cap: 7. exclamate: *O Fœmina plena, & superplena gratiâ! de cujus plenitudinis exundantia resperfa reviviscit omnis Creatura.*

D. Bonaventura in Speculo cap: 7.

21. **E** Mapalibus quoque gloriæ curules ducit MARIÆ. In Sado-
mie (pagus est extra limites ditionis Poloniæ ad quartum lapidem) parentes ad campestres operas profecti puellâ Margaritam nomine domi reliquerunt. Absentiam parentum pertæsa, plorans patrium larem deserit, observatōque gradiens itinere, torrente deluper solis æstu, fatigata langvet, fatiscit, labitur, moritur. Vergente in plagâ occidenti Sole, domū properās mater, in filiæ cadaver offendit, quod rigatum lacrymis domum bajulans, salubre consiliū in votis Mariam in Monte claro miraculis celebrem, appellare. Appellat, spondet visitationem; Donat Mariæ filiam, quam perdidit, & ex ejusdem gremio vivam recipit, cum gratiarū actione ad Aram offert, liberalis beneficii testis facunda. Stipant hic thronum gratiæ Mariæ, Pueri & Puellæ miraculorum insignibus illustres. Quàm pulchrè gloria fulgentem Divus Bonaventura in Psalterio B. V. M. depingit: *splendor est Soli, super Caput Tuum, Lunaris pulchritudo sub pedibus Tuis, sidera micantia ornant Sedile Tuum, Aspera Te V. Mariæ glorificant jugiter matutina* & MARIÆ.

In sole ardenti puella mortua.

D. Bonaventura in Psal: 84

CAPUT IV.

Adulti sexus utriusque mortui, vivunt per MARIAM.

22. **M**ARIÆ debent, & se debere profitentur vitam, sincero propriæ confessionis testimonio & adulti. Procul hinc cedit mendax ut plurimum verborum fucus, ubi veritas, veluti fecundum Marianæ gloriæ semen, in hac verborū palca prodit, & hæc

tamen palea, quia Mariana segetis est, centuplum devotionis fructum, si repererit feracem cordis glebam, germinabit.

Mortuus
post triduum
reviviscit.

Illustribus oriundus natalibus *Simon Wrußewski*, Territorij Brancensis Anno 1628. Montis Clari serenitatem auxit illustrissimi prodigij testimonio. Letalibus langvioribus, qui facultatis medicæ peritiam excedebant, confectus, satis concessit die sacro Cœnæ Domini. Privato lacrymarum, & lætæ officio domi parentatum est ab amicis manibus defuncti; ne tamen pompa lugubris, quam sollemniorem decernebant, festivitatem annuam Patientis, & Resurgens Redemptoris Nostri confunderet, consilij fuit usque post Festâ Paschalia cadaver in privato conclavi, mortualibus induvijs ex cultum, clausumq; in tumba reservare, honorificentius cum apparatu funebri, qui deceret statum familiæ, tumulandum. Qui tenerius amado defuncti vitæ cōservadæ nullū intermiserunt studiū, & post supremū obitum revocandæ à Superis imploravere subsidium. Ad MARIAM frequentant vota, supplicem in Clari montis Aula sistere promittendo mortuum, si mortis Domina ad frigus rigensq; hospitium exulem è vivis animam revocaret. Tertium Solem cœlum reduxerat, qui diem Sabbaticum MARIÆ sacrum illustravit, sensit præsens Nomen Virginis triduo invocatum, pallens cadaver, sub ipsamque Sabbati Sancti Vesperam, restituta pristina vivacitatis imagine, deterso informi schemate mortis, hospitem suscipiens animam, surrexit è feretro. Amor timorem, admirationem læticia confundebat. Intellexit redivivus nuncupata pro suæ vitæ redemptione familiarium vota; rata habet, nec ea moratur, in illustrium Personarum comitatu, qui miraculo fidem facerent, præsto ad homagium. Anno quo supra post Ferias Paschatis. Agnoscite Advocatam Vestram captivam mortis mancipia, & vitæ Matrem, si quorū vitæ pretiosæ desiderium insedit pectoribus, amate, & implorate. *Hec enim* (verba B. Amadei Homilia 8. de B. V. M. recito) *ut advertitis in manu potenti, & brachio excelso tyrannorum fines egreditur, munitissima quæque domorum aggreditur, inferna sub pedibus suis faciens contremiscere, & principem mortis nimio terrore perculsum resiliere; denique ipsâ jubente, vehementer evomis prædā, quam in ventrem malitiæ trajecerat, rejiciens cum dolore, quam cum ingenti superbiâ detinebat.*

Simile.

23. NECTuntur misericordiæ monumentis anni placabiles MARIÆ. Idem Annus 1628. statū conditione, & miraculo parem superiori Nobilem *Jacobum Kosubski* præsentat ad Aram Thaumatur-

matum.

maturgæ Virginis. In morbis immedicabilibus fatiscens vitam sperabat, usque ad medicorum desperationem. Postquam beneficam à medendo manum removerunt amici, spes quoque moribundum, demum & anima deseruit. Plangentis Conjugis, orbitatis querelæ ad Montem clarum, pertigerunt, quo vota pro mortuo ad Divæ thalamum ferebantur. Audiit MARIA Clementissima Mater, & consortis animam in orbe alio exulem, ad nunc viventium convictum reduxit. Miraculi celebritas in gratiarum fastos adnotata eum testibus, dum redivivus cum conjuge vota solveret. Quàm verum est, quod de MARIA D. Bonavent. loquitur in Psalt: B. V. M. D. Bonavent.
Oculi ejus in pauperem respiciunt, & manus ejus ad pupillum & viduam sunt extente.

24. **N**obilis D. Ioannes Sokotowski Terræ Sochaczoviensis, in die Surgit è se-
versis ærumnis, quas morborum incognitorum quotidiana retro,
na symptomata cumularant, miseram vitam, non tam vixit, quàm passus est. Mors vivendi, dolendique finem fecit. Lavantur tabo confecta membra mortuali theristro obvolutum, cadaver aptatur in loculum, & omnia ad solennitatem funeris curantur. Aderant amicorum nonnulli, qui gloriâ mirabilium Divæ Claromontanæ persuasi, sentiebant vitam redituram in cadaver, si ad Clarum montem, votis mortuus despöderetur. Non fefellit præsumpta fiducia. Quid enim confidentes in se Mater veritatis & vitæ falleret? compellant Mariam nihil hæsitantes, & ecce surgentē è ferali sponda excipiunt vivum. Veluti apprehensus, ductusque Divæ dexterâ, subjectamq; mortem premens, hic vitam Divæ acceptam refert cum Amicis Anno 1596. Illis credo Seraphici Doctoris verbis patheticis appellavit: Tu es genitrix vite meæ, & alrix reparationis meæ à MARIA.

D. Bonavent.
in Psalt: B.
V. Maria.

25. **E**T suo sexui se Matrem vite præbere dignata est Diva nostra. Filiz vote,
Nobilis Regina Charzewska lustrandi corporis, viriumq; re- mortuz ma-
ficiendarum causâ balneum ingressa, non multò post mortua est in- tri vitam
venta. Experimentum vitæ factum est acutissimis punctiõibus, a- impetrant.
dultionibus, fricationibus, sed exanimem comperientes, tribus ho-
ris mortuam lugent. Filia fœmineis ejulatibus Matris fatum de-
plorans ad commiserationem viciniam excivit. Pulchro, recolligens dolore confusum animum, piòque artificio Matrem egit suæ
matris filia; facta supplex Divæ Claromontanæ peregrinationem,
decernit, vitam precibus licitando. Deprecatio Virginis, Miseri-

D Bernardi
Epist. 174.

cordiæ Matrem Mariam, ad miserendum coëgit, surgit è strato mater, in plurium præsentia, vivitque. Authenticam miraculi recognitionem testes interuerunt fastis Mariæ, dum vota ad Aram solveret Cliens mariæ rediviva Anno 1646. 28. Iulij professa est, per quam (ut D. Bernardus inquit) *Omnü mortalitas emerfit ad vitam.*

Crudelior
caduci mor-
bi colliso

26. **N**on una via ad mortem itur. Et sedendo & decumbendo, quem nobis procul abesse mentimur, fatorum termino propinquamus. Dura collisione ad eum urgebatur Nobis *Margarita Grochálicka* Districtus Kijoviensis, morbi caduci furore ferebatur, seu clarius loquar, jactabatur ad mortis metam. Semel sic cadentem anima, vitæque defecit. Parentes, qui vitam filiz dederant, eum iterum dare non possent; à Diva Clatomótana, interposito visitandæ ejus Domûs decreto; precabantur horis pluribus. Melior surrexit quam cecidit; Vivit meliorem vitam in functionibus naturæ, quarum furorem placavit Mariæ benignitas. Gravium in Republica Personarum autoritate, fidem habet prodigium, quod Sintagmati gratiarum illatum est Anno 1550. 1. Septembr. Iudicate Mariophili; vobiscum, & ad vos loquar cum Lactimelleo Doctore. *Non erit abs re sed valde optimum, si ipsam Reginam misericordie vitam & dulcedinem nostram dicamus, qui minüs experti adhuc vita hujus at dulcedini sumus, sed per ipsam speramus nos posse consequi, quidquid totius Bonitatis Factor dignatus fuerit gratia nobis impetiri.*

Idem super
Salve Regi

Civis Kame-
necensis mor-
tuus, vivit.

27. **N**ondum adeo hoc seculû sterile est, ut ejus anni, menses, diesq; miraculis veluti calculis in hoc Monte nō possunt adnotari. *Valentinus Kázánowicz* Civis Kamenecensis Anno 1669, hebdomadis duodecim in palæstra patientiæ torquebatur; luctatus cum doloribus succubuit, & occubuit mortuus. Aterni Vicini precantur requiem, domestici funeralibus obsequiis intenti, rigefactum cadaver in terram reclinant. More solito lavatur exsuctum febrilibus ardoribus corpus, mortuorum induviis vestitur, manus pedesque fasciis ligantur, os, ac distortæ animam exhalantis mandibulæ in suam legem coactæ, vinculis componuntur, ad tumulû aptatur, pulsantur per Ecclesias æra campana pióque more ad corpus defuncti accensa lumina vitam extinctam testantur. Et post fata fidam conjugem defunctus habuit Dorotheam, & in Divæ Clatomontanæ patrocinio fidentissimam. Cui tum superstitem adhuc, tum vitæ futurum, cum serio visitationis ejus proposito maritum devotebat.

Quam

Quàm facilem experta est, ut notum fieret, mortuum suscitavit, qui loqueretur, quanta gloriâ implêssent Kamenecium MARIA, quæ latè vulgata populi fiduciam imbecillam roboravit. Moveretur mortuus, concutitur, sternutat, rumpit vincula, intelligensque se MARIAE beneficium redvivû, quod uxor sponderat exequitur Aulam Marianam revisens, cum triginta Concivibus tantî miraculi testibus. Actum Kamenecij in præsentia R. Patris Gvardiani Wlodorevensis Ordinis Minorum, Sensit Marianæ gratiæ fragrantia Valentinus, valentior tantæ virtutis potentiâ resurgens ad vitam. Persuadete vobis Clientes. quos docent prodigia, quod teste D. Bonaventura *Odor vite de Maria progreditur, & omnis salus de corde illius scaturiat.*

D. Bonavent.
in Psalt. B.
V. Maria.

28. **N**ihil refert à solisne Regum, aut Procerum Aulis miracula colligantur, an à Civitatum Domibus, aut Villanorum mapalibus, undecunque tandem veniant, paria sunt, quia ad MARIAE potentiam, quæ sibi semper par est, commensurantur, & à fabrilî incude, proficiuntur. *Martinus Ferrisaber de Nakso* in Suleiow sub Toronio in officina Vulcanæ, venditam pretio navabat operam. Non eam curam æger habuit, quæ infirmitati par esset, æger septem hebdomadas. Quapropter debito destitutum apud inhumanum patrem familias subsidio, mors usurpavit. E lecto portatur ad feretrum, nondum ad tumulum. Quo tempore domestici de effereundo funere agitant consilium, pia mulier, cui corporis custodia demandata fuit, pro mortui vitæ negotium egit apud Divam vitæ Matrem MARIAM, obligatione peregrinationis ad Clari Montis Delubrum Marianum interposita. Tantum potuit fidentissimus in Divæ meritis mulieris animus, ut obtineret quod voluit. Surgit è sandapila mortuus, horror alios qui funus latû aderant dissipat, alios stupefactos tenet prodigium. Recepta prodigio vitæ, totum se votis exolvendis accingit. Præsens in Claro Monte cum testibus gratias agit Anno 1640. 16. Maij. Quod cum totam viciniam non latetet, Cives Kłodavienfes, qui eo tempore solennem supplicationem instaurabant ad Montem clarum, gnari prodigij, rem testimonio comprobarunt. Est adhuc & à mortuis ulterior ad vitam transitus ad MARIAM Vitam nostram, Matrem Via Veritatis & Vitæ, vocat omnes absque defectu Ecclesiæ 24. *Transite ad me omnes qui concupiscitis me.* Et certè ut loquitur suadendo Richardus à S. Laurent: lib: 12. de Laudib. B. V. M. *Libenter debet venire.*

Superiori
simile.

Richard: à
S. Laurent,
de Laud: B.
P. M.

ANALECTORVM MENSÆ REGINALIS

*Pauper ad divitem, ut locupletetur,
Pollutus ad fontem, ut mundificetur,
Debilis ad fortem, ut corroboretur,
Mortuus ad vitam, ut vivificetur,
Cacus ad Collyrium, ut illuminetur,
Ægrotus ad medicinam, ut sanitati reddatur.*

*A. marito
gaza revivi-
scit.*

29. **W**ielicenses quoque (levcis semi duabus Oppidum Wieliczka distat Cracovia) insigni consolata est miraculo **MARIA**. Hic intractabilis animi, ac pertinacis mulier, *Agnis Mafá-jona*, nihil cognatum habens cum nomine, verbis maritum laceffit ad verbera; Cæcus furore vindicat injuriam illatam fustibus; fugit mariti crudelitatem conjugis anima, destitutumque corpus in oculis mariti reliquit. Parricidij sese condemnans, qui mortis casu fortuito illata causa fuit, egit & authorem vitæ, recollecta mente Divam Claromontanam precibus & votis implorans, vota peregrinationis cum rediviva consorte nuncupat. *Agnis immaculata MARIA* (sic dicta Gregorio Nicomed: Orat: de Oblatione Deiparæ) Agneti se Matrem exhibuit, vitam dedit, quam ope gratiaq; Virginis restitutam, qui oculis viderunt, & lingvis in hoc loco cum utroque Conjugum ad vota solvenda præsentibus, loquebantur, illudq; decantabant [quod S. Germanus Archiepisc: Constantinopolit: de Zona Virginis prædicat. *Omnia tua sunt admirabilia & Deipara omnia ingentia, & cunctorum vires superantia!*

*Gregorius
Nicomedi:*

*Germanus
Patriarcha
Constantini:*

*Mortua vi-
vit.*

30. **E**t Casimirienses amat **MARIA**, & miraculis ornat. *Anna Ponicka*, tyrannidem morborum dolorumque perpeffa, licet nondum satis ad amicorum vota vixisset, mortua funeri parabatur. Collapsam cum marito conjugis animum erexit homine major fiducia, quæ vitam exorans à Maria statuto peregrinationis Claromontanae proposito, impetravit. Vivit Anna & Patrem in marito maritumque in Patre habet, qui vitam exoravit. Soluta cum Concivibus gratiæ testibus vota, Anno 1637. 13. Maij. Verè & Maria cum Ecclesia Ecclesiæ filij canimus, & gentes, quæ vitam per Te sic, ex Te acceperunt ad laudes jubilumque provocamus.

*Tu Regis alti janua,
Et Aula lucis fulgida:
Vitam datam per Virginem,
Gentes redempta plaudite.*

Caput

CAPVT V.

*Mortificati ac moribundi huc per amicos oblati, vita
& sanitati restituuntur.*

31. **O** Rdo postulat mortuis moribundos jungere. *Thomas Malik* Civis Posnaniensis gravi infirmitate pressus, animam agebat. Anceps in rigefacto corpore spiritus, sensus omnes stupefecit. Quæsitum vitæ vestigiū, frustravit curas, & medendi studiū. Sollicitudo distrahit amicos, funerisne curam faciant an vitæ? In dubio usque adeo gravi, vota ad Divam Claromontanā Amici nuncupant, ut Diva ad vitæ favorem inclinet gratiam, precantes. Ob vitæ humanis miseris miserationes *MARIA*, non tardarunt Clientum vota, qui nec vovere, nec precari, nec vivere potuit, vivit, relevatur, vegetatur; rata habet vota, & non sua, ut sua usurpat, brevisque plenus valitudinis gratia, ad Aram supplex reddit Anno 1577. cum Urbis Posnaniensis testimonio, quæ gratiam in suo Cive vidit, & Divam in prodigiosa vitæ restitutione magnificavit. Si amica omnium necessitatibus *MARIA* (quæram audacter cum D. Bona Ventura in Spec: cap: 8) *Quis est, super quem sol non luceat? Quis est, super quem misericordia Maria non resplendeat?*

*Mortificatus
vitam resus-
cit.*

*D. Bona
in Speculo
cap: 8.*

32. **E** X Dalešzyce oppido relatum est, quod sequitur. *Regina Cy-
rulikowa*, domesticam lanienam in infirmitate perpressa si-
nem vivendi, patiendiq; fecisse visa, in sensuum membrorumq; tor-
pore insueto, mortua, non mortua putatur, cujus nec subtilis halitus
potuit explorari. *Agnes Rudnicka* de Rudniki Virago Nobilis, ad pla-
gam, quæ Divæ Claromontanæ Numen adorat conversa, pro vita agit
Reginæ, precatur, lachrymatur, eamq; *MARIA* donat, ad ejus Aras
supplicem sistere pollicita. Ne hæc suo, illa alieno teneretur voto,
MARIA fecit, utrique solatium, huic in voto, illi in vita dedit, &
utramq; cum contribuliū testimonio supplicem habuit Anno 1630.
Attende sinceræ Clientum mentes vocēsque *MARIA*, cum Tuo
Ephram (in Lament: Virgin:) Te appellamus. Te nos o pura & im-
maculata eademq; benedicta Virgo magni Filij sui, universorumque Mater in-
culpata, integra & Sacro Sanctissima sperantiū atq; reorum spes collaudamus;
Tibi ut gratie plenissima benedicimus, quæ Christum genuisti Deum & homi-
nem, omnes Tibi procidimus, omnes Te invocamus, & Filium Tuum imple-
ramus. *Ô MARIA!*

*In sensuum
stupore
mulier rae-
bescens.*

D. Ephram.

33. *Dilect.*

Sagens u-
ber pestilens
moricus,

33. **D**ilerta quoque puerorum balbuties magnalia loquitur
MARIA; Nob: *Matthia Menczewski* unius anni filiulus in-
clinatus ad ultimum vitæ tramitem, vix Patri non fecerat, ne Pater
audiret, amisso filio. Stetit periculum mortalitatis torpor è diuturnæ
infirmittatis languoribus natus. Perniciosum malum, quod huc
devoluit prolem, suxit ab ubere nutricis: quod toxicum interanea
depascebat. Cunnæ erant pro Sarcophago; amuletum contra mor-
tis pestem quaeritur, sed nullum est. Ad Aram Divæ Claromontanæ
erat. Huc vota ferunt, & proli vitam, fatiscentem, reparant pa-
rentes. Melius habet: Venenum enim pestilens, quod puerum sa-
ginavit ad mortem, ejectum in extimam cutem deficcatum est. Ne-
gligunt vota parentes; pro parentibus votorum reis iterum filius
plectitur, & alieno malo malè habet. Saniozem mentem reddidit,
infirmittas desperata pueri. Divam offensam deprecantur & implo-
rant, iterumq; replicato in prolem & parentes beneficio votis po-
tiantur, Anno 1641. 23. Maij. Relatum in tabulas ritèque pro-
batum auctoritate illustrium personarum.

Puer mori-
bundus.

34. **V**etustiora in hunc ordinem recurrunt, quibus nihil nito-
ris ademit annosum tempus. Nob: *Valeriano Linowski*
longa macie confectus puer, tribus vicibus visus exhalare animam,
ac vitæ vestigio destitutus, penitus emoritur. Pater, quod com-
parare non potuit diviti præcio, effecit precibus. Eadem in Matre
erga prolem affectio. Uterque cum prole in prole labantia so-
lacia Mariæ devovent, facto adejus Sacrarium in Claro monte pe-
grinationis proposito. Habent vota in reviviscente filio, gra-
tique Divam in Ara sua propitiâ adorant Anno 1548. 1. Julij.

Febribus
malignis ab-
sumptus

35. **T**rimulus Gen: D. *Alberti Parzynski* huc spectat. Post mor-
bos, qui tenellum corpus depascebant, febrilis malignitas
vires absolvebat. Idipsum miraculo datum, tantillo corpore adeo
flagrantem Æternam claudi potuisse. Mori cœperat puer. Ad venam
vitæ MARIAM Claromontanam vota properant parentes refrige-
rium precati. Vno eodemque latice manavit à Diva, ad cujus limi-
na votivum iter spondebant, & puero vita, & parentibus solatium.
Compotes gratiæ votis humilibus Divam, cum prole venerati sunt
Anno 1627. 6. Maij. Quicumq; siriunt tuam dulcedinè ô MARIA,
si non invenis innocentia pueros, fac gratia puros. Et (cum Sera-
phice Doctore tuum nomen imploro.) *Stilla Domina gratiam Vbe-*
rum Tuo-

*rum Tuorum. & manante lacte, dulcedinē Tuæ refice, viscera puerorum Tuorum: in Psal. 8.
V. M.*

36 **N**obilis *Susanna Oleyska* de Constantinow ex Russia, ea curā, Sex diebus
quam requirebat, præfaga magnarum rerum indoles pueri, moriens
Gregorium nomine filium educabat, ad sexennium feliciter. Exhau-
stus dissenteria, vixque ossibus hærens, contabuit, sex hebdomadis
varia morborum sibi invicem succedentium symptomata passus.
Successit tumor hydropicus, monstrum crederes adeo deformatum
tumore venefico; Sex diebus moriebatur, utque ut moreretur, vo-
tum parentum erat, qui cum a medicis beneficium obtinere non pos-
sent, à morte precabantur, quia vita adeo misera, morte ipsa acerbior
videbatur, & erat. Vocantur ad suffragia, qui sex jam diebus lu-
stantem animam Deo offerant, adsunt Alumni è Divi Dominici fa-
milia, & solito Ecclesiæ more, animam filij è genibus Deo commen-
dant. Colebat pia Mater in conclavi domestico Nostræ Imaginis I-
maginem, huc illapsa laxatis dolori frenis ærumnas, quæ absume-
bāt filium coram Diva accusat per terram fusa, supplicis vora imitati
Patres, monstrū illud vixque spirans cadaver impositū calcitræ post
Matrem ad conclave deferunt, coram imagine Claromontanæ Vir-
ginis prostrati morientem offerunt; si superviveret ad ejus templi
beneficij gratum sistere appromittendo. Res hæc seculo vix visa?
ex templo tumor pestilentialis evanescit, restituitur vigor pristinus,
deformitas membrorum in nativam pulchritudinem, adhuc in Patrū
manibus cogitur, convalescit, & cum testibus extemporaneæ prorsus
valetudinis ad Aram Virginis, cum Parentibus vota solvit Anno 1635
20. Septemb: A Maria erat, quod accepit, vitæ beneficium. Omnia
enim (testimonio D. Bernardi Serm: super Salve Regina) hæc Regina
*Misericordia Domina mundi, Regina calorum contulit mundo, Virgo Virginum,
Sancta Sanctorum, Lumen cæcorum. Iustorum gloria, peccatorum venia, de-
speratorum reparatio, deficientium fortitudo, salus orbi, speculum integritatū,
Ipsa intercedat pro nobis.*

*D. Bernard:
sup: Salve
Regina.*

37 **E**t frigida Septemtrionis oræ incaluerunt, & inclarserunt
Sideris nostri benefico radio. G. D. Ioannes Anczuta è Pala-
tinatu Novogrodensi cepheam passus, in domitā animi perturba-
tione exagitabatur. Felix quoddam intervallum nactus, quo impa-
catus furor in rationis usum non pugnavit, Diva Claromontanæ
vota nuncupavit, quorum beneficio perpetuam animi malatiam est
consc-

*Vir morib:
dus cum
conjuges*

consecutus. Replicatur & in Coniuge Elizabetha Mogilinska par-
gratia. Diutius indomita morborum crudelitate Rexata mori
cœpit, in terram deposita, jamque ultimum trahentis Spiritum, tor-
pore mortuali, vigenibus manibus Sacer cereus ingeritur, & Spi-
ritus Deo commendatur. Alio consilium conjunx vertit ad Divam,
nuper sibi propitiam cum voris festinat, & vitam. ab interitu vindic-
cat. Votorum sui conjugis rea 146 milliarius iter emensa, vota ad
Aram solvit grata Mariæ Cliens. Nonne MARIA dum morientes hinc
reficit, merito appellatur à D. Methodio in Hypapant. *Altare ani-*
matum Panis vite?

*D. Methodi
in Hypapi*

Dolores cor-
dis in medi-
cabiles, &
affectiones
alix letales.

38 **N**obilis D. Ioannes Pietruski de Krosno tractus Sandecensis
Anno 1642. 3 Februarij; repentino cordis dolore correptus,
vix initium dolendi cum fecisset, mori cœperat: peritiores in facul-
tate medica, non præsumptum dixerunt periculum. Cordiales pul-
veres, & liquores adhibere, nil erat aliud, quam flammæ cor depas-
scenti olum ministrare. Subintrat pleuritis, asthma, cholica, & a-
liud innumerabile morborum satellitium, quod vitam de pectore is
regia deturbaret. Langvet, viribus deficit, in amicorum manibus
friget, & veluti in glaciem riget, fugiente calore spirans cadaveri.
Coniunx ejus *Sophia* cum pharmaca in deterius vitam urgent, ad MA-
RIAM V: Claromontanam vota properat. Pauperes stipe di-
viti, utpote eloquentissimos Oratores in Aula Dei conducit, unam
omnibus Sapiens Magistra suppeditavit materiem, pro vita morien-
tis mariti perorandum. Cœgerunt prout suapte natura animum.
MARIE ad miserendum stillavit rorem salutis, quo pestilens uredo ex-
tincta, Vitaque langvens resecta, ad pristina valetudinis beneficium
moribundum reductum ostendit. Relata à Conjugibus gratia
Anno 1642. 10. Iunij.

In pluribus
morbis lera-
libus defici-
ens.

39 **L**ongum morbum, peracutos dolores, prolixum langvorem,
desperatissima febris pestilentialis incendia, ceteraque ma-
la incognita in M. D. *Simone Krzykowski*, Ensisero Lenczyensi verbo-
rum ambage quid edisseram? sufficere ad miraculi magnitudinem,
ex Medicorum iudicio, fatalia fuisse. Ipse æger dum per dolorum
remissionem licuit, ad Divam Claromontanam suspiravit, & cum lo-
qui non posset, vota meditabatur. Votis moribundi vota super addunt
cognati ex *Nazarea Mensa vite* alimoniam à MARIA exorando. A-
mantium se, consentium in se voluntatem fecit MARIA, vitam Si-
moni.

moni Clienti suo dedit, & cum gratæ mentis anathemate, argentea tabula, supplicem cum legitimis testimonijs ad Aram habuit, Anno 1643. 18. Julij. Prædico hoc ô MARIA, quod omnibus notum facit Doctor Seraphicus. *Tuo tactu lenissimo sanantur infirmi, Tuo odore pio. Psalmi B. V. M. seo mortui reviviscunt.*

40. **N**obilis D. Martini Skorulski filia post aliorum morborum tyrannidem, morbum caducum, febriles æstus perpeffa, cōducere moribunda. tabuit. Duobus continuo diebus moriebatur. Tormentum erat parentum adeo misera vita filix, morsque jam pro beneficio imprecabatur. Ad MARIAM vota ferunt parentes peregrinationem ad Clarum Montem decernendo. Religionis uberrimus & desideratissimus proventus fuit vita filix, quam à Diva acceptam in fastis adnotavimus Anno 1591. 24. Maij.

41. **N**obilis N. Omiecinski filia septennis infirmitate depressa Ad Imaginē B. V. M. præsentiam moribunda virescens. agebat animam. Examen peritorum iudicavit letalia symptomata, & erant. Desperant omnes vitam Sophix. Iam clausis luminibus umbra mortis involuerat filiam, cū Mater ad Divam Claromontanam recurrit, acceptoque ejus Imaginis apographo, ad morientis lectulum figit. In imagine Numen MARIX adesse credidisset, cū ad ejus præsentiam puella reduxit palpebras, merfam consulatione sensuum mentem recollegit, vigorem, nativum calorem, coloremque induit, non multo post sana cum parentibus ad Aram MARIÆ beneficium & gratias enarravit Anno 1639. 28. Octobris. Profuit puellæ & præsentem in coloribus Patronam videre, viderique ab illa. Et hoc innocentum patrimonium est, adhuc in terra Mariæ Matris tantæ foveri deliciis. Nobis autem, (cum D. Bernardo fateor super Salve Regina,) *In illo decore Te videre, quo induit te Dominus fortitudinem, & præcinxit Te, non est hujus temporis, nec temporis vita nostra vitiorum satore sordentū. Stola immortalitatis Te indutam videre Domina indigni sumus, ostende nobis faciem miserationum tuarum ô MARIA*

D. Bernardo
sup. Salve
Regina.

42. **A**ltiori (ut ita dicam) cothurno pangendum esset, quod sub Anno 1637. 13. Maij. Archivum memorat prodigium in Iacobi Wierzchowki conjugæ Catharina Buska. Sub tempus pestilentiæ ulceribus obsitum, corrosum, & ex parte absumptum corpus tulit. Quam corporis partem non exedit virus, hæc factore intollerabili manavit. Eo ventum est, ut carnis vivæ frustis ab ossium compage caderet.

Ab omnibus
derelicta ac
desperata ad
Divam obla-
ta, sanitas
reddita.

cadentibus, tota vulnus, tota in vulnere apparet. In tam crudeli tormento, una spes desperata Maria; ad cuius Claromontanam Domum vota frequentabat. Deerant & illi, quorum in obsequio desiderabat operam, & nonnulli lobzæ in ea plagam abhorrentes abominabantur contubernium. In supremo termino vitæ constituta animam agebat. Votorum suæ Consortis gnarus Communx ad Divæ medicam opem impetrandam, vota resumit peregrinationis Claromontanz, & cum elusisset letalis plaga omnem medendi curam, prodigio, vult morientem vivere, mortalium fidem excedit, quomodo inopinato prodigio ossa nuda carnibus indui cæperint, cadentibus ac purè fluentibus ulcerum pestibus; hiantia coire vulnera totumque corpus cum viribus integrari. Votorum reus uterque conjugum, beneficam vitæ reparatricem in hoc loco adoravit. Anno & die quo supra.

Triduo moribunda.

43 **E** Andem viam universæ carnis ingredi videbatur & Nobilis Anna Brodzicka hebdomadis aliquot implacabilem morbi Herculei tyrannidem experta, ac ulterius ferendæ impar, triduo sensuum facultatibus privata decubuit. Quod à medicorum liberali stipendio beneficium emi non potuit, dedit heræ famulus; eam ad Aram Divæ Claromontanz sistere decernens, si superviveret. Cum morte triduo luctata ad invocatum, præsensque Numen MARIE vires & sensus resumpsit, frigidum sudorem triduo stagnantem in corpore deterisit, torporem excussit, ad solvenda vota MARIE expedita. Fit supplex cum gratiarum actione ad Aram Virginis Anno 1640. 9. Iulij.

Simile ex morbo ca-
duco.

44 **H** Vc quoque Sophiam Slupska Nobilem Sandomiriense territorium ad homagium stitit, votorum ream. Concussa in domitâ vi furoris Herculei longiori tempore, quidquid charum quidquid pretiosum erat in medicam opem profudit. Maior erat sumptibus, humanisque medendi modis, morbi contumacia, quæ tandem ad ultimum agonem vitæ desperatam, ac deploratam inclinavit. Et moriebatur inter lachrymas, quas amantia pectora dederunt. Aduit sortem miseratus pia mulieris Ecclesiasticæ dignitatis (nomen non reperio) persona quædam, Divæ Claromontanz moribundam cum suscipiendæ peregrinationis onere, offert; accedunt cognatorum vota probantium placita, sua alij cumulant, quorum meritò reviviscens repentina curatione domum totam exhilaravit. Vota solvit Anno 1640. 1. Iulij. Si tam illustribus sexum suum Diva nostra ornat prodigijs, nonne pulchrè admodam dicitur ab Ildephonso Serm: de Assumpt: Mulierum decem MARIA. 45. Ab

De Ildephonso
Serm: de
Assumpt:

45 **A** Baulis Nobilium Civitates ingredior. Signant se miracula
suo fulgore, & luce sua produntur. Primum est in Alberto
Pigiel Cive Radziejovienſi. Ingravescens morbi, quo affixus decu-
buit, finis erat mors; hæc tamen in ipſo limine ſubſtitit Diva nutum
adorans. Accessit propinquius & agonizat Albertus. Adest A. R. D.
Laurentius Swiechowicz Commendatarius Radziejoviensis, Diva Cla-
romontana ægre trahentem animam offert, ſuique voti gratiâ, priſti-
nâ ſanitati reſtitutum domeſticis redonat. Alternatur Patrem inter
prolemque letalis decubitus; patris mortuale ſtratum filius occupat,
torquetur doloribus, coquitur febrim ignibus, depalſcitur, abſumi-
tur, uſque ad ſupremum langvorem, qui moribundo fecit diem decre-
torium. Expertum in ſe genitor Diva Claromontana patrocini-
um exorat filio animam exhalanti. Vivit natus vitæ MARIÆ, & voto
Patris. Bis Pater eſſe meruit; dum genitam prolem educat, & mo-
rienti vitam impetrat. Se tamen cum prole Diva ſecunditate rege-
neratum, debet Matri viventium, & ad ejus Aram ſupplicem cum
gratiarum actione exhibet, teſte beneficij memorato A. R. D. Laurentio
Swiechowicz Anno 1623. 21. Maij.

Pater eſſe
filio mori-
bundus;

46 **S** Imile de Niemierow Civitate exemplum, in honeſto Viro
Andrea Drobiecki. Ad mortis limites morborum incognito
rum; adeoque immedicabili exercitu urgebatur. Stiterunt ad rui-
nam ſepulchralem caſum, vota Diva Claromontana promiſſa, eorum
religione, qui tenerius morientem amabant, & vitam diuturniorem
exoptabant. ſergit ad homagium Virginis, quod ut exolveret pere-
grinationem ad Templum Virginis properavit; dante ſuper miraculi
beneficijque gratia teſtimonium M. D. Stanislao Niemiera Herede in
Niemierow Palatino Podlachia Anno 1640. 16 Maij. Tibi ô MA-
RIA, Reparatricis, ac Adminiſtræ ſalutis Noſtræ, titulum debemus;
Namque (Damaſcenum Orat. 1. de Nativitate refero). Ob Deum in vitam
prodijſti, ut Orbis Univerſi ſaluti Adminiſtram Te praberet; atque amicum Dei
conſilium, hoc eſt Incarnationis Verbi, ac noſtræ Deificationis per Te, imple-
tur ô MARIA.

In Verbis
gravibus vi-
tæ diſcrimen

47 **V** Ilna Lithvania Metropolis Sebaſtianæ Pharmacopola Fili-
am vidit prodigio ab ultimo vitæ interitu vindicatam, Di-
va Claromontana illud votis à parentibus implorata, fecerat, quo &
affectum Lithvanorum in ſui amores proniorem rependeret, & fidu-
ciam deſperatis inſinuaret. ægra macie contabuit ſuper multiplici

Ex morbo
incognitis
deſperata

morborum incognitorum natura, nihil decernere poterant peritiores medici, nisi letales esse. Vota ad Divam Pater, Diva sanitatem dedit. Dilaudatum miraculum fertur ad templa Virginis, & vivens in filia & in coloribus, quibus adumbratum in Aula Virginalis Templi appensum Anno 1539.

Ex langvo-
re letali re-
stervata.

48 **N**on quærentur, sed undique feruntur ad Aulam Marianam prodigia. Præsens est de Oppido dictum *Koto*. Civis hic *Regina Kásprowa* sensim fatiscens langvore mortuali, quem humanis viribus major ægrotudo progeniit, moriebatur. Mori tamen non debuit, quæ signum salutis, ac amuletum salutare contra venena mortis gestabat in pectore, *Claramontanæ* Virginis Imaginem. providens enim prudens mulier, quod imminabat vitæ discrimen, hunc contra tela mortis Clypeum assumpsit, & quoties letale deliquium fecerat periculum, utraque manu pectori applicuit. Stupefacti sensus, interclusa vox, torpor mortis, in desperationem agebant domesticos; Sed Diva *Claramontana*, cujus peregrinationi sese impense identidem devovebat, mortis telum retudit. Surgit sic defensa, optime valet viribus, sensibus, animo, integra, constans. Hic infastis adscriptum Anno 1646. in Festo SS. Trinitatis.

Feccantibus
apostema-
tibus opple-
tus repara-
tura

49 **O**mnium facta Mater omnes amat, omnium miseretur, nec tantum illis qui divites, sed & qui pauperes plebis audiunt, succurrit. *Lucas Gachowski* de *Chrzanow* hebdomadis pluribus febribus æstuavit. Suppuratis oppletis ulceribus ac fætidum halans, ab obsequio & amicissimos arcebat. Tetigit & animam nidor pestilens, quo fugaretur. Ad Montem Clarum velut ad Montem Aromaticum, vota spondet moribundus, & quod in labefactato corpore destructum fuit, hoc medica *MARIÆ* manus reparavit; profugum, prope à fætido corporis ergastulo hospitem, animam retrahendo, ad sociale cum corpore contubernium cœgit. In Acta datum prodigium Anno 1641 22 Junij. Plena gratiâ *MARIA* quidni gratiam dispenses in miseros? Invenit gratiam quam peccato perdidimus. Sed quam? Audi Mellis-
D. Bernard: lacteum Doctorem Homilia 1. Super Missus est. Invenisti gratiam apud Deum, quod nemo ante Te potuit invenire. Quam gratiam? Dei & hominum pacem, mortis destructionem, vitæ reparationem & *MARIA*.

CAPUT VI.

*Illustriores personæ, ex ignotis, desperatisque morbis in
vitæ spem, vitamque relevantur.*

IO ^{SEX ANNO-}
^{RUM DESPE-}
^{RATA AGRICU-}
^{DO.} MATER *Sanda Spei* MARIA spem vitamque dedit G. D. Ioanni
Eliæ Węzyk, hanc ex autographo Clientis acceptam, &
nonnihil succinctam intellige.

Ego Ioannes Elias Węzyk *Widawski de Widawa* testor
quanta mihi fecerit *Virgo Despara*. Morbo inexplicabilis na-
tura me Deus afflixit, afflixitque lecto per Sexennium. Medico-
rum notitiam fugiebat, alij caducum seu epilepsiam asserebant,
alijs maleficia videbantur, Phræntim alij putabant, omnes abo-
minabilem me ac desperatum fugiebant morbi contagem metuen-
do. Tabæ confectum, consumptumque in terram depositum me de-
plorabant, cumque moribundum me Parochus inviseret, vota fe-
cit pro me *Diva V. Claromontana*, suadens eadem & consorti
mea, quorum uterque me ad iter pedestre despondent *Visitationis*
Claromontana gratiâ. Factum est Divina opè, precibus & in-
terventu SS. Matris, ut malum cetera indomitum, mitesceret;
quo evanescente perfecta Valetudini redditus sum. Pro quo sit
Deus benedictus, & SS. Ma. ejus Matri gratiarum actio. Post-
tum Anno 1622. in Festo SS. Trinitatis.

A quo recesserunt medici, *Diva* curandum suscepit, verè cum
Cæsario lib: 7 cap: 15. indubitatum assero. Medicina *Beata Virginis*
nihil est efficacius nihil salubrius. Cæsarius li:
bis 7 cap: 15

51 ^{EX VARIIS}
^{MORBIS DE-}
^{SPERATUS.} **A** Què magnificum est, quod subijcitur beneficium in hoc au-
tographo. Anno Salutis M. DC. VIII.

Despara Virgini, calorum Angelorumque Regina *MARIE*, to-
tius vitæ patronæ, tempore verò quodam præterito multitudine
gravissimorum diversorumque morborum obruto, penèque op-
presso mihi, dum vota & ipse, & pro me *Sophia Ducissa de Za-*
stan & *Ostrog*, Coniux familiæque concipimus supra spem hu-
mana rationis miraculosa liberatrici, Ioannes Comes de *Ostrog*,
Castellanus Poseniensis, *Mariaburgensis*, & *Garvolinensis*,
Capit.

ANALECTORUM MENSÆ REGINALIS
Capitaneus, vota solvendo hoc loco gratias ago reliquum vitæ,
exitumque, ac mortis horam Cuius eidem Patrona commendo.

Idem qui supra mn.pp.

Quamvis patiantur suas Eeclypses Illustrissima orbis Poloni lu-
mina, hujus Sideris radio serenantur, & gratitudinis exempla imi-
tanda relinquunt. Ad compellendum misericordissimum Numen.

D. Bernard: MARIE secum trahit Bernardus super Salve Regina. Levemur Fratres
cor nostrum cum manibus ad eam, & appropinquemus ei passibus amoris, immo-
lantes ei hostiam laudis, reddentes ei vota nostra de die in diem, de hora in ho-
ram, dicentes assidue. Salve Regina misericordie MARIA.

Superioribus
simile.

52 Similia neſtuntur. E Lithvania est recognitio Illustrissimi
Sloanni Zabrzeznicki Palatini Trocensis, nec non Mareschalci
Magni Ducatus Lithvanix, cujus tenorem hic accipe.

In notitiam universonum hoc admirandum, quod factum est
venire velim, quod, cum gravissima ægritudine prostratus longo
tempore decumberem, & medici constantissime iam iam me mo-
riturum affirmarent, & omnes qui me videbant hoc prudenter
confirmarent; ad locum hunc S. Sma Virginis Intemerata Maria,
in Czestochowa, me venturum promisi, ut primum ab ægritudi-
ne convalescerem, mox itaque in ea gravissima infirmitate, qui
vitæ supremum articulum expectabam, convalescere, & in dies
prater omnium expectationem, ejusdem Sanctissima Deipara
Virginis ope vires colligere capi, & plenè convalui per miraculis
& ad cujus perpetuam memoriam, hoc testimonium depono.

Gratus pro beneficio, ut festiva tanti beneficii memoria peren-
naret grandiore argenteam bracteam, speciale miraculi gratiæque
Schema, ad Aram Thaumaturgam appendit Anno 1627. die Domi-
nico in Festo S. Crucis. Fili Adæ, tam dulci vitæ fructu refectus con-

D. Bernard: filio Lactimellei Doctoris Homil: 2. super Missus est: Muta verbum
excusationis inque in vocem gratiarum actionis & dic. Domine, mulier quam
dedisti mihi, dedit mihi de ligno vitæ & comedi, & dulce fuit ori meo super mel,
quia in ipso vivificasti me.

53 Superioris quoque seculi testimonium Serenissimi Sigismundi
Regis Aulici, non antiquavit tot annorum decursus. Scripsit
illud non minùs pio, quàm grato animo G.D. Sebastianus Modlenski.
Cujus tenorem idiomate Latino refero.

Rgo.

PARTITIO SEXTA.

453

Ego. Sebastianus Modlenski, Sigismundi Regis Augustissimi Pocillator, per annos quatuor in morbis decubui prostratus à Deo Iusto criminum vindice. Medicos & qui sollicitam mei curam gerebant, cognatos, de vita dubietas consternavit: nihilominus fiducia fretus, quam fovebat meus in Deum, & Virginem ejus Matrem Immaculatam, erectâ, promisi visitare ejus in Claromonte Basilicam, & ita interventu meritorum Matris ejus & Virginis MARIE, dignanter me Deus à morte & infirmitatibus, quæ desperationem fecerant, absolvit. Anno 1542.

Supplex ad Aram Cliens expertus est, docetque tam luculento misericordiarum Mariæ testimonio, quod secundum D. Epiphanium Hæresi 78. contra Antidicomarionitas agrotantium exultatio, & omnium salus MARIA.

54 Nulla spes aluit victurum M. D. Alexandrum Tyßkienicz in Lo. ^{Superiorib⁹} choyßko Palatinidem Brestensem in morbis immedicabili- ^{simile.} bus. Fefellit industriam jam agminatim, iam alternatim pugnans in imbecillum malignitas ægritudinum, quæ cum corpus implessent, redundarunt in animum usque ad desperationem torquendo. Vno anno & medio usu patiendi, facilitatem tolerandi non adeptus, in votis mortem habuit. Error hic erat desperantis; corrigunt familiares, utque vota Divæ Claromontanæ nuncupet, svadent, persvadentque. Idipsum erat vitam persvadere, ut enim hæc concepit, ac frequentavit, sensit, & agnovit vitæ valetudinisq; beneficium à MARIA profectum. Præsens præco gratiæ, argenteam majoris ponderis laminâ gratitudinis anathema fixit ad Aram Sospitatricis MARIE. Inve- ^{D. Bernard:} nit vitæ gratiam? Et nos, impulsu D. Bernardi, *queramus gratiâ, & per Mariam queramus, quia quod querit, invenit, & frustrari non potest MARIA.*

55 Non amant solas quisquillas, & mapalia morbi; pertingunt ad Aulas. Ad M. D. Ioannem Podolski Castellanum Racieszy- ^(Simile) nensem, Ciechanoviensem, & Dobryniensem Capitaneum pertigerunt. Oppleverunt eum pestes medicis intractabiles. Adest dies decretorius, vicinam ferens mortem. Ad Clarum Montem cum votis itur fidentissimo in Divæ meritis animo. Rependit affectum MARIA sat abundè, usque ad votorum mensuram, cum vitam extempore prodigio, stupente medicorum, cognatorumque cætu, in corpus exhaustum infudit. Perennem beneficij memoriam voluit Cliens

CANALECTORVM MENSÆ REGINALIS

MARIÆ, ideoque præsens in grandiori lamina testimonium gratiæ, fidemque fecit Anno 1622. 29. Maij. Portum, Portaque vitæ salutavit Mariam. Salutemus & nos Mariam Salutis nostræ Portum.

Porta Salutis Ave. per quam patet exitus à vā!

Venit ab Eva vā, vā quia tollis AVE

Ave MARIA.

Simile.

56. **S** Alatis vitæque Portum quæsit & invenit in Maria, Generosus D. Constantinus Kordwanski, Districtus Sochaczoviensis, dum ad mortis iura: ad fereira, & Sarcophagum pulcebatur, novem hebdomadas morbis in corpus pugnantis. Fraudavit sumptus & conatus pertinax & anceps malum. Ad Divam Claromontanam peregrinator animo, & ejus allucente sereno, vitæ portam invenit, vivis redditus Anno 1647. ipso die Nascentis Virginis præsens. Generosum Domini Stanislai Grodowski, & G. D. Stephanum Goski, anathemaque argento cælatum, in beneficii testimonium dedit, aureo cum inserto a lamante annulo Divam sibi in ultteriores favores desponsando 8. Septembris, Anno quo supra. Cum Divæ nostræ Cliente in festivitate ejusdie auspiciatissimorum nataliū vota depōnēte precemur in necessitatib⁹ par beneficiū Ergo

In Festivo Virginis die collatamur,

Ex qua lumen Luminis ortum confitemur,

Et ut omnis criminis carē mundemur

Odā nostri carminis ipsam veneremur.

Letalia deliquia.

57. **E**T Pomerania novit, quid possit pius in Divam nostram animus, novit in Viro Nobili Calimiro Bartkowski è Palatinatu Pomeraniæ, Districtus Derszovien: Tribus anni quadrantibus languebat. Letalia erant deliquia per putidas rimas corporis curisque, rubram fudit arenam, insolitum incognitumque malum, si quod applicabatur pharmacum laceffit non lenit acerbiter; ob vehementiam dolorum manu tangi minimè passus, in sola sindoneolvebatur, portabatur motrice corporis facultate destitutus, cetera sanus animo, ipse sui author solatii, Divam è longinquo appellat; & cum nec vocem tollere nec manus posset, suspiriis perorat, voto peregrinationis ad Ecclesiæ Claromontanæ limina concepto: Audit MARIA, arefactos tabæque confectos artus, carne nova induit, in novam juventutem, vitamque renatus Divam supplex hic adorat,

E vulneribus rubram fudit arenam.

adorat, cum testibus Anno D. 1646. Anathema manus argenteas sui mancipatus tesseram ad Aram deponit. Habet vitam à Maria Matre. Nam ut ait D. Bernardus, super Missus est. *Nihil super Missus est.*
non habere Deus voluit, quod per MARIÆ manus non transiret.

58. **M**agnificus D. Ioannes Łacki Capitaneus Samogitensis, morborum tormento, qui nomen non habebant; aut habere non merebantur, vexatus fatiscibat. Recedentibus medicis qui celebriores advocabatur, maturum crescēte malignitate ad miraculum. Fatalis lagvor lingvæ negavit officiū, & sensib⁹. Integra mens suscipit cœlitus insinuatam Divæ Claromontanæ recordationē, ad quam vota daret. Dedit, novamque vitam reportavit stupentibus ad extemporaneam post vota sanitatem Patribus Societ: IESU, & Coniuge. Gratia testimonium habet, & à lingua recognoscentis, dum præsens homagium præstaret; & à liberalitate, dum argenteum anathema ad Aram appenderet, Anno 1646. 23. Iulij.

59. **P**ar est gratia in Nob: Andrea Dziemaltonski Lithvano Terriorij Osmanensis. Ager vocat medicos, adsunt, diem decretorium asserentes, recedunt. Precario vivere maluit, & debuit. Illustrissimus Doming Castellanus Vilnensis, qui præsens aderat, moribundo votis apud Divam Claromontanā vitam licitabatur, & obtinuit. Revaluit, cumq; vitæ suæ Promotore præsens gratiam recognovit Anno 1639. 23. Martij. Quanta per Te, & ex Te non habent mortales. O MARIA. Loquatur D. Anselmus apud Bonavent: in Spec: cap: 1. *Per secunditatem Tuam Domina immundus peccator est iustificatus, damnatus salvatus, & exul reductus: partus enim Tuus Domina mundum captivum redemit, aegrum sanavit, mortuum suscitavit.*

60. **S**alutarem ab hac Mensa MARIÆ refectionem habuit & Gen. D. Alexander Zarembinski. Post febriles æstus, quos medica facultas sopire non potuit, post letalia deliquia, in quibus sensuum perempta vis, desperationem auxerat, funeralis locus tum premum trahenti spiritum, parabatur. Cognati ad Marianā Mensam vota festinant, & fiduciæ merito, moribundum pristinae valitudini restituunt. Vota solvit, Anno 1677. 25. Martij.

CAPVT VII.

Insigniores Personæ in desperatis casibus vitâ periclitantes, vitam, sanitatēque deploratam recuperant.

Acum glut-
tiens despe-
ratus,

61. **A**Dmodum Rev: Dominus Iurkowski Decanus Zatorienfis, Parochus in Polanka Anno D. 1627. in Hebdomada sancta acum casu glutit. Quam parvis veniunt summa mala principis. Quatuor hebdomadis in educendâ ab Chirurgis laboratum frustra. Dierum infeliciū lapsu crevit vitæ periculū. Tumefactū collum saniem sanguinemque fundebat, latusque guttur nullam nutriendæ vitæ alimoniam admisit. Sic desperatus totam curam à corpore traducit in animam, Sacramentis omnibus ad mortē ritē munitus. Reliquum tamen spei suæ, quod esse potuit in moribundo, Divæ Sospitatriç Mariæ cōmittit, locum ejus in Claro monte venerari appromittens si viveret. Glurit salivam, acus sequitur in viscerum sinum, sed necdum liber omni periculo, qui mortis arma intra se ferebat. Divæ committit & alterum quod putabatur haud dubiè, vitæ discrimen, confirmando iterum piæ voluntariis erga locum Sacrum proposita, evadit. Vota solvit 8. Iunij. Rectè in Te confidunt o Diva Spes desperatorum Maria, quia, ut inquit Petrus Damian: Sermo 1. de Nativit: B. V.M. *Data est tibi omnis potestas in Cælo & in terra, ut nihil tibi impossibile, cui possibile est desperatos in spem salutis relevare d. M A R I A.*

Petrus Da-
mianus.

Collum fra-
ctum.

62. **N**Ec fallere Clientum expectationem, nec differre novit **M A R I A.** Dabunt testimonium G. D. Raczynsij è Palatinatu Siradiensi, Ioannes, Valentinus, Sigismundus & Petrus. Anno 1621. ad Equestria Iudicia Siradiam Equites profecti, dum præcipitant cursum, ad cespitem offendit Ioannis refractarius, excussumque fessorem miserandâ ruinâ terræ allisit. Stitit effrenem cursum lapsus, Germani subodorati periculum retrovertūt iter, officiosas manus admovent, sed fractâ gulam advertunt. Destituti medendi consilio, soluti in lachrymas, tribus & amplius horis, ut mortuo parentant. Occurrit Petro Divæ Claromontana: memoria, insinuat eandem & Fratribus, sociali quæ devotione concepta fiducia, Divam appellant pro vita Fratris, peregrinationē ad ejus limina decernentes. O.

res. O stupenda in prodigialium operum patratiōe Mariæ in vitam, mortem, casusq; potestas! inter Fratrum lachrymas manusque occulto Virginis imploratæ Numine, detortum collum in suum ordinem reductum, atronitos tenuit Fratres & familiam. Integratis extemporaneo miraculo viribus surgit, & quod superest itineris, eques prosequitur. Et affectus & vota fratrum placuerunt Ioanni, rita habet, addit sua Divæ impensius devotus, adest 17. Septembris cum Fratribus, Reparatricem vitæ Mariam adorat, laminam argenteam, cui superjectum, exacteq; coloribus expressum rei gestæ schema, vivit in oculis spectantium, ad pedes Mariæ appendit. Adnotatum in Fastis cum testimonio Fratrum. Recognoverunt quod *Irenæus* *MARIA* (ut Irenæus ait libi 3. cap: 33.). Et sibi & universo generi humano facta est causa salutis.

63. **P**VLCHRO ordine unde procedunt, eò revertuntur miracula. *Guttur læsum,*
N. Baithasar Zdrowski, in quodam casu guttur læsus, primum loquendi, respirandi, deinde facultate privatus, ob recrudescens indies vulnus nullum fovendo corpori latis diu nutrimentum suscepit. In alia membra pestis à gutture dimanans, corpus totum infedit. Luse intractabilis plaga studia medentium, usque ad desperationem chari Conjugis fatum acerbè ferens marita, ad Divam votis ivit, coniugem quem propè amiserat, donans Mariæ, locoque ejus sacro in Claro Monte devovens. Suscepit ægrum, reddidit paulò post sanum Maria. Gratus Cliens & linguam in laudes, & calamuni acuit, quo miraculi pangens gloriam, parodiam cecinit. Virgini Sospitæ, quam idiomate vernaculo in Rythmum coactam, ac porrectam Actorum Præsidi monumentis magnalium, Mariæ inseri postulavit Anno 1566. Benedicamus Mariam in operibus manuum ejus, & dicamus cum Seraphico Doctore. *Benedicta sint omnia in Psalteri B. V. M.*
opera manuum tuarum Domina, benedicta sint omnia sancta miracula tua.

64. **N**obilis *Martianus Lethionski*, è Territorio Præmyslensi in Sadek, Nobilem quendam ictu letali sustulit, in illa tumultuantis multitudinis confusione ferro in collum adacto saucius, per os transverbera i gutturis, cibum & potum, quem sumebat, fudit. Fatale & in collo vulnus. Homicidiū exigentib⁹ amicis occisi, vitæ pretio pendi debuit. Desperatus à Chirurgis, & à vulnere, & à tribunali decretorium diem prastolabatur. In Patronam causæ Divam Czestochoviensem votis poposcit, & ab utroque vitæ discrimine ab-

*D. Bonavent.
in Psalt. B.
V. Maria.*

solutus, votorum tamen ad ejus Aram reddendorum reus, argenteā tabulam, symbolum gratæ mentis fixit & cicatricib⁹ in collo & gutture præsentatis beneficium Actis Partheniis inseruit Anno 1623. 28 Maij. Credo confitebatur illud D. Bonavent: in Psalteri. B. V. M. *Tu salus mea in Domino, quæ me morti adjudicatum liberasti.*

*Gladio tra-
jectus.*

65. **Q**uid in G. D. Sempkowski, nonnè admirabilis apparuit *Maria*? Anno 1644. mucrone (spadam dicimus) transverberatus, plura in uno vulnere letalia vulnera, trajecta interanea, cibum quem sumebat, per hiantes corporis rimas egerebant. Mortualis langvor loquendi facultatem ademit. æger ipse suæ sanitatis fit artifex, de qua conclamatū fuit. Ad Divam Czesstochoviensem vota properat, & medicam virtutem ejus præsentia in viscerum reparatione expertus, Divamque veneratus, Fastis dignum ab orbe legi miraculum intulit, Anno quo supra 1644. 18 Novembris. Mirabile hoc est? sed, (cum D. Bernardo Homilia super Missus est, admiramini) *Quid mirum est, si Deus, qui mirabili legitur, & cernitur in Sanctis suis, mirabilem se exhibeat in Matre sua.*

D. Bernard.

*Cultero cras-
sus.*

66. **M**inora corpora grandium nonnunquam ut periculorum, ita & miraculorum capacia, cum alibi vidimus, tum præcipuè in Gen: D. Nicolai Nieborowski de Radofzyce filio. Arrepto grandiori cultro domesticis usibus obvio, locum editiorem conscendit, cum quo præceps deorsum, illis familiaribus armis, & vitæ, & visceribus viam pertudit. Accurrit famulus, cum tepido cruore fluentia per latiore vulnere rimam introagit viscera; festinat auxilium mater, sed majus curis humanis discrimen, vitæ spem amputavit. Invenit aliud remedium, quod ars naturæque dare non potuit, extemporaneo verborum apparatu Divam Czesstochoviensem, precatur, & propitiâ habet, nam Divæ ipsius credo præpotenti dexterâ, coaptatis suo loco visceribus, coiverunt rimas agentia vulnera plenæ valetudini redditum. *Sophia Nieborowska Mater, filium stitit ad Aram 1640. 24. Julij. Læta gratias agit cum filio mater, quid mirum, si dolores, mœrorésque leniit, ac persanavit. (Andræ Ierosolymitano dicta) Latitia Instrumentum MARIA.*

*Andræ Ie-
rosolymis.*

Simile.

67. **S**imile in Virgine Nobili Susanna Dzialynska. Manu præmens cultrum, per sublimiores gradus ferebatur. Cecidit cultrumque in præcordia, fatali collisione adegit. Discrimen vitæ Chirur-

Chirurgus meriebatur profunditate vulneris. quod costas inter hīare fecerat culter usque ad manubrium pervadens. Difficile fuit miserē dolenti perire, quod volebat. Occupavit opportunē mentem Divæ Claromontanæ cogitatio, salutaris erat; hanc invocat, & ad sua placita votis cogit. idem agunt parentes & domestici. Succes- sit salutaribus auspiciis negotium apud Mariam, occulta, occulto Numine reparantur vulnera. Adest, vota solvit, Anno D. 1618. 28. Maij. Affligimur, lædimur, periclitamur, perimus; ut quid ad vo- ta nostra non usurpamus sensum, stylumque D. Damasceni B. Mariæ Clementiam inclinantes ad misericordiam? *Inexpectatam nostram la- titinam produxisti, per te enim mortis vinculis soluti sumus. Veni ad nos o Divi- na vitam serens Thesauri, veni ad nos cupientes; qua cupiditatem nostram ex- plevisti o MARIA!*

D. Damasceni
de Dormin
B. V. M.

CAPUT VIII.

*Status diversi, sexusque promiscui desperati Clientes
MARIAE patrocinantis experiuntur auxilium.*

67. **M**agnificus D. Martinus Kazánonski, antequam expeditionem bellicam, ex commissione Serenissimi Regis Sigismundi Tertij, contra Turcas, & Tartaros movisset, pro felicissimis auspi- cijs, aliorum Belli Ducum, Principumq; more, cum Coniuge, & se- prenni filio Adamo, ad Montem clarum proficiscebatur. Ne absque augustiore miraculo ad Aram sisterentur, casus fecit. Ad pagum Gidle filius è rheda deciduus, rotæque oppressus, cursum stitit. Adnisi viribus famuli frustra laborant in extrahendo filio, donec robustior ex haydonibus opem ferret. Animam agens filius, tormentum erat parentibus. Medendi consilium, vota, vultusque ad Clarum Mon- tem obvertunt, & vivum funus è genibus Matri viventium commen- dant. Faxit MARIA supplicibus & filio, cui vitam ac valetudinem magno certè miraculo redonavit. Testatum in Actis Anno 1621. 14. Maij. Quidni salutem desperatis daret, dicta Dionysio Rychelio libi 2. de Laud; B. V. M. *Mundi Salvatrix MARIA.*

Rotæ pressus
quasi saculus
puer.

Dionysius
Rychelius

68. **F**ortuna quoque periclitans Divæ nostræ Numen adorat. Ci- vis est Calissiensis Stanislaus nomine, Cognomen *Fortuna* dedit. Os gutturque tractu globis aliquot, qui Chirurgis obducta- bantur hærentes in vulnere profundo, vitæ periculum fecit. Tem- poralis

Globis ali-
quot tauri?

poralis vitæ à cura, quæ sedula fuit, ad animam traducitur sollicitudo. Sacramentis munitus ad agonem parabatur, sacro delibatus ceromate Christianus Athleta. Adfunt PP. Soci: Iesu, & S. Francisci Strictioris Observantiæ, qui animam morientis Deo commendant. Aliò vertit iter moribûdus, animo supplici ad Divâ ivit, solâ mente, cum linguâ non posset, depromens vota peregrinationis ad Clari Montis limina. Ad reparandam sanitatem sufficiebat à MARIA sanari voluisse. Ad singultum, tussinque leniter commovetur, concutitur, globos eiecit, quibus mors in vitam, casus in Fortunam pugnabat. Agnitum à præsentibus miraculû, & hæc relatum cum votis Anno 1615. Gaudium dedit ægro illa, quæ Andree Ierosolymitano in salutem Angelicæ dicitur Mater sempiterni gaudij MARIA.

Andr. Iero.
solymit.

Lesus puer
in gutture.

69. **A** Mica innocentibus MARIA, quadrimo Matthia Civis Loviciensis filio favit. Incurabilem plagam accepit in gutture casu fortuito. Fatigavit ætatem imparem vulnere langvor immitis, ut hoc ad prodigium accesserit moriendo pati non desinere. Retracta ab auxilijs humanis mens parentum, ad Mariam venit, cum decreto peregrinationis ad Montem Clarum, si viveret puer, atque morientem jam, fecit Maria vivere, cum hians gulæ, lacerôq; gutturi medicam manum admovit. Laudes & gratias cum puero parentes hic ad Aram dixerunt Anno 1598. 17 Augusti. Apud P. Goldonowski senariis illigatum legitur. En Maria Spes nostra. Nam ut interpretatur D. Epiphanius Orat. de Laud. B. V. M. *MARIAM interpretari solemus Dominam, atque etiam Spem, peperit enim Dominum, qui est Spes totius mundi, nempe Christum.*

D. Epiphan.

Gladio inu-
trumq; latus
transverbe-
ratus,

70. **F**ortuna, mors, casus, & inter Assyrios mensarum, lux sua applicant aucupia. Res probat. Gen: D. Sebastiano Pontatonski, in quodam geniali convivio famulus, spadâ transverberatus in utrumque latus, liberalis lætitiæ finem fecit. Pertuso corpore, dilaceratis interaneis, vita cum sanguine fluebat. Tetigit fidelis famuli vulnus & Dominum; quem curæ Chirurgorum non suscipiunt, Divæ Claromontanz cômittit, appromittens eum ad Aram sistendum, si viveret. Ipse scit, qui suæ Matris meritis curavit, quomodo coiverunt vulnera, & in integrum coaluerunt viscera ferro lacerata. Vivit famulus, servit & Mariæ, & Domino, cui impensius? certè mortis, & vitæ Dominæ, quæ nulli comparandam.

pretio

officio servis suis, & temporalem, & æternam vitam tribuit pro stipendio suorum, servique sui votorum reus. D. Poniatowski adeit ad Aram vitæ, gratiam in Fastos Mariæ scribens Anno 1596. Qui pulchra ambitione vitam à Maria desideratis (appello vos D. Bonaventuræ pathetico epiphonemate) Exquirite illam à juventute vestra, & glorificabit vos ante faciem populorum.

72 **E**iusdem generis est, & inter præcipua quidem censendum. Cultro viscerum latus, quod sequitur. Iuvenis quidam de villa Bierkowa (tribus milliariis distat Cracoviâ) Petro nomine, cultrum quem hodie emit, hodie in arma fatalia sibi cecidisse expertus est. Hilaris illi, ex hausto liberalius potu, occupavit insania. Casu factum quod eodem latus perfodit: Explorat periculum chirurgus, & ad ulnæ quadrantem vulneris profunditatem invenit, & neque curam suscipit, nec vitam spondet. Ipse sui agit medicum author periculi. Cum interclusisset dolorum vis loquendi facultatem, postulat tabulam, in qua hæc scribit: *Offero me præsentandum Deipara, pro ejus honore in Claro monte Czesochovien: si pristina sanitati restituar. Vt utriusque signis petit à Domesticis, ut Diva pro se Claromontanam deprecetur. Solvitur in crastino lingvæ vinculum, ceterum insanabile vulnus perlanatur. Testimonium gratiæ, præsens cum votis, in Acta dedit Anno 1627. 29. Aprilis. Voces & animos jungimus, & vulnerum remedia petimus. Prælegit nobis præcandi formam Mater Ecclesia (in veteri Missali Ecclesiæ Cracovien:)*

*ô MARIA, Mater pia, finis & exordium;
Posce natum, ut optatum det nobis remedium;
Quo sanati, sauciati, sine sorde vulnerum
Transferamur, & ducamur in sanctorum numerum;
ô MARIA!*

73 **G**regorius Maruszewski apud quendam Magnatem in Districtu Lenczyensi servus, Dominum à Comitibus Varsaviensibus reducem secutus, casu miserabili sub currus rotam præcipientem lapsus, hæsit pedis utriusque fractâ tibia. Maturaverunt opem, & obsequium, qui currum sequebantur, at serum nimis. Pectori currus subversus incubuit. Amoliuntur pondus, quod pectore uberem sanguinis rivum provocavit, officio sensuum sublato, penitus subveniendi consilium casus eripuit. Sola spes in MARIA liberali beneficio occurrit, ad Claromontanam ergo basilicam morientem devovent,

X

utque

Veræque tibia fracta & oppressa

Vetus Missale Ecclesiæ Cracoviensis

utque Gregorius idem faciat, surdis auribus inclamant. Feceritne, an non ignoro. Adfuit tamen medica MARIA manus. Obstupescat orbis prodigium! perempta sensuum facultas reviviscit; coalescunt & solidantur ossa, sanantur vulnera, cohibetur scaturigo sanguinis, surgit, ascendit rhedam, descenditque alacriter, peregrinationem alieno voto decretam persolvens, gratiam testibus ritè probatam Fastis inscribit. Anno 1609. Rogari vult, ut ægris sanitatem acceleret Maria, Confidè, quemcunque vulnera conficiunt, nam, cum Melilacteo Doctore testor Serm. 3. in Vigil. Nat. Domin: *Dedit tibi Deus Christum per Mariam propter sanitatem. Sed quia indignus eras cui donaretur, datum est Maria, ut per illam acciperes, quidquid haberes, quæ per hoc quod Mater est, genuit tibi Deum; per hoc quod Virgo est, exaudita est pro reverentia sua in causa tua, & totius generis humani.*

P. Bernard:

Ex vulnere
capitis de-
speratus.

75. Illustre est beneficium Mariæ in *Lata de Zebrzyce* Anno 1640. ferro sinciput percussus tribus septimanis destitutus viribus, somno, solatio, demum spe ipsâ inter clamores & ejulatus, quos vehemens doloris acerbitas provocabat, decubuit. Chirurghi novem dialem tantummodo vitam decernentes, negârunt operam, asserentes plagam immedicabilem, quæ cerebrum læserat. Malum ex malo natum; paralytis ex vulnere, corpus rigescit, illæsa mente; hac superflite usus ad beneficium, vota peregrinationis ad Divæ Claromontanæ Basilicam concepit. Reum votorum Diva teneri diu noluit, cùm omnes sensuum, ac membrorum functiones, expeditas fecit, brevi enim, qui antea lecto portari, componi, cibariq; debuit; surgit, ambulat. Manus MARIA, in læso capitis vulnere malo quod impendebat, clausit ostium. Quæ in se Maria fecit jurejurando stabilit. Anno 1640 10. Septembris, Divo Ephræm in Oratione ad B.V.M. *Spes desperantium* MARIA.

D. Ephram:

Cultro trans
fixus,

76. Odiorum ac simultatum ferax aula supplicem hîc dedit Mariæ. Nob: est *Gallus Michæelides*, ab obsequiis Illustris: D. Frederici Comitis ab Oppersdorff Invalescentibº odijs, ad verba vêtum, demû ad arma familiaria mensæ, cultros. Æmulus præoccupavit Gallum, ictumque cultro impegit in sinum viscerum ad manubriam. Vultus enorme tractari non potuit ab chirurgis, qui frustra impendi operam asserabant. Dominus Patrem & Chirurgum meliorem egit, apud Divam Nostram votis pro aulici vitæ laborans, quem spondit ad Aram supplicem præsentare, Successit ad votum deprecatio; co-
aluit

aluit cum interanejs aluus, qui rimas agebat. Comes gratiam Divæ prædicans, vota quæ cum famulo solvens, testimonium fecit prodigio, deditq; spectabile coloribus in aula Virginalis atrio. Anno 1626. 28. Iunij. Itaq; *Constituantur* (utor stylo Doct: Seraphici in Valt. B. D. Bernardi V.M.) omnes tribus & lingua, quia per Te salus restituta est nobis. M.A.R.I.A. Psal: B.V.M.

77 **E**T Petricoviensis Civis Catharina Krzetzkowska in morbis exitia. Morbi multis libus, unius anni equuleum passa, ad vitæ nauseam, benignâ Virginem Nostram fatetur. Hebdomadale silentium cumulum calamitatum auxit. Sæviit pestis & in animum, quem insolitâ perturbatione dilaceravit. Letalis langvor continuus vitam vix superstitem absumebat, Sacerdos qui è vivis discedenti opem ferret, ejus salutis causam egit apud MARIAM, ægram ad onus Claromontanz peregrinationis obligando. Suscepit ut Potens, ita Misericors MARIA oblatam Clientem, quam primæ sanitati miraculo restitutam supplicem habuit Anno 1627. 2. Januarij. Sileat ergo cum D. Bernardo loquor Serm: 4. de Assumpt: Sileat Misericordiam tuam Virgo Beata, si quis est, qui invocatam te in necessitatibus suis sibi meminerit defuisse. D. Bernardi Serm: 4. de Assumpt:

78 **I**Nfætido promicat incendio fulgor MARIÆ. In Oppido Motkiska (Iaroslavia sex miliaribus versus Leopolim) Valentinus Sutoris vxor, mulier vaga & bibula, ad Iudæorum vicinia se contulit, ubi usque ad vesperam bibendo, sanè mentis infame virus, crematum nostris dictum, illâ peste madida vix domum invenit. Multum vociferata labitur; ebullit illico ex madido oris barathro fætida cæruleo colore flammans ætna, & morâ crescit incendium. Ignara consilij familia, excivit contribules, adsunt, sed opem ferre nescientes, lac, oleum, cerevisiam, fundunt, sed non sopiunt incendium. Vir seriùs accurrens, færentem maligno incendio domum invenit. Doler, miseratus maritæ casum, & ob hoc satis, quòd causa mortis, mortem cæterum honestam infamabat. Ad vota effusus, compellat Divam, limina Claromontanz ejus Basilicæ invisere proponens, si gratiæ illius latex turpe sopiret incendium. Et sopiit: Extinctus infernalis ille rogos, titionem suam, diutino ustulatum igne, conjugem, quæ mortua credebatur, reddit marito incolumem. Solutæ gratiæ supplices cum testibus Anno 1634. in Majo. Dotalia munera sunt Filiz Magni Dei Mariæ, & Sponsæ, tot virtutes mirificæ, quæ tot bona in mundum derivarunt. Tot prærogativæ Matrem amatam Deo res-

D. Chrysost. stantur. Etenim ut fatetur Chrysologus Serm: 140. *Quantus sit Deus*
Serm: 140. satis ignorat ille, qui huius Virginis mentem non super, animum non miratur. Pa-
 vet calum, tremunt Angeli, creatura non sustinet, natura non sufficit, & una Pu-
 ella sic Deum in sui pectoris caput, recipit, oblectat hospitio; ut pacem terris, cæ-
 lū gloriam, salutem perditū, vitam mortuis, terrenū cū cælestibus paren-
 telam, ipsius Dei cū carne commercium; pro ipsa domus exigas
 pensione; pro ipsius uteri mercede conquirat, eximpleat il-
 lud Propheta: Ecce hereditas Domini Filij mer-
 ces fructus ventris.



ANALECTORUM MENSÆ REGINALIS.
 SEV
 HISTORIÆ, DIVÆ VIRGINIS
 CLAROMONTANÆ MARIÆ.

PARTITIO VII.

*Cecos, Sordos, Mutos, Claudos, pluribus insi-
 mul morbis & casibus, vitâ periclitatos, ope
 Divæ Nostre, ad pristinam, Videndi, Au-
 diendi, Loquendi, Ambulandi, Vivendi,
 dignitatem, revocatos proponit.*

Hic Stupenda

CURATIONUM OFFICINA MARIÆ.

Hic Ac parte permulta veniunt in miseros beneficia,
 quorum unoquoque MARIA novum gloriæ ti-
 tulum meretur à Clientibus: ideoque, cæci, ut
 videant; surdi, ut audiant; muti ut loquantur;
 claudi, ut orbem pervagando, ferant Divæ Nostre ma-
 gna; ad pristinas sensuum Viriumque functiones, re-
 parantur.

C A P V T I.

*Dignitatis Ecclesiasticae, & Illustriores sexus utriusque per-
 sona: orbata lumine, ope MARIÆ videndi gratiam
 recipiunt.*

I. **D**iva Nostre quod Cæcos Cives Constantinopoleos, pro re-
 cuperanda visus gratiâ ad imperiale conclave deduxerit,
 Duci Imaginē (Odigitriam Græci vocant) nomen habet prout me-

X3,

mini

Odigitria
 seu Dedu-
 ctrix Imago
 unde?

mini hīc parte 2. Cap. 4. Num: 9. Viget ejusdem virtutis vigor in
Vīsūs redonatione, ponē sequens Divæ Nostræ Imaginem: Exem-
plis rem declaro.

In Missæ Sa-
crificio ex-
cus,

2. **A**dmodum R. D. *Augustinus Cybulski* Sacris operabatur usque ad
Elevationem Sacræ Hostiæ & Calicis, feliciter; necdum re-
sacra perfectā, captus utroque lumine attonitā frequentis populi cō-
cione, quod diuturniore intervallo rerum sacrarum cursum stiterit.
Lucem *MARIA* M votis appellat, statuens Basilicam illius in *Claro*
Monte revisere. Placuit Divæ propositum, nam adhuc ad altare con-
stituto, videndi gratiam impetravit. & impertivit. Memor gratiæ
Mappam acui, *Phrygia* pictam ad Mensam altaris dedit, dum vota sol-
veret. Anno 1640. 13. Iunij, Hīc apparuit *MARIA*.

B. *Alanus*,

*Sol radians, expers limi, tutela beatis,
Spes miseris, Medicina reis, Lux nubila pellens,
Proscriptis reditus, errantibus semita, Cæcis
Lumen, dejectis requies, pausatio fessis.*

En Malefi-
ciji cecitas

3. **P**harmacentriarum operā cecitas inducta, Divæ Nostræ Radio
propulsatur ab oculis *Stanislai N. D. Ioann̄ labkowski & Doro-
thea* filij, ē Districtu *Calissiensī*. Lædere parentes conatæ maleficæ
filium tetigerunt; medicum fefellit ingenium, nubilum intractabi-
le, quod humano studio nunquam amoveri posse dixerunt peritiores
medicæ facultatis. Ad Matrem Luminum ejusque gratiæ fulgor, velut
fulgur operam principum tenebrarum dissipans, novo lumine prolem
& parentes beavit Anno 1660. 23. Octobris. Ecce *Maria* (ut *Ful-
gentius* Serm: de B. V. M. ait) *Facta est Fenestra cali, quia per ipsam Deus
verum fudit seculi Lumen, & per ipsam Deus descendit ad terras, ut per ipsam
homines ascendere mereantur ad celos.*

D. *Fulgenti-
us Serm: de
B. V. M.*

Puella cæci-
tate percuf-
sa,

4. **D**ivam ē *Beizenſi* colonia apud nos Hospitam Hospitalemque
votis & gressibus sequitur *N. Nicolaus Tulpi de Grabowiec* Di-
strictus *Beizenſis* pro Filia *Margarita* supplex. Cæcitatis plagā per-
cussa à medica ope quam diviti pretio mercabantur parentes, lumen
expectabat. Luserunt illæ tenebræ perspicacitatem medentium.
Ad *MARIAM* itur. Visitationis ejus Imaginis *Claromontanæ* onus
per longa terrarum divortia decernitur, & quod petatum est habetur.
Anno 1715, Obrenta gratia hūcque relata,

J. Nobis

3. **N**Ob: Magdalena Swieczka de Swiecz integro triennio noctem
immeritam in oculis portavit, innocens puella. Adolesce-
rat cecitas ad miraculum, quod votis ad Divam Claromontanam
nuncupatis & puellam & MARIAE fastos illustravit. Anno 1611. 1. Maij
Qui cecutimus, Sidus MARIAE appellemus cum Ioanne Houdemio An-
glo Minorita lib: 6. Christiados.

Tribus annis
caca.

*Qua nos terrent, tere materies;
Et hanc noctem, sidus illumines:
Magni Maris vincas voragines,
Sola celi, qua polo praeamines.*

Ioan: Houdemius.
lib: 6. Christiados.

6. **P**Racidentis seculi simile est in Nob: Ioanne Wierzyński Distri-
ctus Nietwiezensis. Octo annis cecus, amasset diutius suas te-
nebras, si dolores intensissimi, qui implebant oculos humano modo
leniri potuissent; probatum est, non potuerunt. A medicis ad Ma-
riam ejusque Imaginem Odigirram versus, precario accepit, quod
pretio consequi non potuit. Anno 1598. Cui suam affundit gratiae
lucem assurge cum D. Anselmo Orat: de B.V.M. ad extaticos homi-
neque majores affectus dicendo: Te, Mater illuminationis cordi mei, Te,
Nutrix salutis mentis meae, Te obsecrant quantum possunt cuncta praecordia mea,
exaudi Domina! adesto propitia adjuva potentissima, ut mudentur sordes
mentis meae, ut illuminentur tenebrae meae, ut accendatur tepor meus, quatenus
sicut tua beata sanctitas super omnia post summum omnium filium tuum: ob glo-
riosum filium tuum, à benedicto filio tuo es exaltata, sic super omnia post Domi-
num & Deum meum, & omnium Filium Tuum, Te cor meum intelligat & ve-
neretur; amet & deprecetur MARIA.

Cecitas
cum dolo-
ribus.

D. Anselm
Orat: ad
B.V.M.

7. **N**Ob: Iacobus Pomanski MARIAE Illuminatricem habere meru-
it. Captus utroque lumine, apud medicos Lovicij versaba-
tur, liberalibus impendijs visum licitatus. Sed frustravit vota me-
dentium impiger conatus. Quidam è Divi Francisci familia misertus
tenebras viri, fidenter his appellat Iacobum: Quid non pergis ad Di-
vam Virginem Claromontanam, & ab ipso Sole radium poscui? Insinuavit af-
fectum cordi, animo fiduciam iam collapsam; proijcit medicorum
curas, itineri se accingit, & mox dubiam lucem haurit oculis, quo
propinquior Claro Monti, eo visus clarior; ingressus templum, ante
conspectum sacrae Imaginis, plenum visus beneficium accepit. Ita
est, quò soli quis propinquior, eò illustrior. Tot prodigij testes, quot
in templo spectatores habuit: Actum Anno 1592.

Dum per-
grinatur re-
spicit.

8. 1619.

8. **I**acobus quoque *lezierki*, vir Nobilis, è territorio *Lukoviensi*, mor-
bis in corpus & sensus dirè sævientibus, lucis usura priva-
tus, integro biennio inter medicorum & domesticorum manus
versabatur. Sacratior flamma erga Divam *Claromontanam*,
gliscens in corde, in vota erupit, loci sacri visitationem decernens.
Inclinavit Clementiam miserentis *MARIÆ*, quæ depulsâ deterlaq;
nube ab oculis, serenitate sua lucem infudit luminibus. Anno 1600.
2. Ianij.

9. **A**uthographum *Ioannes Winarycki* gratiæ posuit in simili bene-
ficio, quod recito.

Simile

Ego *Ioannes Winarycki M. D. Iacobi Łaski Castella-
ni Łenczyensis Notarius*, palam testor, quod oculis meis *Deus* per
dolores acutissimos cæcitatem induxerit; anno itaque integro
lucis usurâ privatus, promisi visitare locum *Częstochoviensem di-
catum Virgini Sacratissimæ*, ut primum hoc protuli, eadem ho-
ra respexi. Anno 1550.

Ioannes Winarycki mppa.

D. Augusti

Pereunte Magna Nomina Virginis, & comperies ex testimonio
Magni Augustini: quod *MARIA* verè sit: *Fons Lucis omnem hominem il-
luminans.*

Quatuor an-
nis cæcitas.

10. **Q**uatuor annorum cæcitas Nob: *Annam Wisniewska* afflixit.
Tantum desperationis accessit, quantum in medicos prode-
git. Alio mentem saniozem vertit. In votis est visio & *Mons Clarus*,
cujus *Ara* collyria precabatur, & accepit, Divam secundum Augusti
nominis etymum *illuminatricem* experta, Anno 1598.

simile

11. **N**obilis quoque *Catharina Grotowska* amissum domi lu-
men apud medicos quærebat, nec invenit, inanibus tan-
tummodo spebus mentem pascebat lucis avidam. Destitutam
solatio medicorum, visitavit G. D. *Sigismundus Łaski Prodrumus
Lucis*, ad Divæ *Częstochoviensis* templa votis ægram destinat, se-
quitur & *Catharina* facta supplex. Aderant nobilium nonnulli,
quod non casu factum arbitror, qui testimonium facerent Lu-
cis illico luminibus infusæ. Extemporaneo prodigio læ-
ta, gratias egit præsens ad homagium, Anno
1640. 13. Octobris.

CAPVT II.

Vrbium ac Oppidorum incolis præstita visus gratia per MARIAM.

12 **S**erenitatem Divæ & Gedanenses viderunt in oculis *Stanislai Anno inæ-*
Matyjański Patricij Lukoviensis, anno integro nec unum solem gro cæcus.
 vidit, adeo densa cæcitatís caligo oculos impleverat; Si quò movere
 gradum necesse fuit, manum oblatam secutus, ubi ad Divam cum vo-
 tis pro lucis ulura eundem erat, ipse sibi dux fuit. Invisere Clarum
 Montem destinat, & ne voti reus teneretur, oculis lucem, oculos
 luci Diva restituit. Anno D. 1610. die 8. Maij. Testimonium
 miraculo fecit literis. A. R. D. *Matthias Starzyński* Canonicus Posna-
 nientis, Præpositus Ptragoviensis supra Gedanum. Ad Tui contem-
 plationem aperi mortales oculos; O Virgo Sacratissima quæ exercitus An-
 gelorum, in stuporem deduxisti, stupendum enim est miraculum in cæli, mulier
 gestans Lucem in ulnis, stupendū miraculū, in cæli alter Thronus Cherubicus.

*D. Epiphani
 Orat: de
 Despara.*

13 **G**ostinensis quoque Civis *Sebastiani* nomine illuminatio mi-
 raculo facta, *MARIÆ* beneficio tribuitur, ad cujus Czeſto-
 choviensem Basilicam votorum cursus erat. Dolores quibus corpus
 exercebatur, caput invaserant mira acerbitate, in oculos anno integro
 pugnando. In corpus, caput, & oculos partitum prodigium, mor-
 bis & cæcitate Divæ supplicem absolvit. Anno 1597. Mense Iunio.
 Ex quò conijce, quod si quemadmodum sol noctem, ita *MARIA* cæ-
 cos illuminat. Secundum *D. Bernardi* Serm: signum Magnum. In Te
MARIA perhibetur sole amicta, quæ profundissimam Divinæ Sapiētiae ultra,
 quàm credi valeat, penetravit abyssum, ut quantum sine personali unione creatu-
 re conditio patitur, *Luci* illi inaccessiblei videatur immersa: illo nimirum igne
 Propheta labia purgantur, ex illo igne Seraphim accenduntur, longè verd ali-
 ter *MARIA* meruit; non velut summatim tangi, sed operiri magū undique, &
 circumfundi & tanquam ipso igne concludi.

*Cæcitas &
 morbi,*

D. Bernardi,

14. **I**taque sicut à melle dulcor, à sole splendor, ita à *MARIA* Lu-
 cis Matre cæcis lumen promanat. Expertus liberalem hujus
 Lucis diffusionem *Iacobus* puer Civis Olboriensis *Alberti Garni* filius.
 In lacunam liquidà calce plenam prolapso ipsa calcis acerbitas palpe-
 bras exedit, plenèque cæcum fecit. A casu loco beneficii habitum,
 quod non præfocavit diutius hærentem pestilens uligo, in quā mer-
 sum

*In calce 'li-
 quida visu
 privatus,*

sum plantæ quærentibus prodiderunt. Desperata cæcitas in pueri
 iudicio omnium irreparabilis. Radium à Maria Luce Nostra deside-
 raverunt parentes. & puer, vota ad Divam nuncupant; Hæc filio vi-
 sūs gratiam reportarunt à Maria; quæ in Menologio Græco appella-
 tur. *Solū inaccessi vehiculum.*

Menologiū
 Græcum;

Ex balneo
 cæcitas;

15. **A**lius ex alio balneo, dolorem primū capitis intensissimū,
 cæcitatem deinde trahit. Civis est in *Czercon, Stanislaw
 Ptuskiensis* malignitas, quæ capitis tormentum erat, à maleficijsne,
 an ab aquis, quibus abluebatur profecta ignotum, in caput dirē sa-
 viens, cū in capite, quod non inveniret amplius, in oculos pugna-
 vit. Cæcus Torunium, in Wroclawek deinde se contulit, ubi me-
 dici non pepercerunt laboribus, sicut & ille sumptibus, desperatus
 tamen. Potiore sui parte illustrior, viam invenit ad Mariam, & vi-
 am ad ejus Imaginem Claremontanā, quam vovebat. Subitō lux
 derivata in oculos corporis, tenebras expulit, Anno 1621 ostendit-
 que ad mentem Sergij Patriarchæ Constantinop: quod sit: *Tenebra-
 rum expulserit MARIA.*

Sergius Pa-
 triar. Con-
 stantinop:

Oculi ex sua
 statione e-
 gesti & cæ-
 citas.

16. **A**lter gloriā, factos illustrat Mariæ longē illustrius be-
 neficium in Marita Civis Præmyslensis *Ioachimi Wolowicz.*
 E morbis in totum corpus diffusum virus adeo affecit oculos, ut suā
 statione naturali egesti frontis planum excederent. Malum impa-
 tiens tractari medicā manu, omnes visūs reparandi spes amparavit.
 Turgentes, ac mephyti nociva supernantes oculos, qui viderunt,
 effluxisse pupillas dixerunt. In illa doloris acerbitate, mors in vo-
 tis fuit vita potior. Hic primū ordimur ad Opem Divinā im-
 plorandā vias, ubi fatigatæ, ac velati ad suum terminum impin-
 gentes mortalium spes procubuerunt. Errans per omnes medendi
 conatus indice cælo Clarum montem invenit maritus, conjugem.
 Divæ devover, quæ votis obsecuta; Lucem oculis affudit, organa
 visūs reparando, perfectas vires labefactatæ indidit supplicemque ad
 suas Aras habuit. Anno 1597. 4. Iunij. Hoc fecit Ioanni Dama-
 sceno dicta *Mater Luminis MARIA.*

17. **L**ovicio allatum sequitur. Civi cuidam *Catharina* hydrops
 intercus caput offudit, & lumina extinxit. In statu vitæ an-
 cipitis, de qua inter peritos conclamatum erat, solatium illud erat,
 quod Divam *Clari Montis* Indigerem, daso ad ejus limina peregrina-
 tio-

nationis promisso invocaverit, quæ sua Luce & nocivum humorem siccavit, & amicum lumen oculis infudit. Patubat Loviciensibus miraculum, quod solus improbare poterat, quem longè teterrima nox in animo cæcum fecit. Anno 1613. 10. Maij. Quidni illustret Ec-
D. Bonavent. in Speculo B. V. M. Lucerna in Speculo
 clesie filios secundum D. Bonavent. in Speculo B. V. M. *Lucerna in Speculo*
 Ecclesie MARIA.

18. **R** Zeszovienses dixerunt, testati que sunt, in sua Cive *Christina Swieszkówna*, Divæ Claromontanæ misericordiam in visus redonatione. E morbis immedicabilibus noctem in oculos traxit, & passa est. Cætera ubi miseræ non subveniunt artis medicæ subsidia, post peregrinationis Claromontanæ decreta, Numen benignum Virginis Sacratissimæ subvenit. Anno 1621. testatum 14. Maij. En MARIA servit votis Clientum, atq; ideo peroptimè Arnoldus Carnotensis, in Tractatu de Laudib; B. Virginis, Sacratissimi Nominis arcana scrutatus prosequitur. *MARIA lingua Syriaca, Domina dicitur, Christus Dominus, Maria Domina, & licet ipsa se Christi profiteatur Ancillam, hoc servitutis genus omni Regno sublimius esse intelligit. Constituta quippe est super omnem creaturam, & quicumque IESU curvat genua, Matri quoq; pronus supplicat, & Filij cum Matre gloriam non tam communem iudico, quam eandem.*
Arnoldus Carnotensis Tractatu de Laudib; B. V.

CAPUT III.

Alienigenæ sortisque plebeia Clientes, per MARIAM, visus gratiâ potiuntur.

19. **Q**uemadmodum Solis usura, ita Sideris nostri MARIE benignitas alienigenis quoque non est invidenda. Bohemiam collustrat in *Georgio Arnoldo*. In officina vitraria, ad caminum ardentem laborans, vilivam facultatem læsam sensit. Morbi doloresque nati totum corpus depascentes auxerunt calamitatē, quæ sensim de toto lumen oculis ademit. Vbi modica domus angustæ suppellex non dat subsidium, nec periti consilium, extra patriæ limites evagatur animo Divam Claromontanam exorans, ut Mater Lucis lucem oculis daret. Tempus erat quo è vicinis vrbibus, oppidis, pagisque ad solvendum Divæ nostræ peregrinationis debitum, Bohema multitudo conglomerabat, hoc tormentum erat Georgio, conturbatus sequi non posse. Sequitur tamen animo, & prosequitur con-

ceptum antehac peregrinationis propositum, quo factum; ut miraculo restituta lux oculis roburque corpori dignum faceret, non tantum animo. sed corpore sequi contribules; quorum testimonio beneficium se accepisse prorsus extemporaneum professus est. Anno 1633. 19. Iulij. A MARIA habet; & illi debet Lucem suam, *Quam*

Richard: de S. Victore. (ut ait Rychardus de S. Victore in Serm: qui incipit Nondum erat abyssi) *DEVS in Lucem gentium praeordinavit.*

20. **E**X Silesia est, quod legitur, scilicet Anno 1609. 2. Maij. In Oppido *Namystow* Civis *Anna Rogozowa*, iacturam lucis biennio portavit in oculis. Sumptus pro medicis & spes miseram defecerant. Adm: R. D. *Gassiar Namystowensis Parochus* ingerit à Clari Montis Diva lucem petendam, & votis juvat. Vtriusq; voto donata lux oculis, Fastos Parthenios illustravit, accedente testimonio gratiae memorati D. Parochi Anno quo supra. Diva mea, qui in tenebris ambulo, Lucem peto cum Seraphico Doctore in Psalt: B. V. *Obtexis caligine animam meam hostiu, in visceribus mei Domina lucem sacrorum.*

D. Bonavent: in Psalt: B. K. Maria.

Ceca nata videt,

21. **N**on uni natum angulo, in angulo mapalis abjecti reperio prodigium. In *Maliny* (pagi nomen est) Ioannis cuiusdam (cognomen non inveni) conjunx prolem in lucem dedit, non ad lucem, quia caecam. Attributa caecitas novercae naturae se decem annis crevit cum puella. Si quae adhibebantur in tenui domo remedia, non nisi ad desperationem proficiebant. Adolevit caecitas ad prodigium. Serò imploratur Odigitria caecorum. Dux Virgo, at serio; nunquam tamen sera sunt Divae beneficia quocunque tempore venerint. Ducere puellam ad Basilicam. Divae Claromontanae decernunt ex voto, & priusquam ad Mariam conspectum accessissent lucis usura donatam habent. Totâ vicinâ gratiae testimonium perhibente, Diarijs Marianis illata memoria Anno D. 1598. 21. Maij. Memento filia tantae Matris *Filia Lucis* Fontem Luminis *MARIAM*, Solem vitae tuae diebus affudisse, & profiteri (cum D. Bonavent: in Psalt: B. V. M.) *Tu es Mater illuminationis cordis mei! Tu es nutrix reservens mentem meam.*

D. Bonavent: in Psalt: B. V. M.

22. **I**nnocentia & constans fiducia miraculo capiendo preparat fideles. Vtroque delectatur Mariâ innocens, quae illos tantum favore peculiari Clientes complectitur, quos beata, ac nihil nisi peccare nolle sciens, rudium simplicitas commendat. Hanc in suo se.

ſuo ſexu ſat admirabili prodigio illuſtravit Maria. *Catharina Nizio-
kova*, ſi genus petitur plebeia, ſi patria *Pleſſoviensis*, ſi conditio miler-
rima, tribus annis videndi facultate privata, noctem diuturnam vi-
xit. Vt cœca, duce Lucis ambitu per humanas vires & conſilia va-
gabatur, ſed fruſtra deſperata ſpes venabatur. Erravit Lucem in-
tudit animo Maria, & ad Clarum Montem viam præmonſtravit,
huc feſtinat vota peregrinationis, & necdum Claro Monti propin-
qua lucem accipit Anno 1613. 17. Maij. Vmbra ſuæ gloriæ in-
cœcorum luce revelat Maria; quia ut verè pièque aſſerit Petrus Da-
mianus Sermi de Aſſumpti. B. V. *illa inaccessibili lucē pralucens Virgo,*
ſic utrorumque ſpirituum, id eſt hominum & Angelorum hebetat dignitatem, ut
in comparatione Virginis nec poſſint, nec debeant apparere.

*Petrus Dā-
mianus.*

CAPUT IV.

*Cœci, dum ad Clarum Montem peregrinationem feſti-
nant, lucis uſurā in via donantur.*

23. **V**erum eſt, quòd quilibet luci propinqui-
or, lumen captat
largius, lucet clari-
us, inardeſcit vehementius. Sentiant
hoc Clientes, qui ad Divam Lucem noſtram accedunt *Stanislaus Bu-
ſkowicz* Vilnenſis Lithvanus, triennio nube cœcitatatis impleta lumina,
nihil proficientibus ad viſum ſumptibus, quos prodegerat, dolebat.
Gratiarum Divæ Noſtræ memoria in animum illapſa devotionem
accendit, quæ dictatrice, intellexit apud Divam Claromontanam
oculis lucem querendam. Mover Vilnæ prius auſpiciis viæ ſumptis
ad tumultum Divi Principis *CASIMIRI*, ubi nonnihil ſenſit oculis
lucem dubiam illabi, proſciſcitur; quotque paſſus in via facit, tot
claritatis auctus recipit in ipſo Baſilicæ Claromontanæ limine ple-
næ viſus facultate donatus Anno 1608. Teſtimonium deinde gra-
tiæ & cœcitatatis dante in literis tum illuſtriſſimo D. Benedicto Woy-
næ Epifcopo Vilnenſi, tum ipſo Magiſtratu inclytiſſimo Vilnenſi.
Clarificat coram populis ſibi devotos Clientes Maria, quis ab ea
prodigium profeſtum negabit. *Quid enim* (ut inquit D. Ambroſius
lib. 2. de Virginibus), *Nobilis Matre DEI: quid ſplendidius ea, quam*
Splendor elegit?

*D. Ambroſ.
libi de Vir-
ginitate.*

24. **D**at aliud Leopoliſ Ruſſiæ Vrbs Princeps. Hic *Andreas Zie-
lenka*, ex hauſtu fontis peſtem bibit, quæ in caput, oculos,
totum.

totumque corpus dimanavit. Præter dolores acutissimos, qui ma-
num medicam pati dedignabantur, oculis albuginem squammæ si-
milem induxit. Plagam à manu Dei peccata vindicantis arbitra-
tus, per Divæ interventionem Numen Divinum placare constituit,
profectus ad clarissima miraculis loca *sokal & Leżajsko*, ubi dubiam
lucem adeptus, leviùs cœcitatæ tormentum ferbat. Miserum illud
erat solatium, quo brevî extincto dolor recruduit. Iterum cœcus
longiùs à patrio lare decernit quærere lucem amissam; cum con-
juge & filia annorum quatuordecim Claromontanam peregrinationem
apparat urgetque. Vix domo ad alterum lapidem viam emensus,
doloribus absolutû se miratur, pergit alacriùs, & priùsquàm cursûs
sui metam attingit, perfectæ visionis gratiam obtinet. Anno 1623.
20. Maij. Iure fatemur cum D. Bernardo apud D. Bonavent. in
Speculo cap: 3. *O MARIA! Tu virtutum Tibi inditarum magnificis
exempli ad imitationem tui nos provocas, sicq; noctem nostram illuminas, qui
enim vias Tuas infectatus fuerit, non ambulat in tenebris, sed habebit lumen
vitæ.*

25. **E**rrant in vijs prodigia, & ad suas natales cunas Aram Di-
væ Nostræ recurrunt: *Georgius Piotrowski*, à tenero apud Ma-
gnificum D. Palatinum Podoliæ in obsequijs moratus, primò vitiû
lippitudinis, cœcitatem deinde contraxit, & toleravit in Aula annis
duodecim. Usque ad vitæ contemptum passus ærumnam noctis
continuae. Lucem cogitare cœpit *MARIAM* cum statuta ad ejus Cze-
stochoviensem Basilicam peregrinatione. Cœcus viam ingreditur,
& sic aliquot emensus milliaria prius votorum, quàm itineris ter-
minum præhendit; nam beneficio lucis donatus, à Diva, cui se im-
pensis affectibus devovebat, lumen in oculis & miraculû tulit
consignatum in Actis Marianæ Domûs Anno 1646. 24. Iulij. Ne
incumbat umbra mortis, da mentis serenitatem ô Lucis Mater! cum
Seraphico Cliente te appello, utinam & affectu pari (in Psalt. B. V.)
*Emitte lucem Tuam, & gratiam Tuam, & præpara denno vitam meam, & con-
scientiam meam ô MARIA.*

26. **E** Submontana civitate *Kenty* (Patria est B. Ioannis Cantij
in Alma Academia Cracoviensi, virtutum & literarum
Doctoris) puella *Sophia* nomine propè unum & alterum annum è
diversis infirmitatibus natam cœcitatem toleravit. In votis erat
visus, sed desperatum fecerat aëris malignitas, quæ pupillas læserat.
Ad Sacrarium Divæ Czeſtochoviensis animo vota proponit, & ne
rea pro-

reā promissi teneretur manūs ductricis obsequio non impigra capit. Ne manui, quam sequebatur, visitationem Claromontanam deberet; Diva fecit; reparatis enim visūs organis, lucem dedit oculis Maria, sola sinē duce exultat extemporaneo prodigio, iter captum prosequuta Anno 1639. 1. Octobris, Syllabo gratiarum cum testibus miraculum dedit. Constat inde, prout Dōctor Angelicus Opusculo 8. dicit, quod: *Convenienter vocatur MARIA illuminata in se, & Illuminatrix in alios, quantum ad totum mundum, idē assimilatur Soli & Lunæ.*

27. **P** Ropinquum ædibus MARTÆ prodigium sua se luce prodit. Perillustis D. Philippus Wotucki Palatinus Ravenfis, dum nocte concubia per viciniam debacharetur incendium, cum domesticis exemplo laturus opem, concitato passu, non quā planum, sed quā rectum properabat. Impegit oculo in arboris recisæ stipitem, in quo prius oculi extinctum lumen, quā incendium. Eodem loci oculus effluxit. In examine medicorum & Chirurgorum plaga incurabilis inventa. Frustratus humana ope, quam profuso pretio mercabatur, ad Divæ Claromontanæ Basilicam proficisci constituit. Adest sub vesperam cum Patribus Societ. IES V, & in conducto ad Montisclivum crastinæ devotioni se præparat. Nox erat in suis tenebris prodigium illustre visura. Gratam quietem somni beneficio captant alij, solius Philippi oculus quietis impatiens in somnis vigilat. Vir devotissimus optimè illo usus tempore Divam precibus appellat, solatium in visūs reparatione exorando. Et quia secundum Nazarium in Panegyri Constantini Augusti. *Flagrantiora sunt animorum desideria, cum oculorum solatia perdiderunt*, vehementius incaluit æstu devotionis, quam oratione constanter nutriebat. Dum itaque in votis perseverat, concussit caput fragor insolitus, fragorē sanguis & sanies per vulnus largē profluens sequitur, proluitur totus, exundante in terram sanguinis rivo, novitas rei clamorem excitavit, adsunt famuli cum lumine, itinerisque comites PP. Societ. IES V, & qui cæcus erat, jam non cæcus, videt omnia de nocte, ad lumen visum explorat, mandat porrigi librum, legit, relegit, & videntibus stupentibusquē omnibus, præsentem Divæ votis imploratæ grātiā agnoscit. Itum de mane ad Sacellum comite miraculo, qui virū casumquē nōverant, stupent, gratulantur, Deumque in Maria & per Mariam mortalium votis propitium prædicant. Perennem beneficii memoriam facturus, primum Apelleo opere in colorum umbra casum exactē proponit, paulō post grandiore bracteā argento celatam.

Nazarius in
Panegyri
Constantini
Augusti.

Araram, quæ rem expressam descriptam quæ ferebat, gratitudinis ergo ad Aram appendit Anno 1613.

28. **P**ost acceptam Divæ Nostræ merito visus gratiam, annus quinquagesimus nonus decretoriam diem ferebat Illustrissimo Viro. Cum ergo satis Deo, Patriæque dixisset, oculus idem non absque præfagio mortis effluxit. Cognovit usque ad hoc tantummodo tempus commodatum oculum à Diva, ideoque ad præsentem Confessarium hæc prolocutus est: Reverende Pater jam tempus imminet mortis meæ, quando mihi hic oculus effluxit, quem habui à Diva Claromontana commodatum, quo integris quinquaginta & novem annis sum usus, apparet, quod eius usu non egeam, & hoc est præfagium mortis meæ. Relatum à RR. PP. Societ: IESV, Adm: R. Patri Augustino Kordecki Provinciali Claromontano per Poloniam, Anno 1672, 17. Septemb. Candido in Divam Patronam animo illud credo professus est Illustrissimus Cuius Mariæ. Sapien: 7. v. 10. Super salutem & speciem dilexi illam, & proposui pro Luce habere illam, quoniam inextingvibile est Lumen ipsius, venerunt autem mihi omnia bona pariter cum illa, & innummerabilis honestas per manus illius, Candor est enim Lucis aterna, & Speculum sine macula DEI Majestatis, & imago Bonitatis illius MARIA.

Sapien: 7.
Vers. 10.

C A P V T V.

Cæci, in Sacello illuminati, Divæ vident Imaginem.

29. **P**eregrè allatus in conspectum sacre Imaginis filius Nobilium Parentum Andrea & Helena Swäydlin de villa dicta Gy-narvá ex Vngaria ad miraculum Anni 1628 diem 6. Maij illustrem fecit. Cæcus natus, cæcus educatus triennio satis longam noctem in oculis portavit. Quærent apud medicos lucem filio, & censu liberali frustra mercantur. Portatur à Parentibus ad Lucem Nostram MARIAM, ante eius sacram Imaginem sistitur cum votis: cum pulsio prurientibus oculis manus admoveat, tergit impatientius, lachrymari velle incipit, pluit lachrymas, quibus repurgati oculi prius Mariam in imagine admirabilem, quam Solem, parentesque vident. Anno quo supra. Alienigenis quoque si propitiam Maria Te exhibes, profecto ut Bernard: super Salve Reg: fateatur: Omnibus est amabilis, omnibus affabilis, omnibus delectabilis, Sedes sapientia, fluvius clementia, Radius Divinitatis, nec est qui se abscondat a calore Tuo o MARIA!

Bernard:
super Salve
Regina.

30. Talem

30. **T**alem vidit, talem expertus est, sensitque in Imagine & ex Imagine Divam Nostram Nob: *Iacobus Stupowski*. Mor-
dadium humorum immitis a credo visum abstulit. Luxerunt co-
gnati lucem amissam, ad cuius reparationem profundunt locupletem
domus opulentæ gazam. Fefellit sumptus & studia, tristis in ocu-
lis umbra. Ad Divam Claromontanā peregrinatur, subintrat ædem
amico familiarium obsequio deductus, ut intelligit Virgineæ domus
transisse limina, ante Imaginem prostratus lucis gratiam precatur.
Favit votis **MARIA**; priusquàm enim surgeret ab oratione, pleno
visus beneficio donatus, serenitatem Marianæ Lucis in sacra vidit
Imagine. A Cliente & Hospitibus, tanti prodigij testibus actæ
gratiæ Anno 1597. Illabere cordib⁹ nostris ô Lux beatitatis nostræ!
voto Seraphici Bonavent: in Psalt: ad votum nostrum precamur; Se-
renet corda nostra Lux Misericordiæ Tuæ, & recreet nos Tuæ pacis
dulcedo ô **MARIA**!

D. Bonav:

31 **P**atritius Posnaniensis *Martinus Obiatinski* adolescens in mul-
tiplicibus morbis triplex damnum accepit in visus, auditus,
& lingvæ facultatibus. Annis quatuor infans, cæcus, surdus, vitam
tot septam ærumnis vivens, ad sortis melioris spem eluctari non po-
tuit. Divam Claromontanam, Cives Posnanienses secutus, ivit sola-
tium aliquod petiturus. Subintravit sacellum **MARIÆ**, gemitu Tu-
relaris Patronæ gratiam precatur, perseverat in votis, quæ tacita
mens promebat. Mutus Orator sensit prius, quàm vidit Divam sub-
venientem; insulsiit lux oculis, auribus auditus, infantis lingvæ solu-
to vinculo, attonitâ ad miraculum multitudine populi primùm in ea
verba prorumpit: *sit Tibi Laus Christe cum Matre Tua MARIA*. Qua-
driennales ærumnas abundè compensavit illo solatio Consolatrix no-
strum **MARIA** Actum ad Aram Virginis Anno 597. Laudaverunt
Deum in **MARIA**. Mariamque supplices populi, qui tanta viderunt
prodigia; Sed nunquam satis, quia ut Damalc: Orat: 1. de Assumpt:
ait: *Eam non hominum lingua. non mundo sublimior mens ita digni laudibus*
efferre potest, per quam Domini gloriam intueri nobis datum est.

D Damalc:
Orat: 1 de
Assumpt:

32 **D**E Zamoscie Civis quidam Paulus nomine Opificio Sartor,
conditione miser, in morbis fatiscebat usquè ad visus audi-
tûsqûe privationem, quæ viliorẽ vitam fecerat. In Templo Claro-
montano solatium petere decrevit. Vadit longiorem viam, nec videret,
& sequitur alterum, miserimum cæco, surdoquẽ solatium, ducem

Z

& co-

& comitem Augustale Marianum ingressus, sensit, quadam interna dulcedine delibatus, se in conspectu Imaginis sacrae adesse, cum valetudinem roboratam (ager enim introductus erat) experitur. Visus, auditusque facultas restituta in facie populorum, Divam ad vota miserorum acclivem probavit. Actum in Sacrario B. V. M. Anno 1609 iubilare animæ devotæ, & excusso torpore interiorum sensuum, usurpate. Divi Poloniae Principis Casimiri stylo vos animando.

D. Casimir
in Rythmo
Omni disp.

*Omnes mei, sensus ei
Personate gloriam,
Frequentate, tam Beata
Virginis memoriam.*

33 **A**lbertus Ferrisaber Ilkensis, ex nocivo defluxu cecutiens, deum & cæcus annum medium vixit. Svasu contribulium dat se peregrinationi Claromontanae, non minus religiosæ tenax fiducia, quam in MARIA collocat, ac luminis cupidus; ipso Sanctissimæ Trinitatis festo Anno 1639 quo tempore compluræ peregrinorum millia commeari solent, recta Domus Mariana subijt. Non protraxit desiderium sui videndi MARIA, suæ gratiæ illapsu: dum supplex ad Aram adorat, tenebras dissipavit ex oculis, deserisitque partita cæcum inter, populumque hospitem latitia. Verè ô Diva! Illuminatrix MARIA (tenore verborum D. Bonav. in Psal: Te appellamus.) *Tu es Lux & Spes confidentium in Te ô Maria!*

D. Bonav. in
Psal: B. V.

34 **F**ilia Lucis esse merentur & faminae, dum hic Numen proprium Virginis colunt. Stanislaus Bozowski Civis Leopoliensis marita, Barbara nomine, ignotum unde nata, recedens in oculis triennio passa, Divam cepit in oculos usurpare. Claromontanam. Damnatæ Leopoliensium medicorum curis, quæ desperationem auxerant, proficiscitur ad Clarum Montem, ut sacra attigit limina, Lucem cæca, iam non cæca, vidit Anno 1610. 19. Maij. Rectè D. Bonav. Maria est illuminatrix plurimorum, per exempla lucidissima vitæ suæ, ipsa est, cujus vita gloriosa lucem dedit seculo; ipsa est, cujus vita inclita cunctas illustrat Ecclesias: ore ergo fidei in anima & dicat, quoniam Tu illuminas lucernam meam.

D. Bonav.

35 **I**terum Leopoliensis patritæ venit memoria. Regina est Stanisława, in quodam casu oculos læsa, lacrymas fudit opportunas lustrationi, quæ ad prodigium parabatur. Confluxit ire ad Clarum

rum Montem, adest cæca, & ad Lumen pro lumine perorat ante Imaginem. Quod intulit, perdidit tenebras in lumine stupendo miraculo, Anno 1627. 8. Maij. Et oculos & animos sola post Deum Virgo beare potest, beatque luce Maiestatis suæ, ut merito fateatur Cæsarius lib. 7. Exempl: *Sicut in creaturâ universi, Matre Creatori nihil est sanctius, nil dignius, nil præcellentius; ita ejus visione nulla sanctorum visio dignior, nulla iucundior, nulla eminentior.*

Cæsarij lib. 7.

Exemplis

36 **N**eminem miserum recta Mariana suscipiunt, quem non aliquo inundantem solatio dimittant. *Smolenscum* in testimonium evoco. Dat faminam *Reginam Morzy*, ex arce sua. Cæcitatem sex annis toleratam ad Montem Clarum ex voto, pro miraculo tulit. In spe erat, quam medicorum iudicia desperata labefactare non poterant: votorum metam attigit, Anno 1617. 13. Augusti, duobus diebus Sacram Imaginem, quam non vidit, adoravit in ipsi fiduciæ quæ pia pertinacia perseverans. Ipso solenni triumphalis suæ in cælos Assumptionis die, lucem Diva dare decreverat, usque huc protrahentur matronæ sperata visus solatia; ut aliquot hominum millia, quæ adeum diem, ex diversis Provinciis devotionis causâ assolent commere, miraculo fidem probarent. Fervebat frequentis populi devotio, in cujus conspectu oculis deterfa est caligo. Qui in vitiorum caligine cæcutimus, Te imploramus cum D. Bonav: in Psalt: *Miserere nostri Domina Mater Luminis, & splendoris, illumina nos Domina Veritatis & virtutis.*

D. Bonav: in

Psalt: B. V.

37 **P**ar & illud est, quod nostris annis vidimus in puella de Civitate *Strykon Gregorij & Magdalene* conjugum filia. Cum longiore cæcitate, sufficientissimo ad miraculum argumento adfuit. Ad Clathros sanctuarij constituta, dum ad solennes Vesperas efferretur Augustissima Eucharistia, respexit, viditque Deum sub speciebus Eucharisticis, Matremque Dei in imagine gratiarum dispensatricem. Cæcus erat, aut esse merebatur, qui non vidit miraculum Anno 1637.

38 **R**ecentius est, quod scribo, G. D. *Paulus Oleski* non ita pridem à dogmatum Calvinii tenebris in lumen fidei tractus, hic fidei, fiduciæque suæ emolumentum ad Thaumaturgæ Imaginis præsentiam, consecutus est. In Dania, abhinc annis circiter viginti quatuor, dum Poloniam Svecus popularetur, acri conflictu dimicans, ex vulnere capitis oculi dextri laceratam tulit annis viginti. Famam mi-

Z. 1

racu

raculorum, quæ hîc MARIÆ meritis Numen Divinum patrat, ex voto pedes secutus, ante Imaginem sacram prostratus, desiderati luminis gratiam precatur, obtinet. Surgit, oculum tergit, moxque retracta cæcitatîs nube illuminatricis MARIÆ videt Imaginem. Astu in sacello Mariano Anno 1676: 6: Maij. Quicumque Cæcorum instar erramus, hanc votis stellam Mariam deprecemur, quia, ut Lactimelleus Doctor inquit Hom: 2. super Missus est: *Ipsa est Nobili illa Stella ex Iacob orta, cuius radius universam Orbem illuminat, cuius splendor præfulget in supernis, & inferos penetrat, terras etiam perlustrans & calefaciem magis mentes, quàm corpora: fovet virtutes, excoquit vitia; si inquam est præclara & eximia Stella, super hoc mare magnum & spatiofum necess. rîo sublevata, micans meriti, illustrans exempli MARIÆ.*

D. Bernard:
Hom: Hom:
2. super
Missus est:

CAPUT VI.

*Surdus Auditus, Mutis lingua solvitur ope
MARIÆ.*

39 **S**URDA mutaque naturæ portenta, dum audiunt & loquuntur MARIÆ magnalia, obturentur, & obmutescant in creduli. Digna à mutis celebrari, à surdis audiri fama Divæ Nostræ sumpsit incrementa in Nob: D: Nicolao Boki Districtus Czerniechoviensis. Ex morbis quibus per sex hebdomadas torquebatur, utraque auditus, & lingvæ facultate privatus sex annis & in auribus & in lingua patiebatur silentium. Movit ad Clarum Montem Vilnæ Lithvaniæ metropoli, surdus & mutus, sumptis viæ comitibus: Divæ Laren ingressus, vota ante sacram Imaginem tacitus promebat. Supplicem audit Maria, utramque audiendi & loquendi facultatem restituit, stupentibus viæ comitibus, & laudantibus MARIÆ misereatis gratiam. Actum scriptumque, Anno 1628. 8. Augusti. Inter gratiæ momenta lingua computet, quod Mariam laudet. Et (verè Mellelaeteus Doctor asserit Serm: 4. de Assumpt:) *Licet dignum aliquid sterili concipere cogitatio, aut inerudita locutio parturire non possit, de ea tamen silere devotio non patitur.*

D. Bernard:
Serm: 4. de:
Assumpt:

40 **E**O loco, modoque, quo Nicolaus usum audiendi & loquendi accepit, Loviiensis Adolescens Ioannes Vniejowski sub annum 1701 literis dabat operam, ubi gravissima infirmitate pressus, sublata auditus, & lingvæ facultate, scire tantummodo, sentireque sua mal, non loqui potuit. Absolutum cæteris ærumnis, sola tenuit cum surdita-

te infantia annis quatuordecim. In votis animi erat peregrinatio Claromotana. Adest in sacratio Virginis, ubi attonitavi comitum, presentique populi frequentia, MARIA gemitibus implorata lingua silentio, auresque surditate absolvit Anno 1587. *Bene omnia facit (MARIA) & surdos facit audire, & mutos loqui.*

41 **P**lena est gloria Domina Templum Dominae. Credite quod muti loquuntur, auscultate quod & surdi percipiunt. Mutus venit; mutus ad Aram Divae procumbit Honestus Vir Georgius Kulka de Chetmek ab Ostroicim; mutus quas in latebris conscientiae sentiebat noxas, lacrymis eluit; placando iratum Numen, mutus tacente lingua, calamo ad expianda piacula usus, confitetur, mutus absolvitur. Ad mensam Angelicam reversus, à sacro poenitentiae tribunali; cum populo communicaturo procumbit ad Cancellos, velleque dicere conatur praloquentem Mysta Domine non sum dignus &c. & verè conatus prolequitur Domine non sum dignus &c. Mirabantur infantiam, incurabili voti beneficio sublatam praesentes, iidemque gratiae testes Anno 1646. 1. Maij. Laudare in Mirabilibus Mariam. *Quantum enim loquor cum Sophron: Serm: de Assump: apud D. Hieronym.) Sophronius non sit speciosa laus in ore peccatorum, noli cessare à laude, quia inde tibi promittitur venia; (unde & omnibus) ut laudes.* de Assump:

42 **A**nno Domini 1600. in Villa Orzyca (7. ab Vrbe Cracovia miliaribus pagus distat) domum alberri Rychlik fortuitum incendium corripuit, quod uxorem lecto affixam langvore diuturno in cineres redegit, filia Matris satum lugens intemperatius; corporis vires, & linguae facultatem amisit. infans aliquo tempore vixit. Impatiens immeriti silentij advertit cives de Oppido Kossycki praetereuntes, intellexit votorum solvendorum causa ad Montem Clarum, rendere, adhuc imbecilla viribus, se jungit comitem, mura pergit, muta venit, muta ad Aram Divae Numen adorat per terram fuso corpore. Nondum orationem compleverat & festinum festivumque sensit MARIA beneficium in linguae solutione in Laudes Divae Tutelariss 26. Aprilis. Anno quo supra. Quis dignam non censeat omnium linguarum praecio? Iure teste D. Athanasio Serm: de Deipara. *Beatam Te predicant omnes Angelorum & terrestrium Hierarchia, qua & in calibus benedicere, & in terris Beata predicari.* MARIA.

43 **I**llustris Matrona Hedvig Bogdaniska in supremo langvore de-

perata, fatiscens vitium, ab infirmitate traxit in lingvam, tres dies muta. Ab humanis remedijs, quæ nullam spem aiebant, tam vitæ quàm loquelæ, itum ad Divina. A domesticis huc oblata, morbis pertinacique silentio absoluta, gratias ad Aram supplex egit Anno 1628. 29. Septembris. Magna ybique & in omnibus virtus Mariæ, quia (Ildephonsus inquit serm: 2. de Assumpti:) *Sicut est incomparabile quod gessit, & ineffabile quod percepit; ita est incomprehensibile premium, quod meruit.*

Ildephonsus
Serm: 2. de
Assumpti:

44 **M**agdalena Swieczka, Virago Nobilis, filium Gregorium nomine, qui feriâ secunda Pentecostes Anni 1610. igne fulmineo adustus, cæcitatîs & infantîæ anno integro plagam incurabilem tolerabat. Cæcum mutumque stitit ad Marianam Basilicam in Claro Monte, dumquæ humilibus Divam interpellat precibus, solatium geminat MARIA, solvit lingvæ vinculum in laudes, oculos aperit ad videndam suæ pulchritudinis Ideam; tot testibus, quot spectatoribus res manifesta Anno 1611. in fastos relata gratiæ memoria. Dulcedinis Mater Maria stillavit gratiæ rorem & sanavit. *Benedicat ergo Te* (D. Doctore Seraphico prælegente precamur) *omni lingua. & Nomen Sanctum Tuum confiteatur omni caro, Spiritus enim tuus super mel, dulcis, & hereditas Tua super mel & favum. & MARIA!*

D. Bonaviti
Psal: B. M. V

45 **E**iusdê Nominis, parîs gratiæ fit particeps, Gregorius Porzadowski Civis laworowiensis. Agminatim irruentibus morbis dejectus, cum viribus corporis, videndi, audiendi & loquendi facultatem amisit. Quatuor hebdomadis domesticum patiebatur eculeum. Animo, nobiliore sui parte integer, ut sensit ludî cõtumaci malo, curas mortaliû peregrinatione ad Sacram Imaginê Claromontanæ Virginis decernit. Nunquam confidentem in Domina Nostra spes fallit, nunquam fefellit, ad illius enim Numinis Clementissimi præsentiam, tot ærumnarum exercitus dilapsus, pristinum, virium & sensuum usum, restituit. Ritè probatum Actis Marianis inculit, vota solvens Anno 1598, 6. Martij. Majora sunt humano præconio Virginis Magnalia, ut merito D. Anselmus de Excellen: Virg: cap: 1. dicat: *Eaque incunctanter de Virgine vera existunt, tantâ laudû materiâ sunt referta, ut quicumque in laudando eam morari desiderat, necesse est, ut facultas ejus magnitudinis rei & veritati succumbat.*

D. Anselm
de Excellen:
Virg: cap: 2

46 **I**oannes Bányuk, de Minsk Civis, Paralyti tactus, vigorem artuum & usum loquendi amisit: utcunquæ recollectus medicinæ subsidio

fidio viribus, lingvæ facultatem non adeptus, infans tribus annis vixit; serum cogitavit auxilium & consilium. Divam Claromontanam invocare, statutam ad eius Templi peregrinationem prosequitur & quidem feliciter. Artigit propinquiorem Claro Monti limitem, è quo spectari potuit Divæ Basilica, pronus in genua Divam adorat; & in terram prolapsus sentit nonnihil remissum lingvæ vinculum, non tamen plenam loquendi facilitatem; festinat iter, iam inchoato beneficio lætior. Sub vespertinarum horarum tempus, procumbens ante aram MARIE, casto vocis motu labiorum mutus orator perorat. Conatum sequitur vox, vocem communis consodaliū lætitiæ, ex integro virtutum & lingvæ beneficio nata. Actum 19. Maij. Anno 1678. in sacello Virginis. Optimè Cæsius lib. 7. de Assumpt. cap. 26. *Medicina Beata Maria Virginis nihil est efficacius, nihil est salubrius, nec mirum; ipsa Medicum genuit, ipsa Medicinam generi humani ex se produxit. Quid mirum? si apud ipsam sunt medicamenta sanitatum; quæ horius est Aromatum.*

Cæsius de
Assumpt. lib.
7. cap. 26.

47 **D**iem Sabbaticum (fuit 9. Iuhij Anni 1680.) venerabilem fecit Divina Mater grandi miraculo, cui testimonium, tum solito frequentior hospes populus, tum Cœnobium totum Claromontanum tribuit. Genere, quàm fortunâ clarior Martinus Obikowski è Palatinatu Podlachia ab annis circiter quindecim mutus, cum peregrinis vora soliturus advenit, pro Festo Assumptionis B. V. M. Anno 1679. Hic, quidquid conscientiam angebat, pœnitentialibus mysterijs expiaturus, ad Confessarium accessit, schedam Confessionis indicem mūtus exhibuit, rursione pectoris, nutibus, gemitibus exoraram absolutionem obtinuit. A 15. Augusti Anni 1679, ad 9. Iuhij sequentis Anni 1680. in Cœnobio nostro Claromontano Mediastinum egit; toto illo decem mensium decursu, quidquid in obsequijs præstantum fuit, nutibus excepit, nutibus responsa dedit. Inimèbat festivissima dies Pentecostes, in qua ad sacratorem sacundiam, per igneam lingvarum illapsum Spiritus Sanctus Discipulos erudit; atque ideo, ut se ad tantam solennitatem rite disponeret, lingvæ solutionem impetraturus, octavam Iuhij spontanea transegit inedia. Adest in crastino ante Aram super benedicta Virginis, per integrum maturum Missæ Sacrificium, quod solenne tunc A. R. P. Tobias Czecho-wicz SS. Th. Doctor, nunc Provincialis celebrabat, fusus toto corpore per terram, lacrymis, & gemitibus, sāt eloquens suorum desideriorum, & calamitatis interpretas, aliquale solatium exorat. Fiducia & devotio, maturum miraculo fuit. Surgit, ad solita obsequia ex Aula Virgi-

Lingvæ vin-
culum solue-
tum coram
Imaginē.

Virginea properans, ignarus fert secum miraculum. Pullat culinae fores, voce clara, & intelligibili sibi aperiri pœscit, stupentibus ad rei novitatem omnibus domesticis. A præsidente loci, & Notarijs Apostolicis examinatum, probatum, cognitum, Fastis Parthenijs insertum, postero Sacratissimo die Pentecostes, cum gratiarum actione ex publico Ecclesiæ suggestu promulgatum, ostendit in Misericordiæ dispersiendis muneribus nondum abbreviatam Mariæ manum, quæ quolibet momento supplicibus suis, si se capaces fiducia, & devotione probaverint, se mirificam præbet, & beneficam.

48 **S** Vrdis nunc loquor & scribo, ab his quoque vult audiri sua Magnalia MARIA ut à cæcis videri, a mutis prædicari. De Villa Rzarzew non procul Cracoviâ Catharina Petri Kotula conjunx tempore messis ad agrum profecta, vitium in corpus à labore traxit. Egritudo contumax ut discessit, surditatem reliquit. Integro anno sub eadem calamitate gemens, frustra quæsit ab hominibus remedia. Fovebat in sua domo seniculam; hæc altrici suæ, ut potuit, nutius persvasit, votum ad Divam Claromontanam faceret, futurum fore appromittens ut solacium consequeretur. Iunguntur vota, reparantur organa, audit, quæ nec ostetoriam vocem percipere potuit. Recognitū Anno 1625. 7. Maij. Audit supplices MARIA & auditur in famæ præconio, quæ in Menologio Græco appellatur: *Harmonicum Menochordium MARIA.*

Menolog.
Græc:

49 **A** Mat MARIA, & in mapalibus conversari cum humilibus, si devotam, ac fiduciâ decoram inveniat simplicitatem. In pago Oleni terræ Vielunensis Anna Smieszkowa surditatis quinquennæ tædium, patiebatur, ut vovit iter ad Divæ Nostræ Basilicam, audit, & futuris seculis dignum legi miraculum testimonijs allegatis in Fastos Parthenios dedit Anno 1644. 29. Septembris. Hæc pauca è plurimis in sensuum reparatione exempla, admiranda magis sunt quàm enarranda: quia par lingvæ præconium inter mortales non habent. Pulchrè Mantuanus lib: 1. Parthen:

Baptista
Mantuanus
lib: 1. Par-
then:

*Nulla adeo vivax animi solertia, nulli
Tàm felix aderit florentis gloria lingvæ,
Vt MARIE possit laudes æquare loquendo,
Quæ data sunt illi: Nunquam mortalibus ullis
Antea concessit, nec post concedet Olympus.*

CAPVT VII.

Claudos, & Mancos diuersæ conditionis curat MARIA.

50. **P** Orrigit collapsis dexteram, ancipiti gressu labantibus ulnas explicat, *ebrians quasi Mater honorificata* MARIA. Auxiliarem ejus manum imploravit & habuit Adm: R. D. Albertus Rozkowicz de Radomie: Cracoviæ ad Aedes D. V. MARIE in Circulo annos quatuor ignotis ac peregrinis morbis pressus decubuit, accessit dolor acutissimus, qui mensibus octodecim torquebat; & si leni cōtactu pedes movere conabatur, subitis deliquijs fatiscebat. Requisiti facultatis medicæ peritissimæ, super mali natura nihil decernere certum potuerunt, id solum professi pharmaceutiarū præstigiis inductam pestem, nec ulla arte domandam. Rectà à mortalium auxilijs desperatis, ad Divina mentem vertit, familiarium Sacerdotum conducit stipendio suffragia, quæ, dum in Sanctissimis Missæ Sacrificijs peraguntur, obvius in manum venit libellus Divæ Claromontanæ gratias & miracula complectens; volvit, revolvit, electione spem cōcipit, & obvertens oculos ad Prototypum Imaginis Claromontanæ ex adverso lectuli pendens, votum peregrinandi ad ejus Tempia statuit, quod ut aliquando consequi liceret, à nostris Patribus in Cracoviensi Cœnobio ad Sepulchrum D. Stanislai Episcopi Crac. & Martyris petit, & habet suffragia. Mitius jam agere cœpit cū Mariæ Cliente in domestica illa catasta dolor contumax, liberiolem, quàm antehac pedibus motum restituendo. Digna miraculo adoleverat fiducia, exemplis enutrita. Quapropter ingeniosâ devotione, pioquē conceptu ad nostræ Imaginis Imaginem è pariete pendulam, peregrinationem obire statuit, è strato languentia membra colligit, surgit, innixus scipioni gradum sustentat, subsistit firmiter, stat intrepidus, & jam dolor fugerat, morbusquē, ubi primo gradu itum ad Mariam. Non credit viribus, innixus scamno, lento passu graditur, appropinquat imagini, procumbit, plenè sanus ac integer gratias agit. Miraculo recepta integra valetudo, intra horæ spatium attonitos Cracovienses tenuit. Præhò ad Aram D. Virginis sacris dat operam, Actis inferendo gratiæ memoriâ. Anno 1643. 17. Iulij. Traxit, duxit, trahi duciquē volentem MARIA. *D. Bonavent. Implorate manum ejus, & cum D. Bonaventura dicite: Trahe me in Psal: 138. post te vinculis Misericordie Tuae, & fomentis gratia & pietati Tuae, sana dolorem meum, ó MARIA.*

51. **E**T Castra merentur Divæ nostræ gratiis collustrari: Nob: Ioannes Sliawski, Terræ Præmyslensis castra secutus, à Commilitonibus de Kijow causâ negotiorum expeditus, ex nocivo defluxu, læsam sentit motricem pedum facultatem, deporratus in Urbem, subiit Chirurgorum examen, sed occulta plaga fallebat humana iudicia: crescens cum tempore. Ad Divam Claromontanā maturavit votum visitationis itinere pedestri, cuius gratiā sublevarē, intentusq; rei bellicæ, vota, quæ spoponderat, primū neglexit, demum & oblitus est. Fœdisfragum castigavit Maria: nam tormento dejectus, pristinorum propositorum cœpit meminisse, iterum, ad Montem Marianū suspirat auxilium à Maria deposcens, quo vindæ poena posset averruncari. Eadem se fœdisfrago resipiscenti præstitit Maria, quam antea, dexteram porrexit, perlanavit. Seposito itaque tantisper militiæ cingulo, pedes votivum iter ad Clarum Montem properat, miraculum cui castra fidem fecerant, recognitum sylabo miraculū inscribit. Anno 1629. 8. Iunii. Quicumque exerras à vijs Domini, ad hanc Divam, quæ collaptos relevat, recurre: quia ut Mellilacteus Cliens loquitur: *Ipsam sequens non devias, ipsam rogans non desperas, ipsam cogitans non erras, ipsā tenente non corruis, ipsā suente non metuis, ipsā duce non fatigaris, ipsā propitia pervenis.*

D. Bernard:
Serm. 2. su-
per Misericordiam

52. **M**agnifica D. Hedvigi Wilkánovska, Castellana Plocensis, Capiteana Ciechanovienſis, manum decem annis aridam, pondus inutile in Sacrarium, ante conspectum sacræ Imaginis inulit. Vbi devotis vacat orationibus, vigore pristino imbutam, atq; ad primas functiones aptam recepit. Actum in Templo Virginis Claromontanæ Anno 1567. feriâ 6ta post Festum S. Michaëlis. Locuta est pro se ad Virginem sacratissimam, & sensit, ejus misericordiæ dulcedinem. Cogitate (cum D. Basilio compello) *Quid dulcius Fratres Charissimi, quid jucundius, quid salubrius, aut quid felicius, quàm de Beata Virgine loqui, de Virgine cogitare, de Virgine predicare, & ipsam in omnibus sequi, & imitari; Hæc est Redemptio nostra, salus, via, spes, refugium, consilium, & auxilium nostrum MARIA.* Hic Civis Raphaël Zelazowski Sarmaticis frigoribus præustus, manuum, pedumque officio privatus, ob diuturnum decubitum sibi, domesticisque gravis fuit. Verno tempore, ex illo territorio Contribules expeditionem ad visitationem Divæ Claromontanæ movent, accedunt Raphaëlem & his ægrum appellant. Ecquid Divam Claromontanam nobiscum non imploras? quid non accingis te nobiscum itineri? Virum imbecilli-

becillitatem, ad centum & ampliùs milliaria acculans, iter abnuìt. Mariano quodam impulsu familiares ægrum è sponda protrahūt, subnixum manibus in pedes statuunt, fortiùs gressum premere cogunt, vestitumque domo innixum manibus suis educunt. Ut domo pedem extulit, langvorem omnem reliquit. Stupent grande in extemporanea valetudine beneficium, quò progreditur ulteriùs, valet robustiùs: sospes demum sacra attingens limina supplicibus votis gratias egit Mariæ. Miraculi iidem testes, qui Raphaëli comites, Anno 1614. Adjuva suffragio clamorem nostrum, ac gemitum, qui in lapsu profundo peccatorū torpemus, fateri cogimur cum Guilielmo Parisiensi in Rhetorica divina cap: 18. *Frustra nāmque clamabimus ad ipsum te tacente, quoniam voces nostra nulla erunt coram eo, vel apud ipsum, si tua nobis defuerint, imò si tuis adjuta non fuerint, Ô MARIA,*

Guilielmus
Parisiensis,

53. **S**tanislaus Gwãzdaneſ Civis Przeworscensis Anno medio, alieno obsequio ferri, levare, cibari, potariq; debuit, adempta pedibus motus facilitate & facultate. Dolor contumax in animam pugnavit, & funestam ejusdem dilacerationem induxit. Felix momentum aderat, quo licuit vota ad Mariam ferre cum decreto peregrinationis Claromontanæ. Et tulit feliciter, pristinumq; in utriusque facultatis reparatione retulit solatium. In tabulas relatum, ritè probatum Anno 1623. 3. Maij.

54. **D**olorum vis implacabilis humano remedio, pedes affixit lecto Civis honesti Kroſnensis: Bartholomæu Lesczynski anno medio passus eculeum ab Chirurgis, qui solatium negabant, ad Aram Claromontanæ Virginis vota festinavit: & quia cōfidenter petijt, gratiam curationis in revelatione meruit, quam sufficienti testimonio probatam fecit in Claro monte, Anno 1639. 18. Maij. Ambulant claudi. Causam habes ex Thoma Kempensi. *Benè & secure ambulat, qui IESVM & MARIAM in corde portat, saepe nominat.*

Thomas A.
Kempis,

55. **E**x offitragio liberum dimittit ad suam Aram Sospitatrix MARIA Matthiam Swincik de Kaliny, bonis G. D. Adami Oraczowski, Lignatum præcipiti cursu equorum in sylvam ferebatur. Imperum cohibere conatus, pedem in rotarum lapsu fregit. Doloris acerbitas, & ipsa desperata pedis plaga Chirurgi manum non pariebatur. Claudio quoque pede ire peregrinationem Claromontanam placuit, prodromos præmisit vota, jubente Diva coaluit planta pedis, quæ in sola cute hærebat, auctoritatem fidei tribuenti-

D. Bernardus.

Hæc literis G. D. Adami Oraczowski, quæ in Archivo leguntur, Recognitum ab ipso Oliente supplice Anno 1674. Imploratū Nomen Mariæ, medicinam tribuit. Asserit D. Bernardus apud Bernardinum de Bussi, parte 3. Serm. 2. Marialis: *O Nomen gloriosa Virginis suavissimum! Nomen iucundissimum! certe non sum dignus Te nominare, sed si non sum dignus propter me, sum dignus propter Te, quia Tu es digna nominari; & ab omnibus amari & revereri, quia per Te gratiam acquirimus, gloriam impetramus, per Te MARIA franguntur vincula, solvantur debita, vincuntur vitia, solidantur confracta, recuperantur perditæ, renovantur veteres, roborantur infirma. O MARIA!*

36. *S*uperest ultimo ut (omissis nonnullis alijs) aliunde allata, ambulandi beneficia recensendo, dominata videam. Domum Marianam ingressa Civis Mstoviensis Catharina Klešowná, lignorum subalarium adminiculo, (diuturno enim tempore pedum usu destituta, non nisi baculorum usu librare solebat corpus, (si quo moveri necessum erat) ante sacram imaginem prostrata in oratione perseveravit: supplicis calamitosam sortem miserata Maria, ardore quodam interno artus omnes convelli fecit, quo vigor integro corpori restituebatur; gravius aliquod symptoma existimavit mulier, sed longè aliud experta est, dum remissis ardoribus vegetior, quàm adoratura procubuit; surrexit, relictisq; subalaribus lignis, gratias egit, integram, constantemq; valetudinem consecuta. Actū in Sacello Virginis Anno 1670. Dum in tantis prodigijs falget MARIE claritas, monet D. Amedeus Homil. 2. de Laudibus B. V. MARIE. Intendamus gloria ejus, & ingressi abissum tanti luminis, splendorem rutilum, semitarum illius dilatato corde & inenarrabili percurramus laticia, dicentes cum Salomone: *Via ejus pulchra, & omnes semite ejus pacificæ, quod si dicente eodem Propheta: Iustorum semita quasi lux splens procedit & crescit usque ad perfectum diem, quis lucem & splendorem semitarum ejus eloqui sufficeret?*

CAPUT VIII.

Pluribus simul morbis, ac defectibus laborantes, à MARIA relevantur.

37. *P*romptuarium gratiarum hic supplicibus apertum, ille solus audebit negare, quem aut impietas contemptorem, aut invi-

aut invidia impugnatorum, aut sensus reprobus cavillatorem fecit. Curationum itaq; officinam, prout huic parti præfixi, hîc explicat salus nostra MARIA. Loquuntur, qui ad mensuram necessitatum hinc gratias recipiunt. Gen: D. *Andreas Przeminski* terræ *Nursiensis* letali in caput vulnere percussus, ægritudine desperata laboravit. Chirurghi & Medici læsum cerebrum dixerunt, cujus plaga nullius esset capax remedijs. Derelictum à Medicis invasit, & exagitavit furor *Herculeus*, ternis plerumque per horam vicibus miserum collidendo cumulavit ærumnam funesta impacatæ mentis dilaceratio. Tribus hebdomadis tam atroci tormento exercebatur, ut id ipsum datum fuerit prodigio, in tot malis non interire. Vbi vitam longè viliorum calamitas fecit, à morte beneficium expectabatur. Sed itum est ad Mortis Dominam, appellatur votis familiarium. Diva *Claromontana*, huc & æger suspirat, cujus fiduciam fallere MARIA noluit; obducta enim letali plagâ, veluti cœlesti manu, vigor corpori inditus, inductâ menti malacia, dormitus à bona Domina furor *Epylepticus* integrè sanum stitit ad Aras votorũreum. Anno 1614. 16. Iulij. Divum *Augustinum* secutus (apud *Bernardum de Busli* parte 3. serm: 1. Marial:). *Loquar ad Te ô Maria! Multum gaudeo multum audeo, multumq; mihi gaudium, multaq; mihi audacia est; Mira loquar, sed sic verè est: Nos enim Tibi Tequè nobis mira vicissitudo consederat, ut scilicet pro nobis habeas id esse, quod es; nos verò pro Te id esse quod sumus* ô MARIA.

58. D. I. V. N. Nostra hîc ad Aram supplicem habuit Illustrissimũ D. *Andream* de *Potok Potocki*, Palatinum Generalem Terrarum *Kijovientium*, *Halicensem*, *Koſomieyscensem*, & *Lefayscensem* Gubernatorem, cum Illustrissima Consorte N. N. quorum uterque in gravibus morbis Clementissimũ Numen MARIA hinc votis imploratum cum habuissent, aurò pretiosioris affectus gratitudinem, aureis muneribus testati sunt Anno 1676. 19. Martij.

58. P. Ar est, quemadmodum vitæ periculum in morbis exilibus, ita & beneficium, quod Illustrissimus D. *Venceslaus* à *Lefzno Lefczynski*, Palatinus *Podlachia* cum Illustrissima Consorte expertus est, illustrem memoriam, offerens duo Candelabra argentea, Fastis Domus *Marianæ* interuit Anno 1676. 6. Iulij.

59. E. T. inclytum Litharum Decus, Illustrissim. D. *Christophorus* Pac, Magi Ducatus *Lithvania* Cancellarius, Medicinilibus

D. Augustus
aug.

nalibus hujus Mensæ delicijs suam se debere vitam professus est. Dum enim letalibus absumeretur langvioribus, ex hoc loco MARIA Medicam imploravit opem, & habuit. Perpetuæ gratitudinis monumentum, statuam argenteam valoris trium Marcarum obtulit, Anno 1677. 14. Januarij.

60. **A**Gminatim irruentes morbi funestare parabant familiariū cladibus domum Gen: D. Alexandri Moszalski Lithvani, in Palatinatūs Trocensis Districtu Kownensi. Incognitis ipse primum morbis facultatem medicam excedentibus fatigatus, desperatūque, sat miseram vitam trahebat, Divam Claromontanam appellavit precibus cum visitandi ejus limina proposito, faventissimā expertus est in vitæ jam labentis, restauratione. Atrocior longè conjugem invasit calamitas, phthisis immedicabilis conficiebat, & quod exusto corpore non absumpsit edax malum, æstūs febrilis æthna, quam nulla ars sopire potuit, depascebat. Veluti consequendæ toties, quoties, gratiæ diploma accepisset Maritus, cum Coniuge ferè supremo lāgvore fatiscente ad Montem Clarum vota peregrinationis renovans, salutare imperrat refrigerium à MARIA.

61. **O**Rdo tangit Filiam, Febrile incendium ex morbo natum, & suā contagione pestilens modicum corpus exurebat. Iterum cursus ad sacram Imaginem, cum religiosa peregrinationis decreto; non morata diu solatia MARIA, Filiam pristino vigore donavit.

62. **I**N Familiam casus pugnavit, Famulus imperatum Domini festinans negotium concitato cursu ferebatur, in quo excussus à sonipede & in arctum stapedem inserto pede hærens, per avia raptabatur, concussus, collisusq; inventus, & spei & medelæ incapax, per Dominum ad Czeszochoviensem Basilicam oblatus, ab interitu Divæ patrociniō salvatur.

63. **G**Enerosus D. Nicolaus Trzylatkowski ē territorio Czerscēsi in ægritudinem prolapsus satis concedebat. Languorem qui ad sepulchrū inclinabat, morbi majoris (comitialem dicimus) implacabilis exagitatio subsecuta, sat brevem vitæ cursum præcipitabat. Fidem excedit febrile per dies viginti quatuor incendium, quod correbat corpus exhaustum, ut ex medicorum sententia vivere, patique

patiſque miraculoſe ceneretur. Inter illas ſuccedentium ſibi do-
lorum viciffitudines, larga per dies undecim paſſus ſanguinis pro-
fluvia diuturna, lentaque morte conficiebatur. Amicis ſerum oſten-
dit conſilium neceſſitas, ad Clarum Montem vota properare, ante-
quam vita excederet. Parent pijs inſpirationibus, vota votis cumu-
lant, ad Aramque ſiſtere deſpondent. Vt ſolatia, quò magis inſpe-
rata ac inexpectata, eò gratiora acciderent, Diva fecit, cum deſpe-
ratam alijs valetudinem, integritatemq; virium redonavit. Vir Reli-
gioſus gratitudinis perpetuè anathemate Divam honorans, tot be-
neficiorum authenticam recognitione præſens ad Aram, fecit Anno
1647. Expertus eſt Cliens MARIA, quod verè ſecundùm Dama-
ſcenum de Dormit: B. V. MARIA Officina Medicina egrotantibus.

D. Damasc.
de Dormit;
B. V. M.

64. AD tributa viuenti (Ægritudines, & quaſcunque ærumnas,
ſic appellat Romanus Sapiens de Remed: Fortuit:) mor-
talitatis conditio, damnavit *Sophiam Zamoyska* ex Illuſtriſſima Zamo-
ſciorum familia; Totam inundarunt morbi, doloresq; per nova
& nova ſymptomata crescentes adeò, ut in corpore nullum medi-
cinæ locum reliquerint. Paralyſis ſubſecuta loquendi facultatem
ademit, & linguam in ſilentio tres hebdomadaſ tenuit. *Sophia* ipſa,
quæ nihil præter gemitum doloremq; novit, ſuæ ſalutis pulchrum
è coſto inſuſum invenit conſilium; Ex adverſo pendulum colebat
Odigitriæ imaginis Imaginem. Illam ut poterat fatigatis nutibus
mandari porrigi, afflato paralyſis peſtilentia lateri admovent, pectori
apprimis, diſſaviat, quæ voce proſequi non poteſt, mente vota pro-
mit, multumq; tacitis affectibus cum Imagine locuta, peregrinatio-
nem ad Templum Claromontana decernit in animo. Adhuc oble-
ſtabat mentem, & oculos, Divæ prototypo, verſat in manu, cum
experitur, quod nesciebat valetudinis, & linguæ beneficium, ſurgit,
& paulò poſt iter proſequuta, gratiæ memoriam, præſens in Actu
dedit, Anno 1634. Menſe Octobri. Quæ alios ſupplices ſalvas à
morte, & nobis vitam repara, quia ſola, ut loquitur *Hondemius*
Chriſtiados, libro 6

Seneca.

Hondemius
lib: 6 Chri-
ſtiados.

*Vt ſis verè ſolamen miſeris,
A ſalvante nos prælegeris
Virgo volens, quod velle crederis,
Defende nos à fauce ſuneris,
ô MARIA.*

65. Ex

65. **E**X Pomerania meruit videre Divæ nostræ patratum prodigium. *Alexander Medy* Civis Gedanensis, famâ magnalium Mariæ crebrescentium evocatus, vilitavit sacram in hoc Monte imaginem. Hic fuisse, vultum Virginis vidisse, prodigialium operum monumenta aurô, argentoq; cæлата è muris parietibus veluti è rostris, pro Mariæ clementia perorantia vidisse, tantum profuit, quantum valetudo potuit æstimari. Ad premendam universæ carnis viam, expugnatus morborû exercitu urgebatur. Febrium æstus, pareses, cædia, pleuthres, spasmi, aliaque solâ crudelitate, quam suis nominibus notiora portenta nobilissimorum Urbis Gedanensis Medicorum fatigabant, & confundebant industriam, quæ profusis liberalibus impendijs emebatur. Divæ Claromontanæ memoria occupavit cogitationem Alexandri, necessitas ad vota peregrinationis compulit, quæ ut nuncupavit, surrexit ad sui Nominis mensurâ sanitatis robur ac fortitudinem consecutus. Præsens beneficium, subscripsit.

*Alexander Medy, Sereniss. Regis Vladislai IV.,
Aurifaber Gedanensis, Anno 1638. 15 Julij.*

66. **I**N Pannonia quoque suarum gratiarum explicat trophæa Diva Claromontana. Novit, & recognovit vota solvens Nobilis *Demetrius Sokolowich*, ad Aram Sospitæ Mariæ hic supplex Anno 1679 10. Februarij. Anno præcedenti 1678. cum Magnif. D. *Zrenio* inter Cæsarianos milites existens in conflictu cum Vngaris rebellibus, globo per sinistri lateris transversum traiectus, fracta per globi violentiam costâ ex equo prolapsus letali deliquio languebat. Mentem eo tempore subiit recordatio Divæ Claromontanæ miraculorum, quæ à permultis & variis personis ad sacram eius effigiem, patrata referebantur, spondet ad eius Aram supplex Homagium si hinc hostium, inde vulnerum absolutus, periculis libertatē consequeretur. Vires deinde derivavit in corpus ab recollecto animo, dum adhuc acri conflictu dimicant alij, ad stagnum proximum reptavit cadentibus undique consodalibus ab hostili gladio, vivus ab rebellibus Vngaris in oppidum *Heimatz* deductus, per triduum in continuo sanguinis profluvio ex vulneribus absq; Chirurgus semivivus decumbens desperasset, salutem, vitam, & libertatem, invocatum ex hoc loco Numen Maria adfuisse, quæ vires ad fugam, salutem, vitam & libertatem, clienti supplici donavit. Huc relatum & in Fastos adnotatum Anno & die quo supra.

67 **A**dmiranda sunt omnia Opera Mariæ; Et qui (cum Basilio Seleuciæ Episc: Orat de Annuntiat. Deiparæ) magnam Dei Genitricis virtutem non veneretur, qui quanto eos omnes intervallo post se relinquat, quos Diworum loco habemus, non miretur? si enim Christus servus tantam gratiam contulit, ut solo contactu, imò verò solâ corporis umbra agri præsidium asferre possent, qualè vim adversus omne morborum genus Virgini Matri collatam fuisse putandum est? an non multò maiorem, quàm ceteri Christi imperio subiecti? Omnino res clara est.

Basilius Seleuciæ Episcopus

CAPUT IX.

Clientum recitat Authographa, in quibus superata complura vitæ discrimina referuntur.

68 **P**rimum legitur Authographum sub Anno 1626. G. D. Stephani Ossowski, cujus tenorem in suo cursu pono.

1. Ego Stephanus Ossowski de familia dicta Gryphorum ex Palatinatu Lublinensi, existens Constantinopoli cum M. D. Petro Ozgâ Capiteo Trebowlensi, qui tunc Legatione ad Imperatorem Turcarum fungebatur, quando recreationis causâ cum alijs nobilibus versus Asiam navigabam, tanta mare tempestas miscebat, ut in profundo ejus fuisset, ipsi nautæ re ex salute nostrâ desperatâ manus operi subtraxerunt. In tanto periculo constitutus, preces meas & vota ad Divam Claromontanam converti, ut sua deprecatione Deus Opt. nos à morte præsentè liberaret. Factum est, ut miseratione divinâ per merita Sanctissimæ Virginis affulgente, ad portum salvi appulsemus.

2. Ibidem lue pestifera multis è nostris nobilibus & familia absumente, ego licet illa contagio infectus essem, vitâ tamen superstite, ad propria remeavi.

3. Profectus deinde in Valachiam, ad bellum Cecorense, in periculis ijsque crebris, conflictibus, cum constanter egissem, tandem ab hostibus captus, & in vincula conjectus, duobus annis in carcere Krimensi detinebar, sed favore Divæ Virginis inde exemptus in Patriam redij.

4. In prælio Halicensi contra Kantimirum, item in triplici concertatione cum Kosacis rebellibus supra flumen Moznâ, demum

ANALECTORVM MENSÆ REGNALIS
*in loco dicto (Cubilia urforum) ubi densa grando telorum nimbi-
 que plumbi nostros impetebat, tutante Diva illa sus.*

5. Demum cum Dominus Tartarorum fines Polonia vastaturus advenisset, mansi sub Civitate Bar, cum alijs in proelio pugna insequendo quendam ex hostibus, incidi ex improviso in insidias scytharum, & ab his jam jam capiendus aut occidendus, per tutelam **MARIÆ** mirabiliter ereptus. Denique in alijs locis certaminum cum scythjs, Divino presidio à sorte infausta sum præservatus.

Hac recedens instigante conscientia ulteriores cum votis meis protrahere moras nolui, sed obtenta à meis subsignans dimissionem, à finibus terræ tam longum iter emensus, ex intimis præcordijs gratias ago in hoc loco Deo Opt: qui me per interpositas preces Sanctissima Virginis **MARIÆ** in prædictis alijsque periculis salvum & incolumem servare dignatus est. In cuius rei memoriam &c. &c. Dominica 4. post Pascha Anno 1626.

Stephanus Ossowski mpp:

Sapientie 7. Ad suum Erymon tot victoriarum laureis coronatus, quo loco posuerit, quibus affectibus coluerit exprimere potuit illud sap. 7. ulurpans: Super salutem & speciem dilexi illam; & proposui pro luce habere illam. quoniam inextingibile est lumen illius. Venerunt autem mihi omnia bona cum illa, & innumerabili honestas per manus illius, & latus sum in omnib; quoniam antecedeat me ista sapientia **MARIA**.

69 **E** Adem Sapientia Comes & Dux antecedeat Nob: Ioannem Stankiewicz cum morbis & hostibus luctatum, cujus legitur in hunc tenorem Syngrapha.

Ioannes Stankiewicz recognosco sub conscientia, me gravissimis morbis pressum, cum nullum efficax sanitatis remedium inveniri posset, votò Claromontana visitationis conceptò, pristina integr. toti restitutum, Anno 1622.

In Votchiniam postea castra contra Turcam secutus, gravioris tormenti globo tractum, cui insidebam, stratūque illius ipse equum desideravi, vota ad eandem Patronam tuli, & inter tot Turcici martis fulminantis victimas, cadentibus igne ferroq; ab utroque latere miserandis funeribus, illesus evasi.

Ea-

Eadem hebdomada septima die Mensis Septemb: acricō-
flictu cum Turcis pugnauimus, educta ex parte nostrū tres tur-
mae, in quibus vix quingenti bellatores censebantur, in Turcarum
sexaginta millia irruerunt, socius & ego comēsque periculi, ac-
cepto vulnere in manus barbarorum deveni, sed repetito ad Di-
vam Claromontanam MARIAM proposito, statui, si è medio di-
scriminum evaderem, ad maiorem ejus cultum & venerationem
gratias, quas percepi, me promulgaturum, & protectricem ejus
dexteram habui. Hec vota mea solvendo, patrocinia Dei Ma-
tris MARIÆ, meā manu conscripta, & subscripta, ad peren-
nem gratitudinis contestationem, in librum Miraculorum in-
scribere depono Anno 1628.

Joannes Stankiewicz mpp.

Merito profiteatur cum Doctore Seraphico in Psalte: B. V. M. Adjuto-
rio sancto Tuo evasi periculum mortis, & de manu crudeli subterfugi.

S. Bonav: in
Psalt: B. V.

70 Illud quoque mirificam MARIÆ Virtutem, ob benignita-
tem testatur, quod in actis Parthenijs scribit Vir Equestris Pau-
lus Czarkowski Lithvanus, cujus recognitionem subijcio.

Ego Paulus Czarkowski ex Lithvania, Districtus Nova-
grodensis, profiteor me sub annum 1634. in expeditione Moscho-
vitica cum Serenissimo Rege Vladislao IV. letalibus vulneri-
bus affectum ac desperatum fuisse, sed voti beneficio ad visitatio-
nem Divæ Czeslochowienſis perſanatum miraculoſè, ac subleva-
tum convalescere.

Alia occasione invaſus ab hoſtibus, cum reſiſtendo vires im-
pares viderem, prapiticoſilio & caſu, ignarus artis natatoria
in fluctus proſluentis me conjeci, & hinc extremè periclitatus, dum
vota renovo, ad littus incolumis præter aliorum ſpem & opinio-
nem enatavi.

Denique caſus, inſortunia varia, quotquot obijciebantur,
auſpicijs MARIÆ Claromontana feliciter illuſus ubique ſuperavi.
Pro quibus immenſis favoribus, quàmvis longè beneficijs impares,

B b 2

bas

hastamen exiles gratiarum actiones praesens persolvo, ac me in
perpetuum Regina Misericordia mancipium subscribo.

Idem qui supra Paulus Czarkowski Lithvanus
Districus Novogrodenfis mpp.

Et unde tam imperiosum jus datum Virgini ad propulsanda à
Clientibus discrimina, nisi à plenitudine gratiae? quia sicut testatur

D. Bernardus Senen: tomo 1. Serm: 6. art: 5. cap: 10. *Excepto Christi
non tanta gratia Virgini à Domino data est, quam uni pura creatura dari
possibile esset.*

71 **D**erivavit exuberantis gratiae rivos & in G.D. Samuellem We-
stanski S. R. M. Aulicum, cujus genuinum tenorem in re-
cognitione gratiarum propono.

Testor me concepto voto in Livonico bello Anno 1658. à pe-
ste inter tot vivas mortes servatum, quamvis illorum, in quorum
confortio vixi, plurimi obierint.

Necdum exolutò votò in Vercensi praelio à Moschis captus,
similiter concepto voto ad Czeslochowiensem Diva Virginis Ima-
ginem, illa sus Moschuam deductus vixi quadriennio captivus, e-
iusdemque Virginis beneficio liber evasi.

Iterum neglectò votò subij grande periculum à se ditiosis mi-
litibus post cadem Vincentij Corvini Gassenfki, volentibus me
quoque ejus innocua cadi superaddere.

Denique à S. R. M. ad Magnum Ducem Moschuam ter able-
gatus, ejusdemque Majestatis in Vkrainam internuntius, inter
bella & ignes, liber pericula evasi, ubique feliciter confectò nego-
tio, invocata ope Beatissima Virginis, cum tamen humanitus pra-
sentissima mors in hisce occasionibus impendebat.

In quorum fidem hoc in loco sacro testimonium

depono cum gratiarum actione humillima

13. Novemb: Anno 1669.

Samuel Westanski S. R. M. Aulicus mpp.

Materna tua fecit pietas, quod non oppressit Clientem multipli-
cata calamitas. Ad quem alium confugiemus filij miseriae, si nos re-
pellis Mater Misericordia? Ergo

Festina Miseri misereri Virgo Beata.

Nam Te si recolis miseri fecere beatam,

Ergo bea miseros, quorum Te causa beavit,

ô MARIA.

ANA-

ANALECTORUM MENSÆ REGINALIS
S E V

HISTORIÆ, DIVÆ VIRGINIS
CLAROMONTANÆ MARIÆ.

PARTITIO VIII.

*Paralytici, Podagrici, Hydropici, Leprosi, Ul-
cerosi, Caducò morbo, Plicà, Spasmo, Cal-
culò, Vexati, votis ad Sacram Imaginem
nuncupatis Vigori pristino, Vitæque
restituuntur.*

Hic revelatur.

Secundum Rychardum à S. Laurentio Lib: 4. de Laud: B. M. V.

SAMARITANA MARIA.

Samaritano Nummorum diviti, qui duos ad cura-
tionem seminecis, quem jumento proprio super-
jectum bajulavit, nummos erogavit, Samarita-
nam jungo, Christo, qui in sua carne infirmitates
nostras, quas curaret, portavit, & ad vulnera corporis &
animæ pretium redemptionis impendit, MARIAM, quæ
Richardo à S. Laurentio Lib: 4. de Laud: B. V. dicitur
*Samaritana vigil, & Misericors, quæ uberi latice lenæ mise-
rationum oleum, ac dulce solationum vinum, apertis,
occultisque naturæ læsæ vulneribus affundit.*

CAPUT I.

Paralyticos relevat MARIA.

II. **Q**uia ad omnes plerumque sanitatis, naturæque defectus in-
Bbb. daga-

Hypocrates dagandos est *Vita brevū, ars longa, experimentum fallax, iudicium difficile* (ut inquit Hypocrates in princ: Aphorism:) jure ad Divam Clientes recurrunt Samaritanam **MARIAM**, quæ ex gratiæ, gloriæque dotali proventu sumptus ad medendum ægris impertitur. Hos obtinuit **A. R. D. Iacobus Neopolitanus**, Parochus Zbuciniensis. Anno 1620. Mense Majo paralyti prostratus obrigit. Omnes cura frustratæ, & iudicia peritorum immedicabilem dixerunt. Sublato corporis vigore, singulari dono mentem integram occupavit Divæ Claremontanæ cogitatio, ad eam suspiravit, & subitaneo prodigio membrorum, sensuumque deperditas facultates resumpsit. Aureo Anathemate gratitudinem testatus vota depotuit. Anno quo supra, lætusque cum **Andrea Cretensi** prædicavit, Mariam esse, *Latitiæ organum & immensa gaudij Genitricem.*

Andreas Cretensis Oratio: de Assumpti:

2. **P**astoralis muneris curas, laboresque rependerunt abundè subditi **A. R. D. Petro May** Commendatorio Lassoviensi Diocesis Chelmensis, qui violentiâ pestilentis apoplexiæ dejectus, novè hebdomadis fatiscēbat. Affecit immitè malum subditos, vicinosque boni Pastoris, collatis ad invicem consilijs Divæ Czesstochoviensi supplicant, vitam ac sanitatem morienti deprecantes. Sinceritas pij affectus non meruit repulsam pati. Surgit vigorem novum indutus, vitamque debere Divæ nostræ præsens fatetur, Anno 1632. 24. Iulij. Dives in omnes Maria, dona gratiarum partitur: & quid non dives! quandoquidem ut ait **D. Epiphanius** Orat: de Laud: M. *Virgo MARIA invenitur esse celestis sponsa & Mater, quæ donorum antenupcialium nomine Spiritum Sanctum accepit, dotū verò gratiæ cælum unā cum paradiso.*

D. Epiphanius,

3. **N**on invidendi & exteris **MARIÆ** favores. **A. R. D. Georgius Skopek**, Ecclesiæ Collegiatæ Oppolienensis Canonicus & Custos, dimanante in corpus totum affectione malignâ capitis, apoplexiâ correptus, desperatus decubuit. Spebus apud mortales quas alebant curæ, deperditis, & sumptibus, ad Divam Czesstochoviensem vota festinavit. Successit in ægro corpore etiam sensibus rigefactis, animi sensus melior, ad cujus desideria Diva Mater inclinavit misericordiam. Miserum in optata valetudine constitutum, ad suam Aram sistens. Anno 1654. 20. Augusti. In Hypomnema gratiarum relatum. Si suis coronat miserationibus Sacerdotes Maria, verè in **Menologo Græco** dicitur. *Corona Sacerdotum.*

Menologo Græco,

4. **A** Confinibus Moscuæ illud est quod sequitur G. D. *Marcianus Gorski* districtus Orlyznenfis, Dux cohortum exercitus Regij, Anno 1624. Smolensci ex insidijs ferro cinctus, bina letalia, quæ cerebrum læserant, accepit vulnera; ad desperationem accessit paralytis affectio, quæ totum corpus in stupore sensibus privatum, tenuit quinque hebdomadas. Præfiniverant diem decretorium, chirurgi & Medici, sed fataleni terminum anticipavit moribundi Germanus frater, D. *Stanislaus Gorski* fratrem Claromontanæ peregrinationi despondet, & stupente naturâ ipsâ ad prodigium, pristinæ sanitati, vigori quæ restitutum huc stirit ad Aram 25. Martij, argumentum periculi, & miraculum in cicatricibus nōdum benè coalitis præsentatum, cui fidem fecerat A. R. D. *Præpositus de Starosielko*; & R. P. *Guardianus* Conventus Smolenscensis Ordinis S. FRANCISCI Strictioris Observantiz, uterque testis oculatus miraculi. Nutrit ac solatur pia Mater ægros, quia illa est secundum D. Bonav: in Litanij B. V. M. *Mamilla Orphanorum, & consolatio afflictorum MARIA*.

D. Bonav:
in Litanij

5. **E** Adem natura Matris & Filij, eadem quoque clementissima potestas. Imperat Filius tibi dico surge & surgit, imperat & Maria, surgunt, quos maligna paralytis affectio prosternit. *Anna Zabinska* Civis de Zabno, tacta paralyti lectum 6. annis premebat, iudustriam medicantium, spæque omnes lussit pertinax rigor. Votorum scopus Maria. Ad ejus Aram in Claro Monte peregrinatio in animo statuta, rigefactum corpus imbuir. Sublevata prodigiō, quò collimabat animus, sequitur, est ad Aram grata cliens, cospitam suam Divam nostram adorans. Protocollis *MARIÆ* Magnalium inserta gratiæ memoriâ. Qui amatis in cliente Mariæ Clementiam propitiâ habituri, implorate cum Houdemio.

*Summi Regis Mater & Filia,
Cui nullus par est in gloria,
Tua Mater dulcis Clementia,
Sit nunc & tunc nobis propitia.*

Houdemius
Lib: 6 Chri
Aidos.

CAPUT II.

Podagricos, & Hydropicos, sanat MARIA.

6. **A** Dm. & D. *Paulus Kurdwanowski* malignis febribus correptus, sensuumque facultatibus læsis, voti beneficio, quod amicum ad Divam Claromontanam nuncuparant integrè convaluit. Neglectam

Etiam, an dilatam voti solutionem dum moratur, podagrâ affectus, eadēque uno & altero mense nonnunquam diutius laborans torquebatur. Suscepit libenti animo, cœlo monente consilium, ut vota solveret, iter aggreditur, imbecillam valetudinem incommoditatibus, cū autumnalibus imbribus aura frigeret. committit præsensque vota deponit, expertus acerrimorum dolorum vehementiam evanuisse. Authographum gratiæ dedit Anno 1604. 25. Octob: Porrigite manum qui exaltari cupitis, eriget Maria, sublimabitque, quos humiliavit. antiqua Parens Eva, & in virtute potestatis, bonitatem ejus pietatis laudando, notam ei cum Anonymo vestram devotionem facite. Nam.

Anonymus.

*Hac est digna laudibus,
Quæ nostris criminibus
Contulit remedia.
Collaudemus igitur
Dum nobis conceditur
Illam cum letitia.*

7. **G**D. Alberto Wazyk, vice ludici terræ Siradiensis, in acutissimis & incurabilibus podagræ doloribus, salus voto ad Divam Claremontanam quæsitæ est, cū enim sefellisset conatus & sumptus contumax acerbitas, nec tractari nec leniri manu medica tolerans, votis appellavit Mariam cum peregrinationis proposito, & sentit beneficam. In Hypomœna magnalium relatum dum vota præsens solveret Anno 162, 8. Aprilis. Non mirum quod salutem tribuat, Irenæus Lib: quæ (ut ait Irenæus Lib: 1. Cap: 33.) *Et sibi & universo generi humani* 3. Cap: 33. *nos facta est causa salutis MARIA.*

8. **P**ari affectus pedū cruciatus: G.D. Martinus Mierzencki vice-Capitaneus Rosanensis nullum ab arte medica levamen capiebat. Stipulatæ ergo ad Divam nostram devotione, illo pertinaci absolutus tormento, ad Aram Sospitæ Mariæ gratias egit, & se in tabulis Mariæ Magnalium Clientem scripsit Anno 1644. 16. Julij. tam benignæ Patronæ misericordias enarrando; Et justè quidem *Voluntas enim Filij est* (inquit Ry hardus a S. Laurentio de Laud: B. V.M. Lib: 2.) *ut Matrem ejus & Dominam nostram benedicamus in omni tempore, scilicet die & nocte, in prospero & adversis, & ut laus ejus semper resonet in corde, & ore nostro, de ipsa meditando, ipsam laudando, orando, benedicendo,*

Rychaidus
à Laurenti
lib: 2. de
Laud: B. V. M.

do, illi gratias agendo, ejus magalia predicando, & ut lam ejus sit quasi frenum in maxilla nostrâ, nos refrenans à vitij lingua, unde & ipsa promittit cum Filio laudatori suo, Isaia 48. Laude mea infrenabo te, ne intereas.

9. **N**Ec populare est Divæ nostræ beneficium in Cive Leopoleo Stanislao Grabowski; In ætatis provectæ cursu motricem pedum facultatem stitit intractabilis, & immedicabilis podagræ affectio. A desperatione, ad quam præcipitabant frustrata sine suo remedia, spem suam orditus venerabilis Senecio, æger ut erat in curru componitur contra Medicorum, amicorumque disvacentiû consilia. iter decretum voto profecutus, ut sacri Montis attingit clivum, tota atrocis podagræ malignitas evanuit. Testatum beneficium fecit præsens. Quàm meritò, ut inquit Ekbertus Abbas: Magnificat te omni anima. Mater Dulcedinis, & beatitudinem cordis Tui; unde salus nostra profluxit; collaudat omnis lingua piorum in secula seculorum, **MARIA!**

Ekbertus
Abbas.

10. **A**Lia mala premunt alios. Tumor hydropicus in Martino Glowacki, ex morbis quibus affligebatur diutius, sensim accrescens animam præfocabat. Evocavit Leopolienses Medicos, qui opem ferrent, sed maius jam vitæ discrimen erat, quàm ut posset humano studio propulsari: Ex arbitrio infirmi pendere sanitatem ut credas, persuadet fiducia, quæ cum desperare prohiberet infirmum, miraculû voluit. Ad Divæ Claromontanæ Tēpla iter voveret, quò factò detumuit humor nocivus, ac evanuit. Recognitum Anno 1575 Clientis Syngraphâ. Libet cum Mellilacteo Bernardo fateri. Quàm bona Domina his, qui recto sunt corde, & rectè in omnibus consentiunt, qui recto sunt corde, his Advocata nostra, sola bonitate sua agente, presentia sua tantam plerumq; copiam exhibet, & quàm sit orabilis, exhibitione impertita gratia docet, ut innovati spiritu proclamant per consolationem experientia: Salve Regina Mater Misericordia.

D. Bernard.
super Salve
Reginâ.

11. **A**lbertum Ozuchowski, cum diutius exagitassent morbi, in tumorem hydropicum creverunt. Anni medij tolerantia servivit prodigio. A medicantium curis nihil capessens solatij, visitandæ Imaginis Claromontanæ propositum concepit, corpus animum sequi cupiens, absolvit letali tympanite **MARIA**. Testatum, & Dyptichis Parthenijs insertum, Anno 1634 4. Januarij. Plurima his similia consultò omittuntur, quia Magnalium **MARIÆ** tantummodò brevium scribitur. Suecurrit invocantibus **MARIA**,
C c quia

D: Amedeus
Homil: 7 de
Gaudi: B: V:

quia (ut testatur D. Amedeus Homil: 7 de Laud: B. V. M.) *Ades*
huc de celo gloriosissima. & prece potentissima, propellens omne quod nocivum;
& conferens omne quod bonum est, cunctis ex corde rogantibus se munimen
presens vite tribuit, & futura, memor quippe quo fructu effecta est Mater Re-
demptoris, libentissime suscipit cuiuslibet preces peccatoris, & pro universo re-
atu penitentium apud proprium Filium intercedit, sanè obtinebit quod volet Pa-
rens Charissima &c.

C A P V T III.

Leprosi, ac ulcerosis, medetur MARIA.

12. **M** Alunt hinc tractari calamo, quàm ferro tangi, ægrotorum
ulcera. Medicam illis applicat manum MARIA. Lepro-
sam dedi hinc Partit: 3. cap: 10. num: 57. nunc apostematū ulceramq;
peste deformatos, Diva q; gratia persinatos, accipe. In exemplum
venit Gen: D. Nicolaus Powierski, Districtus Lenczyensis, apo-
stematib; quæ scdâ pure manabant oppletus, nullum à medicina
remediū capiebat. Morborū, ulcerū, dolorūq; acerbitas crescens cum
tempore, ut inexplicabilis fieret, loquendi facilitatem, mox &
facultatem abstulit. Et quia illustrem sanguinem non inquinant ul-
cera sed scelera, Domus inclitæ decori labem, non adspersit scabies
putida; at vita flagitijs fœtida, inter illas corporis verminantis
sordes, placitum superis & candidum erga MARIAM fovit animū,
qui ad Divam vota dum properat (nec enim lingvæ aut vocis ob-
sequio licebat) cum peregrinationis ad Montem Clarum proposito,
siccata veluti ad ardentem cilibanum ulcera adinstar squammæ de-
terguntur, membrorum, sensuumq; facultas reddita, liberum peri-
culo mortis reliquit.

13. **N** Eglexit officium gratitudinis rei familiaris curis intentus,
ided ut scdis fragus punitur. Piri pulveris pondo ferme
flamman corripuit, quâ domus infessa, vicinos ad opem tumultua-
riam evocavit. Nicolaus Domesticæ supellectili Gazæque metuens,
iatulit se flammis medium, ubi dum nemine ferente subsidium pe-
richitatur, nuper expertam Divæ miserationem appellat, cum peregrina-
tionis decreto, quo facto emerit ex incendio duplicis voti reus,
quod solvit Anno 1576. Fidem datam Mariæ servare, quotquot aut
eritis, aut decore ambitu esse concupiscitis Mariophili & visitabit vos,
hoc mihi,

hoc mihi, hoc idem vobis cum Damasceno polliceor (Orat: 2. de Dormit:) Si vitia prompto atque alacri animo vitemus, virtutes autem omni studio, atque amore complectemur, easque socias adhibeamus, frequens illa ad famulos suos venit, ac secum bonorum omnium agmen trahet, Christum Filium suum, omnium Regem, ac Dominum in cordibus nostris habitantem assumet MARIA.

D. Damasceni
Orat: 2. de
Dormit

14. **N**obilis Anna Szyfzkowska, ejusdem Nominis Neptem Annam Octennem, domi suæ fovit. Matura ferendæ calamitati, papulis, ulceribus, scorbuto, infesta, & interaneis infusum virus patiebatur, quod æstu suo nullo remedio placabili, totam depascibat. Duabus hebdomadis cæcitatæ plagam toleravit, cum palpebras implessent pustulæ, magna ad prodigium patientia in parvo corpore. Tantæ miseræ remedium à Diva Czesłochovienſi votis implorabatur, quorum munere venit, ut Diva Mater, totam pestem, quæ intra & extra torquebat elideret, deterensâ turpitudine, quam mordacium ulcerum vis aspererat. Redditæ cum puella gratiæ ad Aram Virginis Anno 1610. 2. Iunii. A putredine & corruptione corpus innocens præservavit MARIA. Quasi virgula sumi ex aromatibus myrrha & thuris, & universi pulveris pigmentarij. Clariùs Petrus Damianus Serm: de Assumpt: B. V. M. *Universus pulvis pigmentarius in Virgine projectus est, quando in ea virtutum Conventus reverendum sibi thalamum consecravit, & si cæteris per partes Spiritus adsuis, MARIA tamē tota plenitudo gratiæ pervenit.*

Cantic: 34

Petrus Damianus Sermone de Assumptione

15. **I**Obzâ plagâ percussam Civem Varſaviensem Ioannem (agnomen non inveni) lego sub Anno 1598. Ulceribus toto corpore oppletus in syndone annis quatuor volvi, revolvique debuit, si quando loci, stratique mutationem requirebat, in maximo vitæ fastigio à morte beneficium, tantorumque malorum medela unica expectabatur. Mons Clarus tot ærumnis solatium fecit, ut primū enim ad ejus Aræ Marianæ limina peregrinationem decrevit æger, manus pedesque deformiter contracti, qui decubitu quadriēnali ambulare moverique dederant, ad Divam animum sequi cupientes, disfluentibus apostematibus in pristinā Symmetriæ naturalis legem coiverunt. Viribus integer & animo vota solvit Anno quo supra, 1. Maij. Miseræ vitæ amarorem temperat dulcedo gratiæ, dolorēque leniunt lactis Virginei delicias, ut merito cum Houdemio lib: 1. Christiados, uberrimum illarum laticem fatearis, quo Filium, lactat Nutrix Divinitatis MARIA.

Gea

Vha

*Uber uber in lactis pabulo,
Lac propinat lactenti flosculo,
Quem cum Mater honoras osculo,
Plus florescis, quam Sol diluculo.*

16. **E** Neapoli non minus illustre sequitur Divæ nostræ beneficium in Cive honesto *Andrea Panek*. Vlcus pestilens in genu crevit, quod neglectum hyeme dum se committit itineri, in tuber virulentum collectum, in pedem acre venenum diffudit, quod exedens carnem, plura in pede patefecit foramina. Consumptis domus modicæ sumptibus, collecta ostiatim stipe victitabat. Tempus aderat, quo ex Civitatibus & Oppidis multitudo agminatim ad Odigitriæ nostræ Imaginis visitationem properabat, cepit & Andreas ire velle, sed molem corporis ferre non poterat, labantium pedum infirmitas, subalaribus tamen lignis molem hominis librans, & non tam progrediendo, quam pondus prægravans trahendo sequi cepit. Placuerunt viriles imbecilli corporis conatus Divæ nostræ. Pergit comite prodigio, quo progreditur ulterius, liberalius accipit gratiam, decedunt tumentia ulcera, ossa nuda in partibus nova carne superinduit, obduci vulnera ceperunt, & quod longæ curæ, sumptusque dare non poterant, *MARIA* gratia contulit. Testatum à Contribulibus prodigium, cuius vestigia parebant in cicatricibus nondum benè coalitis. Anno 1623, 20. Maij, Medicinalis est virtutum & meritorum Tuorum fragrantia. *ô MARIA!* quia ut sentit Damascenus Orat. 1. de Nativitate: *Rosa quæ ex spinis, hoc est ludæis, orta est; ac Divinâ fragrantia cuncta persudisti.*

Damascen.
Orat. 1. de
Nativit. B.
V. M.

C A P V T IV.

Morbum Herculeum seu Caducum compescit MARIA.

17. **D**ominam à dominando dici placuit Divo Antonino. Rectè quidem Dominam *MARIAM* jure dicendam iudica, quæ indomitum Herculei morbi furorem edomat. Primum in Nobili *Alberto Strzatkowski*, qui, diuturno tormento morborum exagitatus, sat miseram vitam trahebat. Vnum malum ex alio dum nascitur, in Herculeum furorem actus, nonnunquam unius horæ spatio quindies spumans collidebatur, à Medicis, quos morbi natura fallebat, ad Di-

ad Divam Claromontanam vota festinat, & feliciter; sensit enim Numen Virginis morbus ferociens, ejusque vi infrenatus, liberum deinceps, pacatis sensibus, & animo uti, ad ordinatam clementioris naturæ legem permisit: Merito Tibi magna Dei Patens, parent omnia, quia ut ait Houdemius lib: 6 Christiados.

Houdemius
lib: 6 Christiados;

*Advocata potens eloquio,
Cum allegas fit tua justio,
Majestatis Rex micans folio,
Tuo Parens paret imperio.*

18. **I**N Alberto viget, in Floriano florer, beneficentiæ Mariæ memoria. Nobilis D. *Florianus Lucki* supra unum annum & medium, exercitu morborum dejectus languebat: ulteriorem calamitatem tranquilla mente & viribus ferre non potuit; nam illa malignitas morborum, adempta visus facultate, per tres hebdomadas, Herculei furoris vi jactabat convellebatque desperatum. Collapso nihilominus corpore, spem erexit fiducia, quam in sinu Divæ Claromontanæ collocavit. Ad ejus Aulam votum fecit peregrinandi, respexit, surrexit, iter solvere perrexit, præfensq; Sospitam suam Mariam adoravit, dignam utique, cui post Deum omne genu flectatur, humili totius Orbis ruinâ, quæ sola post Deum per Deum, mundi hominumq; ruinas instauravit. Relatum in tabulas gratiarum Anno 1611. 12. Aprilis. Veniat, cum vocat Diva: *Venite ad me &c.*

Rychardus
à S. Laurentij
num: 12, de
Laudi: B. V.

*Casus hominum spes proculcando:
Cæcus ad Coyllirum, ut illuminetur.
Ægrotus ad medicinam, ut sanitati reddatur:
Famelicus ad refectiorem, ut bene procuretur.
Miser ad misericordem; ut misericordiam consequatur.*

19. **G**eminatum producit miraculum in Filijs suis Martino & Petro: Geni D. Stanislaus Małowski, è Palatinatu Cracoviensi: magni morbi, in morbum majorem (epilepticum seu caducum sic appellamus) commutati, duos in simul filios, *Martinum & Petrum*, ante Parentum ora miserè admodum concutiebant: Nulla ars placare potuit illam sævitiem, quæ parentem domum impleret. Adfuit opportunè cum solatio Admod: R. D. *Martinus Cracoviensis*. Ordinis S. Benedicti in Conventu Montis Clari Prior, Parentibus insinuat, sva-derque propitium è Clari Montis Sacrario *MARIÆ* Numen implorandum,

randum, & implorat cum Parentibus, sistere ad Aram Filios appro-
mittendo, successerunt pij conatus, quos promovebat fiducia, nam
absoluti illo tormento pueri, cum Parentibus Tutelarem Heram in
Imagine homagio venerati sunt. Recognitum interposita consci-
entiae fide Parentum Anno D. 1623. 17. Iunij Fastos auxit: Interest
cum Doctore Seraphico: quod *Famosa est Maria propter virtutes, & e-
xempla sua tam laudabilia, famosior autem propter misericordias & beneficia
sua tam inenarrabilia: famosissima vero propter gratias & privilegia sua tam
mirabilia.*

20. **M**agnifici D. Iacobi Sczawinski, Palatini Brestensis, Capi-
tanei Lenczygensis, Nobilis Marita Sophia Sokołowska,
fecunda funerum Mater, succedentibus sibi annis, tres proles edide-
rat. *Franciscum, Barbaram & Vladislaum*, sed inauspicatum illis affuisse
heroscopum, quis negabit, dum vix natæ, cadeco morbo correptæ
perimebantur? Quartum enixa sætum insignivit *Casimiri* nomine,
quem vix natum idem furor, veluti jam patientiæ maturum labe-
factabat. Infelicem mortis horam, quæ imminabat indubiè, præ-
venerunt vota ad Divam Claromontanam, cum Visitationis ejusdè
proposito, quo factò, nò tantum placata, at sublata, penitus maligni-
tas, liberum mortis periculo reliquit. In Actorum tabulas rela-
tum à Parentibus, dum gratiæ redderentur, cum majori Anathe-
mate Anno 1626.

21. **P**ar beneficium à Diva nostra habet in trienni Ioanne G. D.
Ioannes Biernacki è Palatinatu Siradiensis. Parvus homo, her-
culei morbi tyrannidi ferendæ impar, inter Parentum manus violent-
ter exagitabatur, cum nihil profunt omnia, sola Maria medetur, ad
ejus Imaginem, ut Filium despondent, tormento illo absolutum læti
aspiciunt: Patronam votivis muneribus honorarunt, gratiæ sibi Fi-
lioq; præstitæ præcones, Anno 1627. 9. Iunij.

22. **S**imile seculum præcedens habet gratiæ Marianæ monumen-
tum. Nob: D. *Olsimonski* Filius, qui infans necdum se vi-
xisse noverat, vitæ calamitates graviores tulit, morbis confectus,
successit in parvum corpus morbus major, qui pusionem, seu in stra-
to, seu in Parentum gremio foveretur, correptum collidebat. Divæ
Claromontanam appellant votis, & Filium, qui quovis die octennis
vicibus corripiebatur sanum recipiunt. Relatum in Actis Anno D.
1698.

PARTITIO SEPTIMA.

207

1798. 5. Iunij. Inexsiccabilis est Pietas MARIA, à qua animæ & corporis medicina provenit. Audi D. Bernardinum Senensem. Tomi 3. cap. 5. Tota Trinitas hanc inestimabilem Virginem ostendis esse Electorum omnium Genitricem piam, inexsiccabili pietatis.

23. **A** Nna Kátbłówná de Wągrowiec, annis quindécim; Barbara de Myślenice, annis septem. Iacobus Gnatik, ex Oppido Krosniewice Hortulanus mensibus quatuor. Matthias Piezonka, nonnunquam per horam, senis vicibus, comitiali morbo, qui nullum capiebat ab artibus humanis remedium, prosternebantur. Desperatis, spes una fuit MARIA recuperandæ sanitatis, ad cuius Claromontanam Imaginem, dum vota maturans, tormentis absoluti letaiibus, integra sensuum viriumque facultate potiuntur, providet necessitatibus supplicum. MARIA, vigili oculis, quas prævidet; unde non immerito D. Amedeus Homil. 8. de laudib. B. V. M. fateretur. Sancta animalia de quibus in Ezechiele legitur, quod ante & retro, intus & foris, atque in circuitu plena sunt oculis, labores hominum & dolores, casus, defectus, cecitates, invaletudines, extrema pericula, incertos exitus vita, & mala quaque humani generis non aequè, ut Dei Genitrix, valent examinare, examinando celesti auxilio diluere & propulsare. Quod enim sublimius immensi Regis Cor aspicit, eò profundius Divina gratia pietatis afflictorum misereri, & miseris succurrere novit MARIA.

D. Amedeus
Homil. 8.
de Laudib.
B. V. M.

CAPUT V.

Calculi dolores lenit, curatque MARIA.

24. **Q**uemadmodum in amoribus MARIA, ita & hic locum principem meruit, Magnus barbaricæ feritaris Domitor, Summi Pontificis VRBANI VIII. oraculo laudatus, amoribus cultus Vladislaus IV. sub Anni Millesimi, Sexcentesimi, quadragesimi quarti decursum, immedicabilibus calculi doloribus labefactatus Varisaviæ decubuit; collapsis Medicorum spebus, ad Divam Claromontanam cum votis recurrit. Potius cupita valetudine, Sospita Mariæ gratitudinem testatus est, in aurea centum aureorū lamina, cuius inscriptionem ex consilio ad Partit. duodecimæ Caput secundum repono.

Quadriennio post, scilicet Anno 1648. redijt solito gravior infirmitas, iterum calculi doloribus, qui medicam facultatem excedebant, torquetur, medicis desperantibus, propius lectulo admoveři jubet.

iubet Odigitriæ Imaginis Imaginem, in qua Præsentem Divam hinc compellavit. Quandoquidem isti rudissimi homines non possunt mea consulere sanitati, Tibi Patrona mea singularis, cuius tot beneficia in diversis sum expertus casibus, humilissime supplico, Tu digneris pro Tua solita Clementia vitam meam languentem ac deficientem mihi restaurare. Non frustravit Spem Religiosissimi Principis MARIA, summa orbis nostri læticia, incolumem sedatâ contumacium dolorum acerbitate restituit. Testem gratiæ solito maiorem argenteam bracteâ fieri curavit, & per intimum è suis Cubicularijs Magnifici D. Stanislaum Skorzenki ad Aram Claromontanam festinato itinere, ne diu votorum reus teneretur præmisit: Credo quidem omine meliori Poloniæ Regina MARIA, quam olim Balthasaro Regi nostro vitam precata Daniel: 5. Cum enim Optimates ejus turbabantur, Regina autem pro re qua acciderat Regi & Optimatibus ejus domum ingressa est, & proloquens ait: Rex in æternum vive, non te conturbent cogitationes tuæ, nec facies tua immutetur.

Daniel: 5.

25. **E**T Illustrissimus ac Reverendissimus D. Casimirus Florianus Dux in Klevvan Czartoryski, Archiepiscopus Gnesnensis Legatus Natus &c: propitium in simili tormento Numen Divæ nostræ expertus est, quod ut palam faceret vota solvens in Claro monte, gratiæ testimonium R. P. Matthiæ Orzevski Societatis IESV Confessarij manu conscriptum reliquit, quod quia prolixius est, non nihil suis locis in leges brevitatæ contractum dabo.

Anno reparata salutis nostræ Septuagesimo 1. supra Millesimo Sexcentesimo, Illustrissimus Princeps ac Reverendissimus D. Casimirus Florianus Dux in Klevvan Czartoryski, Episcopus Vladislaviensis & Pomerania, Varsavia 3. Maij, periculossimo calculi dolore correptus toleravit septem diebus acutissimos cruciatibus. Dum pararetur è calida balneum, leniendi mali huius remedium, Divina Parentis opportunissimo, ita reor, instinctu, Gener: D. Stephanus Kozerski, tum ab obsequijs Illustrissimi Principis, habuit vnculam sui in Deiparam Virginem, juxta Claromontana prototypum effigiatam cultus tesseram, quam è collo pendulam gestabat, eam Illustrissimi Principis superingruens malum solliciti obtutibus proposuit. Fiduciæ plenissimum abolende huius infirmitatis concepit effectum, rogavitque eos, qui præsentés aderant, videlicet R. P. Orzevski Societatis IESV, Magnifici;

*Magnif. ac G. D. Gregorium Lesiewski Venatorem adhuc
Ravensem & Aula Praefectum, ac praedictum Stephanum Ko-
zerski (quia praë imminenti cruciatu, ipse Princeps vix ali-
quantulum adgeniculari valuit) ut è genibus recitarent Litanias
Lauretanæ, juxta, ac concipiunt Illustrissimi Principis Nu-
mine, votum visitandi, ubi convaluerit à morbo, innumeris Cla-
ram in Monte Claro miraculis, Divinae Parentis Imaginem, vix
orandi finis impositus & votendi, ecce somnum sese occupantem
prætendit Princeps, cui morem gerens quievit: Impleto saluta-
ri somno, expergesfactus, se omni penitus dolore levatum ostendit,
&c. &c.*

Nec amplius à quindecimo Mense ad præsentem malum hoc re-
crudit, quoties enim ex prævijs quibusdam dispositionibus, dolorem
redire suspicaretur, toties ad Divinum hoc Amuletum (Virginem Dei-
patam loquor) certus bonæ spei confugere solitus est, cujus benefi-
cij gratissimus Princeps memor, quotannis, solvendi voti gratiâ,
Beatissimam Virginem Claromontanam, quæ salus Infirmorum ab Ec-
clesia dicitur, quoad superstes futurus & incolumis, invisere consti-
tuit ex Anno 1673. die Mensis.

Quoties autem revisit Montem Clarum Illustrissimus Princeps
& longinquo pedester procedebat, propensissimæ erga Divā Nostram
Religionis imprimens vestigia. Laudavimus cum Divo Casimiro
Principe pro ArchiPræsule Casimiro Divam, accinentes,

*Benedicta, per quam victa
Mortis est versutia:
Destitutis spe salutis,
Datur indulgentia.*

*Rythmi D.
Casim: Prin-
ci: Polonj*

26 **N**Ob: Anna Grabowska Filius, doloribus acutissimis crucia-
tus, quid pateretur loqui non potuit. Vitam & medendi cu-
ram ancipitem fecit ignota immeriti in innocenti puello supplicij na-
tura. Exploravêre tandem medici calculum esse, cujus cruciatûs
nec tollere nec lenire potuerunt. Invisunt Patres Societatis Iesv
mærentem cum dolente Filio Matrem, svadent ut luctantem cum
doloribus & prope succumbentem parvulum, Atletam patientiæ, Di-
væ Claromontanæ despondeat, ad Aram ejus sistere supplicem pro-
mittendo. Ab humanis auxilijs transtulit animum ad salutare con-

Dd

filium

filium religioſa mulier, votis offert filium, & magno miraculo, placatis ſublatisq; doloribus abſolutum recipit. Legitimè cognitum notatumq; Anno 1612.

D. Anſelmus
Orat: ad
B. V. M.

Optima Matrum, Filiorumq; Mater MARIA, Reparatrix eſt omnium. Non ambigimus, nam ex Divo Anſelmo novimus. *Qui potuit omnia de nihilo facere, noluit ea violata ſine MARIA reſcueri, Deum igitur Pater eſt rerum creatarum, & MARIA Mater rerum recreatarum. DEVS eſt Pater conſtitutionis omnium, DEVS enim genuit illum, per quem omnia ſunt facta; & MARIA peperit illum, per quem cuncta ſunt ſalvata; DEVS genuit illum, ſine quo nihil penitus eſt: & MARIA peperit illum, ſine quo omnino nihil bene eſt. O verè Dominus tecum, cui dedit, ut omni natura tantum deberes ſecum.*

C A P V T VI.

Plicā, Gozdziec vulgò, ſpaſmo, ſeu membrorum contractione direxatos ſanat, reſtauratq; MARIA.

27 **A**D aliud morbi genus, in Septemtrionalibus oris, ut frequentiffimum, ita pernicioſiſſimum digredior. Alijs quidem gentibus nec ipſo norum nomine, Sarmaticis plagis inſenſiſſimum: cū genuinum nomen non habeat, ab effectu Plica dicitur, quod ita complicit pilos capitis, ut nulla arte ad priſtinam legem redigi valeant. Morbus eſt ex acerrimis & mordaciſſimis humoribus natus, nonnunquā per ſeminalem propagationem in Nepotes contagem trahit, nonnunquā incantationibus magicis inducitur, compertum eſt hac tempeſtate Leopoli, Cracoviæ, Poſnaniæ, eandem peſtem in varijs liquoribus, Chriſtianis apud Iudæos propinari. Diverſæ naturæ cognoscitur, potuum ciborumq; delectu gaudet, alio placatur, proritur alio; letalia ſecum trahit ſymptomata, maciem, deliquia, membrorum contractionem, naturali modo vix leniri, non tolli penitus poteſt; ſolus ludit facultatem medicam, mitius agit cū pilos complicare cœperit, quos ſi quando oneris impatienti præſcindere contigerit, nonnunquam vitæ ſpes amputatur. Et hæc per anticipationem, ut è natura morbi immedicabilis, Miraculi, gloriæq; MARIE claritas magis effulgeat: illuſtre hæc exemplum dedi Partit 3. cap: 2. Num: 7. Nunc ad alia.

28. G.D.

28 **G** D. Ioannes Chedziński Districus Ciechanovien: hac pernitiola peste affectus, maciè tabeq; conficiebatur. Exedit & corpus mordax malum, ut vulneribus scateret: unde, cum vita illa misera venisset in fastidium, à mortè remedium petebatur. Optimum fuit quarendæ sanitatis exordium, medicinarum contemptio, humanorum consiliorum neglectus. Labefactatis spebus, ad Montem Clarum, veluti *Bona Spei* Promontorium, vota tulit; adfuit implorata MARIA, quæ ab ultimo vitæ termino intereuntem reduxit, persanavit. pestilens virus extinxit, novis viribus imbuir. Gratus Cliens, anathemate argenteo beneficium testatus, in Analesta gratiarum memoriam miraculosæ sanitatis dedit, Anno 1647. 19. Octob: Cennendum est de MARIA cum Anonymo:

Hæc est Stella Maris, vitæ Via, Porta salutis

Regula iustitiæ, Limes, Pietatis Origo

Virtutis venia Mater, Thalamusq;

Hortus conclusus, Fons consignatus, Oliva

Fructificans, Cedrus redolens, Paradisus amænus.

R. Alamus

29 **V**irtutum & literarum Studiosus Albertus Zatorius de Zator in Sandomiriensi Collegio Soc: IESV humanioribus disciplinis navabat operam, imbecilla semper valetudine, quam hereditarius morbus Gozdziec attenuabat. A spe melioris vitæ deiecit, tenuitq; duas hebdomadas in lectulo implacabile malum, sæviit & in animû, quem confuso rationis usu, suum esse non permisit. Visitarunt memorati Collegij Patres ægrum, sed ubi desperatus nullum capit remedium. R. P. Gorski Societatis IESV, Majoris Studioforum Congregationis pro tunc Præses, ad Aram vitæ D. Claromontanæ vota pro ægro sodali nuncupat. Efficaciæ quantæ fuerint religiosa desideria, docuit felix eventus, moribundus enim veluti rore vivifico perfusus, vires exsuctûnq; corpus collegit, suiq; compos, quanta sibi fecisset MARIA, testimonio Collegij Sandomiriensis confirmat præsens. In Fastos adnotatum. Anno 1624.

30 **I**ncredibile est, quot vindicati ope Divæ Claromontanæ ab hoc tormento, suam in acceptis huic loco referunt sanitatem. Privata publica q; notitiâ constat propè innumeros esse. Huc Senatorum Procerumq; permulti (ut reliquos status inferiores præteream) votivam peregrinationem obeundo, graviolem contorti capillitij sarcinam deportant, & hoc loco abscissam (cum aliâ absq; proximo

vita periculo deponi nequeat) relinquentes, omne n. dolorem vitiūq;
adeo letiferum extinctum, amputatumq; experiuntur. Et hoc ma-
ximè probat effulas in nos miseraciones. MAR IÆ; quia ut ait Ber-
nardinus de Bult. Parte 4. Serm: 3. Marialis: Maximum effusum nobis
Ber: de Bult. Misericordia impendit, quia nobis miserū captivū, & mendicū dedit. Filium su-
um DEVM, captivū in pretium, famelicū in viaticum, laborantibus in præmium,
B. 4. Serm: 3. infirmū in medicamentum, & cum ipso dedit nobis Regnum Cælorum, & omne
bonum.

31 **P**eregrè veniunt ad Montem Clarum, veluti ad Natales Cunas
prodigia. M. D. Stephanus Prætor Vngariæ, incurabili spasmo
seu nervorum convulsione per dies triginta conficiebatur, nec nisi
modico potu per illud tempus vitam sustentabat. Desperantibus &
obsequium negantibus incurabili malo Medicis, spes amicorum ale-
bat D. Claromontana; ad eam vota peregrinationis feruntur & vitæ
melioris jam morienti gratia prodigiosè redonatur. Anno 1540. E-
gregiè omnino D. Bonaven: in stimulo amoris §. 3. Cap: 19. Regi-
na est Misericordia; quia non est in hac vita sic desperatus, sic miser, sic infirmus,
D. Bonav: in
stim: Amor.
§. 3. Cap: 19. cui non impetret misericordiam salutarem, si ad suum declinaverit regimen.

32 **A**nno Domini 1594. Species quædam concussionis latè graf-
fata per Poloniæ ditiones multos sternebat. Invalit
quoq; Domum G. D. Ioannū Kuczkowski, quem postquam deiecit ad
diutinum decubitus, in Conjugem, filios, & familiam deserviens,
æquali omnes domesticos supplicio conficiebat. Accessit ad calami-
tatis cumulum, in ea sorte, mutuatorum obsequiorum defectus. Mors
in propinquo dum vitam laceffit, votis & precibus ad D. Claro-
montanam recurrunt, & ab ea Cœleste reportant antidotum, quo per-
sanati vota supplices solvunt, Anno quo supra. Plurima consulto
prætereo tenax propositi, quod brevitatis commonefacit. Si præ-
cedenti sæculo & hac ætate nostra Clientes suos, novis suæ gratiæ
stigmatibus illustrat, persuadendum nobis est; imo (ut ait D. Amedeus
Homil: 8. de Laudibus B. V. M.) Sciendum certissimè quod creber-
rima miracula, innumera beneficia, spirituales visiones, Cœlestes revela-
tiones, sublimes consolationes Alma Parentū Domini Orbis terrarum
affluè coruscabunt, donec finem mundus iste senescens inve-
nias, inclarescente Regno, cuius non est finis.

D. Amed:
Homil: 8 de
Lau. B. V. M.

ANALECTORUM MENSÆ REGINALIS.

SEV

HISTORIÆ, DIVÆ VIRGINIS
CLAROMONTANÆ MARIÆ.

PARTITIO IX.


*Periculose parturientibus, infecundis, fontibus,
ac in fontibus ad supplicia damnatis, Hæreti-
cis, Schismaticis, Arrianis, Machome-
tanis hinc vocata, patrocinator*

M A R I A.

Hic Luceo.

Secundum D. Bernardum Sermone, Signum Magnum &c.

OMNIBVS EXORABILIS MARIA.

 Atis subiecta docebunt exempla MARIAM om-
nibus propitiam, omnibus exorabilem. Divinè
D. Bernardus Serm: signum magn: effusam
ejus in omnes liberalitatem, in dispensatione
gratiarum proponit sub Solis symbolo: Ea est,
quæ, velut alterum solem induit sibi, quemadmodum enim ille su-
per bonos & malos indifferenter oritur, sic ipsa quoq; præterita
non discutit merita, sed omnibus se exorabilem, omnibus clemen-
tissimam præbet, omnium deniq; necessitates amplissimo quodam
miseretur affectu. Quomodo & in illos qui Clientum no-
mine censentur, & in eos, qui non populus ejus, dispen-
set gratiam, vide.

Dd 3

CA-

CAPVT I.

In partu gravi periclitantes, saluat MARIA.

I. **C**ommentum est Pdëtarum, Hecaten parturientibus opem
ferre, si ter invocetur, unde Seneca lib. 3. Carm:

Montium Custos, nemorumq; Virgo

Quæ laborantes utero puellas

Ter vocata audis adimissq; letho,

Diua Triformis.

In hujus vicem subiit Lucina Cœlestis MARIA, parturientibus admo-
dum propitia; sensit Marianna G. D. *Gabrielu Tagoborski* Nobilis Marita,
naturalis tormento dilacerata, horis quinq; virium impos & sensuum,
remedij incapax & solatij, vitâ periclitabatur. Insinuavit dolenti
Conjugi R. P. *Laurentius Presbyter*, qui fortè moribundæ commenda-
turus animam adfuerat, ex Claro Monte opem implorandam MA-
RIÆ. Placuit consilium, uterq; enim, dum sit supplex Virgini Tu-
tanæ, vitam Matri & proli impetrat. In Album gratiarum ab utroq;
Conjugum cum gratiarum actione solenni illatum Anno 1627. 3. Ju-
nij. Non absq; causa scripsit olim D. Martyr Ignatius ad Ioannem
Apostolum: *MARIA miseru & afflictu condolet coassicta, & subvenire non
pigrescit & apud fideles omnium operum pietatu est ministra.*

D. Ignatius
Martyr.

2. **I**n hoc Matris antiquæ supplicio N. *Christina Ostińska* G. D. *Sa-
dowski* Conjux Anno 1623 octo diebus continuis dolendo
parturiebat, & parturiendo mortem inter Vitamq; media dolebat.
Item Nob. Matrona *Catharina de Bieniewice Zaborowska* diebus quatu-
or cum doloribus in periculossimo partu luctata Anno 1646. In eo-
dem termino posita *Elizabeth Tartovia* Castellani *Præmyslensis* Con-
jux piensissima Anno 1660. antequam filium (cui postea *Nicolaus* no-
men) eniteretur, fracta viribus, deliquio prolixiori prostrata, stagnā-
te in vultu fronteq; mortuali sudore, laborabat. Vna omnibus Lu-
cina MARIA Conjugum cognatorumq; votis, cum peregrinationis
proposito ad ejus Czeschoviensem Basilicam, appellata, sese pro-
pitiam exhibuit, Matribus & prolibus vitam summo discrimine pe-
riclitatam reparavit, solatijs subsequētib; angores compensando.
Dedit itaq; supremum Numen *MARIAM* Matrem suam, ut primæ Pa-
rentis in Matres miseras maledictionem, in benedictionem commu-
taret *Evæ* filia, quæ *Evæ* ærumnas non sensit, à vâ liberata. Atten-
de

de causam apud Sedulium Lib: 2. Paschat: de Miraculis Christi initio,
quod ideo omnibus data.

--- Ut unde

*Culpa dedit mortem, pietas daret inde salutem,
Et velut è spinis mollis Rosa surgit acutis
Nil quod ladat habens, Matremq; obscurat honores
Sic Eva de stirpe sacrâ veniente MARIA
Virginis antiqua facinus, nova Virgo piaret.*

3. **Q**uam fertile sit beneficiorum **MARIE**, & Miraculorum hoc
seculum, probat inelyta *Ligeziorum* Domus in *Theophila Zawidz-*
ka partus inauspicati laboribus. Novemdiale tormentum virium, &
sensuum usum ademit. Ad miraculum tolerantia, cætera ad despera-
tionem. Et jam frequens aderat Nobilitas, ut ingredientem, uti vi-
debatur, communem mortalibus æternitatis viam, ultimis compre-
cationibus prosequeretur, & ejus medio Matrona quædam propius
ad feralem spondam accedens, surdis auribus inclamat, Divam Cla-
romontanam, illi se devoveat, persuadet, vel saltem suspirio opem
ejus imploret. Vices *Theophila* circumstantes vicini gesserunt, à so-
spita **MARIA** vitam moribundæ precati, ad cujus Claromontanam
Basilicam sistere ægram despondent. Rem audi memorabilem, con-
curritur vehementius, quæ viribus destituta decubuit; portentum pa-
rit, & miraculum: parit an eiicit? utcunq; est, parit tamen vivens
mortem, embrionem jam fœtidum & verminantem. Exonerata hac
peste melius habere capit, erudita de miraculi dono, rata habet, quæ
ore aliorum promebantur proposita, impensius deinceps Divam
Claromontanam colendo.

4. **A**nno eodem vitium quoddâ latus ejus occupavit, affixamq;
lectulo Viginti hebdomadas tenuit. Cùm solidiorem ci-
bum respueret, agrè modica sorbitione decem hebdomadis vitam
fovebat. Frustrata spebus, quæ per subsidia facultatis medicæ quære-
bantur, ne desperaret, pristini beneficij à Diva Nostra reportati, fe-
cit recordatio. Ad Montem Clarum cum supplicibus votis pro-
perat, unde novo derivato vigore, sensit placari dolorem, quo absolu-
ta surrexit incolumis.

5. **A**nno sequenti iterum replicatur in partu periculum. *Æqua &*
ini-

iniqua parientis & pereuntis conditio fuit, ita in cruciatu immenso cognata sibi erant & consinia, perire & parturire. Ad solita cum **MARIA** pacta recurrit, spondet **Lucinæ** suæ **MARIÆ** in Imagine Odigittia admirabili homagium. Placet Virgini quamvis argentibus periculis ab extremis recursus. Parit filiam, mortis Imaginem, talem fuisse oculis subiecta res ostendit. Sumitur tamen experimentum, & vel mortificatam vel penitus mortuam comperiunt. Pigebat Matrem, dici, prole mortua. Ad Divam Claromontanam, vitæ mortisq; Dominam fit recursus cum lacrymis, miraculum nascitur ex miraculo, animatur filia vivitq;. Recognitum & in Miraculorum Libro notatum Anno 1668. 28. Octobr: Quam benignum experta Cœlum *Theophila*, quam gratitudo fecit *Mariophila*, quam clementem horoscopum, sideris nostri filia. Cœlum est **MARIA**, ex quo hæc proveniunt. Audi Cyprianum in quodam sermone qui sic ait: *Lego & intelligo quod MARIA Virgo est quidam Mundus intelligibilis, & admirabilis, ejus Terra, est soliditas humilitatis; ejus Mare, latitudo charitatis; ejus Cœli, altitudo conversationis & contemplationis; ejus Sol, splendor intelligentiæ; ejus Luna, decor munditiæ; ejus Lucifer, fulgor sanctitatis; ejus Arcturus, gratia sepiformis; ejus Sidera alia, virtutum ornamenta pulcherrima,*

D. Cyprianus:

6. **A**d fastidium legentium esset similium gratiarum pluralitas, si omnia hic scriberentur. Pauca hæc è plurimis satis esse legentium desiderio arbitratus, adhuc urbanas refero Matres, quibus se se urbanissimam exhibuit **MARIA**. *Dorothea Kędzierzyna* Pharmacopolæ Lovicensis Conjux in Partûs difficultate diem & noctem integram mirè torquebatur, Letalia erant deliquia, majora quàm ut ab arte lenimentum acciperent. Votis implorata è Clari Montis delubro, adfuit **MARIA** sinum feliciter solvit, salva Matre & Filio, cui Ioannes nomen, læto conjuge, qui gratitudinis anathema, argento expressam beneficij memoriam testatus est Anno 1623. 2. Julij.

7. **A** Verustate habet authoritatem & veritatem quod sequitur. Anno 1596. in Civitate *Sadek Blasij* cujusdam Civis Conjux tribus diebus & noctibus continuo labore doloreq; cum partu luctata, inter exules ab orbe vitaq; omnium judicio putabatur. Devotus Conjux posthabitis humanis remedijs, vota ad Divam Claromontanam properat, uberrimum fiduciæ proventum illicò recepit prole *Maritzæ*q; salutem, cum qua præsens ad Aram gratiam recognovit Anno quo supra. Hæc, è quam plurimis, per pauca, ut dixi, quod

quod gratæ Clientes loquuntur, hoc & ego cum D. Augustino Serm:
11. de Tempore repeto. *Facta est MARIA restauratio sæminarum, quia*
per ipsam à ruina primæ maledictionis probantur esse subtractæ. Maledicta
Eva fuerat, quam nunc credimus per Mariam ad benedictionem gloriæ remeas-
se Projicite Virgines dolores, quos Eva per serpentem accepit, & quos per An-
gelum Maria suscepit honores assume, venite virgines ad Virginem, parietes
ad Parientem, matres ad Matrem, lactantes ad Lactantem. Idè omnes istos
curfus natura Virgo Maria in Domino nostro suscepit, ut omnibus ad se confugi-
entibus sæminu subveniret, & sic restauraret omne genus sæminarum ad se ve-
nientium nova Eva servando Virginitatem, sicut omne genus Virorum recupe-
rat Dominus IESVS CHRISTVS.

D. Augustin
Serm 15. de
Tempore.

CAPVT II.

Cum fecunditatis munere, gratiæ post partum Ma-
tribus præstite.

8. **R**estauratrix Eva MARIA, ità Sergio Hierosolymitano Ser. Sergius Hie
mone de B. V. M. appellata, sterilem naturam sæminarum posolymit-
ad fecunditatem restaurat. Magnif: D. Vexilliferi Kijovien: Marita
Nobilis Sylvestra Ielcova in fecunditate sibi visa sterilis, quando edi-
ris favente Lucina in lucem aliquot filiabus ad summam fecundita-
tis filium desiderabat. Laboratum est consilijs & auxilijs naturam
juvando, sed frustra. Venit ad Aram Divæ Odigitriæ ipsa Mater,
supplex prostrata sua suiq; Mariti desideria promit, pro impetrando
filio munus deponit, donum læta, veluti si diploma obtinendæ gra-
tiæ accepisset à MARIA, regreditur, emenso temporis cursu, feliciter
nec difficile in lucem fundit filium: quàm obrem, repetito ad Mon-
tem Clarum itinere uterq; Conjugum gratias referunt, beneficij me-
moriæ, tum in argentea tabula, tum in fastis relinquentes, Anno D.
1645. 4 Septembris.

Andrea quoque Masiejonicz Coniux Agnes nomine, solatijs tori so-
cialis in fructu matrimonij fraudata, arte naturam corrigendo desi-
derat, sperat, exoptat, expectat prolem. Fefellit expectationes &
vota sterilitas; ad Mariam fert preces, ad Clari Montis limina pere-
grinationem decernens, votoq; de prole cum Diva paciscitur. Quo
fructu? certè quem merebatur Matronæ laudabilis pietas & fiducia,
partu auspicato, ventente tempore, gignit filium, cum quo ad Aram

E c

præiens

præfens vota solvit, vitæ filij cursum Divæ patrocínio commendans;
Anno 1610. 25. Septembr. Auferet & à nobis sterilitatem & fecunditatis munus tribuet ad virtutum propagationem, dum sincera devotione cum D. Bonavent: in Psalter: B. V. implorabitur: *Miseri cordia illius, nostrorum auferat multitudinem peccatorum, & fecunditatem nobis conferat meritum.*

D. Bonaventura
in Psal.
ceteri B. V.

9. **A**lij sterilitatem in sua fecunditate queruntur. *Agnes Korykova* Succameraria Præmyssensis, duos filios tandemq; filias Lucina propitiâ edidit, sed cognoverunt Parentes quàm breves sint, & quàm in lubrico mortalis vitæ gradiatur, desperatæ in pignoribus spes, cum unaquæque nondum attingens unius anni terminum, præmature funere & vivis rapiebatur. Quintam sobolem gravi fert vtero, nec dum capacè vulneris, idoneam tamen capeffendi remedij. Tempus adest, facili sinu gignit filium, Pauli deinde nomine insignitum, sed veluti morti immaturæ natum, spem inter metumq; medij Parentes & dolent & amant; non enim stabile certò fuit illud in prole solatium, hoc verebantur, ne iisdem vestigiis fratres sororesq; securus, luctu Parentes funestaret. Ad Montem Clarum profecti, apud Matrem Viventium **MARIAM** longæ vitæ filio deprecantur, licitanturq; muneribus. Discedunt, vitæ longioris sumptis auspicijs. Fecit voluntatem amantium se Maria, vitam felicem sub suo patrocínio proli tribuendo. A misericordia Mariæ proficiscuntur solamina nostræ miseræ, audi Richardum à S. Laurent: lib: 4. de Laud: B. V. M. *Tanta est MARÆ Misericordia quod ab ea nullus repellitur, nullus excluditur, nullus qui ei serviat oblivioni traditur, omnes quantum in se est colligit, omnes ad se confugientes recepat & recipit, nulli deest, nisi qui ei sortè defuerit.*

Richardus
à S. Laurent
lib: 4.

10. **N**obilis Regina *Charzewska*, post diuturna prægnantium tædia & fastidia, prolem enixa, confudit lætum natalem, desiderati heredis, langvore immedicabili confecta, in quo, si non mortua, certè mortuæ simillima horæ integræ spatio viribus & sensibus destituta, absque nutu, motu, spiritu, veluti vivorum expuncta numero, inter lacrymas familiarium jacuit. Advocatus Sacerdos loci præses & Pastor ordinarius, qui ad æternitatis iter expeditam suffragiis comitaretur. Sumpsit ille auctoramentis fiduciam in gratia Divæ Claromontanæ collocatæ curam relevandi corporis, sistere ad eius Aram in Claro Monte moribundam si vixerit promittit;

vota.

vota domesticorum subsequuntur, quibus ferre solatium non distulit Maria, prorsus extemporaneo miraculo labentem vitam redonando. Recognitum legitime fastos Mariæ auxit, testatum auctoritate memorati Sacerdotis, Anno 1643. 27. Maij,

11. **C**on simile est beneficium in *Hedvige Nieradzka*, Nobilis D. *Ioannis Nieradzki* de Rozniatovvice Districtus Petricovien: hoc dedit in authographo, scilicet Conjugē suam post partū filij, cui *Alberti* nomen est, incognitis & prorsus desperatis morbis confectā, & letalibus paroxysmis, ut primū cum votivo munere ad Clarum Montem sistere decrevit, plenā valetudine donatā recepit. Solvebantur vota Anno 1672. 9. Iunii. Merito vos, ō Marianæ Clientes miraculorum gloriā, sublimat Mater Dei: quarum sexum, ad completum incarnationis Sacramentum, *DEVS* præordinavit in *MARIA*. Hinc merito fatetur D. Hugo Lincolnien: Episcopus, & Carthusiana Familia apud Surium, vitæ lux cap: 13. *Satis à fœmineo sexu DEVS diligi promeruit, cum nasci de fœmina dignatus est, nam cum Viro concessū non sit, ut sit Pater Dei, hoc tamen præsum est fœmina, ut sit Parens DEI.*

12. **M**ajus est humano præconio miraculum, cui Civitas litterarum & pietatis cunabulis celebris, *Calissium*, testimonium dabit. Hic, *Alberti* Civis honesti conjūx, muliebri dicacitate Mariti furorem laceffivit, qui pro verbis daturus verbera, iræ præcipitis arma familiaria, obvium cantarum arripiens, pœnitendo casu, partui proximam in latus petivit. Collapsam, subitò morbus Herculeus (Caducum dicimus) crebris collisionibus fatigavit. Vno casu, bina parantur funera, Mater & proles prius periclitari gnata, aptaque mori quàm vivere. Convolat vicina multitudo, nec sub sole videt remedium Matri cum prole morienti. Itaque Sacerdotem advocat ad curam animæ, qui postquam suo functus est munere, ad corporis quoque curam vertit consilium, Divæ Claremontanæ, cum Marito, vicinisq; moribundam commendat, voto peregrinationis apud Mariam, vitam pereunti licitando. Qui contra judicia spemque omnium, conatus homine majores assumpsit, ad vitæ reparationem, miraculum voluit; & habuit quidem. Nam vix medium horæ spatium transivit, rediit ad se mulier, tota integrè sana, Proli adhuc metuebant, collisionibus morbi majoris aut lætæ aut præfocatæ, sustulit formidinem subiectum oculis miraculum, cum, abique sensu doloris proles in miraculo, miraculum in prole nasci.

D. Amedeus
Homil. 8.

tur vivitque. Cognovit, magnificavit, testatumque fecit cum Religioso Myſta, qui voto revocandæ vitæ aufpex fuit, Civitas tota prodigium Anno 1640. 5. Maij. In publicas miraculorum tabulas relatum. Non ſignis eſt ad ſuccurrendum MARIA, quia ut inquit D. Amedeus Homil. 8. de Lau: B. V. M. *MARIA motu celerrimo ſenas ſeraphim alas excedens, nunc in fonte vitæ fruſtur amore Deitatis, nunc terras ſignis & virtutibus illuſtrans, ubique ſua ut Mater iucundiſſima & mirificentiſſima occurrit. Quosdam præſentiâ ſua ſubactis vitij reddit victores, quosdâ magnarum virtutum pio interſeſtu facit compotes, quibuſdam intimæ contem- plationi pandit ſuum, alijs in exitu vitæ iter præbet ſecurum, ut nulla deter- reat virtus aduerſarij, quibus ducatum præſtat ad Chriſtū Mater Vnigeniti DEI.*

13. **D**Vo Oppida illuſtria producant Divæ noſtræ trophæa *Chę- cini* & *Bochnia* illud marmore, hoc ſaliſſodinis celebre. *Andræa* Pieczarka Civis *Chęcineſis*. Vxor, poſt funeſtum in letalib⁹ doloribus partum, integrâ Quadrageſimâ ægra, doloribus, febribus, langvoribus conſecta decubuit. Dies aderat, ante Feſtum Trium- phale *VITÆ RESURGENTIS*, Salvatoris noſtri, Sabbathum Sanctū, quo mulier abſque officio ſenſuum motuque viſa eſt cum prole animam exhalare. Maritalis affectûs impulſu, plurima tentavit reſolvēdæ vi- tæ media *Andreas*, quæ dum magis officiunt quàm proficiunt, ad Divæ *Claromontanæ* patrocinium recurrit. Adſuit *MARIA*, multi- plicique calamitate conſectam novo vigore animi & corporis im- buit, in tantumque roboravit, ut vix elapſo octo dierum ſpatio, præ- ſens ad *Aram Virginis* ſiſteretur cum prole Anno 1644. dato Con- tribulium teſtimonio gratiæ.

14. **M**argarita Civis *Bochnenſis* cognomento *Borutâ* Conſors ad immaturum præcociſque partum decubuit. Dolor erat, labor erat, luſta cum morte erat, quæ vitam in deſperationē præ- cipitabat. Proles mortua vterum dilaniavit; ſinem partus accepit, cum ſœtum ſœtentem exanimem eiecit; novus morborum exer- citus Matrem invaſit, truculentior inter hos erat vis morbi ma- joris, ſeu *Caduci* implacabilis, qui diebus & noctibus concutiebat mu- lierem. Sibi nonnihil reddita, mori vult & non poteſt, & hoc ad cumulum miſeriarum acceſſit, mori voluiſſe, nec potuiſſe, ut ſimul vivendi & patiendi ſinis fieret. Altiori conſilio Maritus cognatiſque erecti, ad ſaſtigiū fiduciæ proſpectant ad Divæ *Claromontanæ* Tem- pla, huc ægram ſiſtere ſpondent. Faciliſ ad ſubveniendum *M A-
RIA* quàm

MARIA, quàm ad auxilium implorandum quærule miserorum calamitas; illud animosæ fiduciæ meritum compensavit Patrona, vitæ beneficio, quod prorsus admirabile ad impensorem cultum Bochnenses foederavit, qui testati gratiam in annua excursionem RR. PP. Ordinis Prædicatorum autoritate firmarunt Anno D. 1613. 14. Maij. Merentur damnari ad deformem pœnam Prætidum, ob lunonem, spretam, in vaccarum formas transeuntium, quæ gratiam expertæ, non colunt, aut implorare in miseris negligunt, Dispensatricem gratiarum MARIAM. Quæ ut ait Arator in Acta Apostol.

*Porta MARIA DEI Genitrix intacta Creantis,
A Nato formata suo, mala Criminis Eva
Virgo secunda fugat. Nulla est iniuria sexûs,
Restituit quod prima tulit.*

Arator in
Act. Apl.

CAPUT III.

Innocentibus ad pœnas damnatis, patrocinator MARIA.

15. **T**ales leges iniquitas habet ut oderit innocentiam, inquit S. Ambrosius Cap: 23 in Lucâ. Hoc vidimus in Lamberto quodam in Polonia sub Sigismundo Terrio Poloniarû Rege Augusto. Promovente Serenissima Regina Anna Augusta Sigismundi Regis Marita, ad ampliorem in Polonia dignitatem Capitaneatus (Locum, nec alios titulos in Archivo legi) admotus cum illustribus in Regno Viris censebatur. Qui diversis obsequiis præreptæ dignitatis decora, & Regios amores venabantur, tantum sibi detrahi existimarunt, quantum à munificentia Regis in illum favoris, lventibus oculis collatum viderunt. Illa boni Viri quæ cæteris eminebat felicitas, illi apud Regias Majestates occupati favores, amoresq; nonnullorum impudentem invidiam inflammaverunt, qui non modò honoribus exuere Lambertum, verum & rectè factorum gloriam cõmentitis per summum nefas criminibus, infamare conabantur. En quàm in lubrico amores & honores Aula subsistunt! quàm fecunda malevolorum, ad nocendum ingenia! quæritur, fingitur, suspicionibus adornatur facinus, quod apud Regem & odium, & Capitis sententiam mereretur. Desertur ad Regem ut desertor, & ad Maximilianû Regni proditor, huius meditati criminis insinuat, hoc solo nocens, eo ipso timendi consilij, quod alienigena, quod habitu, quod moribus dis-

S. Ambrosi⁹
in Lucam
Cap. 23.

par; demum ut Regiæ Majestatis læsæ reus, Regniq; proditor in carcerem detruditur. Tribus annis squalorem carceris, cæteraque incommoda tolerat, audit ad infamem exitum cudi consilia, omnium auxilio destitutus, & consilio, à sola innocentis animi fiducia patrocinium quærendo, Divæ Tutelari Claromontanæ famæ, salutisque negotium commendat. Repetitis precibus ad Innocentissimam, Innocentum Parronam, habet & famæ & vitæ auxilium, nam revelatis adversariorum fraudibus, innocens invectus absolvitur. Solum hoc, quod reus tenebatur, votum exolvit ad Aram Virginis, Anno 1594. 8. Julij. Mater est Veritatis & Iustitiæ quam diligit. Audi loquentem, & confide: Revelat: S. Brigittæ Lib. 4. Cap. 138. *Ego sum Mater totius Iustitiæ quæ est in mundo, quam Iustitiam dilexit Filius meus dilectione perfectissima, & sicut Materna manus semper parata est ad opponendum se periculis in cordis filij sui defensionem, si aliqui niteretur in sui lesionem, ita Ego sum parata jugiter justos, qui sunt in mundo defendere, & de omni spiritali periculo liberare. Salutanda est cum gratis clientibus MARIA verbis D. Ephrem Syrii.*

Lib. 4. Re-
velat. S. Bri-
gittæ c. 138.

D. Ephrem:
Syrius orat
de Laud. B.
V. Mariæ.

Ave nostra Consolatrix, quæ magis sedasti, & oppressorum molestias leniisti: Ave firma salus universorum Christianorum ad Te sincere recurrentium. Ave nostra non omnium protectrix insignis & gloria.

16. **S**imon Alek Pannonius, innocenter, ut postea constabat, damnatus ad tetrum carcerem gravia incommoda tulit, sola innocentiae conscientia solabatur, imminabat Capiti supplicium quod non tam dolebat, quam ejus causam, & Patria ubi innocentiae Tutamen non habuit, trans limites Patriæ transfuga Marianus, ad Clarum Montem supplex animo recurrit. Adest Numen Mariæ præsto, cujus auxilio conjectis in gravissimum soporem custodibus, aperiuntur carceres, solvuntur vincula, ipse demum elapsus, hic supplex gratiam recognoscit, Anno 1638. 16. Maij.

17. **E** Carcere ad carcerem sequor prodigia. Duo Fures (subticentur in Archivo nomina) in quodam hospitio, res pretiosiores, pecuniam, in argento supellectilem, sustulerunt. Res inventæ, dum fit inquisitio, fures suos non habent, qui maluerunt projectis rebus vitæ consulere, quam aliquid tollendo certum suæ prodicionis indicium præferre. Fortunâ supervenit ignarus rei Plocensis Patritius Ioannes, Filius Matthiæ Suská Civis Plocensis, apud derelictam prædam capitur, & ut autophorus ad publicum carcerem detruditur. Non tam poena, quam poenæ causa torquebat honestissimum Adolescentem,

scen-
Clar-
votis
sodis
mine
rump
prius
ria b
strum
rent
lamu
B. V.
men g
super
tanten
DEVM
ille in

18.

gent
stis
bat.
Clar
sum S
ram,
lumi
liber
minia
rum
comp
ritis
D. B
bunt

19.

tur.
Dom

ſcentem. Quapropter carceris tædia diſtrahens Orationibus Divam Claromontanam in vitæ ſuæ, ac innocentie patrociniū depoſcebat votis, pacto ad Aram ejus Peregrinationis propoſito. Adſuit conſeditque errorem judicantium. Patrona MARIA; occulto ejus Nūmine ſerra, quæ circum colla prægravem catenam, fibulabat, diſrumpitur, catenæ decidunt, ſolvuntur compedes, abſolvunt quem prius abſolvit MARIA. Allatum, illatumque Albo gratiarū Mariæ beneficium, Anno 1628. 27. Junij. His abundat exilium noſtrum impoſturis, quæ nec innocentiam prætereunt. Quid rei ſperant, ſi innocentes pleſtuntur? Ades huc Patrona ô MARIA, appellamus te cū Ildelphonſo Innocentie tuæ defenſore Serm: in Purific: B. V. M. *Sentiant omnes Tuam Clementiam, quicunque invocant Tuum Nomen glorioſum. ſit Tibi compaſſio ſuper afflictionem captivorum, ſit pius affectus ſuper Cælorum Peregrinos, & quia Te ſine fine in Cælu gaudentem atque lætantem afficis, quaſumus, ut preces noſtras, quas Tibi cum ſletibus fundimus, ad DEVM ipſa admittas, eumque ut propitium Filium pro nobis interpelles, ut cum ille in fine ſæculi Iudex advenerit, cum ipſo & nos appareamus in gloria.*

Ildelphonſo
in Purificat:
B. V. M.

18. **I**Am tertium ſæculum curret, & tamen non antiquavit illuſtris miraculi gloriā, quod Annus ſupra Milieſimum quadringentieſimum trigeſimus ſecundus vidit in Cive Rattiborenſi: ab Huſſitis domo abductus, fidei cauſa in turcam actus, aliis altior eminebat. Vxor ignara mali de ejus tamē ſollicita ſalute, ſæpius eum Divæ Claromontanæ recōmendabat. Evenit, miles incognitus ſub occaſum Solis tranſibat, ſtriſtoque mucrone ſinem præcidit. Cadit in terram, cui ſunis gulam fregerat, ac velut è ſomno expergeſacta tergens lumina ſurgit, ſecurèque per medios hoſtes vadens mirabilē vitæ ſuæ, libertatisque modum ruminās, domū pervenit, ex ordine Conjugi omnia recenſuit, illa viciffim proponit, quæ vota ad Montem Clarum pro eo nuncuparat, utrinque collatis animis prodigio rem actam comperiunt. Uterque vota ſolvens, Patrociniū prædicat Divæ meritis gratiæque adſcriptum, Anno 1431. Hinc infer quod ſecundum D. Bonaventurā in Pſalt: B. V. M. *Qui dignè coluerint illam juſtifica buntur, qui autem neglexerint illam, morientur in peccatis.*

D. Bonaventuræ
in Pſalter:
B. V. M.

19. **N**on ſolis Hæreticis innatum odium Innocentie: Et illorum coquit præcordia, qui admodum barbarè dominantur. Dorothea Struzelina de Koobelice à Sochaczow, Criminiſ apud Dominum inſanulata, in patibulo cum ſumma & ſexus & amicorum ignomi-

D. German:
Sermone de
Zona B. V.

ignominia, cum gravi innocentiae & veritatis praedictio suffixa est. Tollenda cum cadavere infami notae, consulere cupientes amici, notu locum poenalem repetunt, scalas admovent, funem solvunt, & vivam foeminam in miraculo, miraculum in foemina stupefacti inveniunt, reducta professi est, se in tutela Divae Claromontanae servatam fuisse, cui sese devovebat. Recognitum testatumq; Anno D. 1552. En in arbitrio est Mariae vita nostra, noli ergo nobis subtrahi o lux dierum nostrorum. Nam (ut loquamur cum D. Germano Serm: de Zona B. V) Si tu nos deserueris quid nam de nobis fiet o sanctissima Deipara, spiritus, & vita Christianorum, quomodo enim corpus nostrum vitalis signum operationum habet respirationem; ita etiam sanctissimum Tuum Nomen Virgo Beatissima, quod in ore Servorum Tuorum versatur assidue in omni tempore, loco & modo, vita, laetitia, & auxilij, non solum est signum, sed ea etiam procurat & reconciliat.

20. **N**on invenit apud mortales innocentiae praesidium, invenit apud MARIAM Simon quidam Sartor opificio Wschaviensis Parochiae; cuidam incaute bombardam gestatoriam porrigendo Nobilem trajecit. Imperito, & nisi acum tractare gnaro, nocuit obsequium. Tractus Petricoviam Iudiciorum Tribunalitiorum Sedem, ex criminis praesumptione ad mortem gladio ferendus damnatur. Mortis causam, vitaeq; negotium, supplici voto, Divae Claromontanae commendat, ad cuius Aram haerens animo libertatem invenit; nam insperato, sic momenta rerum ordinante Maria, Nobilium aliquis vitae redimendae pretium numerat, redemptum supplicem, ad vota Divae nostrae solvenda mittit. Anno 1639 Probet exemplo innocens, quam recte à Menologio Graeco dicatur: *Gaudium afflictorum MARIA*.

21. **E**t Leopolienses noverunt Divam nostram innocentibus praetorcinari. Honestissimi Civis Alberti Golab Conjux Sophia no mine, immerita odia contraxit (Personis, & odiorum causis hic loci parcitur) quae id apud Credulum nimis Conjugem effecerunt, ut toto convictu, domoq; proscripta ad publicas poenas deposceretur. Et quidem maluisset innocens animo heroico mortem excipere, quam ita cum pudoris labefactati per contumeliam, nota vivere: cum crimini, nec vita fortunis quibusque stipata faveat, nec honorem innocentiae indecora mors incestat. Soror à qua una solatium capiebat & consilium, suadet, ut expeditos Concives ad Claromont-

romontanā Peregrinationem secuta, innocentiae Patrocinium deprecaretur apud Mariam. Obsecuta consilio, lacrymis ad Aram Divae supplex vota exponit, multum super injuriis quæta, concepta fiducia hoc loco, hilaris Leopolum regreditur: occurrit Conjux, maritum excipit peramanter, injurias deprecatur, cōpensantur amicitiae sœderibus firmatis offensæ. Tam admirandam animorum conjunctionem operâ Divæ Claromontanæ factam, uterque Conjugum agnoscit, annoquē sequenti uterq; præsens in Claro monte recognoscit 1614. Tui sumus & Tui esse volumus, qualescunq; sumus ô Patrona! Ided (ut in sua Deprecatione Lactimelle^o Doctor Te appellat.) Ex omnibus finibus terra ad Tuæ protectionis umbraculū confugimus, à facie formidinis fortitudinē Dei. ad Te Domina mea stillant oculi nostri, Te devotionis clamore valido obsecramus, ut Filij Tui Domini nostri iram, quam graviter peccando succendimus, erga nos mitiges, ejusque gratiam, à qua ingrati excidimus, nobis Tua concilies, ô MARIA!

D. Bernard^{us}
in Deprecatione ad B.
V. Mariam,

CAPUT IV.

Nocentes, ad poenas damnatos, absolvit MARIA.

22. **R**Eorum Asylum est Ara MARIE. Hic est absolutus *Matthias Wycietkowski* ex Podlachia. Ob homicidium, actus in carcerem publicum, poenas daturus produci debebat; tactus poenitudine vitæ prioris, amoreq; Dei, Genitricem votis, lacrymis, precibus in patrocinium inclinavit, ad cujus Aram Claromontanam, si liber evaderet, peregrinationem spopondit. Noctis partem in dolore, timore, tædioq; insumpsit, quod reliquum erat, somno tribuit. Adfuit præpotens Numen MARIE, recluduntur ferræ, solvuntur nexūs catenarum, decidunt vincula, & prius liber est, quàm se in libertatem assertum aut sciat, aut videat. Evocatur Magistratus ad prodigium, quod votis ad peregrinationem Claromontanam omnium judicio adscriptum est, nec ullus audet reū aut dicere aut tenere, quem absolvit MARIA. Dimissus Libertus Mariæ, tanti prodigij gratias in sacro loco testesq; dedit, Anno 1607.

23. **C**Rimina & Nomina subtricientes duo Studiosi peracta hoc loco devotione, hanc Anno 1627, 20. Aprilis in Valvis Aula Marianæ Syngrapham, suffixerunt.

D. O. M.

Duo Studiosi Cracovienses verè per intercessionem Genitricis Beatissimæ sunt à periculo mortis liberati, in quodam casu criminati, protinus voto facto, hunc locum eius visitandi, ab omni perturbatione & damno liberè evaserunt, pro quo eidem sit Decus atque Gloria, &c.

Mortalitas humana ad immortalis vitæ asylum MARIAM svadet recurrere, svadet & Richardus à S. Laurétio ut festinatis amoris passibus accedat:

Richardus
à S. Laurent
Num: 12. de
Laud. B. Vg.

*Miser, ad misericordem, ut misericordiam consequatur;
Deformatus ad Replas matricem, ut reformetur.
Captivus ad Redemptricem, ut à carcere redimatur.
Exhereditatus ad Patronam, at hereditati restituatur,
Servus ad Dominam, ut libertati donetur.
Miles ad Reginam, ut si vicerit coronetur.
Tenebrosus ad Lucem, ut lucis Filius appelletur.*

24. **Q**uis crederet & in infamibus malefactorum crucibus nasci explicariq; Marianæ potestatis trophæa. *Blasius de Zakzew* (ad suburbanum Cracoviæ) in facinore deprehensus, iudicatus, damnatus ad furcam & funem: impensa devotione Divæ Claromontanæ, vitam suam commendabat, tribus horis in pœnali trabe pendens, rupto fune decidit. Surgentem, qui propinquiore accolunt, mirantur non præfocatum, sed reposuit à quadam Matrona subministratum, sibi fuisse falcimentum, quod facultatem respirandi non interclusit. Diva fecit, cui se vitamq; in melius committendam devovebat. Relatum in Fastos Anno D. 1598.

25. **E**N MARIÀ alios nolentes mori à morte retrahit, alios mori volentes cogit vultque vivere. *Simon Paszerowski* de Bar; in carcerem ob certum crimen injectus, jam sibi violentas manus inferebat metù pœnarum, quæ parabantur, percussus; adstitit ecce vir incognitus, monet ne se in tantæ desperationis calamitatem præcipitet, svadet resumpta meliori spe ad Divam Claromontanam peregrinationem decernat, ab ea vitam libertatemq; habiturus. Recollegit malevadium animum, attentati facinoris pœnitens negotium.

PAR TITIO NONA.

227

cium vitæ, Mariæ misericordiae commendat, quo facto liber dimissus, Vota præsens solvit, Anno 1611. 1. Iunii. Notandum (inquit D. Amedeus Homil: 8.) ac solerter intuendum, quanto affectu quantaq; benignitate, cognatos sibi puritate animi complectitur & diligit, quæ homines nequam & sceleratos suo interventu, à more peccati, & æternis doloribus incessanter absoluit. Gemina quippe dilectione rutilans, & insignis, hinc in Deum ardentissimè figitur, cui adharens unus spiritus est, hinc Electorum corda blande consolatur & attrahit, ejusque Nati largitate optima bona partitur.

26. **A**dmirabilem MARIÆ gratiam in Cive sua, vidit Lovicium. Anna est Mierzwina in propudiosi facinoris publicam notam prolapsa, ad justum tracta supplicium, stetit in pœnali circo, pœnas capitis datura. Non habuit inter mortales Patronum excipienda mors, eò nocenti animo gravior, quòd causa turpior, & quidem honestè mori præstaret, quàm sic infamatam turpi stigmata aut mori aut vivere. Priusquam ferro inclinasset jugulum, supplex animo ad Aram Divæ Claromontanæ procubuit, decreto peregrinationis proposito, si vitam ab interitu, reorum Patrona singularis MARIÆ, ludiuceret. Non latuerunt populum, qui funestum spectaculi mirator advenerat, Contribulis suæ vota, arbitrantur irrita, ubi impendentem jugulo vident acinacem. In seram noctem clausit lumina teniâ protractâ, procubuit in genua vel ultimo spiritu Divam appellans. Quid præstolaris Lector? Adegit collo non impigrè ictu Carnifex, sed caute ferijt, territus putatū errorē ictu repetito corrigit, sed corpus, quod voto debitum præstaret ad Aram salutis homagiū, ferrū respuit. Erecta animo, illæsa corpore, mille gladios excipere parata, mortem non metuit, cum in ejus theatro Mariæ clemētia partes agit. Res acta manifesto miraculo, Divæ protegentis & absolventis gratiam & gloriam declaravit. Ut redivivam excipiunt salutantque Cives, qui & testimonium beneficii cum Cliente Mariana in hoc loco præsentis dederunt. Loquar igitur ad Te cum D. Anselmo (in Oratione ad B. V. M.) non ex mea præsumptione, sed ex piæ mentis confessione ô Mater Reorum MARIA: quòd, quemadmodum Dei Filius, est Beatitudo justorum, sic ô Tu Fons secunditatu; Filius Tuus est reconciliatio peccatorum: non est enim reconciliatio, nisi quam Tu casta concepisti, non est justificatio, nisi quam Tu integra in vtero fovisti, non est salus, nisi quam Tu Virgo peperisti. Ergo ô Domina Mater es justificationu & justificatorum, Genitrix es reconciliationis & reconciliatorum, Parens salutis & salvatorum, ô MARIA.

D. Anselm^o
in Orac: ad
B. V. M.

Rea suffoca-
ti parūs, mi-
raculosē li-
beratur

27. **V**arsavia vidit in Vistula natum prodigium, quod proponit Anna de Tarczyn (4. leucas distat Varſaviā) Bartholomaei molitoris, & Hedvigis Filia apud D. Siekierzyna Civem Varſaviensem pedisequæ fungebatur officio; diu honesta, diu modesta, continens, & affectuum inordinatorum temperans. Sed ut plerumq; fieri amat, à levioribus neglectis principijs, grandiora mala ducunt originem, in liberiore conversatione cum Personis sexu discretis.

Post visum, ad risum; post risum, venit ad usum;

Post usum, tactum; post tactum, venit ad Actum;

Post Actum, factum; post factum poenitet Actum.

nam ex verita Venere sortum suscipiens, jugulatā prole, à scelere, famæ patrociniū quæſivit. Signis facinus prodentibus publico decreto rea, mortem ferienda gladio præstolatur. Ad Conscientiæ rationes excipientes vocati Patres Conventuales Ord. S. Francisci, votis suis ream Divæ Claromontanæ commendant, ut ejus intervntu poenitiæ spatium Devs misericors indulgeret. Addit sua vota & mulier, quantumq; per temporis interstitium, quo carcere detinebatur, licebat, repetit. Tribus vicibus ad locum publicum poenæ, datura vitam educitur, totiesque reducta ad judicium, quod aliud genus mortis statuit; cum saxorum pondere in profluentem Vistulam præcipitandam; ad fluminis ripam productæ saxa collo alligantur, præceps in aquas ruit. Cum pondere & undis luctata, hora mediâ in fundo tenebatur. Effusa populosissima Vrbs, aquis præfocitam existimabat, sed emergit cum pondere! attonita multitudo ad novitatem rei, ubi patet prodigio salvam, consilio Patrum Societ. IESV, qui ad supplicium damnatam comitabantur, lembo excipitur, Divæ patrociniū se morte exemptam proficitur: demum absoluta, in Civium Varſaviensium comitatu ad Clarum Montē venit, gratiam tota Vrbe fidem faciente recognoscit, Anno 1625. Quàm idoneè huic exemplo subdit noster P. Goldonowski in Diva Claromontana Cap: 9. §. 5.

Vestales olim soluebant Carcere clausos

Tantum præstabant, virginitate suâ.

Cur non vincla reus, solvat quæ carcere nullo

Culpa clausa fuit, Virgo Parensq; DEI.

In carcerib⁹
liberata mi-
raculo

28. **D**evitant severa justitiæ tribunalia nocentes, & ad Mariam, ut potè Aram misericordiæ confugiunt. E Silesia huc festinan-

PARTITIO NONA.

229

Finantern accipe, & stupendum liberationis prodigium adverte. Ancilla Civis Vratislaviensis, ex illegitimo toro susceptam prolem occultè manu parricidali sustulit. Et quia, ut loquitur Latinus Patrus in Paneg: Theodosi Augusti *Habet vires, habet nescio quos internos mens seclerata Carnifices, aut ipsa sibi carnifex Conscientia est*, suis prodita indicijs culpam publicam fecit, cuius illa pœna fuit, secundum regionis morem, adversus terram depaſto palo transverberari. Nocte quæ funestum diem præcedebat, in reæ considerationem venerunt Divæ nostræ Magnalia, cui suæ salutis curam devovens, appromittit impensioſorem cultum, & ejus in hoc loco Imaginis visitationem, si liberationis dono potiretur. Hæc in duro carcere, fatigatam mœrore & vigilijs somnus excepit, quo dum fruitur, adest Numen Mariæ præpotens. Cadunt vincula pœnalia, recluduntur valvæ, carcerum reducuntur obstacula, adsunt Spirituum Tutelarium officia, qui suæ libertatis ignaram succollatoribus humeris ad securitatem deportant in locum (cui à Canino prato nomen est) uno ab Vrbe milliaro. Exorabilem omnibus Clementiam Mariæ agnovit mulier, rectâ ad Montem Clarum properat, beneficium in Albo gratiarum consignatum, testibus comprobando Anno 1592. Promover affectûs devotionem res admirabilis, cogitq; ut applaudamus Patronæ reorum Virgini, cum Virgine Principe Casimiro.

Larius Pascatus in Paneg: Theodosij.

*Virgo gaude omni laude
Digna est præconio,
Quæ damnatis libertatis
Facta es occasio,*

Rythmus Di-
Casimiri Po-
loniæ Prin-
cipis,

29. **V**enite & videte prodigia, quæ posuit Domina super terrâ, vivos desperatos, inferno fœderatos, in spem vitæ, in gratiam, in libertatem vindicatos, & in peculiarem amoris Filialis Hereditatem adoptatos à MARIA. *Jacobus Wesotowski Sokalensis*, si pristinam conditionem spectes, ad quam desperatio præcipitavit, mancipium diaboli sistatur, ad quem duce Maria venit, libertus Mariæ. Rem ut erat, ex literis Adm R D, Stanislai Block à Sóbno Præpositi Communitatis Zywiecensis & Decani Pleſzensis, ac in Spiritu- libus Commissarij datis ad Admod: R. P. Kilianum Zywiecki, tunc Clari Montis Priorem, desumptam habe.

F Dæmons
porestate
liberj

Admodum Reverende Pater &c.

Mirabilis Deus in Sanctis suis, & Sanctus in omnibus operibus suis.

F f 3

suis.

suus. Testis est presentium exhibitor Iacobus Welołowiki Sokalensis, admirabilem Divinae benignitatis gratiam consecutus, per intercessionem Divae nostrae Claromontanae. Coniectus in Carcerem apud quendam Nobilem ob crimen impulsu familiarium perpetratum, manus pedesq; ferro vinctus & catena clausus, pertasus incommoda carceris, liberationem ab hominibus desperans, expectatione adipiscenda libertatis persuasus, in potestatem hostis generis humani se totum tradidit. Non ita multo post rediit ad cor, & facti seriae pœnitudine ductus, ad Sanctissimam Deiparam confugit, & votum ad hunc sanctum locum spondit. Die postero debebat ad supplicium educi, cum ecce illa nocte praecedente, vincula, catena, omneq; grave ferrum, quo tenebatur decidit, quo id factum modo, minime novit & ita mortem & carcerem liber evasit. Alia mentem eius occupavit cogitatio, ut relictis liberis & conjuge, intermisso proposito Claromontanae peregrinationis, Romam peteret. Conabatur iter ingredi, sed Mater Misericordia licet ingratum retraxit à conatu: Vix enim limites Silesiae pratergressus tentat viam, progredi non potuit, acerbissimo dolore pedum correptus, cetera sanus. Advocavit meum Vicarium Pozynensem V. P. Andream Piwiecki, cui secreto communicavit omnia, ad sui & ego, ulteriorem itineris cursum dissuasi, eoq; animum induxi, ut unde tantum beneficii accepit, ibi Diva Sospitatrici Liberatriciq; sua vota deponat. Fecit, iterum vovit, convaluit. Vadit itaq; ad hunc locum, cui hoc testimonium do, & me gratia committo, &c. &c.

Datum Pleszne 1. Iulij,
Anno 1651.

Fr. & Servus Stanislaus Block
à Sobno, Præpos. Cōmunitatis
zywiecensis &c. & Decan: &c.
m. pp.

Quod hic literæ loquuntur, idem fassus est Oliens Marix. Quid hic & quomodo cum reis agit Maria? Memini apud Senatum, Romanas mulieres causas dixisse, (ut est apud Valer. Max: Lib: 8. Cap: 3.) & cum sæpius affabilitate lenibusq; instillatis amoribus iudicum animos captivassent, cautum deinceps, ne publica reorum negotia tractarent. Una est, sola est Maria, quæ sola una reorum omnium mortæ-

mortalium jure Patronatûs pollet apud DEVM. Hinc jure quidem ad illam proloquitur Mellilacteus Bernardus. Tu peccatorem quantumlibet sordidum, non horres, non despicias, si ad Te superaverit, Tuumq; interventum penitenti corde flagitaverit: Tu illum à desperationis baratro piâ manu retrahis, spei medicamen aspiras, foves, non despicias, quousque horrendo judicii miserum reconcilies. Famulus huius rei benignitatis testimonium est per Te Theophilus (præsensq; Iacobus) restauratus gratia, nec mirum & Domina! si tam copioso olto misericordiae, tui cordis persusum est solatium, cum illud inestimabile opus misericordiae, quod prædestinavit DEVS ante secula in redemptionem nostram primum in Te à mundi Artifice su fabricatum:

D. Bernardus
in Orati ad
B. V. M.

CAPUT V.

Hereticis, Schismaticis, Arrianis, Machometanis votis
vocata subvenit MARIA.

30. QVOD à sole majora & minora lumina colluscentur, quoddam Caelo bonis ac malis inexoratus oriatur, nemo questus est; Electa ut sol MARIA, quod ex æquo felicibus ac infelicibus, majoribus & minoribus, bonis ac malis, ex hoc loco gratias dispenfer, quis indignabitur? & illi, quos character infernalis bestiae à populo fidei segregavit, Marianæ Clementiæ stigmatibus insigniuntur, unūq; sonant Synthema MARIAM.

Vir quidam Equestris Ordinis (nec nomen & cognomen lego, præter natalium decus) Lutheri dogmata secutus, sexennio captivus in Moschua, servitutem pertæsus ad libertatem anhelabat. A captivis suis permulta audivit de beneficiis Divæ Claromontanæ, viditq; votis ad eam nuncupatis mirabilibus modis, qui ei quamvis attentaret non succedebant, ad libertatem eluctari; Risit nihilominus omnia, quæcunque circa Mariæ patrociniū dicebantur. Docuit necessitas ad Mariam recurrere, nam impendente sententia capitis, cum nulla viræ spes affulget, imitatus concaptivorum devotionem, sponder Mariæ peregrinationem Claromontanam, & virtutem devotionis experitur. Decies gladio feriendus producebatur, toties pæto peregrinationis ad ejus Imaginem Claromontanam proposito, salutem mercabatur, donec tandem adolescente fiducia, quam expertæ gratiæ nutriverant, felix mortem, captivitatem, limitesq; barbarorum transiliret. De Grodno pedes iter voto promissum absolvit ad

Hereticus &
captivitate
Moschovia
tota libet.

vit ad sacram Imaginem, hic Lutheri damnatis erroribus adunatus Ecclesiæ. vitam sapius, libertatisq; gratiam Mariæ in acceptis referens, Anno 1613. 15. Novembris. Per MARIAM colligit ac reconciliat rebellem sibi populum DEVS. Hoc mentis æternæ consilium Seraphicæ Virgini Catharinæ revelatum accipe (apud Blofium in Monili Spirituali.) *MARIÆ Vnigeniti Filij mei gloriosa Genitrici à bonitate mea concessum est, propter Incarnati Verbi reverentiam, ut quicumque etiam peccator ad eam cum devota veneratione recurrit, nullo modo diripiatur à demone infernali; hac enim est à me electa, parata & pestita tanquam esca dulcissima, ad capiendos homines & præcipuè animas peccatorum.*

Ludovicus
Blosius.

Hæretica
plures expe-
ritur grā-
tias.

31. **N**equè Rosa inter spinas odorem, nequè Lux in tenebris fulgorem, neque gemma inter quisquilias nitorem, nec aurum in luto valorem deperdit; *MARIÆ* deditus amor, neq; inter hæreticos suæ æstimationis meritique jacturam patitur. Nobilis *Anna Wiedorná* hæreticis orta parentibus, à familia domestica Orthodoxæ fidei imbuta dogmatibus, ex gratiis miraculisque Mariæ, quæ in Claro monte patrata intellexerat, devotionis erga Deiparam amorisque incentivum suscepit, Lutheri palæstram averlata. Tempore quodam paralyti tacta obrigit, hæc plaga ad sumendum in se experimentum favoris Mariani sufficiebat, & ad prodigium. Integra animo Divam appellat, pacta ad Clarum montem peregrinatione; votis Diva annuit. Surgit stupefactis Parentibus ad sanitatem absque medicina donatâ, quæ in se Diva fecisset premens silentio. Non multo post affecta contagio pestifera, prodentibus letale periculum, virulentis in corpore stigmatibus, ad præsentissimum mortis amuletum Divam Claromontanam recurrit, habetque propitiam; ad exuberantem in se gratiâ confusa, attamen pristina desideria vota que moratur. Votorum & gratitudinis reâ, comonefecit gravius malum. Scorbuto in corpore tacta, qui & guttur impleverat, ademptâ cibi potusque glutendi facultate, poenam suæ ingratitude intellexit; sæviente serpenteque in deterius morbi malignitate. Quapropter repetit proposita, & prorsus extemporaneo beneficio vitam adepta, præsens Divam in hoc loco adorat, abjurat hæresim cœtui fidelium adlecta, Anno 1629. 13. Augusti. A miraculis sordibusque errorum repurgat *MARIA*. Quid mirum? nam ut ait Aloysius Novarinus Lib: 5. Cap: 4- *Maculam Virgo non habuit peccati per quam mundus evacuandus, sordibus illa caruit, cui justitia nostra comparata sunt sordes.* Et Lib: 4. *Vmbra Virgineæ, Originis peccatum non habuit, quæ omnis boni fons*

Aloysius
Novarinus.

boni fons & origo. Culpa Virgini non debetur, cui omni debet quod liberetur à culpa.

32 **N**on infimæ fortis parentum filia Anna Rzepczykówna prope Viennam pestilentia percussa, sensuum membrorumque functionibus privata decubuit. Nocte, quæ Immaculatæ Conceptionis B. V. M. Festivam solennitatem præcedebat, mitigatis nonnihil doloribus quievit; placidè apparuit sic quiescenti Diva Virgo Mater infantis Dei bajula, his Annam allocuta. *Filia? resume animum cum viribus, surge dono valetudinis potita, & Clari Montu mei locum invisere decerne.* Excutitur somno vegetior, vivam adhuc animo ferens Imaginem hospitis gratiosissimæ, soluto lingvæ vinculo, quæ vidit, quæ in mandatis accepit, enarrat. Attoniti Parentes hæretici ad miraculum, audiunt de Claro Monte ignaram nominis, & loci, Filiam loqui: dissuadent exequenda quæ imperabantur, sed profuga domo, sacrum MARIÆ Larem repetit, ubi damnatis erroribus patrijs, post corporis valetudinem etiam animi sanitatem consecuta, in ritus Ecclesiæ Orthodoxæ transijt Anno 1662. 7. Martij. Pia est, misericors est, omnibus exorabilis MARIA. Audi D. Agnetem in familiari colloquio cum Diva Brigitta Lib: 3 Revelat: Cap: 30 asserentem. *Habuit MARIA latitudinem excedentem hoc est misericordiam, nam sic pia & misericors fuit & est, et maluit omnes tribulationes sufferre, quàm quod anime non redimeretur; nunc autem conjuncta Filio, non obliviscitur innata bonitatis suæ, sed ad omnes extendit misericordiam suam, etiam ad pessimos, sicut sole illuminantur caelestia, terrestria, sic ex dulcedine MARIE, nullus est, qui non per eam, si petitur sentiat pietatem,*

Hæreticam
B. V. M.
apparitione
dignatur. ad
Clarum Montem peregrinationem
imperans.

Lib: 3. Revelat:
Cap: 30
asserentem. Habuit
MARIA latitudinem
excedentem hoc est
misericordiam, nam
sic pia & misericors
fuit & est, et maluit
omnes tribulationes
sufferre, quàm quod
anime non redimeretur;
nunc autem conjuncta
Filio, non obliviscitur
innata bonitatis suæ,
sed ad omnes extendit
misericordiam suam,
etiam ad pessimos,
sicut sole illuminantur
caelestia, terrestria,
sic ex dulcedine
MARIE, nullus est,
qui non per eam, si
petitur sentiat
pietatem,

33 **E**T Shismatici Divæ Nostræ tracti gratiarum illecebris hinc sæderantur. Philippus Vstrzycki Kozacus Zaporovienſis, Ruthenus, Religione Shismaticus, in captivitate Tartarica degens, hoc unum cogitabat curabatque, non servire. Tentati per omnia modi non favebant libertati, cujus ambitio rebellem animum ad Divam Claromontanam cœgit: votis pacto visitationis proposito, annuit Patrona; siquidem securus evasit captivitatem mirabiliter, reiecitque Shismate, unionem cum Ecclesia Romana in Claro Monte suscepit, Die 4 Maij. Anno 1613. Sperandum ergo est à MARIA Matre Sanctæ Spei, quod sperandum docet Visio S. Elizabeth Ordinis S. Benedicti Lib: 2. Visionum Cap: 6. ubi quærit. *Domina mea quid de te sperabo? respondit; Bonam gratiam de me sperare potes tu omnes-*

Shismaticus
beneficium
libertatis
petit & habet.

Lib: 2. Visionum
Cap: 6. ubi quærit.
Domina mea
quid de te sperabo?
respondit; Bonam
gratiam de me
sperare potes tu
omnes-

Abeth c. 6. *quæ qui fiduciam habent in me; mirificavit enim Dominus misericordias suas in me.*

Arriano B.
V.M. appa-
rer.

34 *V*ide scelerate Arri, quomodo errorum tuorum caliginem lux *MARIÆ* gratiarum dissipet? Nobilis *Alexander Szychnet*, dogmatum *Arrianorum* tenacissimus, ubi cum hostibus minus prosperè dimicat, in *Tauricam* captivus abducitur. Felix captivitas, quæ longè nobiliorem animæ libertatem contulit. Ter à fugâ, quantatentabat, retractus, omnem modum viamquæ ad libertatem præclusam videt; revocat in memoriam audita aliquando *Divæ Claromontanæ* magnalia, quæ concaptivis libertatis occasionem fecerunt. Necessitas ad fidem cœgit. *MARIÆ* amat patrocinia, imploratque decreto *Claromontanæ* Visitationis propositio. Dum fatigatus, durioribus laboribus, corpus ad quietem colligit, oculos & animum, meditati adipiscendæ libertatis imaginibus obrutum, sopor occupavit. Noxerat; Adest *Heroina* nihil vultu terrenum, nihil mortale ferens, duabus stipata *Virginibus*, & hæc ad *Alexandrum* Quid ad libertatem anhelas, & baptismum non suscipis, nec vitam emendas? reposuit aut sibi reposuisse visus est se jam baptizatum, sed edocetur nullam Baptismum *Arrianorum* esse, & qualis esse deberet, duæ *Comites* locuerunt, quarum una peluim tenuit, altera mistam terræ salivam accipiens novum Catechumenum auctoratumque; *MARIÆ* linivit, undamque superfundens Capiti, dixit: Si libertatem adamas, talis sit baptismus tuus, utque gratiam ejusdem consequaris, Vota quæ promissisti fidemque solve. Reliquit *Somaus Alexandrum*, auspicijs *MARIÆ* (cui se devoverat) excutit servile jugum, adest in *Claro Monte* fidei rudimentis imbutus, baptismum suscipit, utramque libertatem corporis & animæ consecutus (gratiæ authenticam recognitionem tribuente *A. R. D. Raczkowski* Officiali *Polsnaniensi*) in *Fastos MARIÆ* dedit prodigium Anno 1646. 14. Aprilis. Omnis confugiat ad *MARIAM*, quia *MARIA* neminem repellit. Audi testem *D. Damascenum* Oratione de *Nativitate B. V. M.* Quia universa terra in fœdissimam sese provoluerat libidinem, Domini populus à Deo suo aberraverat, factusque fuerat populus Domini non populus ipsius, & qui misericordiam consecutus, non misericordiam consecutus, & dilectus, non dilectus; ob eam causam, nunc *Virgo* prisca fornicationis adversaria paritur, seu nascitur, ac Deo despondetur. Deiq; misericordiam parit, atque populus Dei efficitur, qui prius populus non erat; & qui prius misericordiam minime consecutus fuerat, misericordiam nantiscitur; & qui prius non dilectus erat, diligitur; Ex ipsa enim nascitur dilectus ille Dei filius, in quo Pater bene sibi complacuit.

D. Damasc.
Orat. de Na-
tivity: B. V. M.

PARTITIO NONA

35 **A** Dam nato Machometismo reducem excipit hoc loco sancta Mater Ecclesia. *Ioannes Niemczyk* de Villa *Dabrowka*, à Bar-
bati interceptus, in Turcia vitam & libertatem emit præputio, sex
annis perditus fidei transfuga, inescatus vitæ licentiosæ illecebris,
nihil minùs quàm animæ salutem curabat. In actuario laborans, in-
syrtes impexit; Interitùs imminenti formidine percussus, repro-
bus delertor fidei, animæ verebatur naufragium. Magna fuit salutis
pars, proprium nosse periculum; Amavit postmodum discrimen il-
lud, quod utramque corporis & animæ vitam, in securo portu Eccle-
siæ collocavit. Ad Patriam ergo Salutem, memor ejusdem mirabilium,
Divam Claromontanam suspirat, decernit damnatis Sectæ Macho-
metanæ superstitionibus, fidei reconciliari. Non abiicit supplicem
MARIA, in mari salvavit, per infestas hostibus vias tutum iter pan-
dit, Danubium traicientem servavit, unde præsens, totam huic Divæ
utriusquæ salutis rationem se debere professus, Vitæ redemptæ lytrû,
Nummum aureum, Turcicis insignibus distinctum, ad Aiam solpitæ
MARIAE deposuit Anno 1650. 3. Aprilis. Adstruunt exempla quòd de
seipsa Virgo Clementissima loquitur Lib: 6. Revel: S. Brigittæ Cap:
10. *Nemo est adeo maledictus, qui quam diu vivit, careat misericordiâ mea, quia
propter me levius tentatur à demonibus, quam aliter tentaretur. Nullus est
ita alienatus à Deo, nisi omnino fuerit maledictus, qui si me invocaverit, non
revertatur ad Deum, & habeat misericordiam.*

235
Machometi-
nus hic adu-
natur Ec-
clesiæ

Revel: S. Br-
gittæ Lib: 6.
Cap: 10.

36 **S**olis orientis cunabula, supplicem in Monte Claro, Matri Lu-
minum Mariæ, dederunt filium tenebrarum. Anno supra
Millesimum sexcentefimum septuagesimo secundo. Vir quidam, *Kla-
ser* cognomine, Sectæ Machometanæ perosus errores, eo duce, qui
spirat, ubi vult, ad amplectenda fidei Catholicæ dogmata anhelabat.
Decrevit è tenebris ad fidei lumen in Monte Claro emergere. A-
dest; Fidei Magistrum in Imagine Thaumaturga veneratus, ex præsen-
tia Admirabilis & in Imagine Mariæ, ad fidem & devotionem incita-
menta accipit. Sacro latice lustratus ab Adm: R. Patre Augustino
Kordecki, Ordinis Nostri, per Poloniam & Silesiam Provinciali tunc
temporis, inter fidelem populum filiosquæ Lucis adoptatus, *Urbanus*
nomen accepit, Anno quo supra, die 21. Maij. Adstantibus Patrini
Nobilibus, *Augustino Manzi* & *Anna Sophronia Kortynia* Incolis Craco-
viensibus. Ruunt ad conspectum majestatis MARIAE impietatis
simulacra, dum per MARIAM, in MARIA, & ex MARIA, invo-

Machometæ
nus baptiza-
tur.

lutis errorum caligine, infulget Divinitas, Pulchrè Damasceni
melos accinit, in Cant: Ecclesi: Ode 3.

Damasc: in
Cant: Eccl:
Ode 3.

*Nebulam levem Te meritò,
Casta Virgo nominamus,
Iuxta Prophetarum vaticinia
Quandoquidem Dominus in Te venit,
Ut ruant Ægyptia
Erroris simulacra,
Et luceat ea venerantibus.
Tu antiquum Evæ debitum
Persolvisti ò intacta,
Novo propter nos edito Adamo.*



ANALECTORUM MENSÆ REGINALIS

S E V

HISTORIÆ, DIVÆ VIRGINIS
CLAROMONTANÆ MARIÆ.

PARTITIO X.

*Defectibus, varijs casibus, & Paroxysmis af-
flicti, ad invocationem MARIÆ, salu-
tis gratiam consequuntur.*

Hic Fulget.

Secundum Richardum de S. Victore Cap: 28. in Cantica

OMNIUM SALUS MARIA.

Nemo adhuc proprium amavit interitum: quia, ut
Magister morum Seneca inquit ad suum Lucil-
lum Epist: 116. *Curam nobis nostræ natura demādarit.*
Grave est, etiam miserrimis perire, difficile mor-
taliū vitam ad odium damnare, ad ejus conservationem
cognatus animorum rex amor, fundit pretia, colligit con-
silia, intendit conatus; sed non semper succedunt vota
hominibus, qui vitæ prorogationem apud curas medico-
rum nundinantur. Mater salutis MARIA cum mundo Sa-
lutem genuit, *omniū salus es*, quæ immortalitatis nostræ
infirmi-
tatem curando, nonnunquam voventium propo-
sita, maturo beneficio antevertit,

Seneca E-
pist: 116.

CAPUT I.

Amentes, ac Fanaticos, usui rationis, & sanitati reddit **M A R I A.**

*Perturbate
mentis ma-
laciā adi-
piscitur.*

1. **P**acis Domina salutisque Mater, quemadmodum hostilium armorum, ita & animorum furorē indomitum placat, pacatque. Anno 1645 indolis optimæ juvenis, *Ioannes Zdrovski*, seu factorum, seu fictorum criminum apprehensione confusus, lacrymis, gemitu, ululatu, se ad Tribunal Dei citari querebatur. Animi ægritudo erat major humano remedio, quam nec temporis mora placare potuit. Vnum remedium vocibus inconditis inclamat, Aram Divæ Claromontanæ, ad quam ut quantocius deveheretur, à parentibus lacrymis exorabat. Invalescente malo, inter amicorum latera, festinato itinere pergit, nihilo mitius toto viæ tempore agit pertinax mentis confusio, quæ nec illatum adytis templi Mariani reliquit. Hic actus in furias longè severiores, nullum sedandæ illi tempestati, capit aut consilium, aut modum: In conspectum itaque Sacræ Imaginis deportatus, ut primū Reginalis ejus Majestatis serenitatem, intuitus in terram procubuit, subitam animi diris imaginationibus, portentosisquæ scelerum umbris, exagitati, recepit malaciā, vires, sanitatem, jamquæ alius motibus, benignissimam Matrem oculis intueretur, ad devotionis & modestiæ exactas leges collectus. Deo, Deiquæ Matri, datæ per Hymnum Ambrosianum gratiæ, sollempniter ad Organum decantatæ, nevē ulterioris mali, aliqua suboriretur suspitio, receptus in Claustrum, tranquillā mente conversatus, à Patribus deinde domum reductus, ut tacita revolvit mente, quanta sibi Diva Mater fecisset, subsequētibz diebus, pedes ad Clarum Montem venit Vota soluturus. Actum Anno 1645. 13. Novembris. Veneramur, quod admiramur, colimus, quod legimus, & quod tui Clientes experiuntur, profitemur: cum Divo Bonav: in Psalt: B. V. *Tu mœstū exultationem infundū, & mœrentibus latitiam & dulcorem* **M A R I A.**

*D. Bonav: in
Psalt: B. V.*

2. **E**Adem confusæ mentis tempestas, in maximo vitæ discrimine constituit G. D. *Nicolaum Casimirum Bardzki*. Divam Claromontanam invocat, & cum votis ad ejus Aram supplex sibi popitiā fuisse, luculentis testimonijs enarrat, Anno 1676. 26. Februarij.

3. Exul.

3. **E**xultat in favore **MARIAE**, compositis mentis perturbata fluctibus, Vir Nobilis *Stanislaus Zerkyski*, Agrius, quam par erat, bonorum iacturam ferens, in morbos, qui viginti septem hebdomadis mirè eum torquebant, devolutus est. In vires indomitas collecta, tanto tempore crescens per nova symptomata malignitas, inaudito quodam furore exagitabat illum, quapropter necessum fuit, funes & catenas adhibere, quæ ferocientem compescerent. Sæpè dies, & noctes integras insomnes duxit, luctificis lemurum imaginibus perturbatus, maximum charæ conjugii tormentum. Inanibus spebus posthabitis, ad Divam ivit, vota supplex offerens in Claro Monte pro Marito, extendit manum suam placavitquè illam confusionem animi: è funibus, & vinculis transiens, ad mite ingenium reductus, in **Mariani** mancipatûs compedes ivit gratus cliens. Anno 1626. 26. Maij. Quot Clientibus præber gratias **MARIA**, tot amoris proponit illicia. Hinc, ut inquit **Richardus** à **S. Laurentio** Lib: 2. de Laud: B: V. M. *Diligenda est MARIA, & specialiter honoranda, quia ipsa mediante forma Divina spontè venit ad deformatum, gratia grati, ad gratia ingratum, medicina non rogata uliro venit ad egrotum, virtus ad infirmum, sapientia ad stultum, sanctificatio ad immundum, veritas ad mendacem, pietas ad immisericordem, pax ad rebellè, misericordia ad impium, Charitas ad inimicum, iustitia ad iniustum, non, ut eum secundum iustitiam suam iudicaret, & damnares, sed, ut eum à sua iniustitia iustificaret, & secundum se formaret, & formatum secundum se, tandem glorificaret in se.*

*Richardus à
S. Laurent:
lib: 2. de
Laud: B: V. M.*

4. **G**D. *Ludovicus de Thomor* Cubicularius **S. R. M.** Hungariæ, post obsessionem Budensem, à mente alienatus, vitâ periclitabatur, sed à Collega suo, ut primùm curis **Marianis** commissus est, cum votis ad visitationem Clari Montis, sibi pristinæq; valetudini redditus, sospitâtricem in hoc loco adoravit gratus Anno 1531.

5. **A***mbrosius de Witkom* in Carcere detentus, in amentiam prolapsus, Matri restituitur: Nihilo clementius egit impacatus animi furor, quo matris afflictæ, cor lancinabatur. Ignara humani consilij gnara pietatis **MARIÆ**, ad Clarum Montem vota festinat; Meruit hinc miraculum, simplex innocensquè fiducia, quæ rationis usum, vitamquè in summo discrimine positam donavit. Anno 1599. vota soluta.

6. **A***ditus Ecclesiæ Polanensis*, promoventè apud Divam no-

stram.

8. Leo term: 1. de Passi: Domini: Aram sanitatis negotium conjuge, consimili potitur beneficio. *Iam- ne est laudo, quem cum diutius, atrocissima animi dilaceratio exagita- ret, huc per consortem oblatus, mentis tranquillitati restituitur.* Supplex gratias egit Anno 1623. 29. April. Optimè ergo à Divo Leone Serm: 1. de Passione Domini, MARIA salutem donans, appella- tur *Virgo Salutifera.*

7. **M**Erui & Wolchynia amores MARIE. Hic Alexandra No- bilis Marita, G. D. *Andrea Kuklinowski* rationis impos, sum- mam domui confusionem, præcepit ad omnia audenda, faciebat. Ra- bies quædam erat, quæ belluam non hominem deceret. Leniri non potuerunt medicis artibus contumaces Intemperie, quæ ad corporis ruinam invaluerant. Ad Divam sero consilio vertit animum con- junx, peregrinationem ad limina D. Claromontanæ pollice tur, ple- num adæquatè ad votorum mensuram reportat beneficium, quod præsens cum consorte ad Aram Virginis recognovit, Anno 1622.

8. **N**on popolare est beneficium, quod in Lublinensi territorio Diva hospitatrix MARIA manifestum fecit, in Nobili *Potentiana Stojnowska*. Diuturnis morbis sensim languebat, qui successu tem- poris in letales vires collecti, arcem animi invaserunt; demum con- fuso rationis ordine, funesta mentis dilaceratione, impotem sui Po- tentianam exagitarunt. Malo suæ conjugis læsus Maritus, omnia tentavit sedandæ illius tempestatis remedia, quæ dum frustrant co- natus medicos, ad Aram Claromontanam properat, ubi ægræ salutem propè desperatam impetravit. Vtraquæ sui parte sana, gratias egit cum conjuge *Potentiana*, enarrans expertas in beneficijs MARIE poten- tias. Anno 1598. Verè Diva inexhausta sunt tua beneficia, quia (ut inquit Gregorius Nicomediensis de Oblat: Deiparæ) *Per te Pa- radisum purè sumus consecuti, per te, generi colonia, ad pristinam redijt mansio- nem, per te recessit rhomphaa versatili, per te quæ erant clausa deliciarum por- te, fuerunt aperta, per te spes Prophetarum ad effectum sunt deductæ, in te si- nem acceperunt, quæ ab eis dicta sunt. Per te, nostræ resurrectioni certa signa tenemus, per te nos Regnum Calorum speramus assecuturos. Te nostræ salutis habemus adiutricem.*

Gregorius
Nicomediē-
sis de Oblat:
Deiparæ

9. **N**on potest absquæ sensu devotionis in recordationem venire præstitum *Marianna Skrzyńska* Divæ nostræ beneficium. In bimestri decubitu, irremediabilis morborum vis, postquam illi vigo- rem

rem, & facultates membrorum abiumpsiſſet, ſerviit in animum, cujus placidam mirèmq; malaciam, fanaticis furoribus interturbavit. Amici ab humanorum ſubſidiorum contemptu, deſperatæ ſalutem ordiuntur; ad limina Baſilicæ Mariana ſiſtere votis promittunt, atq; tam religioſæ mentis decreto, utramq; valetudinem impetrant. Huc relatum Anno 1644. 9. Maij.

IO. **A** Vrea & argentea gleba prætioſa Civitas *Ilkuſum*, ad ampliorum Theſaurorum fulgorem, Divæ noſtræ gratiarum ſerenitatem trahit. Hic ancilla quædam *Agnès* atroci ſex hebdomadis mentis perturbatione ferociens, nulla honeſtatis ratione habita vagabatur. Rabies eſſera, nulla arte cicurari potuit, ideò ſæpius in vincula & carceres acta, vitæ ſuæ vim inferre moliebatur. Portentum erat non mulier. Adeò miſeram depreſſit fortuna, ut veluti vitæ mortiq; exoſa, nec ad meliorem vitam, nec ad mortem commodè potuerit eluctari. Tantæ calamitatis miſerri Cives, curabant omnia, quæ profutura credebantur, ſed fruſtra: memores itaq; beneficiorum, quæ Diva noſtra cõferre ſolet, *agnetem* ad Imaginem Odigitriæ ſiſtere pollicentur. Non ſeſellit piam expectationem MARIA, ſedavit illam confuſionem mentis, reductaq; rationis lege, hîc cum civibus ſupplicem ſanâmq; habuit Anno 1615.

II. **A** Nna quoq; *Wycielkoſka* tempore peſtilentiæ Anno 1603. per octo Menſes rationis uſu carebat. Hinc furor indomitus, cum ſæviret atrocibus, ad vincula & carceres ægram coëgit. Ad Divam Claromontanam per ſuos oblata, utraq; ſui partè integrè ſana, vota ſolvit.

Hæc pauca è plurimis honori tuo ſcribuntur O MARIA? Da immeritis gratiam & *De theſauri tui infunde nobis ſapientiam Dei, & intellectum prudentia, ac formam diſciplinæ, quia intellectus bonus omnibus honorantibus te, & ſors illorum inter Angelos pacis* O MARIA.

D. Bonavent.
in 1. ſætte
E. V. M.

C A P V T II.

Poſſeſſos, Obſeſſosq; à demonibus, liberat MARIA.

12. **N**obilem puellam nobilis adoleſcens (conſultò utriusq; familiaritæ claritudo ſubticetur) perditè deperibat, ejus pudiciſſimam conſtantiam frangere voluit, ſed inter mundanas leporum.

Hh

venç.

veneres, nihil adeo validum fuit, quod minimam affectus vetiti scintillam proliceret. Itum ad geniales operas, ut pharmaceutiarum, incantationibus incestatam innocentiam, ad consensum pelliceret, aut contemptos amores ulcisceretur infamis leno; Invenit Circenveneficam, quæ in Virginem excivit Orcum, occupatur puella, jactatur, affligitur: miseranda inveteratoris tyrannide, quam, tentata in diversis locis & modis remedia, placare non potuerunt. Vnum erat Asylum tor malis affectu, Ara Divæ Claromontanæ, huc in amicum comitatu deducta, vomit acus, crinalia, bombicem, carbones, & in domus Marianæ liminibus pertinax obnuitur, ne veniat in conspectum sacræ Imaginis. Hue tracta stetit, sed immensam illam lucem à vultu Virginis fulgurantem perferre non potuit infernalis tenebrio, profugit multum vociferatus, ac sanam reliquit. Anno D. 1593. Verè itaque ad mentem D. Bernardi Homili: 2. Super Missus est, dicitur: *Terror demonum MARIA.*

D. Bernard:
Homil: 2.
Super Missus
est,

13. **P**er Illustris Magnif: D. Stanislaus à Przymà Przyjemski Palatinus Posnaniensis Capitanei Koninen: Conjux de domo Czarnkowska, statim post connubium à maleficijs orco impleta, quinquennio affligebatur. Satis accuratè ab Exorcistis laboratū est, ut malus genius crudeliter per obfessa membra desaviens fugaretur, frustra tamen. Vnè ergo cum Illustri Marito, vora ad Divam Claromontanam ferunt, & implent, quadriduo supplicationibus vacat, quod etiam tempore pertinax vis inveteratoris, exorcismis premebatur. Non tulit infernalis animarum prado Numinis Mariani potentiam, propalavit in domo substrata maleficia; cumq; diversi generis reterum nidorem, fumantes materias eiecisset, Clientis Marianæ corpus liberum fecit, à conspectu Mariæ profugus maledictus lavernio. Pretiosis muneribus gratitudinem testati conjuges, beneficij memoriam Actis inseruerunt Anno 1615. 2. Februarij. Verum proinde est, quod (asserentē D. Amedeo Homilia 8.) *Sicut ignis attractu cera liquefit, & velut ardore Soli defluit glacies, sic à Maria facie inimicorum deciperis acies; eaque jubente nihil adversi subsistit.*

D. Amedeo
Homili 8.)

14. **P**rohibet MARIA, ne in pectore clientis, quod devotionis accendit flamma, dæmon infernalis incendij titio hospiteatur. Hoc fecit in puella quadam Nobili, Anna nomine (ex proposito claritudo familiæ tacetur;) quam ancilla artibus Magicis imbuta, quatuor dæmonibus implevit, injuriam, quam fortè sibi parentes fecerunt.

cerant, ulcisci conata. Domi integro anno exorcismis laboratum est, nec tamen secundis successibus. Consilium erat ad Montem Clarum peregrinari, sistitur ad Aram salutis puella, ubi egesta ejectaque facta quadam maleficiorum semente, subnervata nonnihil sensit demonum sævitiam, Devotioni vacando in sacratio Virginis, tres hebdomadas ad montis clivum habitat. Movit Cracoviā versūs sub vesperum, nocturnam quietem interturbavit clamor puellæ, opem implorantis. Revelatur filiæ pectus, cui superinfusum terribilissimum virus, fetorem infernalem exhalans, stagnabat; lustrali aqua abluitur, cumque languore immedicabili fatisceret, suasu Patrum nostrorum, quos in viæ societatem parentes assumpserant, Montem Clarum reperunt. E longinquo ædis Claremontanæ fastigia cōspicantur, procumbunt, adorantq; Divam, quo tempore infames Apostatæ spiritus, exhorrescentes ad loci sacri conspectum, terrificis ejulatibus, se ad discedendum cogi conquerendo, liberam immunemque puellam reliquerūt Anno 1612. Ut autem ex toto sanam esse filiam constaret, aliquandiu in gratiarum actione perseverans **M A R I A** Cliens sub Claro Monte habitavit. Regressi muneribus gratitudinem Mariæ testaturi Parentes, Calicem auro gemmisque ornatum, & nonnulla alia ad usum sacrificij Missæ pertinentia obtulerunt, Divæ Scipitiæ Mariæ honori, ipsumque Basilicæ Marianæ pavementum marmore straverunt. Anna gratiosa superis, proposito, clara miraculo, illustrata cœlitus inspirato consilio, cum parentibus patrium larrem non repetens, Monasterium ingressa, Institutum ac Disciplinā Divæ Clæræ complexa & professa est. Gratiōse Ioannes Damasc. appellat de Dormit: B. V. M. *Remedium adversus demones* **M A R I A**.

D. Ioannes
Damasc. de
Dormit. B.
V. Mariæ.

15. **N**obilis *Eva Prusinska* Conjux Nob. *Theophili Grzymatā* ē Districtu Ostrefzovienti Anno 1646, à dæmone oblecta, ope Divæ nostræ imploata, liberata est. Exorcista Claremontanus suspicatus latere domi maleficiorum semina, fodi iussit terram, & deformia maleficia, bufones metreta mensuram exquantantes, invenit. Annis quatuor adepta libertate potitur. Iterum pristinam sedem reperit detestabilis defector Dei; Evam implet, torquet, dilacerat, ad Divæ Patronæ Aram dicam prælegit maligno spiritui, Conjugis afflictæ maritus; sistitur in conspectu Divæ imaginis, procumbit susceptura magnum hospitem sub speciebus Eucharisticis **D E U M**, cedendum erat; itaque dejectam ē genibus prostratamq; profugus reliquit. Inclinamur supplices tuæ potentie, adoramus gloriam, a-

namus clementiam, prædicamus Triumphos, recolimus victorias, ó terribilis inferorum potestatibus **MARIA**! nam (ut etiã Cyrillus Homil: 6. in Nestorium evulgavit) *per Te Trinitas sanctificatur, per Te Crux pretiosa celebratur & adoratur in toto orbe terrarum, per Te exultat Cælum, latantur Angeli & Archangeli, fugantur demones, & Homo ipse ad Cælum revocatur ó MARIA.*

16. **S**ophia quædam Civis Califfiensis à dæmonibus obsessa, & excæcata, ducem alienam manum secuta, Sacellum Mariæ ingredi non potuit, obnitente dæmonum vi inseparabili. Labor Exorcistæ coëgit domi subtrata mensæ maleficia propalare, mittuntur ad maritum literæ, quæ pestis noticiam ejusq; comburendæ mandatum ferebant, sed propè Califfium igni fulmineo tactæ absumptæquæ effossionē morabantur. Vacante supplicationibus ad Divæ Theorhocos imaginem Sophiã, iterum literæ Califfium per Dobri- censsem Parochum feruntur, quibus lectis, ut effosa combustaq; præstigiatrieum instrumenta fuerunt, maritæ hoc loco restituta oculorum lux, dæmonesq; fugati, libera domum repetit, sed inveterata maleficarum odia, longè acriores septem paredros in repurgatam **MARIA** Clientem immiserunt. Iterum excæcata & tyrannide sævientis Erebi labefactata, ad Aram Divæ reducitur, hic nutu Virginis, rabie dæmonum infrenata, pia curiositate nonnulla cœpit quærere Exorcista. *Primum*, quam ob causam hominibus in valetudine & fortunis nocerent? quamvis reluctantes responderunt: Ut homines **D E U M** blasphement. *Secundum*, quare Sagæ non horrescunt illorum præsentiam & obsequia? respondit dæmon: Quomodo expavescere debent nostram familiaritatem? cùm nos illis splendide togati, calamistrati, formas speciosas induti, in omnium rerum affluencia appareamus, illas (Dominas suas vocavit) benignè officiorum genere quandoquæ colamus, & tractemus genialiter, nostramq; promptitudinem ad earum nutus & obsequia offeramus. *Tertium*, cur minus vexent Hæreticos, ludæos, Paganos, respondit: hic modò non convenire, ut nostros familiares & amicos, quos singulariter nobis fœderatos habemus, affligamus; *Quartum*, quid faciendum hominibus, nè vestræ imposturæ illis noceant? respondit: ad hoc quamvis attentes omnia, nihil dicere possumus, væ nobis, (subintulit) quòd ad quæsitæ respondimus. Aderat in audientiũ cœtu quidam nobilium, qui, optarem, inquit, modò hic oppidi mei hæreticos spectatores & auditores adesse. Demùm post diuturnũ labo-

laborem, cœcitate repulsâ dæmones propulsati liberam reliquerūt, quo etiam tempore adfuit quædam Civis Boleslaviensis à dæmonibus obfessa, quorum vnus ad Exorcistam dixit indignabundus, coactum egressum manifestans: *Nunquam tu contra illos preualuisses nisi tibi auxilium Magnæ Domina aduisset.* Actum in Claro Monte, Anno D. 1628. Iam infernali belluæ innocentissimæ Matris Virginis pede proculcata improperare, ac imperare possumus, cum D. Bonavent, in Psalt: B, V. M. *Quid gloriari in malitia & maligne serpens & draco infernalis? submitte caput tuum mulieri, cuius fortitudine demerges, in profundum. Contere eum Domina, pede virtutis tue, exurge & dissipa malitiam ejus, extingue potentiam ejus, & virtutem illius redige in favillam.*

D. Bonavent
in Psalt. B,
V. M.

CAPUT III.

Imposturâ, Maleficiis, præstigiis, venenis, absolvit
M A R I A.

17. **E** Questris Ordinis Viro (nec in Archivò nec apud Rev. P. Goldonowski nomen lego) tres erant filij, quos ut recte virtutum & sciëntiarum opifex disciplina, ad sperata solatia institueret, Pædagogum domi adhibuit, qui mitioribus scientijs & moribus imbueret juventutem. Pater justò rigidior, totam potestatem errata & negligentias castigandi transfudit in Pædagogum, qui partes suas agens admodum severè juniorem quatuordecim annorum hebetioris, aut forsitan iolentioris genij gravius nonnunquam excipiebat. Tyrannis est ad interitum juventutis, severitate continua rigens disciplina, si lenitatis illecebris non tēperetur, facile frangitur, quod violenter inflectitur: sic aliquando fractus animo puer, post plagas acriores apud Parentem & Pædagogū desperans solatium, ad tuguriū quoddam domo propinquum se contulit, ut liberioribus lacrymis animi sui mœrorem deliniret. Quoties vapulat, toties ad suum mappale, lacrymis solaturus dolorem, profugit. Opportunam decipiēdi pueri nactus occasionem animarum Clepta infernalis, speciosam puellæ formam indutus, ibi lacrymantem convenit; fletus unam causam, severitatem Magistri requisitus affert puer, nec sibi domi superare solatium, solatur mœrentem puella, libertatē pollicita dummodò secum discedere decernat in animo: Recusat juvenis obsequi, cumq; constantem sollicitatus negat animum, speciosum illud

Hh 3

monstrum.

monstrum discessit, hic domum remeavit. Post dies aliquot rursus immoderatus casus, fletus gratia repetit frequentatam solitudinem, subodoratus iam plagarum causam, tarditatem ingenij, inveterator vaferrimus Magistri artium mentitus formam, hæc ad juvenem: Maestè bone juvenis, quod tibi parciore natura negavit, mea conferet industria. Belle novi artes juvanda memoria, ea te dota-
bo felicitis ingenij fecunditate, quæ omnes in scientijs omnibus antecelles, insuper & pecuniam, si & quando libuerit, suppeditabo, tantummodò certis meis consilijs & conditionibus acquiesce, quibus si obsecundaveris, alijs favorib' meis potiere; Puer aliquantò hilarior spatium duarum hebdomadarum cum Magistro paciscitur, qui discedens à juvene, unum fieri præcavet, ne quod secreto commissum accepit, publicum faciat; Accidit, seniori fratri prodidit secretum, hic parenti; qui prudenter imposturam deprehendens, metuensq; quod imminerebat filio periculum, actutum Cracoviam ad Exorcistam celebrem, R. P. Gelasium, movit cum Filio, cuius opera cum uti non posset, ad Clarum Montem pergere constituit. Aderat comes itineris & execrabilis impostor dæmon, qui, timens futurum fore, quod factum est, id curabat, ne Marianæ domus limina contingerent. sæpius apparens svadet, ne admonitionibus aliorum pareat, imò si ipse puer vellet, ad impeditiōē itineris non segnem operam spondet, & fraudibus molitur; minus enim advertentibus omnibus, sexigam deflectens, ad avia in limosis ac palustrib' locis infixit, ubi ruptis funibus hærentes, vix seram emergendi facultatem viamque invenerunt. In Claro Monte rem ex ordine Sacerdoti exponunt, quapropter Sacramentis puer munitus, ad præscriptum spiritualis Patris, iterum, iterumq; apparenti, & infidelitatem improperanti, abrenuntiât. Desperavit nequam lavernio ulteriorem cum juvene familiaritatem, & fraudum successus meditados, altera nocte apparatus in villiori lacerna, contemptum queritur, cumque in hospitio ad Montis clivum, importunè, plurima auribus ejus insusurraret, in Cœnobio moratur, ad hospirium non regressus, scribit verbis proprijs abrenuntiationes increpatorias dæmoni, chartaq; illis characterib' notatam, in stationis loco deponit, quæ lectâ, dæmon infremuit, obtortoquè collo puero suffocationē minitans, disparuit, nec amplius infestare sub tutela Mariæ constitutum præsumpsit. Actum Anno D. 1631. Verè ô Domina (cum S. Germano Patriarcha Constantinopolitano de Zona Virginis loquimur) Tu nequissimi hosti contra te vos suos invasions sola Nominis invocatione Sanctissima repelli, tuos atque incolumes servas.

18. **V**irgam virtutis domini regit geritq; MARIA, hujus potestatem sentiunt dæmones, & senserunt in uno quodam Equestri (nomen vetustas absumpsit) quocunque se vertit, se cum Palæstram patientiæ circumtulit, ita hostiliter vexatus à dæmone, ut, seu comederet, seu vigilaret, aut quiete reficere vellet corpus continuo tormento labefactatum, verberibus plagisq; ad livorem affligeretur. Posthabitis itaque omnibus remedijs, quæ placare tyrannidem Orcinam non potuerunt, ad Clarum Montem vota tulit, demum ea persolvens, Divæ Protectricis MARIE tutelâ, se ab illis vexationibus immunem restatus est, Anno 1569. Bene D. Bonaventura in Speculo Cap: 10. *MARIA Virga aurea perfectis, virga ferrea duris, Virga aurea hominibus, virga ferrea dura demonibus, arcens dæmones à nobis. Hoc Domina petimus & devote petimus, cum Innocentio petente sic & docente: Ave Dei Mater Alma quæ ex dignitate, quâ Dei Mater es, imperare potes demonibus, compeste dæmones, ne nobis noceant, præcipe Angelis ut nos custodiant. Sit ergo Beata Virgo est nobis Virga fumæa, in nostra conversione, Virga florida in nostra conversatione, Virga aurea in nostra contemplatione, Virga ferrea in nostra defensione.*

D. Bonaventura
in Speculo
Cap: 10.

19. **E**adem Virgâ potestatis Reginalis malefactorum apparatus funesti dissipantur, in Domo Generosi D. Ioannis Ilkewicki, ex Tractu Kossens, substrati, morborum peregrinum exercitum, qui notitiam facultatis medicæ fugiebant, induxit, hoc ille defectus ad sepulchralem ruinâ urgebatur, solum superabat remedium, absque remedio sanari, sed non absque Numine MARIE, ad cujus Thaumaturgam Imaginem, ut amici vota nuncupaverunt, cum peregrinationis Claromontanæ decreto, extractis illis pestibus, sanus integerque vota solvit, Anno 1646. 6. Januarij. Ad hanc Divæ potestatem, cui creata omnia obsequuntur, pertinet Titulus Reginæ, quem interpretatur Lactimelleus Doctor Serm: super Salve Regina. *REGINA gloria Nomen & honoris magnificentia & decori, dulcedini ac pietati, amoris & honorificentia, sublimitati & potentia, gubernationis & justitia, defensionis & gratia, Sancta Sanctorum hac omnia nobis & pro omnibus nobis, cui devotamur assidue, SALVE REGINA, MATER MISERICORDIÆ.*

D. Bernardus
Serm: super
Salve Regina

20. **A**nno 1594. adducta est puella in Civium Cracoviensium comitatu, domi & in itinere nihil prorsus loqui gnara, nisi hæc verba; diabolus in te, diabolus in te: Irritus labor Exorcistarum, præfatis tantum verbis, incompofitis gesticulationibus, ludibatur.

D. Bonaven-
tura,

batur. Constituta in Claro Monte ante salutis Aram MARIAM, cum pro ea preces funduntur, ad animi motuumq; deordinatum, tranquillitatem composita est, tota mitis sanaque puella; jam alia loqui, & præcitis precibus Divam honorare cœpit, illis deinceps absoluta præstigijs. Vbi intereunt, ubi evanescunt diaboli vaserri-mi machinationes, intellige ex D. Bonavent: *Deipara mare est amarum diabolum submergendo, quemadmodum mare rubrum fuit amarum Egyptijs, in ipso submersis. O quam amara & timenda est MARIA demonibus?* Vnde Bernardus: *Non sic timent hostes visibiles, quasi castrorum multitudinem copiosam, sicut æreæ potestates Mariæ vocabulum, patrocinium, exemplum, fluunt & pereunt sicut cera à facie ignis, ubique invenerint hujus Nominis recordationem, devotam invocationem, sollicitam imitationem.*

21. **A**dquant impostoris damnati malitiam humana odia. Vidimus in Viro Nobili *Mathia Karnicki* in Radostkow, (pagus à loco sacro duobus milliaribus distans) prout merebantur crimina, duas mulieres castigavit severius. Vlturæ plagas, Domino potionem ministrarunt veneficam, qui sensit ex eo tempore corrodi interanea, eoque tormento diutius laborans, arbitratus male affecti stomachi vitium; medicinis utitur. At major erat humana ac medicaminum vi pestis, quæ illum impleverat. Quapropter ubi non proficiunt medicinarum usus, & in deterius valetudo fatiscit, ad Divæ opem recurrit. Non procul à Monte Virginis, non procul à miraculis, quorum alia mente volebat, alia cupiebat, sanari volens prodigio. Huc vota tulit in desperata valetudine constitutus, Divam gemitibus imploravit. Ad partum decubuit. Quem putas? jam adolevit ad prodigium. Modicam potionem sumit, sœtum edit, nec Pater, nec Mater, quia non sum; Quindecim numero vivas aspides ejicit, grandi dolore grande prodigium. Adsunt ad spectaculum vicini, quibus in stanneo vase illæ abortivæ pestes ostentantur, ad integram hebdomadam vivæ invicem connexæ reservantur. Partus partum, miraculum sequitur miraculum. Eodem viscerum sinu, vomit vivas decem viperas, & vivit servatus miraculo. Gratus beneficij vitæ Client Mariæ, gloriam pangebatur & suam gratiam vernaculo rythmo Mariæ, & tanti beneficij memoriâ in Archivo reliquit, Anno 1608. 11. Maij. Victrici MARIÆ libet hic adnectere versus ex libro 3. Cathemerinon Prudentij.

Hoc odi-

*Hoc odium vetus illud erat.
Hoc erat aspidis atque hominis
Digladiabile diffidium,
Quid modo cernua famineis
Vipera proteritur pedibus:
Edere namque DEVM merita
Omnia Virgo venena domat
MARIA.*

Prudentius
Lib: 3 Ca-
themeria?

CAPUT IV.

*In vulneribus, & sanguinis profluvio desperatis vitam
donat MARIA.*

22. **A**Dmodum R. D. N. Krzycki S. R. M. Secretarius, letale
vulnus accepit in capite, integrâ hebdomadâ peritiores
Chirurgi plagam curant, medicâ virtute majorem, quæ cum nullum
caperet remedium, & in linguam sæviit, sublata facultate loquendi.
Familiæ, qui pereuntem vitam, ut ut poterant, refovebant, ad
Divam Claromontam vota promebant, cum peregrinationis propo-
sito; quæ, ad primæ sanitatis beneficium, reduxerunt moribundum,
Anno 1590.

Post annos tredecim, scilicet Anno 1603, fregit pedem, adhibiti
Chirurgi, hoc solum agunt, quod loquimur, lavant laterem. Ite-
rum claudus ad Divam vota & supplicationes festinat, plenaquæ
sanitatis gratiâ potitus, gratias Divæ agit.

23. **R**Eplicatur in eodem prodigialis favor MARIE, Anno D.
1612, morbis immedicabilibus oppressus, ut ordinariâ viâ
procederet ad miraculum, per medicorum, quos adhibebat despera-
tionem, contendebat, à salutis Ara MARIA salutem implorando,
quam consecutus, beneficii memoriam, in Tabulas Mariæ magna-
lium retulit. Advertendum itaque, quod Cæsius loquitur Lib: 1.
miraculorum Cap: 1. *Apud Mariam Electuaria sunt confortativa, un-* Cæsius li-
gentia sanativa. Nomen eius super mel dulce, infirmû & moribundû assistit, bro 1. cap: 5.
& mortuorum animas ad vitam perducit aternam.

24. **Q**Vam labilis sit cursus vitæ præsentis, palâm fecit vitæ
periculum G. D. Eliæ Michaëlis Rymwid, Vicecapitaneus
Liden-

Lidensis. Cracoviæ sub tempus felicis Coronationis Serenissimi Regis IOANNIS III. post febrium æstus malignos, dum sanguis, quem cura medicorum sistere non potuit, liberali scaturigine manans languentem deficit, huc ad medicam opem Mariam recurrit, quam expertus ad vota, præsentem gratitudinem exolvit. Anno 1676. 29. Februarij.

25. **E** Bohemia allatum est, quod subnectitur. A. R. P. Adamus Krebs ab Althoff Bohemus Parochus Shenfeldensis, inter liberos iocos, grave in sinistra manu vulnus accepit, quod ad totius vitæ cladem sufficiebat. Quidquid studij fuit in Archiatris, adhibicum, sed omnes curæ usq; ad desperationem processerunt. Sola fama Divæ Claromontanæ Magnalium in recordationem veniens, pios indidit desiderijs stimulos, ab ea vitam precari. Huc vota nuncupat visitationem pollicitus, quorum ne diu reus teneretur, Maria fecit, quæ incolam hic ad Aram cum gratiarum actione stitit. Anno 1663. 15. Augusti. Venite devotæ Mariæ mentes, & negotium salutis nostræ, dum lædimur, saluti Mariæ proponamus. Vocat D. Bonav. in Psal. B. V. M. *Venite exultemus Domine nostræ, in bilemus salutifera Maria Regina nostræ, præoccupemus faciem ejus in jubilatione, & in cantu collaudemus eam. Venite adoremus & procidamus ante eam, confiteamur illi cum fletibus peccata nostra. Impetra nobis indulgentiam plenam, assiste pro nobis ante Tribunal D. E. I.*

26. **E** X duorum autographis duo illustria propono miracula. N. Florianus Chocimski aliquot globis bombardinis petitis, læsus linguam crassioribus è plumbo frustis, dum medicam manum desperabundi remouent Chirurgi suspirans ad Tutelarem Divam, cum proposito visitandi ejus limina, in Claro Monte, à vitæ periculo quod imminabat, præservatus est, nec è vulneribus lingua læsa vitium in loquela contraxit.

27. **E** T N. D. Adamus Moczarski, è Districtu Vicensi Ducatus Masoviarum vitam Divæ nostræ debet. Leopoli ex insidijs leralibus vulneribus affectus, inter sanguinem & vulnera langvebat. Pergrinatione ad Imaginem Odigitriam apud Divam sanitatem licitatus convaluit, gratesq; solvit, Anno 1627. 5. Novembris. Tanti venit salus Clientum MARIÆ, uno suspirantis affectus pretio comparatur. Qui sua vulnera sentit, palpatq; malagma petiturus ad Aram recur-

PARTITIO DECIMA.

237

erat confidenter. Huc invitat D. Anselmus in Meditat: *Qui eum fecit, D. Anselmus*
 ut ipse per maternam generationem esset natura nostra, & nos per vitæ restitu- in Meditat
 tionem essemus Filij Matræ suæ, ipse nos invitat ut consecramur nos fratres ejus.
 Ergo iudex noster, est frater noster; Salvator noster, est frater noster; denique
 Deus noster, est factus per MARIAM frater noster. Quâ igitur certitudine
 debemus sperare, quâ certitudine possumus non timere, quorum sive salus, sive da-
 mnatio, de boni fratris, & piæ Matræ, pendet arbitrio, quo etiam affectu hunc
 fratrem, & hanc Matrem amare debemus, quâ familiaritate nos illi committe-
 mus, quâ securitate ad illos confugiemus, quâ dulcedine fugientes suscipiemur?

28 **V**etustum in adolescente miraculum, quod centum & am-
 plius annorum spatio, ad venerationem incanuit, redit in
 memoriam. E Moravia vota soluturus in Claro Monte, viam carpe-
 bat Adolescens (nomen cognomenque antiquavit cursus annorum)
 in latrones incidit, à quibus ferro concisus, pro mortuo relictus est,
 tractus in obliquos nemoris recessus. Viribus miraculo roboratis
 reptavit in propinquum pagum, nihil secum trahens præter vulnera
 letalia, in quo diebus triginta decumbens, sine cibo, medico potu vi-
 tam refovebat. Deest amicus misero, quia non est census. Iro Pau-
 perior, qui non tantum viles reculas, sed prætiosam quoque salutem
 amiserat. Hiant vulnera velut ora, & misericordiam sine voce cla-
 mant, sed necdum oculi in aures transferant, qui supplicem necessi-
 tatem perciperent. Putrefacta vulnera, pute manabant, arcebantque
 humanum obsequium, quo destitutus, Numen MARIÆ, cujus locum
 veneraturus properabat, invocatur repetitis affectibus. Erat, quod diu
 suspensa in Vigilia lumina, ad quietem composuit, clausis oculis vi-
 det, quod alias nunquam Argo concessum, adesse Augustissimam Cæ-
 lorum Imperatricem MARIAM, hæc agit Archiatram, detergit mani-
 bus mephytım, componitque hiantes plagas, ungit, demum leni con-
 tactu persanat. Non vana fuit Imago, nam quod fieri cernebat ocu-
 lo mentis, in se experges factus vidit lumine corporis; Surgit stupentibus
 Paganis ad sanitatis admirandam restitutionem, fert ad Clarum Mō-
 tem decora Marianæ pietatis stigmata gratiæ præco. Cuius memo-
 ria in Albo miraculorum consignata Anno 1626. Neminem despiciat
 MARIA ideoque prout adverit Hugo Cardinalis super Magnificat: Ad
 illam respiciunt, & qui habitant in inferno, id est in purgatorio, & qui habitant
 in mundo; primi ut resarciantur, secundi ut eripiantur, tertij ut reconcilientur;
 ex hoc ergo Beatam te dicent omnes generationes o Beata Virgo, quia omnibus
 generationibus vitam, gratiam & gloriam genuisti; mortuam vitam, peccatori-
 bus gratiam, miseris gloriam.

29 **N**on procul est sanguis à vulnere *N. Stanislaus Podskarbski* letali vulnere manum finitram læsus, sanguinem cohibere non potuit. Credidit Chirurgus fatiscentem in deliquio vitam, sed hæc continuo sanguinis fluxu dilabebatur. Necessitas ad Divam cōegit. Spondet ejus Sacram Imaginem in Claro Monte invisere, quo proposito meruit fisci rivum sanguinis, & vitam in melius instaurari. Anno 1549.

30 **T**ribus diebus & noctibus largo latice fluente sanguine, letali fatiscēbat deliquio *G. D. Albertus Kossowski*. Ut animo Divam Claromontanam appellavit, clausæ vitæ effluentis cataraçtæ ægrum extra periculum fecerunt, qui huic loco se vitam debere testatus est Anno 1698 1. Junij. Hoc ipsum fideles experiuntur, quod *D. Birgittæ* lib. 1. Revelat: cap. 31. legitur dixisse *D. Ioannes Baptista de SS. Virgine: In quacūq; necessitate fuerit homo, si cæli Reginam, Matrem Dei, toto corde invocaverit, exaudietur.*

D. Birgittæ
Lib. 1. Revelat: cap. 31.

Sanguinis
fluxus sistit:

31 **I**n Palatinatu Siradiensi *Hedvigæ* quinque mensium puella *N. Ioannæ & Catharinæ Lykowskæ* Filia, sanguinis fluxu laboravit, quem nulla ars sistere potuit, svasu Nobilis Viri *Simoni Gaiewski*. (qui hospes aderat) ad Divam Czestochoviensem oblata, secura in posterum sanitate fruebatur. Anno 1631. recognitum 22. Maij.

Similo,

32. **H**abet ex hoc loco suam Cyrophenisam *MARIA*, quæ ad ejus thaumaturgam *Aram*, ob cohibitum sanguinis fluxum, erigat monumenta gratitudinis. *Anastasia Wardzieioniska* hoc lento graviq; vitio fatiscēbat. Nihil intermissum ex artibus medendi, quod profuturum putabatur, frustra tamen omnia. Damnat curas, spēsq; humanas, ad Divam Claromontanam conversa, opem implorans, cælesti medicamine perfanata, gratias ad *Aram* supplex persolvit Anno 1613. 5. Junij. Fluunt iugi alveo beneficia Mariæ. Audi *Richardum à S. Lauren.* lib. 9. *MARIA* alveum contigit ipsi fonti vitæ, qui Christus est, quia locus Matris ad dexteram Filij. & ab illo fonte ad corda humilia decurrunt rivuli gratiarum hoc alveo mediante. Hic est alveus torrentis de quo legitur 4. Reg. 3. circumdatus fossis, id est humilitate. Ipsa etiam dici potest alveus torrentis sapientie, & situla. ex qua descendunt iugiter stillicidia gratiarum, consolationum, aspirationum, Illustrationum.

Bychardus
à S. Lauren.
lib. 9. de
laud. B. V. M.

CAPUT V.

*In diversis necessitatibus alijs, hinc devocata subvenit
Clientibus MARIA.*

33 **M**. D. Alexandri Iudicki Ducis Cohortum Exercitus S.R.M. Offe præfatus,
Filio, Nicolao nomine, ad cœnam in festo Divæ Virginis
ab Angelo salutatæ, adeo pertinaciter os piscis hæsit in gutture, ut
mortem ipsam glutijse videretur. Parum aberat, ne suffocaretur di-
uturno tormento, cujus arma nullis conatibus retrahi potuerunt.
Salutis consilium inspiravit religio erga Divam Claromontanam,
addictissimo parenti: ut enim statuit votis sistere ad Aram Filium, su-
bito illud funestæ mortis instrumentum eiecit. Anno 1664.

34 **A**lia nobis à casibus obtruduntur vitæ discrimina, alia in Aposthemā
nobis nascuntur, vivuntq;. Apostema quoddam peregrinū, verminans,
nasum implevit filio G. D. Joannē Olstański, quod vermes fundens, ex
illo quoque verminante sinu, in alia membra letalem pestem dimana-
vit, ad hæc cumulavit ærumnas morbus major, quem placare nulla ars
potuit. Itur ad Medicam opem Mariæ, puer ad limina Divæ Claro-
montanæ sistendus promittitur, pauloq; post integrè sanus, vota cum
Parentibus solvit Anno 1599. Quemadmodum morti, ita & gra-
tiji Mariæ, nulla ætas est immatura, verè in illis Magnificencia tua
Domina pradicatur in seculum, qui autem colunt te, invenient viam pacis. Ser-
vite illi reverenter exultantes. & sanabit vos benedictus fructus castissimi ventris
illius. Respice Domina humilitatem Servorum tuorum, & laudabunt Te in ge-
nerationibus seculorum. Magnifica nomen tuum in multiplicatione gratiarum
tuarum, & ne finas Servos Tuos subiacere periculū

D. Bonasini
Psalm: B. V. M.

35 **C**ommune est hominum pati mortalia, à quibus neminem ab-
solvit natura. G. D. Georgius Wilczek ex Silesia, Heres in-
Dębienko, splenis doloribus correptus & colica affectus, sedecim
hebdomadis æger decubuit. Ad æternitatis ingressum sacramen-
tis munitus, abstractum à medicinis animum ad Divam Claromon-
tanam convertit, absolutusq; morborum, qui in necem conspirave-
rant, angustijs, vota cum Coniuge solvit Anno 1624.

Multiplex
dolor.

36 **I**dem parq; vitæ periculum quamvis à diversa causa profectum
in Viro Nobili Martino Nieniarowski è districtu Sochaczoviensi.

Wassenberg:
in Vladislav
Rege.

Moribundus.

Andreas
Cretensis

viscerum
formina.

D. Bernardus
in Depreci:
ad B.V.M.

Ne patriam indolem (quam Vladislav IV. Polonus Orator apud Vrbani VIII. luculento præconio, à rudiorum laborum exercitio, dum ab armis bellisq; vacat, dilaudavit) otio domestico torporeq; infamaret, hyemis tempore in sylvam ad operas profectus, sudantibus in sublevatione gravioris pinus vires iunxit, sed nisu violento fractus, æger domum deportatur, & quatuor hebdomadas ad mortem decumbit. Præhabuit corpori, curam animæ, ad cuius expiationem advocatus A. R. D. Ioannes Parzenewski Præpositus in Bolemore, ut paulò post moriturum vidit sacro delibutum ceromate, ad mortis imminenti luctum præparavit. A curis animæ, ad corpus vertit consilium; moribundum Divæ Claromontanz devovet, qui resumptis miraculo viribus, vota, quæ suo nomine nuncupata accepit, rata habuit, solvitq; Anno 1624. 11. Maij. Quisquis Mariæ beneficium percipis, intellige miserentis ingenium. Primum Divinæ mentis exequitur propositum, in quo (ut ait Andreas Creten de Dorm. B V. M.) *Sola præter naturam fuit electa ad naturam renovandam, sola deservivit Opifici universa nature.*

37 **M**ARIA Servos & Clientes coronatos habet. Si enim illi servum vire regnare est, quid erit aliud gratijs & miraculis ornari, quam coronari? Nobilem Stephanum dabo, qui tractus illecebris gratiæ, suam, Divæ nostræ mancipatui, obstrinxit libertatem, in quo suam liber amaret servitutem. Hic est G. D. Stephanus Kozerski Aulicus Illustrissimi ac Celsissimi Principis, Casimiri Floriani Ducis in Klewan Czartoryski, Regni Primatis. Anno 1661. 14. Iunij, in via Czesztochoviam versus, interaneorum torminibus, alijsq; medicam facultatem excedentibus affectionibus torquebatur, nihil iuvante medico, qui præsto lenire dolores conabatur. Ad Divam recurrit, contra commune consilium quo svadebatur, ne se itineri committeret, æger in curru vehabatur, ut primùm Clarum Montem à longè conspicatus est, ex curru profligit integrè sanus, totumq; quod supererat itineris, pedes confecit. Testes miraculi Illustrissimus Princeps, & Perillustis & Adm. Reverendus Simon Otzeboſ Canonici Vladislaviensis totaq; Aula. Hæc strictim ex Apographo, quod, R. P. Matthias Orzewski Soc. Iesv, oculatus gratiæ testis, exaratum, in acta dedit. O Pia, ô Magna, ô multum amabile **M A R I A** Tu nec nominari quidem potes quin accendas, nec cogitari quin recrees affectus diligentium Te, Tu nunquam sine dulcedine Tibi divinitus insita, memoria portas ingrederi. Et nunc sequimur Te ô Domina, ex totis præcordijs vociferantes, ad Te, Adiuvæ imbecillitatem nostram, aufer opprobrium nostrum ô **M A R I A**. 38. D:

PARTITIO DECIMA

255

38. **D** Ioannes Damasc: de Dormit: Deip: Titulum inscripserat *D. Damasci*
 MARIE, eam omnium cordi dolorum medicamentum appellando,
 & quam verè, exemplum docet. Hònesta Civis Poznanien: *Anna Brze-*
zińska gravissimos cordis dolores, & palpitationes passa, nullum ab
 arte medica levamen capiebat. Quo recurrat pro medicamine cor
 Annæ, quàm ad *Reginam Cordium* Mariam? In maximis illis cordis
 malè affecti angustiis, ad Aram Divæ Claromontanæ festinans, opta-
 tum cordis lenimen & malaciam consequitur 1595: 3: Septemb: In-
 quietum est cor nostrum, donec in sinu Tuæ protectionis conquie-
 scat. Ergò *Miserere mei Domina & sana infirmitatem meam, tolle dolo-*
rem & angustiam cordis mei! Cor meum MARIA!

Cordis do-
loribus me-
detur Maria.

D. Bonav: in
Psalm: B. V. M.

39. **Q**uæ cordis medetur doloribus, oris quoq; persanandis pu-
 toribus affundit misericordiæ balsama *MARIA N. Hedvigæ* de
Smogorzewice à Skrzinnò, miserabili filia dolore affligebatur, acredo
 pestilens serpebat, gingivæ & os depalcens, vultui deformitatem
 induxit. Majus humano remedio erat malum, ad Montem Aroma-
 tum, Montem Clarum vota festinat, quorum beneficio primum vigo-
 rem decoremq; recepit Anno 1598. Factorem peccatorum nostrorum
 extingve gratiæ Tuæ fragrantia; ô Maria, nam Tu es (ut in vetustò
 Missali Ecclesiæ Cracovi: lego in Prosis de Domina)

Vultus de-
formitas per-
sanatur:

Porta clausa Fons hortorum

Cella custos unguentorum,

Cella pigmentaria

Cynamomum, Calamum,

Myrrham, thus, & balsamum

Superas fragrantia;

Vetus Missa
Eccles. Cracov.

40. **A** Nhorum quatuor Filius Civis Pzdzrensis *Laurentij Rudowicz* Amicus Pæ-
 domo profugus in remotiorem silvam secessit hyemis tem-
 pore. Serò advertunt Parentes, Divæ Claromontanæ protectioni de-
 vovent amissam prolem, peregrinationem ad ejus rempla polliciti.
 Inspiratum consilium secuti, Puerum in Silva quærunt, inveniunt
 biduo jejunum, & ab algeris sævitia mirabiliter protectum Anno 1636
 Dicite quisnam nutrit fovitq; Puerum in apertis frigoribus, nisi
 Maria, quæ *D. Ephræm* dicitur *Clibanum intellectuali*, qui ignem & pa-
 nem vitæ solidum mundo in escam adtulit, nisi ea; quæ est secundum,
D. Bonav: in Litan: Misericordiarum pia consolatio, vera salus & beatitudo, Ma-
ter orphanorum, Mamilla parvulorum, Consolatio afflictorum MARIA!

D. Ephræm

D. Bonav: in
Litan:

41 Pet.

41 **P**etrus de Niemirou Oppido Ruthæ, puer perverax, insolentius parentibus obstrepebat, sæpius ore contorto Matri illudere solitus. Qui præceptum de honorandis dedit parentibus, non tulit illam à puero illatam impune contumeliam, sed protervum os vultumque ad occipitium detorsit, ut cum suo probro, meritam proterviæ penam portaret, & contumaciæ parentum contemptricis vindictam, ad correctionis exemplum ostenderet. Ostduo illud, injuriam parentum ulciscens Dei portentosum spectaculum, miser circumferebat, donec rediens ad cor, pœnitundine ductus, offensam seriò deprecare tur. Vultus corrigendi gratiam precatus à Diva cum peregrinationis Claromontanæ proposito impetravit. Anno 1642. vota solvit. Quis invocavit eam, quis speravit in ea, & confusus est? Nemo ô Domina? idcòque confidenter cum D. Augustino precamur *Assiste parata votu poscentium, & repende omnibus optatum effectū. Sint tibi studia, assidue orare pro populo Dei, que meruisti benedicta Redemptorem ferre mundi.*

D. Augusti

CAPVT VI.

Huc Accedentia.

Moribundus
infans re-
lescit.

42 **S**vis curis dignatur & Pontificales Infulas in hoc loco MARIA, ad quas fovet, conservat, promover ab ipsis cunabulis destinatos. Patet in Illustrissimo ac Reverendissimo Domino STANISLAO HYACINTHO SWIECICKI, Episcopo nunc Chelmeni, qui, ab infantia, Dei timorem, Matris ejus amorem, traxit ex indole Inclitissimi Patris, suxit ex ubere Matris pientissimæ. Genuinæ recognitionis ejus hic stylum, manu ejus propria conscriptum pono, quam ad Mariæ Domus Archivum dedit:

Virgini Beatissimæ, cujus maximis Diva Effigies in Claro Monte Czeszochoviano, totam Sarmatiam ditat bucusquæ beneficijs, quò magis populus vota sua devotiori mente offerat, ego infrascriptus in mea Persona receptam publicis fero tabulis gratiam in Anno 1616. Die 14. Octob. Nobili Patre IACOBO de Swiećice, & Matre CATHARINA WASOWSKA, stemmatis Łada, quam genuit Catharina ex fami-

familia Duninorum, natus sum, nulliusque alterius nisi propriae Matris meae sugere ubera volui, quae, cum singulis annis secunda Dominica post Pascha visitare Sacram Czeſtochoviensem Imaginem conſpexerit, multosque (proprio sumptu alendo) secum duxerit; diu mente voluebat, an solita devotioni, vel necessitati infantis parere debuerit, cum infans lac alterius feminae omnino exhorreret. Vicinia Matris erga Virginem summa devotio, relicto filio (ſperando infantem in absentia Matris alterius feminae potuisse lacte nutrir) destinato itineri sese accinxit, pedibusque iter conficiens Czeſtochoviam ingreſſa Sanctiſſimae Virgini, tum pro ſuſcepta maſcula prole gratias, tum pro conſervatione ejuſdem preces fundendo. Peracto demum ſuo devotionis modo; currum aſcendens, domum altera ſeptimanâ rediit. In ipſo reditu nuntium ſatis accepit triſtem, ſcilicet Filium in agone extitiſſe, eo quod quatuordecim diebus ſine congruo remaſſerit alimento. Irruit domum mœſta Mater, recipit vix jam ſpirantem Filium, ſpeciem quandam cadaveris referentem, flexiſque genibus ante Iconem Czeſtochovianam, quam penes ſe domi ſemper habebat, Divae Matris auxilium imploravit; Ecce Miſericordiſſima Dei Mater infantem ploranti mox reſtituit ſanum, quem ſic accipiens, novum arripit iter, Czeſtochoviæque, ſanitati reſtitutum ante Imaginem cum gratiarum actionibus deponit, offertque ſupplicando, ut eundem in ſuam recipiat protectionem. Grata tanti beneficii Parens, in me indigno Filio recepti, ſingulis annis jam ex voto, ſupra praefato tempore, locum Czeſtochoviensem viſitabat, me Filium ſuum, quem ex ſecundo Matrimonio unicum

habuit, patrocinio Beatissimæ Virginis MARIE commendo. Sed & Beatissimæ Virgo devotæ Mulieri magnam sæpe præstitit gratiam: etenim quatuor vicibus paralytici affectu, per unum, & alterum diem sine cibo, sine loquela existenti, vitam integram toties donavit, quam in media nocte, secunda post affectionem, vel tertiæ diei, integris viribus secreto preces recitantem, domestica invenit familia, &c. &c.

Ita testor ego STANISLAVS HYACINTHVS SWIĘCICKI Episcopus Spigacensis, Scholasticus Gnesnensis, Decanus Vladislaviensis, Archidiaconus, & ad Sanctum GEORGIVM Præpositus, Vicarius in Spiritualibus; & Officialis Varsaviensis, ac per Ducatum Masoviæ Generalis.

En Præsul Illustrissimus, intervëntu meritorum præcibus exorata MARIE, suam, suæque lectissimæ Parentis redonatam sapius vitam profitetur: exinde, nonne meritò Interventrici Mundi Nomen ei attribuendum est? & attribuit B. Laurentius Iustinianus in sermone de Purificat: MARIE, postquam luculento pulchritudinem ejus præconio dilaudavit: Erat profeßo ipsa talis, & tanta, ut illi minimè reperiretur simili. Erat inquam corpore Virgo, carne incorrupta, prole secunda, virtute perfecta, moribus composita, sanctitate redimita, honestate conspicua, corde ignita, animo suspensa, gratia plena, sapientiâ perfusa, Deo conjuncta, Verbo propinqua, mysterijs Divini imbuta, Angelorum consortio custodita, & Spiritu Sancto abig, tempore intervallò possessa, sibi namq; illam in Sponsam delegerat, sapientia in Matrem, in suam INTERVENTRICEM Mundus, Angeli in Domina, & Æternus Pater in Filiam.

B. Laurentius
Iustinianus
in sermone de
Purificat: Ma-
ria.

Descripta
MARIA

In malignis
febris salu-
tare refrige-
rium expertus

43 Interventricem expertus est, & hic professus, suæ salutis Opifera MARIAM, Perillustis ac M. D. Stanislaus Borkowski Castellanus Polanecensis. Genuinum ejus Authographum refero:

Ego STANISLAVS de Magna Skrzynno Dunin BORKOWSKI Castellanus Polanecensis, attestor; me ex gravi morbo maligna, post vigesimum quartum diem, ope Divæ Ma-

tris

tris Claromontana mirabiliter convaluisse. Post omnia
signa, quæ mortem præcedere solent, à Medicis totaliter
desperatus, intra aliquot horas mortem expectabam, ac-
cepta gelidæ aquæ potione, cum glacie, ac nive mixtæ, jam
non contradicentibus Medicis, factis prius votis, ac sup-
plicationibus ad Divam Matrem Claromontanam, ut in
verita potione potius medicinam celestem, non toxicum
illud sumerem. Illico in horrorem, postea in sudores re-
solutus fui. Illo momento non tantum adstantes dome-
stici, verum & medici me non naturaliter, sed ope Divi-
næ Matris, de tam certo mortis periculo, ereptum testa-
bantur. Gratus ergo tanti beneficii, è Palatinatu Lubli-
nensi huc ad S. Imaginem Virginis Beatissimæ, gratiâ exol-
vendarum promissionum, pro illo tempore adueni, pro-
missaq; præstiti, in Anno 1667. Nunc demum factus
certior, quòd à Patribus miracula penes hanc Sanctam I-
maginem facta examinantur, ut typis dari possint, hanc
meam recognitionem accepti beneficii, sub fide jurata Sena-
toria relinquo. Dabantur Czeschovia Die 13. Nouemb:
Anno 1674.



Idem qui supra mpp:

Interveniendo apud Deum pro suis Clientibus MARIA, & meritum
suorum thesaurum, in nostræ naturæ paupertatem gratiâ ditandam,
erogat, ex quo salutis vena moribundis promanat. Hac ardores pesti-
lenciales restingvit. Testatur idem, non tantum ornamentis avitissi-
mæ Prosapie, verum & erga Divinam Matrem, Montemq; ejus Cla-
rum religione Clientis Illustrissimus, de illius gratiæ plenitudine liban-
do dulcedinem, quòd, secundum Richardum à S. Laurentio Libro 9. *Richardus*
de Laud: Virg: MARIE. *Pater ei (MARIE) Fons est, Filium rivum procedens à S. Laur:*
X k 2 *ab isto*

Stagnum
Maria.

ab isto Fonte, Spiritus Sanctus procedens ab utroq; dici potest Stagnum superius, quia continet plenitudinem gratiarum; MARIA quasi stagnum inferius per humilitatem, qua omnia Charismata, & dona gratiarum, qua procedunt à Patre, & Filio, suscepit, Spiritu Sancto descendente in eam. Festivè Alcuinus accinit (in Proœmio 9). MARIE,

Alcuinus

*Tu Regina poli, campi Flos, Lilia Mundi,
Hortus Conclusus, vita Fons, VENA SALVTIS.*

Ex varijs
morbis.

44] Nvocantibus præstò Mater Clementissima, & celebratissima MARIA, semper, & ubiq; ad robustæ fiducia mensuram, ex hac

Mensa solatiorum salutare micas participat Clientibus; quia ubertas gratiarum ejus, nec verbis explicari, nec mortalium necessitatibus potest exhauriri. Antecedentium sæculorum anni, menses, dies revocati in testimonium assurgunt; sed & Anno hoc, dum hæc ex prælo in lucem prodeunt, in testimonium fit supplex ad Aram thau-maturgæ Virginis G. D. Alexander Marcus in Psary Psarki, cum sua Consorte Mariana Zabor ska. Vterq; in Roiow, Hereditaria in Ostrze-wiensi territorio possessione, cum ægritudine confecti, temporibus diversis, extremo langvore consumuntur, ultimum vitæ jam jam in-tereuntis terminum præstolando; votis ad Montem Clarum, Aram-que salutis in hoc loco MARIAM, ad quam, hanc Adstes luctæ supre-mæ Confessarius, illum Conjunx devovebat, vitam jam desperatam meruerunt. Hic Matrem viventium venerati, cum gratiarum actio-ne, authographum accepti beneficii, subscriptum, sigilloq; firmatum dederunt, Anno 1681. 22. Februarij. Non mirum, quod adeo pro-digia, & prodigiosa largitate commodis mortalium prospiciat MA-RIA, quæ dotalia munera gratiarum in omni plenitudine possedit, tanquam Patris Æterni Filia. Suffragatur asserto meo autoritate sua Simon de Cassia Libro 2. de B.V.M. cap: 1. Divina Virgo, Filia Pa-tris æterni, plus habes in occultu suu, quàm capiat hominum mens, quàm possit sermo proficere, quàm scribi membranæ: quam sibi totam coopravit ille, qui condidit; ad nil aliud, quàm ad Divina perstruens, ut Dei Mater esset, & Filia. Tota in se formosa erat, & to-ta in virtutibus, & actionibus forma, & æ-emplar æterni exemplarum.

Simon de
Cassia lib: 2
de B.V.M.
Cap: 1.



ANALECTORUM MENSÆ REGINALIS.

SEV

HISTORIÆ, DIVÆ VIRGINIS
CLAROMONTANÆ MARIÆ.

PARTITIO XI.

*Obsidionis Claromontanae per Svecos & alios
Hæreticos seriem Divæ prodigijs illustra-
tam, & solutionem complectitur.*

Hic apparet Ex Esther cap:

HONORIFICENTIA POPULI NOSTRI
M A R I Æ.

Rertinebat ad æternæ gratitudinis memoriam
hic reminisci Obsidionis Claromontanae, quam
miraculis constare ad solatia Patriæ, ut intelli-
gas testimonium in suo cursu pono Celsissimi
Illustrissimi Principis Regniq̃ue Primatis CASIMIRI FLO-
RIANI Ducis in Klewan CZAKTORYSKI. Expungantur me-
moriâ hominum, & quæ nunc facta conspiciunt, & quæ aliquan-
do in Monte hoc ad ampliandum suæ Divinissimæ Matris honorem,
Altissimi manus patravit memorabilia, maneat verò unicum hoc:
Mons Clarus tutelâ MARIÆ inter cineres fumantis Poloniae solus
illasus, solus reviviscentis Regni salutis servatus, solus confunden-
da hostium potentia relictus integer, ac inter ruinas urbium, Ca-
stellorum, omni hostium impetuofo furore superior. Omnem pro-
inde Regno Poloniae integritatem, publicas, privata squè Reipub:
fortunas, Ecclesijs cultum DEI, & civitas immunitates servatas
restitutasquè cogitemus op̃e solus à Claromonte MARIÆ. Hæc
Illustrissimus Princeps. Iam hic patrata prodigia, & ma-
gnalia in suas classes distributa propono. Kk, CA.

CAPVT I.

Obsidionis Claromontanae praesagia nonnulla & occasio.

1. POST felicem ad meliorem vitam discessum VLADISLAI IV. Regis Poloniae, qui cum nondum regnaret, ab VRBANO VII. *se-*
Polonia la- *ptemrioni decus & fidei praesidium* est appellatus, ubi variorum hostium
befactata arma ditiones Poloniae subiectas lacerassent, & Sveciae Rex GVSTA-
ab hostibus. vus cum apparatu bellico sese Regni visceribus intulit, eo tempore,
 quo Polona virtus, Kozakorum, Tartarorum, Moschorumque vi-
 nervata putabatur. Suscepit violenter obiectam belli molem Sar-
 matiae Mars, eò de successibus Victoriosis certior, quò belli causa iu-
 stior. Et quidem non sefellisset benè ominatos eventus expectatio,
Svetica ca- nisi ea desertorum Regis, proditorumque Patriae Monstra, in sinu suo
stra consta- fovisset, quæ viperino morsu viscera lancinando, spes omnes eneca-
bant hære- bant. Hostile ingenium in hæreticis, qui castra Vandalorum se-
cicis. quebantur, cum profana omnia immensis cladibus populasset, Tem-
 plis Arisque non parcebat. Quamvis autem felicitarentur successus
 Sveciae Regis, verebatur tamen, ne dispersa nobilitas, animis, viribus,
 armisque collectis, in copias militares coacta, aut occupatas muni-
 tiones Svecorum praesidijs invaderet, aut nec dum infestas occupa-
 ret, ad urbium aliarumque munitionum securitatem procurandam
In occupan- diversos Duces destinavit. Millerum Generalem Vicarium majori
dis & muni- praefecit Poloniae, cui demandavit, ut Clarum Montem in suam re-
endis forta- ductum potestatem, firmo praesidio communiret. Datum hoc Millero
litijs Sveco- Generali Vicario Sveciae Regis mandatum, innotuit *Veichardo Co-*
rum studium. *mitti à Wrzeszewicz,* qui trahente moram in expugnatione Millero, a-
 liquot millibus armatorum stipatus, Clarum Montem aggredi non
 formidavit. Compluribus videbatur impelli rationibus ad maturan-
 dam expugnationem *Wrzeszewium,* tum, ut fidelitatem suam, nec tarda-
 ram ad obsequium Regis operam, comprobaret; tum, ut Regiam be-
 nevolentiam gloriaeque militaris insignia Millero praeiperet; tum
 demum (quod quidem verius reor) ut congesta hoc loco Nobilitatis,
 Procerumque gazâ potiretur.

Obsidionis
praesagia.

2. ET tantò hæc funestiora accessere Poloniae, quantò luculentius
 docente Cælo cognovimus, læsos Superos indignari. Come-
 tis complurib' longè ante, ut lingvis Cæli, portendebatur hæc ordina-
 tiōne Reipub: consulto. Id imprimis malè ominosū erat, quòd Anno

164. 10. Februarij fortuito incendio Claromontana turris dejecta, non mediocriter damnum basilicæ & subiectis intulerit ædificijs. Fatalis idem Annus erat, qui & in hypogeo nostri cœli formidabiles scenas explicabat: nam præter alios frequentiores & inauspicatos Cometas, illud portentosum, in solis ad occasum vergentis facie, tot ruinarum, cædum, promiscuæq; perditiones Sarmatiæ vastitatis, præaugum apparuit spectaculum. Anno eodem, 9. Iunij super nasum occidentis solis Crux in Cor visa converti, quod mucrone transverberatum in sinistram solis partem deflectens, stetit sub oculo, sub altero verò solaris vultus oculo, visa est, armata manus pomum tenens, quod sese per oculum sursum attollens; ac in quatuor minores partes divisum, super oculi supercilium substitit; tandem super solis clipeum ascendens, minacem virgam representavit.

3. Quid aded formidabiles Cœli imagines referebant? Nonne sol occumbens inclinatum ad interitum Poloniae Serenitatem præmonstravit, cui semper salutare stigma Crux cordi fuit, ipsaque Religionis Crucisque propugnata signa, in cor abierunt, exinde semper suis redundasset solatijs, nisi inimicus contra Crucis cultores exertus pugio transverberans Cor; immedicabile vulnus infixisset. Crevisset auspicijs Cœli felicitas, nisi Polonus Orbis in pública solis facie, per tot vicissitudines temporum, hostium armatâ manu iactatus, ludum fortunæ fecisset. Porro, quid innuebat quadripartitum imperij pomum, nisi illud monstrum quadriceps, superbiam scilicet Kozacorum fœderatorum Tartaris, Moschorum, Turcarum, Svecorumque armis illis Patriam dilacerantium? quid virga minax? imminentem certè castigationem Dei, crimina plectentis: postquam enim Patriæ libertatis potestas, in quodlibet audendi licentiam mutata, extra humanum Divinumque fas cœpit evagari, Virgam furoris Domini ad vindicationem lacecessivit.

4. Neque tacendum est, quod anno illo Sveticam irruptionem præcedente, fulmina passim per urbes & oppida ingenti strage turrium & domorum fastigia deiciebant, quæ ne fortuitis eventibus imputarentur, armis deinde hostilibus fulminata, igne vastata Polonia propalam demonstravit; nec contemnenda fuerunt eo tempore Martialia puerorum exercitia, qui passim illis temporibus suæ cladi proludendo belligerabant. Observavimus & in Imaginis Sacre vultu deliquia, quæ cum antea nil nisi leporem, gratiamque spirabat fronte in nubem collectâ, iam indignanti, jam misereni similis, rati-

Fulmina.

Cometa.

Formidabile
in Sole oc-
cidere ostē-
tum.Ostentorum
interpretatio.Puerorum
belligerantium
præstigia.In Sacra Im-
agine mu-
tationes.

tum dolorem, stuporēque cogitationibus spectatorum ingerebat. Quid Lucis nostræ deliquia, nonne calamitates, & damna prælagiebant? Quamobrem, sicut illi, monstris Cœlestibus mala nostra portendenti ad occiduam plagam lumini, ita Luci nostræ apprimē convenit, quod grandia terris præmonstrasset.

Virg. Ge.
orgice

*Sol tibi signa dabit? solem quis dicere falsum
Audeat! ille etiam cecos instare tumultus
Sapē monet, fraudēque, & operta tumescere bella.*

C A P V T II.

Hostium assultus, & oppugnatio.

Quare as-
surgit non
potest hosti-
li vestigio
Mons Clarus

1. PROpositi memor, miracula refero, sine quibus attingi tentarique non potuit Mons Virginis. Ea sunt prima, quæ vidit Bizantinus, cum Imaginis ejusdem præsidio, barbarorum impetus, veluti inexpugnabili Clypeo propē quingentis annis retundebantur; quæ Roxolanus veneratus est, cum ejusdem obiectu Tartarorum acies sternebantur. Movit Svecus exercitum, Calissio versūs Czestochoviam, sed arcano quodam terrore prohibitus, ab oppugnatione animimum abiecit. Secundò minùs tamen secundis, quàm antehac avibus, Petricoviā instructissimum apparatu bellico, ad occupationem Arcis Marianæ expedit exercitum, & hic deterritus, receptui cecinit, sentiens fati cujusdam necessitate se prohiberi. Occupatur circa Cracoviam, ubi cum improba vota haud mediocribus felicitantur successibus, tertio expedit belli robur contra basilicam. Quid autem moraretur obsidionem, accessumque hostium primò didicimus, quando eodem die, quo è suo Reginali throno, submota Imago securitatis causā extra limites regni asportata fuit, peregrinus turbarum, Clangor, Clasicum cecinit. Cognovimus tam diu ipsam Sacro Monti subiectam humum, à sacrilegis assultibus immunem fuisse, quàm diu Virgo suam implendo regiam, occulto Numine invasionem reprimebat.

Submota I-
magine mox
hostis aggre-
ditur fortali-
cium.

Ad Svecos
supplices
libelli.

6. LABORatum est, prout angustiae temporis ferebant, supplicibus libellis, ut incumbens manibus hostis posita amoliretur, sed insolescens intemperantiā victoriæ, & rebus ad votum prosperè fluentibus, inclinari non potuit, ut receptui caneret. Enituit & hic, præpotens Numen MARIE, in admirabili, rebellium ejus honori, animorum mutatione. nonnulli dogmatum Lutheranorum sequaces, inventi

inuenti, qui loci reverentiâ tacti, obsidionem dissuadebant bellî Principibus, quos inter, non mediocrem obtinet laudem *Sadowski*, Svecorû Regis (ut vocant) Colonell^o, qui cû supplices à nobis literas accepisset, invasionem Domûs Virginæ Millero per literas dissuasit, ad perpetuam illorum cultûs Mariani, locique sacri, desertorum confusionem, qui ad sacrilegum classicum contra Templâ Virginæ arma sumere non verébantur. Libet hic *Sadovij* literas recitare. *Sustinenda Vobis ô Patres ingruentis belli moles: itâ tamen, nè aliqua irritatione Vestra hosti ferocior evadat, tractando potius, nunc has nunc illas deditioni conditiones proponite, donec placitura offerantur.* Millero deinde svasit, ut in sui locum alium substitueret, inquires: *Quæ enim laus fuerit Monasterium expugnasse, cuius virtuti majora olim cesserint munimenta; quòd si Monachi Superiores evaserint, quantam labem sera posteritate nomini tuo asperserû, qui ab imbelli turba superatum fuerû.* Hæc Lutherus *Sadowski*.

7. Intererat profectò *Wrzeszewicio* Montis Clari immunitatem, honoremque tueri, qui ex eo auspicijs Mariæ vitæ reparatæ gratiam salutemque reportavit, ejusdemque boni promovendi, antehac Fautor & Patronus extitit, affectum suum (dum *Vielicensium* Salis-fodinarum Præfecturam administraret) & hic recuperatum vitæ jam desperatæ beneficium, pretiosis, (quæ adhuc prostant) muneribus profitendo. Fœdus pristinæ religionis desertor & transfuga *Wrzeszewicius*, quàm insensus huic loco fuerit in conditionibz ad Aulæ Marianæ deditionem compilatis patebat. Proripavit & infamem Milleri famem thesaurorum, cû Poloniæ opes huc confluisse vendicans, scripsit, ut quamprimum auctus recentibus copijs, obsidionem coactis cum ejus exercitu viribus festinaret. Novem itaque *Wrzeszewicio* daturus suppetias Millerus traxit millia ad Clarum Montem Anno 1655. 18. Novemb: pluribus longè hæreticarum blasphemiarum armatus millibus, ut non immerito crediderim suscitata à damnatorû claustris pœnalibus illam Matrem fornicationum, & abominationum terra, sedentem super bestiam coccineam, plenam nominibus blasphemiarum, protractamque, cui more suo, congenita Cœlestibus clementia parcebat. Audivimus buccis scetentibus in Sacratissimæ Deiparentis contumeliam fundi voces illas: *Videbimus hanc Vestram Mariam, an Vobis aliquid sit allatura subsidij.* Vidimus Apocali 13. bestiam, cui datum est os loquens magna & blasphemias, & aperuit os suum in blasphemias ad D E V M, blasphemare nomen ejus, & tabernaculum ejus, & eos, qui in Cœlo habitant.

L. I.

8. Primi

Wrzeszewicius hinc beneficium salutis accepit.

Gratitudinē muneribus testatus est.

Circûdatur exercitu & armis Mons Clarus.

Blasphemia

Minacissima
Svecorū li-
tera, & quæ-
rimonia do-
mesticorum.

Sollicitato-
res submit-
tunt Sveci.

Duo ex Pa-
trib' nostris
apud Svecos
detinentur.

oppugnatur
Mons virgi-
nis.

Ducunt cu-
niculos Sve-
ci, sed irrito
labore.

Svecorum
prestigia.

8. **P**rimi oppugnationis arietes fuerunt, minacissima litera, gra-
viores domesticorum querimoniarum, & externorum (qui Sve-
tica factionis fautores erant) cavillationes, quærentium: *Nunquid*
Ottomanica Patres expectatis auxilia? Reperti è Nobilitate, qui ad de-
ditionem sollicitabant, incentores. Laudem hic meretur G. D. *Petrus*
Sladkowski Prodapifer Ravenis, qui redux è Prussia à Svecis interce-
ptus submittebatur, ut nostrorum constantiam ad deditorem incli-
naret, suscepit imperium, quod mente damnabat, accessit mœnia,
& speratis è Cœlo subsidii, animos obsessorum erigebat. Detine-
bantur adhuc eo tempore in castris hostilibus, ad tractandum pacis
negotium Patres delegati, qui, ubi sollicitationibus nihil profecit ho-
stis, ad pœnas plagiariorum damnati, mortem non minùs generose,
quàm gloriose, pro fidelitate Regi, Patriæq; servanda, excipere pa-
rati fuerunt, si ita fatorum tulisset necessitas. Prodigio par erat pu-
blicis privatisq; calamitatibus, non frangi, non moveri.

9. **A**nimis obsessorum sic exploratis, consilium fuit hæreticis,
munitionum firmitatem bellicis armorum fulminibus ex-
periri, quapropter è circumductis stativis, & suggestibus, diverso
armorum apparatu instructissimis, baleares machinæ mœnia quatien-
bant aliquot hebdomadis, sed in adversariorum perniciem retroce-
dentes globi, (qui nonnunquam unâ die quadringenti fundebantur)
sua castra non absque suorum strage, repetebant. Non aperto tan-
tum pugnatum Marte; Undique subterraneis cuniculis Montem ag-
gredi conati, celsibus resistentem pertinaciter petram habuerunt, cu-
jus invictum arte Latomorum, qui è Polonia gregatim huc ageban-
tur, robur, ad desperationem coëgit. Proiecta per lignea Cœnobij
tectâ globorum incendia, non infrequenter, nullum detrimentum in-
ferre potuerunt. Assumptæ & ex erebo in belli societatem, nocen-
di artes; Plurimi Characteribus, & pactis cum dæmonibus armati
censebantur, (ut infra referam) adhibita præstigia; cum enim nu-
merosis cladibus circa mœnia sternerentur, erepto obsessis de die me-
dio lumine, tenebras induxerunt, ut sub umbrarum favorem, munificen-
tiæ naturam propinquius explorare; suggestus terreos erigere, ful-
minatrices machinas admove, rimari cuniculos, viamquæ, si quæ
luceret, ad oppugnationem possent invenire.

CAPVT III.

Propugnatur Mons Clarus.

10. **Q**uibus suspecta fuit A catholicorum fidelitas, collecta pretiosiore suppellectili, intra mœnia sese receperunt, non suspicati squalorem obsidionis tolerandum. At postquam se premienserunt, magna virium & victoriæ confidentia erecti, unanimiter ad Aram, in qua jam non nisi Imago Imaginis fuit exposita, cum votis procidui dixerunt:

--- *Hæc Ara tuebitur omnes.*

Et Ducem sub sago Religioso providit propugnationi sui loci **MARIA**. Is erat (*Clemens* hoc ei nomen primum in seculo) *Augustinus Kordecki*, eo tempore Claromontani Cœnobij Prior, seu ætatem decrepitam, seu annos juventutis, extra armorum strepitum laudabiliter exactos, consideres, ineptus tanto muneri, quia tamen, ut Doctor Angelicus 3. p. loquitur: *Quos DEVS ad aliquid eligit, ita præparat, ac disponit, ut ad illud, ad quod eliguntur, inveniatur idonei*, roboratus Numinis dexterâ novo belli rudimēto instructissimus apparuit, secutus Ioëlis monitum cap: 1. *Infirmus dicat, quia fortis ego sum*. Et quod hic Viri mitissimi accingat *Clementiam* ad contundendam, superbi hostis ferociam, liquido **LXX**, proponunt, Ioëlem interpretati: *Qui clemens est, ad prælium & pugnam se comparat, ac frenum & bellicosum se præbeat*. Quod hoc ad miraculum accesserit, in utraq; Martis & Sapientiæ palæstra, inclytus, hujus Obsidionis Scriptor *Stanislaus à Kobierzycko Kobierzycki* Palatinus Pomeraniæ in suo opere **Kordecki** folio 14 declaravit inquit: *Profecto miraculi loco censendum existimo, Numen supremum ad Matris sue preces, elegisse infirma, ut confunderet fortia, atque ad deprimendam hostium superbiam unum Monachum, veterano opposuisse Ducem.*

II. **I**ngruente itaque periculo, centum sexaginta pedites, è bonis Monasterij collecti tumultuariè, quatuor Poloni Nobiles, cum suo famulatio, septuaginta Religiosi, domestica familia non aded numerosa, & imbellis mulierum cum prolibus turba, totus erat Herois extemporanei exercitus; Incredibile est, quas non passus contumelias à nonnullis, qui virtutem se nis, temeritatem, & deliramentum appellabant; collapsos animos prædianj militis, du-

In qua tem
nonnisi ima
go Imaginis
fuit expo
sita.

Augustinus
Kordecki
præses Mo
nasterij de
fendit.
D. Thomas
parte 3.

Ioel. 2.

Stanislaus
Kordecki

Ordinatio
& dispositio
obscorum.

plicato in mensem stipendio erexit, receptoq; fidelitatis Sacramen-
to, ad propugnationem obstrinxit, coacto Patrum, Fratrumq; &
Nobilium concilio, tantum eloquentia flexanimi effecit, quantum
ad justam defensionem desiderari potuit. Militarem deinde Rem-
publicam, de omnibus quorquot mœnibus claudebantur, ordinatis-
simam constituit; interea, ut maturè totum belli negotium dispo-
nat, simulat adhuc condiciones pacisci velle cum hostibus, ut ita
moram longiorem nactus, quæ ad munitionis firmitatem, facere vi-
debantur, comparet. Atate graviores, & militarium impatientes
onerum, placando Numini, & de Cœlo perendis auspicijs, ad Cho-
rum Templumq; destinat, in Religiosam Iuventutem, cum præsidia-
rijs, communes labores partitur; alijs quatuor Patribus, qui con-
silio pollebant & industria, in quatuor propugnacula cum Nobilibus
præfecturam committit, designando & eos, qui liberatorum fidelita-
tem in exonerandis ballearibus machinis observarent. Excubijs rei-
tormentariæ Præfectos è medio seniorum Patrum deputat, alios præ-
cavendis tectorum incendijs custodes constituit, alios, qui ad arcen-
das noctis tenebras, in turri lampades & faces exponerent, procura-
tores ponit; in alios alia dispensat officia, quam industriam consi-
derans Stanislaus Kobierzycki, sic inquit: *Vnius præfecti Kordziej vi-
gilantia debetur. Montis Clara servati, Laus.*

In obfidio-
ne, Heroes
Defensores

12. **P**rovidit Capiti nostro, extemporaneo illi belli Imperato-
ri, Diva Armipotens, duos, avitissimi & illustrissimi Sana-
gvinis Heroes, Generosum D. Stephanum Zamoyksi Ensisferum Siradi-
ensem, & G. D. Petrum Czárnecki, qui veluti

— Duo fulmina belli

Scipiades

Gen. D. Stee-
phani: Za-
moyski me-
ridiana eru-
ptio & hosti-
um strages

parent magnis nominibus, Domibusq; gloriâ merebantur. Genero-
sus D. Stephanus Zamoyksi nostræ obfidionis tempore, Generalis
Armorum Præfectus, Marianæ Virtutis miraculum & exemplum
in se ostendit, cum enim arctatam igne ferroque imbellem turbam
magistra necessitas, admodum peritè arma tractare docuisset, lectis-
simam prædialiorum manum, per profundius excavatæ caulis o-
stium, de medio die, veluti ex Equo Trojano, ipse cedes morteq;
spirans, producit; numerosas latomorum cuniculos egerentium o-
peras dissipat; molitiones deiicit; proximam stationem illabitur,
occupat; palantes Svecos persequitur, urget; cædit; apparatus
bellicum disijcit, corrumpit; grandia machinarum ora, quæ ignem
vome-

vomebant quâ ferro, quâ lapidibus obturat, prædam diripit; in
regem demum intulit mœnibus victoriam.

13. **N**on impari fortuna Gen: D. Petrus Czárnecki, ad præcla-
ri nominis æternitatem laboravit: coacto enim militum
agmine, noctis illunis, favente silentio, eadem. vi ad proxima sta-
tiva proruit, pars in excubijs collocata dilabentibus insidiatur, pars
suggestum involat, ipse Heros magnanimus, primus rei tormenta-
ria Præfectum, invicta dexterâ trucidat, alios somno gravatos stra-
ge immani fundit, hinc rapientes fugam, alij in nostros milites
expectantes partem victoriæ, illapsi sternuntur. Cæsa tunc Regi
Sveciæ charissima Ducum capita, Dux ipse positus victoriâ nonnisi
sanguinem, in fatigata cædibus framea, alij pingviorem prædam,
ex intestatis hostibus retulerunt. Vterq; ad miraculum sub Maria-
no clypeo decertabat, unus diem auxit præclara victoriâ, alter no-
ctem illustravit. Cum his MARIA Tutrix & Propugnatrix sui Montis,
gloriam suam partita est. Inimani stragē sæpè fusus, & confusus
hostis, cum dæmonum artibus diem sæpius eriperet, adhibita Ex-
orcistarum ope, illa tenebrionum infernalium caligo dissipabatur;
prodebantur suis artibus fraudes hæreticorum, cum enim sub favore
caliginis machinas bellicas admovebant propius, suo destituti Sipar-
rio in aperta luce sternebantur. Non Romanâ, non Sarmaticâ for-
titudine, at Marianâ virtute hæc omnia succedebant, hinc & STA-
NISLAVS KOBIERZYCKI, Senator Polonus, miraculum in-
continuatis feliciter eventibus rerum agnoscens, ait: *At profecto
consideranti mihi attentiâ, quæ in hac obsidione evenerunt; nihil humanis vi-
ribus, aut consilio dandum esse censeo. Cælestis ea cura fuit; indeque evi-
dens auxilium, non Polonis tantum, at universa venerandam Christianitati.*

G. D. Petrus
Czarnecki
par conatus
& nocturna
victoria,

14. **A**B SINT cætera, quod subijcio, fidem dicto conciliabit.
Ipsoꝝ Hæreticorum testimonium est, quod eo tem-
pore, quo tormenta librabant contra Cœnobium, videbant illud
jam in profundas vallēs descendisse, jam super terram eversum o-
culos elusisse, hinc in cassum fulminata incendia, aut ad Montis
clivum illisa, tardatis impetibus humum findebant, aut in auras e-
lapsa, ædificiorum summitatem prævolabant, aut in castra rever-
tebantur. Et illæ orientalis propugnaculi ruina, ad gloriam servi-
ebant, cū murorū partē hostis dejecisset, sed hæc erat probata mu-
lierum fortitudinis, imbellisq; turbæ occasio; non puduit namq;

Monasteriū
iam in subli-
mi, iam val-
libus situa-
tū, Iudis
oppugnan-
tium conatib;

Andreas
Cretensis.

& honoratiores matronas, armis muliebribus, manus admove-
& opplendis hiantibus murorum vulneribus, terram, lapidesque
congerere. Neque illi torpebant, quibus per sexus, ætatisq; debi-
litem, permiffum à gravioribus abstinere laboribus, sed quotquot
urgente periculo tumultuatim, in mœnia sunt illapfi, sudabant in
laboribus, frigebant in excubijs, noctu dieq; obfidionis incommo-
da tolerando. Verè hic MARIA apparuit, secundum Andream,
Cretensem de Dormit: B. V. Christianorum fidei Propugnaculum, &
eorum, qui spem in ea collocant, Propugnatrix.

C A P V T V.

*Quæ memorabilia, tum in castris hostilibus, tum alibi,
Sveticæ obfidionis tempore, ostendit MARIA?*

Sollicitantes
ad deditionem.

IS TAM cæco, tamquæ præcipiti Marte à Svecis pugnatum,
est, ut non adverterent MARIAE tanquam Castrorum a-
ciem ordinatam pro partibus nostris stetit. In duobus apparebat
vindictis DEI pœna, utriusque nomini parcitur; Quidam Regis
sui, Patriæq; desertor, haud ignobilis, Milleri favores captaturus,
munus sollicitandi obfessos ad deditionem, suscepit. Admissus in-
tra septa Cœnobii, facundia satis dicacitate, multa proponebat, ex-
aggerabat, quæ ad Sveciæ Regem animos possent detorquere. Ca-
peratâ fronte suscepimus hæc, responsumq; in sequentis diei tempus
præstitutum, distulimus. Redijt malignorum consiliorum portitor,
& inceptor perfidiæ ob svasus improbos, nullis humanitatis officijs
dignatus, vix à globis prætervolantibus, cum ad castra regreditur,
servatus; hæc tantum Millero retulit: *Isti Monachi nihil sapiunt, teme-
rarij sunt, & prætervi.* Mitius cum hoc, severius cum alio egerunt
Superi. Eques Polonus, infamis transfuga, hæreticis adhæsit, &
cum quadam animi gestientis lætitia prædam sibi pollicebatur, è di-
recto Montis expugnati thesauro. Arguebat nonnemo comamilito-
num, avarum prædationis ambitum, cui ille: *Et cur sacra diripere
non liceat, præsertim nobis, qui militia Svetica nomen dedimus?* tanta supe-
râ sacrorumquæ contemptrix audacia, Cœlites in pugnam civit,
qui caput ejus globo grandioris tormenti feriendum objecerunt.

B. V. Mariæ
apparitiones

16. DIVA ipsa se videndam sæpius objecit. Hostium confes-
sione constat. Postquam ignominioso receptui cecinit
Svecus,

Svecus, apud Wieruszoniensem Civem duo Svecicæ militiæ Præfecti, Georgius Erikner, & Arentius Lukman excepti convivio, inter alia colloquia, quæ ad geniale symposium miscabantur, à præsentē ibidem nostro Patre Blasio Vadovio Cœnobij Wieruszovienfis Priore quærebant. Quenam est in vestro Monasterio Czastochoviensi saga, qua caruleo amicta velo sapiens egressa, Monasterij muros obambulabat, quandoq; super illorum fastigia residens, ad cuius aspectum, multi nostratum contidebant exanimis, ita, ut eâ prodeunte vultum demittere ac operire oculos debuerim? Hoc sancta fide Civium, & memorati Patris relatum docet, quantæ curæ fuerit, Præsidii MARIÆ, Clari Montis defensio.

17. **H**oc ipsa universa Hæreticorum castra, exterruit miraculum, auctum pœnali miraculo: Eo tempore, quo MARIA ad vigiles curas intenta muros obambulabat, germani fratres duo, ex Silesia, oriundi de villa Gerlachowa cognomento Dudzicij primùm inverecundo oculorum conjectu, blasphemijs, deinde objectam Reginalem Majestatem impiârunt, & arma contra illam levare non veriti. Fabulas in veritatem transisse cum tempore adverte. Audisti ad obtutus Herculis, aut Medusæ vultus occursum, quosdam diriguissē in lapidem, nunc lege: Levârunt arma, sed non deposuerunt, nam unus illico in duram caute obriguit; alteri verò ita sclopus dum collimat faciei increvit, ut opera Chirurgi excindi debuerit. Hoc recognitum à militibus, qui Sadovij regimen sequebantur, dum liberaliùs apud Gen. D. Nicolaum de Rusko Bielâwski tractarentur, qui super his, ad Clarum Montē literas dedit, in quibus hæc habentur: Viderunt mulierem caruleo theristro vestitam, contra quam cum duo milites Silesij fratres germani, de villa Gerlachowa, cognomento Dudzicovii, longiores tubos explosuri collimassent, ipsorum alteri faciei tubus ita inbasit, ut divelli nequaquam possit, sed excindi à Chirurgo debuerit, alter duritie lapidi simillima toro corpore obriguit, quos Svecicus exercitus secum abduxit. Clades, funera, prodigiosas aliorum vindictas, ut ut potuerunt, celare studuerunt, ad confines pagos, contermina oppida, clam avehendo, tumulando. Pares Superiorum pœnas dedisse constat & aliâ, ex testimonio Præfectorum militiæ, quorum in superiori numero memini, illorum improprietatem ad Patrē Blasium Vadovium, refero: Vestri Monachi sunt malefactorum studiosissimi. Hem nostrum commilitonem ita incantaverunt, ut ab ipso temporis momento, quò contra Templum fistulam explosit ferream, manum extensam teneat, nec eam ullo modo valeat contrahere, aut flectere aliquot sum, imò totus rigidus, neque ipse possit equum ascendere.

Joann: Da-
mascen: de
Dormit: B.
V. Maria.

deve nēt descendere, necesse ideo habuimus, veluti terra inutile pondus, cūm
erecta sic manu, quemadmodum fistulam direxerit, Lesnam ablegare. Huc
apprimē Divæ nostræ adscribi debet secundū D. Damascenū,
de Dormit: B. V. quod illa sit *Viva Dei Arca*, quam profanorum manus
non tangit.

Tormenta
dirigit, &
Arma mini-
strat Maria.

18. **E**T generali Exercituum Duci Millerō, patēbant prodigia, ve-
nit Petricoviam, & in Ecclesia Monialium Divi Dominici,
Imaginem ad instar Divæ Claromontanæ speculatus, dixit, non esse
eandem, quæ sibi apparebat. Rem fusiū, & clariū ex litteris San-
ctimonialium Petricoviā datis ad Sorores, tunc in Claro Monte de-
gentes in suo cursu accipe. D. Millerus diligenter & attentē fuit con-
templatus in Templo nostro. Imaginem Claromontana similem, & cum aliquam
parvam donari sibi ejusdem exempli petisset, interpret illius, donatam ipse
Millerus ab Interprete recepit, tenor verborum Milleri est: Nullo modo, aje-
bat, similis est Virgini quæ mihi apparuit, & tormentum contra me sua manu
direxit, cæleste quid & Divinum, quod supra modum exhorui in augustissi-
mo ejus vultu reluxit. Contenta literarum prosequor. asserēbant &
illud Sveci, quod aliqui eorum vidissent ipsam (scilicet mulierem) super mu-
ros tormenta dirigentem, & necessaria defensoribus arma, super vallum stan-
tibus, propria manu subministrantem. Latomis etiam cuniculos agentibus ap-
paruisse annosum senem, qui eos moneret, ut ab inani molimine abstinerent,
septenni etiam labore non superando. Idem sub onere conscientie se à
Svecis audivisse fassus est Gen: D. Alexander Strzaikowski. Ideoque
inter Svecos passim ferebatur, Millerum à Muliere pretio Monacho-
rum conductā deceptum, obsidionem solvisse. Alia itidem per
castra spargebantur, ex relatione Gen: D. Grodzicki S. R. M. Ar-
maturæ Præfecti, qui se audivissetatus est, vultu & imperio mi-
naci Millerum increpatum, à Muliere, coactumque ad obsidionis
solutionem.

Miller⁹ pla-
gam in obsi-
dione acci-
pit,

19. **N**Ec tacendum est, quod annis compluribus jurato silen-
tio premebatur. Director Machinarum, in Milleri stati-
onem tormentum exonerans; Nepotem ejus ex Sorore in lecto
decumbentem, per sinum trajecit. Millerum verò rasis per po-
stica: Vulnus Avunculi dissimulatum, & clanculum persanatum,
adactis Sacramento ad silentium Chirurgis, recruduit Calissij, ubi
abjecto pudore Archiatram advocat, qui discissis cicatricibus inve-
teratum vulnus repurgatā sanie persanaret. Inter illud tormentum
sola

ffola hæc vox dolentis & indignantis fuit: O *Czestochovia!* O *Czestochovia!* ignotum quid volebat, volebatq; manum medicam passus. Relatum Anno 1664. Adm: R. P. Augustino Kordecki ab eodem Calissienſi Chirurgo. Acceperat lividam plagam in femore ab hostili tormento. Librator Getmanus, qui fidelitatem suam in Orientali propugnaculo non satis probaverat, quâ ad vindicandum proritatus, in hostilibus stativis igneo globo tormentum discussit, bellicæ suppellectilis Præfectum sustulit, vasa nitrati pulveris incendit, quo excæcati complures. Pœnam pœna sequitur, dum in ipso Festo Immaculatæ Conceptionis B. V. M. Marianum honorem ore blasphemio hæreticus incesstat, in porta Noviciatûs ad Sanctam Barbaram, à terra haud fracto impetu globo resiliente trajicitur.

Habuerunt Carnivori Lutheri asseclæ & in Convivijs, viderunt, quæ deliciarum pœnas. Millerus Præfectis Militiæ Convivium apparabat. Sub placentas & delicatiores pastillos, ex libro Magnalium Divæ Claromontanæ papyrus substernebatur, non parcebatur sacræ Imagini, quæ substrata nobiliori placentæ, ardoribus clibani illæsa protracta fuit, hanc diribitor inter nobiliores convivas partiturus, dum scindit, deformem, vivum, virulentum bufonem clausum invenit, digna satis hospitibus panchresta, quam proritabant deliciæ, famem oppresserunt. Cœlabantur hæc, tamen in publicum venerunt; nam Svecorum nonnemo, cùm à Nobili Anna Sczypierſka de Sczypierow, uno milliari Calissio humaniter exceptus fuisset, huic convivio se adfuisse, se hæc vidisse, jure jurando professus est, duo similitum Imaginum exemplaria in vicem humanitatis relinquēs, quod & à R. P. Pigłowski Societ: I E S V Collegij Ravensis Rectore, hoc loco recognitum Anno 1658. 3. Martij.

20. **A** Dhuc armis premebatur Mons clarus, & jam alibi crebrentia miracula, Polonos de Patria bene sperare jubebant. Calissij, Civis loco sacro faventior, Sveco, qui ad procinctû itineris equum conscenderat, dixit, nunquam expugnandam Marianam Arcem, quod in ejus peculiari tutela conservetur. Dum Svecus pertinaciter verbis contenderet satis, protracta gestatoria bombardâ (pistoletum vulgò dicitur) ait. *Tam certum est nostrâ militari potentia subvertendum hoc fortalirium, quàm certum est, hanc fistulam me posse exoperare,* dixit, ac nitrato pulvere, & filice instructissimam bombardam levavit, sed chalibe silex durior flammam negavit, ipse e quo delapsus gulâ fregit, à Calissien: Civibus relatû, tum ab A. R. P.

Imago B. V.
M. in Cliba
no illæsa.

Pastillus est
bufone.

Solvenda
Claromon
tanæ obfidio
nis præfati
gium.

274
Hostes spe-
ris exagi-
rantur.

ANALECTORVM MENSÆ REGINÆIS

Luca Trankowicz Praposto Brudzewien: Et Lemurum, spectrorumq;
umbris propulsabantur à nefarijs conatibus Sveci, ex ore illorum
audicū est, tum incolarum Czesłochovienſium testimonio firma-
tum, quòd Panico timore coacti, domibus excedere, sub aperto
love frigido, inſomnes noctes ducere cogebantur.

Maleſent
mulieris a-
nimus.

21. **E** Venit sub primos oppugnationis afflūtūs res memorabilis,
Vetula quædam, *Koska* nomine, Conſtantiā latinis sonat,
vidit aliquot Svecorū ruguriū ſuum invaſiſſe, quod dum excutunt,
rebus ſuis, tenuique ſupellectili minimè parcens, obfirmavit fores,
ignem ſubiecit, quo hoſtes exuſti, didicerunt quid de Virorum hīc
fortitudine cenſendum, ſi de Viris anus decrepita triumphat: hæc
in fiſſuris petreæ toto obſidionis tempore habitans, globos in aperto
campo, & ſub mœnibus colligebat, obſeſſisq; per funem ſubmini-
ſtrabat ſæpius, cū internuntij Claromontani apud Millerum, &
Duces alios indigniūs tractarentur, ad Millerum legationibus per-
functa. Dæmonum auxiliares copię non profuerunt hoſti contra
ſervos *MARIÆ*. Septem dæmonibus obarmatus quidam, dum in
ſuggeſtu truncatus, in excuſſione noſtrorum invenitur à Svecis, hæc
paſſim ferebant: *Czeſłochovienſes Monachi inſignes maleſci ſunt, virorum
noſtrorum fortiſſimos, nec quidquam eos juvenibus genitorum ſuorum paſſis
ſui proſternunt incantationibus, ſic præclarem commilitonem noſtrum ſeptem
paredri ſtipatum, triginta pralijs Viſtorem, & nec unico quidem capillo laſum
ſupentibus nobis, illi artes ſuas alias ſalutares non proſuiſſe, interſecerunt.*

Et paredri
armati ſter-
montur.

C A P V T V.

*Quæ memorabilia intra Virginis mœnia obſidio-
nis tempore.*

Mons nebu-
la cūcū
datus eludie
oculos ho-
ſtium, & ia-
cula.

22. **T** Eſtantur hoſtes & prædicant, quanta ſuo Monti fecerit,
populoq; *MARIÆ*. Quod ſummatim inſinuavi ſuperiūs,
hīc expreſſiūs testimonium Svecorum propono. Sæpius inquebant
illi: expugnationem Monafterij apparatū tormentorum nobis aggredientibus
apparebat nebula, quā Mons involutus, umbrā fallaci intuentium eludens aſpe-
ctum, videbatur cū Monafterio in altum aerē exporrectus, quò cūm dirige-
rentur idūs Machinarum, jacula ad conceptum in aère ſcopum projecta, ſupra
Monafterium innocuo curſu ferebantur. Quandoque autem per eandem nebu-
la interpoſitionem, errantibus ſimiliter oculis, cernebamus Canobium in hu-
mili

inili collepositum. Directores proinde nostri, caliginis opacitate decepti, cum fistulas tormentorum contra umbram exploderent, globi ante mœnia Monasterij à Montis radice excepti, humum feriebant tunc gelu constrictam, & inde resiliientes, in ævum reassumpto impetu pellebantur. Ordinaverat Cordatus & prudentissimus Vir Kordecius, circum Mariana Pergama Theophoris Solennitatem, ut Deus ipse pugnae proludere videretur, Arcæ fœderis resuscitata prodigia videbam, cum frequens Agmen quod per Mœnia Deum sub speciebus Eucharisticis, secutum volantibus super capita globis hostilibus illæsum, intactumq; procedebat. Vnum erat omnibus Synthema, inviolabiliter servandus & propugnandus Honor DEI & Mariæ, Regibus & Patriæ fides. usum classicum, Laudes Mariæ, quæ, dum utrinq; ferveret oppugnantium ardor, & zelus propugnantium, musico apparatu per summa turris odea distributo cantabatur. Ringebatur hic Leo Svecicus, quod Montem, quem necdum vicisse, & adhuc ambiguo Marte pugnasse videbat, triumphale pœan ante victoriam canentem audiebat.

Sanctissimæ
Eucharistiæ
circūfertur
per mœnia

23- **E**T in aëre nata vidimus prodigia, jactati per altum ignivomi globi, Gránaty appellamus, fulmina crebrescentibus fulgetris, & fragoribus imitati, dum in claustra librati ferunt incendia, veluti adamantino clypeo excussi resumpta vi, in altum retrocedentes, iterum resupino volatu castris hostilibus stragem, cædesque inferebant; alij ad Augustalis Mariani sacros parietes illisi, eâ, quæ venerant viâ, stativa sua repetebant. Nonne hic Omnipotentis Divinæ ludus pandebatur, peregre profectus eum Lyricâ Poësi magnalia hujus obsidionis tēpore facta, referendo in sua Regina Polonia, R. P. Michaël Krásulski, parte I. Ode 18.

Ignivomi
globi fulmine
nati iterum
castra repetunt

*Aspice quam reslvo Maandri more fugaces
Instituât Bellona refluxus!
Vulnificum ructat dum bellica Machina nitrum
In proprios revoluta recurrit
Authores Lachesis. Puerilis ludicra lusûs
In Martis revocantur arenam:
Nam velut à dura resilit pila, tergore terra,
Et celeri retroacta regressu
Ludentis volat ad palmam, sis flammea missam
E castris in castra remittit.*

24. **C**VM passim omnia prodigijs implerentur, nec infantiles cunas, ab ijs vacasse vidimus. Flammanis pila de nocte: *In cunis pueri globus per-* tectum cum ingenti fragore subiit, cœcum sinu concavo ferens incendium: *aitus ignis, illæsus,* Retardavit, repressitq; impetus ardentis globi fumariū, qui in vicinas pueri cunas relapsus, nec læso infante nec adusto, ad latus ejusdem recubuit. Retorsisset puer in hostem fulmen igneum, si per ætatem viresq; licuisset. Quiescit cum miraculo, quod in ista dem cunis, & infestissima mortis arma, & vitæ securitatem sociavit. Hæc admiratus Scriptor obsidionis Magnifici D. Stanislaus Kobierzycki, meritò verba usurpat Eusebij Emisseni Homilia 1. de Epiphania: *Eusebius Emissenus,* *Quantum laus in presenti obtinent merita Religionis, & Privilegia sanctitatis. Ecce horrendum nescio, quid anhelare globi, extrinsecus feriunt, intrinsecus parant. Neque illud inferius censeretur debet, quod in Scythia homine barbaro obstupimus: Cum quartarijs quibusdā in Sacrarium deduci impetravit: cum lustrasset Augustal Virginis, loci reverentia tactus, obsessos hortatus est, nè hominibus impijs, sedifragis, ædes profanandas committerent, appromittens futurum fore, quod brevi inglorij hinc essent discessuri.*

25. **N**on potuerunt sibi victoriam polliceri, qui Divam ipsam ad victorias nobis præeuntem viderunt. Visa etenim sæpius fuit MARIA Bellatrix ex Arce sua prodire, & castra Gorum deterrere, de quo sic in litteris suis G. D. Nicolaus de Rusko Bielanski: *B. V. M. visa progredi è Monasterio stricto gladio minax.* *Milites Regiminis Sádonski &c. cum sciscitarentur quid Czesłochovia ageretur, & in Monte tanto exercitu cincto, quos haberent successus, respondebant, frequentius sibi apparuisse candido amictu Personā quandam è Monasterio procedentē, & districtū gladiū adversus castra vibrantē, quam intuitus aliqui corruerat exangvis Libitina victima. Et esse compertum ab Excubijs nocturnis quadraginta milites hoc insauso specto exterritos animas dedisse. Quos autem comitante procederet Armipotens Maria, facili intelligitur ex testimonio Virorum Nobilium Joannu Wiackorski & Matthia Wegieski, qui interposito jure jurando asserabant te à Svecis audivisse annuunt senem latus stipasse decoræ Mulieris, cum qua obambulans moenia, globos in hostes refulminabat, non alium constāt hinc, fuisse, quam Divum Paulum Thebæum Eremitam, cujus pusillus grex adem Marianam propugnabat.* *Ad eius conspectū 40. exanimatur.* *S. Paulus Patriarcha Eremitarum comes Marianæ.*

26. **D** Electat animum tantarum gratiarum recordatio. Liber Magnalia
ad Patriæ solatia ad Lyram decantata hæc proferre ma- summatim
gnalia à R. P. Michaële Krasuski Societ: IESV in sua Regina Po: perstringit
lonia: parte 5. Ode 14. R. P. Micha-
el Krasuski.

Prima Tuos fregit Gore Czesłochovia fluctus
Et inde prima naufrago
Lux micuit populo;
Virginis o quanto petitur Domus unica bello;
Sed una Bellorum Domus,
Fulmina nulla timer;
Qualiter immoto Rhodopæia culmine rupes;
Quamvis consulto desuper
Iupiter igne fremit;
Quamvis præcipitent mistri cum grandine nimbi;
Omnesque contra carula;
Stent acies hyemis;
Stat tamen, & flantes contemnit vertice lixas;
Spernitque cyclopum fabro
Tela recocta foco;
Sic perstant Clari non lasa cacumina Montis;
Licet iuvantem Vandalo
Foederet Orcus opem;
In sanctas mittat si bellica fulmina turre;
Huc rursus, unde venerant,
Fulmina pulsa volant;
Rupea belligero, si tundat pægmata nimbo;
Nimbus reverso propria
Pondere castra petit.
O Virgo Lechicæ Fons nunquam sicce salutis!
Miraculorum, & munerum
Prodigiosa seges;
Vix numeranda Tuam cingunt miracula sedem;
Sed vidimus nunquam, Tuis
Vtiliora Lechis.

Mm 3;

CAPVT

CAPVT VI.

Miraculosa Montis Clari ab obsidione solutio, & memorabilia nonnulla eandem subsequētia.

27. **I**AM ad hebdomadæ septimæ decursum toleratus obsidionis squalor, usu quotidiano, usum patiendi roborabat; cū eadem tempestate N. *Hedvigi larosenska* mulieri pientissimæ facta apparitio, solvendæ obsidionis certitudinem afferebat. Videbat senem ætate, & canitie venerabilem, qui brevi affuturam libertatem spondebat, hostemque desperatum ingloriè recessurum. Divum Paulū Patrem nostrum fuisse interpretati sumus. Huc spectat & illa decantata, per Vandalorum castra Millerianæ confusionis parodia illū à muliere pretio Monachorum conductā, ab oppugnatione deterritum. Dies aderat victoriā Divi Stephani Protomartyris coronata, quā more patrio celebrari solitam strenuam, obibant Heroes extemporaneæ militiæ, quocunque officiorum genere mutuam sibi annuē recurrentem Natalis Domini festivitatem apprecando. Præiverunt multiplici Symphoniarum apparatu personantes musices chori, subsecuta Cœnobij familia, quocunque strepitu officinarum officiorumque instrumentis non segnem operam Præsidi, cæterisque maioribus contestata, tandem prædiarius miles, quā tormentorum, quā fistularum omnium, tubarum, tympanorum; omnisque bellicæ suppellectilis mistis fragoribus, Præsidi Cœnobij. illisque Heroibus G. D. *Stephano Zamoycki* & G. D. *Petro Czárnecki*, & Statu secularis dignioribus Personis, Salvatoris nostri Natalitiam celebritatem gratulando. Confudit hostilia castra latè diffusus exultantium júbilus; frustra advertit hîc conatus exeri, insumi tempus, ubi & bellicæ suppellectilis, & nitrati pulveris copia, & maximè (quod cor est militiæ) generosus obsessorum animus non desiderabatur.

28. **Q**VAM inchoavit lætitiā. Salvatoris, Divique Stephani Natalis, consummavit D. Ioannis Evangelistæ solennitas. Ad hanc & ostenta Cœlorum præluxerunt, quæ à nefarijs ausibus sacrilegam potentiam deterrebant. Inter alia quæ passim fama circumferebat, Cœlorum ostenta, quemadmodum Romæ accepit R. P. Gulielmus Guppenberg: dum nonnemo pœnitentiæ causā ad sacra Apostolorum limina profectus, quæ vidit, quæq; audivit,

Apparitio.

Fama Millerianæ muliere deterritū ab obsidione.

Festivus applausus obsessorum in Festo D. Stephani strenuam celebrationem.

Cœsusus hostis ab obsidione regreditur.

PARTITIO VNDECIMA.

279

divit, referret, scribit in Atlante Mariano. *Visa supra Templum fulgentissima in Caelo Cruz, aliasque voces fugientibus insolitas expressere, auditi enim sunt insani vociferationibus ingeminare, ô MARIA, ô MARIA! Cogentibus itaque ostentis, turpiter rejectus hostis, nocte, quæ Divi Ioannis Natalem præcedebat, stativa reliquit, quod ubi per Poloniam innotuit, Principes, Proceresque, cum solennibus gratiarum actionibus, & gratulationibus ad aram salutis convolabant. Quid ageret hæreticorum impudentia? novam sibi mentitur victoriam. Millerus, datis ad externos literis de excidio Clari Montis, & casis Polonorum viginti millibus. Tentavit & Wrzeszczewig aliquoties ex inopinato aggredi Monasterium, sed ignominiosè repressus à Nobilibus, quos Clari Montis solutio animosiores reddiderat, tandem clade suorum nongentorum confusus, rem agente immortalitate dignam Illustrissimo ac Magnifico D. Grudzinski Palatino Calisienti, indignus plecti herodæ manu, à plebe rustica stipitibus duris, sudibus, vè præfustis actus, pro tot rapinis & sacrilegis conatibus, infamis religionis Catholicæ desertor & transfuga, turpem animam Erebo dedit, suo non honoratus funere.*

Supra Tem-
plum Cruz
visa.

Gratulantur
victoriam
Principes
Proceresq;
Polonia.

Fama men-
dax Milleri
de excidio
Clari Montis
& casis 20
millib⁹ Po-
lonorum.
Millerus in-
terfectus.

29. **B**Ene ominosum erat Patriæ, quod casu quodam, nec my-sterij vacuo accidit. Cum enim Ordo officij Divini pro Anno immediatè sequenti conscriberetur, præter consuetudinem in diem Paschatis additum nomen Victoriæ: Dominica RESVRRECTIONIS & VICTORIÆ, hoc in Ecclesia Principes Viros, Illustrissimum & Reverendiss: D. Andream Comitem à Leszno Leszczynski Archi-Episcopum Gnesnensem, Legatum Natam, Regni Poloniæ Primatem, Primumq; Principem: Illustrissimum ac Reverendiss: D. Casimirum Florianum Ducem in Klewan Gzartoryski, eo tempore Vladislaviensem & Pomeraniæ Episcopum, & Illustrissimum ac Reverendiss: D. Ioannem Tarnowski, Archiepiscopum Leopoliensem: & Illustrissimum ac Reverendiss: D. Ioannem Stephanum Wyzga, tunc Lucebrien: Episcopum, aliasq; dignitatis Ecclesiasticæ Personas induxit, ut quærent scrupulosa indagine, quid illa die potissimum evenisset, quod Victoriæ titulum mereretur, in confuso adeo Republicæ Statu, compertumque est eo die sacram Imaginem, quæ securitatis causâ alibi conservabatur, in Sacrario, publico populorum cultui expositam, submoto exemplari, quod ad instar, ipsius obsidionis tempore locum occupabat. Quapropter ijdem Illustrissimi Præsules, anno eodè sexto Nonas Julij, cum Se-

post obsidionem quæ fuerit Do-minica Vi-ctoriæ.

Serenissimi
Reges cum
Senatoribus
Monte Cla-
rum visitati.

renissi

Mons Clary
Mons Vi-
ctoria.

renissimis Majestatibus advenerunt, & ab hac augurata, indice Ce-
lo, *Victoria* festivitatem gloriosam mutitis calculis nomē imposuerūt;
Montem Clarum à triumphatis hostibus deinceps *Montem Victoria* di-
cendum decernentes. Eadem mens & alijs Regni Proceribus, quos
inter M. D. Stanislaus Kobierzycki Palatinus Pomeraniæ, qui in suo
opere Montem Clarum *Polonia Capitolium* appellavit, ex quo, ut idem
loquitur. *Salus & Victoria universæ affulsit Polonia.*

Serenissimi
Reges hosti-
bus vallati
evadunt in-
sidias.

In Claro
Monte Co-
mitia Regni

Mons Clary
triplici Sole
& luminoso
diademate
coronatur.

30. **H**ic Ianum claudit MARIA, cujus singulari Protectioni
Serenissimus Rex Ioannes Casimirus, cum Serenissima
Consorte Ludovica Poloniæ Regina suam attribuant securitatem,
ab insidiaribus undique Svecorum Turmis præservati. Placuit ita-
quæ Serenissimis Regibus ad hanc *Securitatū Aram* commorari, hic
celebrata Regni Procerū Comitia, in quibus coalescens in solidio-
res vires Reipublicæ corpus roborabatur; hic belli pacisq; nego-
tia tractata, quæ pluribus alibi Comitijs ægrè componi potuissent.
Traxit huc Principum ac Senatorum animos, & ad unitatem non
oblucentes composuit. Divinæ porro reconciliationis argumen-
tum spectavimus in luminoso diademate, quo Clarum Montem,
Cælum coronavit. Quale diadema nisi solibus contextum, deceret
Solis ac Lucis Aulam? Post paucos dies elapsos ab adventu Serenis-
simi Regis in Montem Clarum, ipsa Dominica Passionis trinus appa-
ruit Sol demeridie, visa insimul duplex corona solaris candida, qua-
rum altera latius per aërem protensa totum cum Monte Monasteriū,
altera longè strictior versùs meridiē porrecta, fastigio suo solis circu-
dati clypeum, quem ab utraque parte respiciebant bini soles, am-
biebat. Iucundum erat Serenissimis Majestatibus Regniq; Proce-
ribus illud reconciliati Numinis argumentum intueri, tres Soles in
coronam textos, qui trium annorum continuatas calamitates, sub-
sequentibus solatijs compensarunt.

Serenissimo
Regum
& Senatus
universi er-
ga s. locum
Liberalitas.

31. **E**T hæc erant, quæ circa obsidionem memorari debuerunt.
Gratiæ itaque hic reddendæ immortalis Serenissimo Re-
gi Casimiro, cum Serenissima Consorte Ludovica Regina, totiquæ
Reipublicæ Poloniæ, quæ attributis, ad munimentum & ornamen-
tum bonis Locum sacrum cumularunt. Et quidem quantum ad
singularem Serenissimi ac Religiosissimi Regis Ioannis Casimiri gra-
titudinem, qui hinc reportata & in Regnum integrum derivata be-
neficia Divæ suæ, nostræque Tutantæ MARIAE studebat, nobisque
compen-

compensare, totum illi placitum ratus, quidquid ejus tribueretur mancipijs interest reminisci, supplicationis illius super Ordinis nostri negotio, ad SS D. ALEXANDRUM VII. P. M. datæ, in qua nunquam satis laudabilis tanti Principis erga locum Sacrum devotio, & æstimatio perstringitur. Est autem hæc

32 *Sanctissime ac Beatissime in Christo Pater,
D. D. Clementissime, post oscula Beatorū
pedum Sanctitatis Vestra, mei Regnorūque
ac Dominiorum meorum, humillimam cō-
mendationem.*

Serenissimi
Regis Ioan-
nis Casimiri
pro Loco sa-
cro ad san-
ctissimum D.
N. Alexan-
dram VII.
Literæ.

Celeberrima Magna Deiparæ Imago, quæ Czesstochovia in Regno meo, per vetusto cultu, & miraculorum frequentia affulget, cum Sarmaticum hunc Orbem implevit, tum ad Urbem ipsam Augustam Romam, ac præcipue ad aures S. V. opinor nobile & eximium ejus decus pridem penetrasse. Claritudo loci antiqua, & recens ab ingenti deuotæ multitudinis concursu, afflictorum solatio, magnis & Solennibus Divinæ Clementiæ ostensis, sed neque inferius censeretur virtutis & Constantiæ specimen, quod religiosi, dicti loci, Fratres Ordinis Sancti PAULI Primi Eremitæ, afflictis, & propè desperatis rebus meis nuperrimè ediderunt. Perspectum planè sanctitati Vestra, quibus & quantis angustijs ego, Regnumque meum premebamur, conspirante prævalida factorum injuria, cui & potissima Regni mei pars, cū Vistulam succubuerit; Sola Claromontana Czesstochovia, nullis hostium vel artibus, vel instrumentis potentie cōcussa, pro me egregie stetit, & adversa quæque Deo propitio & favente, ad ultimum su-

ANALECTORVM MENSÆ REGINALIS
 peravit. Est verò quod, excellenti merito Religiosorum
 dicti loci, debere me plurimum profitear, neque interea va-
 cuos commendationis meae dimittam &c. Et paulò post
 Admitter Sanctitas Vestra Paterno affectu desiderium, si-
 mulq; ut nobile claustrum Czeszochoviense specialibus gra-
 tijs Sanctitatis Vestrae inclarescat, Apostolicum thesaurum
 nunquam deficientem aperiet, Et derivabit, quod ego bene-
 ficij instar mihi collatum interpretabor &c.

Gratiae con-
 fessio.

D. Bonadi
 Psal. B. V. M.

33 **S**uperest magnificentiae Marianae confessio, quae ab inimicis
 redempta triumphat populorum gratulantium & exultanti-
 um devotio. Facio id stylo Seraphici Doctoris in Psalt. B. V. Vti-
 nam & affectu Seraphico liceret! Confitebor tibi Domina in toto corde
 meo, & narrabo populi laudem & gloriam Tuam. Tibi enim debetur gloria &
 gratiarum actio, & vox laudis. Inveniant gratiam peccatores, apud Deum, per
 te Invenicem gratia & salutis. Respirent ad indulgentiam humiles pe-
 nitentes; Sana contritiones cordu eorum; In multitudine pacis &
 requie opulenta cibabis nos post laborem peregrinationis
 nostra, O MARIA!



ANA-

ANALECTORUM MENSÆ REGINALIS

S E V

HISTORIÆ, DIVÆ VIRGINIS
CLAROMONTANÆ MARIÆ.

PARTITIO XII.

Miscellanea.

Hic est, secundum D. Bernardum in sermone
Signum Magnum &c.

O M N I B U S O M N I A M A R I A .

NE prolixum nomenclatorem agam dignitatis
MARIÆ, gratiarum, & miraculorum vetat,
pluralitas, & varietas, quæ hujus libelli capaci-
tatem excedit. Habent hîc universi, ac singuli
quidquid illorum exigit, aut in solatijs gratiosa voluptas,
aut in miserijs dura necēssitas. Habet hîc orphanus Ma-
trem, cliens Patronam, servus Dominam, mancipium,
Reginam, Bellonam miles, pupillus Tutricem, sapientiæ
alumnus Palladem, Spem desperatus, Sanitatem infirmus,
Robur debilis, Solatium afflictus, Patronam reus, Ami-
cam justus, Vindicem injuriatus, mortuus Vitam, hostis, &
contemptor Ultricem. Quidquid demum voles, per MA-
RIAM habes, & in MARIA. Miraberis, quodd sicut est *Omnibus Omnia*, ita etiam perfidorum, & foedifragorum Vin-
dex est,

Grata bonis, invisa malis, inimica superbis.

Amabilitati MARIÆ in præcedentibus plurimum conse-
cratum est; nunc in severitatis nube, Marianam serenica-
tem fulminantem vide.

N n 2

Ca.

Quomodo
Omnibus o-
mnia Maria

CAPVT I.

*Votorum rei, dum propostæ negligunt, à terribili
MARIA castigantur.*

Vnde, &
quare terri-
bilis Maria

I. **E**T MARIE serenitas cudit fulmina. Quamvis hæc nihil
eminari, præter amorem, videatur amantibus; suæ tamen re-
ligionis desertoribus, ac fœdifragis pœnas intentat clementiæ blan-
dimentis contemperatas. ut per formidinem ad Maternam cogendo
rebelles confidentiam, ostendat, quod quemadmodum, qui non pro-
cul ab Iove, non procul à fulmine: ita per neglecta, aut violata pie-
tatis ejusdem officia, qui procul MARIA, non procul à fulmine;
cujus minacissimo tonitru legiores excitantur, fulgure terrentur con-
temptores, rebelles dominantur, sternuntur contumaces, ut discant
MARIE manum, non tantum imperialibus sceptris, pacificis oleis, &
palmis triumphalibus impleri, sed & fulminibus armari, dum aut à
perfidis cogitur, aut ab impudentibus provocatur. Quadrant Regi-
næ nostræ, Cœlestium, terrestrium & infernorum imperia; quadrat
& arma vindictæ, quibus illius propugnatur potestas, majestas exor-
natur, Honor defenditur, Authoritas augetur, Reverentia conciliatur.
Proinde.

Discite Iustitiam moniti, & non temnere Divam!

Tantum enim Diva temnitur, quantum vilescit, quod voto promitti-
tur. Exemplum fœdifragorum punitorum, quæ hîc legenda proferun-
tur, Diva quid exigit loquuntur.

Votorum re-
us punitur.

2. **P**Rincipale est in A. R. D. Christophoro Iwanicki Canonico Kame-
necensi, Præposito Miedzibozensi & Barensi &c. exemplum,
quod idiomate patrio, manu propria fastis Marianis inseruit, præsens
ad votorum solutionem. Recognitionis transumptum refero fide-
ter:

*Ego Christophorus Iwanicki Canonicus Kamenecensis
&c. profiteor sub attestatione conscientie quod anno Dñi 1637.
Leopoli in extremam agritudinem collapsus, & à Medicis, quos
principales tunc Leopoli habuit, desperatus, cum fatiscerem, &
arca funebris futuro mox cadaveri pararetur; Admodum Reve-
rendus D. Matthias Párzyński Canonicus Kamenecensis Colle-*

*gamentis, ad visitationem hujus loci Czeslochovienſis me devove-
rit, quo factò eadem hora, valetudinem reparatam ſeſi. & brevè
ſanitatù perfectà beneficium adeptus ſum. Iterum in anno 1638:
ijdem immedicabiles morbi recruderunt: à feſto S. STANI-
SLAI, ad primam Dominicam Adventùs quinquies relevarum,
totidèmq; vicibus relapſum, angebat votorum non impletorum
conſcientia, quapropter Divinum Numen exoravi, ut ſua Im-
maculatà Virginis & Matris interventu, præſtinam redonaret
valetudinem, quominùs promiſſisliceret ſatiſfacere. Sic iterum
plenà ſanitate ſum potius. Ità ego credo, & profiteor &c. I-
dem qui ſuprà mpp:*

Memento clientes ad hanc morborum corporis, & animæ, Do-
mini, ſinceros devotæ mentis oculos obvertere, & irretortam co-
rundem aciem in ejus contemplatione frigere; atq; ne ullo momento
ſuos miſericordes oculos à vobis avertat, obſervare ſedulo ſatagite, à
quorum amabili intuitu, tota noſtræ ſalutis ratio dependet. D. An-
ſelmum audite & credite: *Vi enim impoſſibile eſt, quòd illi à quibus Virgo
MARIA oculos miſericordiæ ſuæ avertit ſalventur, ità neceſſarium, quòd hi ad
quos convertit oculos ſuos, pro eù advocati, juſtificentur, & glorificentur.*

D. Anſelmus

3. **I**neonſtantes, & ſingulis variabiles momentis, imitantur Pro-
theos, qui nunquam ſui, ad omnem felicitatis auram circum-
feruntur, & religioſè propoſitorum obliti, Divis illudunt; quæ in ca-
ſibus adverſis vota ſpondebant, in verum ſecundè fluentium ſucceſſi-
bus, aut negligendo intermittentes, aut contemnendo: aut etiam,
quod apud leves ſupernarum gratiarum æſtimatores uſu venit, pro di-
viti hecatombe, Caricas (ut ajunt) immolant viſtimas perfidi. Sed
quiſquis ex hac ingratorum claſſe

Nunquam
imponitur
votorum ne-
glectus,

Perſide, te Divos ſperàſti fallere Protheu?

Scito nunquam impune mendacibus votis provocari ſuperum Cle-
mentiam, quæ ſæpe in ſœdifragos vindictibus armis accingitur, eadem
dextera, qua ſublevat è calamitate, in graviores longè pœnas præcipi-
tat. Expertus, authographo teſtatur M. D. Ioannes Graiewſki Vexilli-
fer Wyſcenſis:

Ego Ioannes Graiewſki Vexillifer Wyſcenſis, coram Deo,
& mortalibus omnibus recognosco, quod peſtilentia afflatus, pri-
mùm in bonis Conjugis meæ Lukon dictis, deinde in Chutachy, ſa-

Exemplo af-
ſeritur,

mulum, & hospitem cum nepote amiserim, quo statim tempore
 vixi Montem Clarum invisere, implorando patrocinium San-
 ctissimæ Virginis MARIÆ, ut nos à subitanea, & improvise mor-
 te custodiret. Adjutorium ab eius intercessione cognovimus, cum
 illa sava peste jam infectorum nullus, aliquem capitis dolorem
 sensit. At quia promissum exequi neglexi, Deo piaculum vindi-
 cante, invasit animum quadam atrox intemperies, & gravior
 desperatio, in qua animarum hostis mille offerebat modos ad inte-
 ritum manibus proprijs consciscendum; quam desperationem,
 & continuam à somno vigiliam, cum hebdomadis octo tole-
 rassem, occupavit & filiam infirmitas incurabilis, jamque
 deplorata guttur, letiferum implevit apostema. Hic rursus
 absque cunctatione statui antecedentibus propositis satisfacere,
 qua ut primum reassumpsi, desperatio remisit, redditum
 somni beneficium, filia reparata valetudo, pro quibus Divæ fa-
 voribus acceptis, gratias acturus, huc me contuli, vota persolveri
 Anno 1579. 7. Decembris.

Etiam dum sævit, & salutari pœna plectit, Dulce est, Clemens est
 Numen Mariæ. Fatetur idem cum Lactimelleo Bernardo, su-
 per Salve Regina, & cum Ecclesia, quod sit in hac Misericordiæ Ma-
 tre vita, dulcedo, & spes nostra. Hic porro, Primum ponit vitam, qua est in
 integritate virtutum, secundo Dulcedinem spiritualium gaudiorum, deinde spem
 infert supernorum. Omnia hæc Regina Misericordia Domina mundi, Regina
 celorum consulit mundo, Virgo virginum Sancta Sanctorum, Lumen cæcorum,
 iustorum gloria, peccatorum venia, desperatorum reparatio, deficientium sortitu-
 do, salus Orbis, speculum totius integritatis MARIÆ.

D. Bernardus
 super Salve
 Regina.

Quomodo
 omnium spe-
 culum Maria

Patet in E-
 xemplo.

4. Speculum est, non tantum integritatis, sed & fidelitatis MARIÆ.
 Fidelis fidelibus, quibus sua, vitæ, gratiæ, misericordiæ, spei-
 que promissa conservat, si votis erga se fidelitatem probaverint. Ta-
 lis tibi in exemplis apparet, qualem te ei præbueris. Experti Clie-
 ntes in suæ gratitudinis monumentis talem ostendunt. Vir Nobilis
 Valerianus Grocholki territorij Sochaczoviensis, amplioribus Divæ no-
 stræ favoribus, è diversis fortunæ malignantis occasionibus ereptus,
 vorum ad visitandam Aulam Partheniam spondebat, nunquam fru-
 stratus desiderijs, quotiescunq; cum propositis religiosâ mente con-
 ceptis hæc recurrebat. Sed quia apud ingratos nihil adeo frequens, ac
 bene-

benefactorum oblivio, Valerianus quoque non recordatus quanti sit piaculi voto promisso, nec probato, superis illudere, oblivisci voluit, aut prorsus oblitus est, quod antehac sollicitis votis quaesitum, erat consecutus Divæ subvenientis auxilium. Intermisso itaque Claromontanæ peregrinationis debito, cum frumento de bonis suis natae Gedanum. Divæ perfidum, ne Vistulei fluctus excussum serberet. parum absuit; senserunt inimicum voluntati *MARIÆ*, lonam, & pœnam Valeriano machinabantur. Acclinis ad undæ subjugatæ captandum è transtris, abluendæ faciei gratiâ laticem, ut primum vultum, & oculos perluit, veluti si quoddam virus hâvisset, utroque lumine captus, & apoplectica malignitate afflatus, prolabitur. Redijt cum pœna sanior mens; obligationem, quàm apertis non vidit, clausis agnovit luminibus, nec priùs se perfidiæ, quàm mortis, eximinenti casu, reum animadvertit. Iterum affulsit animo consternato *MARIA*, fit illi supplex, visumque cum sanitate precatus, eam in oculorû suorum pupillam assumit, vota solvere, quæ neglexerat, decernens. Tribus horis sub aperto sole noctem ferebat in oculis. Redijt iterum voti nuncupati beneficio, gratior virium, & charior oculorum sanitas, quam, in acceptis Divæ Claromontanæ, vota solvens ad ejus Aram, referebat. Anno 1609. 17. Julij.

5. **P**ari pœna, par negligentia pledebatur in *N. Catharina Popławska*, Districtûs Opoczynensis, de Villa *Kurów*. In tenera ætate visu privata, nec unum adolescentis vitæ suæ videndo solem, ad maturiorem vixit ætatem. Oculorum Lux *MARIA* desiderabatur. Sero moestus genitor intellexit, non priùs tamen, quàm exemplis eruditus, *MARIAM* Claromontanæ serenitatis lucem pro cæcis, & à cæcis implorandam. Itaque huc filiam votis offert, quo facto, videre videt filiam, seque videri, noscique Patrem à filia lætatur. Abrupit illud diuturnius oculorum solatium pedisequa ingratitude oblivio, quæ rursus pœnalem Catharinæ luminibus noctem iniecit, sub cujus umbris, ignotus morborum exercitus, votorum, & ingratitude ream prostravit. Auxit ærumnam pristinae lucis recordatio, cujus eò gravior jactura, quò gratior usura, votis diuturnioribus expetebatur, Perfidiæ piaculo Reginae nostræ serenitatem læsam advertit, negligentia conscientis Pater cum filia; iterum facti Divæ supplices, amicam exorantibus, illius Clementiam appellant, & optato visus solatio fruuntur. Dum vota publica solverentur, in fastos Marianos illarum beneficium Anno 1646. 6. Maij. Quàm amabilis! quàm exorabi-

Paræneum
culpam, luit
filie!

lis, quàm desiderabilis es ô MARIA! cogito nos, ad amandum Te, amabilitas, ad desiderandum gratiositas, ad exorandum miserendissimilis pietas, Profectò (libet, & delectat loqui iterum cum Tuo laetissimo Cliente ô Amor, Desideriùmque nostrum MARIA) Quòd

D. Bernardus MARIA Virgo Beata Tu via es, per quam homo venit ad Deum, & peccator ad veniam, & per quam venit ad peccatorem penia; non enim venit ad veniam, qui nescit amare MARIAM.

C A P V T II.

Idem Argumentum continuatur.

*Filius Matris
injuriam ul-
ciscitur,*

6. **Q**uod si in his poenalaribus, aliquid Marianæ Clementiæ, suapte natura ad miserendum mortalibus & non puniendum propendenti, derogare videtur, opinari cuique licet filium vindicem, Matris suæ desertos, & fraudatos honores ulcisci, ne Clementiæ, & Misericordiæ Reginam, immisericordem appellare. Habet partem gratiæ, arbitrio Mariæ permissa, aut immissa castigatio, ex qua non sequitur perditio, sed ad meritum devotionis pristinae, restauratur neglecta piè gerendorum, aut Divis solvendorum, intentio. Hinc merita cumulare docet necessitas, quod exemplorum, in Illustrium Virorum Maritis, palam facit claritas, cujus dantur authographa. Primum est Anna Howska Palatinæ Płocensis ex Archivo decerptum:

Exemplum.

Ego Anna Howska, Palatina Płocensis in aegritudine gravi spopondi hunc locum sacrum invisere, verum ex negligentia per tempus non modicum solvere propositum intermisi, primæ punitio- nis immemor. Porro cum vice altera vindex Deus plagâ percussit corpus meum, redonatam sanitatem accepi, & lubens, cum firma fide, vota in his necessitatibus concepta, solvendo, hunc locum visitavi. Testor itaq; magnam Bonitatem Dei, qui me consolari, & sanare Diva Matris interventu, dignatus est. Actum Anno Domini 1555. post Divi STANISLAI Translationem.

Simile.

7. **H**edvigæ Annæ subnectitur. Seu natalium ornamenta spectes, seu necessitatem, gratiam, propositum, pœnam, iterumque repetita solatia conferas utrinque par in omnibus. Hæc in protocolis gratiarum, habetur ejus syngrapha:

Hedvigis Pilchowska, de Dzierzkow, Dapiferi Wyssogrodensis conjunx, profiteor me permagnis infirmitatibus cum

tribus filiis meis extremè laborasse usque ad omnium desperat-
nem. Sed mandato mei Consortis, cum me, filiosq; ad hanc Aram
sslere despondi; convalui. Hoc item recognosco, quòd votorum
solutionem protrahere volens, rursus in pœnales morbos relapsa
fatiscebam, cum autem votum peregrinandi ad hanc sacram
Ædem prosequor, gratiâ sanitatis iterum potita sum, pro qua
sit DEO honor, & gloria, in æternum, gloriosissimæq; Virgini
MARIE, Anno 1567. Hæc ex Fastis Marianis, quamvis
nonnihil ob idioma vetustum. utpote centum & amplius, an-
nos, immutata.

8. **E**X æquo dispensat opsonia gratiarum, ex hac sua Mensa, o-
mnib; MARIA, nemini dulces solatiorum micas subtrahit,
nisi qui ab ejus obtutibus ultro se subdixerint. Quantum ad eam
per affectum appropinquas, tantum incalescis, & inclarescis. Nam
quemadmodum Sol omnibus omnia, ita sola, & longè quidem libera,
lius omnibus omnia MARIA, quæ, (ut loquitur Richardus à S. Lauren-
tio de Laud: B. V. M. lib: 6.) Tante liberalitatù est, quòd à nulla creatu-
ra, quantumcunq; sœtente, & sordida, si sit ei exposita, radios suos avertit; nec
quantumlibet speciosam illustrat, si abscondatur ab ea. Similiter nec Maria
à quantumcunq; vilissimo peccatore, ipsam fideliter invocante, avertit respe-
ctum pietatis suæ, nec quantumlibet magnus fuerit, quis, per literas, divitias,
aut honores, ipsum irradiat, si ipsam negligat invocare; multos tamen pravenit,
ut velint, & volentes prosequitur, ne frustra voluerint.

sicut Sol,
omnib; ome-
nia Maria.

Richardus à
S. Laurent.

9. **I**terum coronatrix Regum Vrbs Cracovia, reconciliatam,
cum reviviscentis pueri miraculo, gloriosissimam Deiparam
proponit. Hic Civis Martinus Dudzic, filium supremo langvore
pereuntem Divæ nostræ despondet, votiquè beneficio, incolumem
gremio lætus excipit. At quia gratitudinem in hoc loco Divæ So-
spitæ probare neglexit, in perniciem prolis Divinam proritavit vin-
dictam. Iterum progenitoris culpâ gratitudinis exactor, vindex in-
firmitatum agmen, innocentem pulionem exagitat, quo commone-
facti Parentes, ad Divæ nostræ Templâ vota properant, & qui vo-
torum neglectu, anno medio langventem, mortis reum fecerant, de-
precantes propitium Virginis Numen, vitam filio, sibi què solatia in
superstite prole meruerunt. Inter Gratias Marianas relatum. Anno
1612 Sabbatho post Dominicam in Albis.

Parenti in-
gratitudo hæc
pœna filij.

Votorū rēns
per infortu-
nia volutus.

10. **O** B ejusmodi perfidia culpam, alius de morbo in morbus; alius de infortunio, ad infortunium, repetitis casibus revolvitur: alius ē carcere, de quo nonnisi mors absolvere debebat, in carcerem, pœnalem vitam daturus, quod vitæ redonata Patronam contempnisset, retruditur: Super hoc, seculi præcedentis autographum in Fastis Parthenijs legitur:

Ego Bartholomæus de Semborzice notum facio, me in teterrimum carcerem projectum, atque cum spondidissem hunc locum sacrum invisere, mirabiliter ereptum, & liberatum fuisse. Verum quia vota non persolvi, licentiosius vivendo, rursus me punivit vindex DEVS; nam in crudeliorem longè reclusus, supremum terminum vitæ præstolabar. Et hic pro libertatis consecratione MARIÆ supplex, eadem horâ, beneficium libertatis adeptus, nunc vita soluturus locum hunc visito. Pro tanto beneficio DEO sit honor, & gloria, & Sanctissima Matri ejus Virgini. Anno Domini 1576.

Pulsandum
ad Mariam.
D. Augustin
serm. de B.
V. Maria.

D. Augu-
stinus.

II. **E**N MARIA supplicium complet desiderium, quæ dignanter sui desiderandi contulit affectum. Pulsant ergo gemitibus Misericordiæ ianuam, nec desinunt votis humilibus precari, qui DEO per MARIAM cupiunt reconciliari; nec fraudantur expectatione, qui sincera suspirant devotione. Pulsemus & nos ad ianuam Cæli, qui adhuc in dubiæ æternitatis itinere, subsistimus, erramus, fatigamur. Dicamus Matrifamilias Cœlesti, ad æternitatis ambiguum sortem trepidantes: Domina, Domina aperi nobis! memento nostri in beneplacito miserationum Tuarum. admiſſe nostras preces intra sacrarium exauditionis, & reporta nobis antidotum reconciliationis; sit per Te excusabile, quod per Te ingerimus; fiat impetrabile, quod fidè mente poscimus. Accipe quod offerimus, redona quod rogamus; excusa quod timeamus, quia Tu es Spes unica peccatorum. Per Te speramus veniam delictorum, & in Te Beatissima, nostrorum est expectatio premiorum. Sancta Maria succurre miseris, iuva pusillanimes, refove flebiles; ora pro populo, interveni pro Clero, intercede pro devoto famineo sexu. Sentiant omnes Tuum iuvamen, quicunque celebrant Tuam sanctam venerationem, & MARIAM.

CAPVT

CAPVT III.

*Ex laminis aureis ac argenteis, MARIE, gratiarum &
Liberalitatis vota solventium, symbola.*

12. **N** On absque grato animi sensu iterum venis in memoriam *Serenissimi*
Dive VLADISLAE Poloniæ & Sveciæ Rex, qui *Regis Vla-*
præter alia monumenta gratiarum, quæ Tuam raram devotionem, *dislai recq-*
fiduciam, & liberalitatem erga hunc locum propalam ostendunt. *gationem*
auream laminam centum aureorum gratiæ, & gratitudinis teste m, ad
Dive Tuz Sospitarris Aram appendisti cum hac inscriptione:

D. O. M.

MAGNÆ MATRI SEMPER VIRGINI,
Infirmorum Saluti,
VLADISLAVS QVARTVS
POLONIÆ & SVECIAE REX,
In gravissimis calculi doloribus,
opem ejus expertus

Ex Voto

Varsaviæ Anno Domini M. DC. XXXV.

vi. Januarij factum.

P. M.

Ex Anno D. 1648. in summo vitæ discrimine constitutus, ad solitum
sue devotionis Amuletum, Divam Claromontanam recurrens, vitæ
beneficio latus, Epigraphen hanc, quam in eius ore frequenter per-
sonantem, audivimus, argenteæ grandiori bractæ superjectam.
Divæ hoc loco obtulit.

Ex Voto

JESVS MARIA IOSEPH.

Solve vincla reis,
Profer Lumen cæcis,
Mala nostra pelle,
Bona cuncta posce!

Die 17. Januarij Anno 1648.

002

13. Acces

Episcoporum
autographa

13. **A**ra, ad Divæ Virginis Claromontanæ Aras cum gratiarum recognitionibus, & in argento cælati beneficiorum. Imaginibus, inclinatæ. Primo loco recensetur Ioannes à Lipie Lipski, Referendarius Regni, illo tempore Culmensis, post & Pomesanix Episcopus, à VLADISLAVO IV. pro CÆCILIA RENATA ad FERDINANDUM III. Romani Imper: Pronubus, Vir eloquentissimus, & ut loquitur in Vladislao Rege Vassebergius purissima latinitate prorsus Lipsius, Archiepiscopus deinde Gnesnensis, Primas Regni, cuius hæc sunt in argento:

JOANNES LIPSKI Referendarius Regni, ob
vitam per Virginem datam, eidem ex voto posuit.
Anno D. M. DC. XXX. IV.

simile.

14. **I**llustrissimi ac Reverendissimi D. IACOBI ZADZIK, Episcopi Cracoviensis, Ducis Severiæ, Supremi Regni Cancellarij, in argenteo anathemate hæc leguntur:

D. O. M.

Singulare Dei paræ Virginis patrocinium, in pace primum cum Moschis, in ipsis Moschoviæ penetralibus; postmodum cum Svecis in Prussia confectam: tum etiã sanitate in diversis periculis conservata; exiguo hoc debiti gratitudinis signo testatum., Iacobus Zadzik Episcopus Cracovien: Dux Severiæ, Supremus Regni Cancellarius, Anno Dñi M. DC. XXX. VI.

simile.

15. **I**llustrissimus quoque ac Reverendissimus Dñus PETRVS GEMBICKI, loci huius Virginei Fautor eximius, qui deinde virtutibus Præsuleis Cracoviensis Episcopatus Cathedram exornavit, beneficium acceptum, his in tabula argentea expressum obtulit:

PETRVS GEMBICKI, Episcopus Premislenfis Cancellarius Regni, ex gravi morbo vovens exolvit. Anno Domini M. DC. XL.

Ex parte
gratie testi-
monium.

Adeò magna Pontificum exempla, provocant non illiberalem aliorum devotionem. Episcopis Vicarium annecto vota huc ferentem, cuius apographum in argento hoc est:

Anno

Anno Domini 1622. in pestis, mortisque medio, beneficij accepti, valetudinis servata pignus, anathema, votum B. V. MARIAE Czesłochoviensis, Iaroslaviae, Adamus Nieznamoviensis Senior Vicariorum Ecclesiae Collegiatae Iaroslaviensis.

16. **N**OVIT MARIA, qui sunt ejus; Regali ex progenie procedens, Sacerdotij Regalis decora, auget gratia. Novit, quanta, quamq; propinqua ad eam accedant affinitate, qui Sacerdotalis officij praesulgent dignitate. Magna vicinitas Virginis, virginitate uteri concipientis DEI Primogenitum, & Sacerdotis virginitate manuum, in manibus regnitum excipientis. Quod in se factum ex se latatur, idem quoque in alijs re fieri gratulatur; ut qui ante omnia tempora ex Patre, sine Matre est genitus, in tempore ex Matre sine Patre natus; per omnia tempora, utroque, tum Patre, tum Matre carens, novam genitura, extra uterum Filius renascitur. His peculiariter, proprium cum fecit communem Filium, neque gratiarum negavit participium. Est Regina, simul & Sacerdos MARIA, quae in Obsidem, pro nobis Filium in carne sua offert Patri, Advocatam omnium gerendo. *Quamobrem (cum D. Methodio in Hypapante loquimur) o Sanctissima Deipara. quae reliquis omnibus & benignior es; & Materno honore, & cum DEO colloquendi libertate gloriosior, Te obnixè rogamus, ut nostri jugem, ac perpetuam habere memoriam velis!*

Inter Mariam
& Sacerdotem
quae affinitas?

D. Methodius
in Hypapante

17. **A**VITISSIMAE quoque Opaliniorum Familiae, plena omnibus in utraque Republica meritorum, ornamentis ONERATA, quam placide, quam secure in hoc Gratiarum Mari naviget, testatum fecit Illustrissimus D. Ioannes de Bnin. Opalinski, cum huic Sospitatrici suam in acceptis incolumitatem in majori tabula argentea consignatam referebat. Incomparabilem ejus, erga hoc Salutis, Bonaeque Spei Promontorium, affectum, & Liberalitatem sic lego:

In vita
supremo periculo
salvata
recognitio.

D. O. M.

Sacratum Tibi o Magna Aeterni DEI Mater, unica post DEUM Omnipotens Sospitatrix, Patrona Virgo MARIA, Tuus ex animo Cliens, Ioannes de Bnin Opalinski, Palatinus Posnaniensis, & Inowladislaviensis Capitaneus;

Oo 3

cui Tu

cui Tu jam ultima fata expectanti, illico Advocata adstisti, optatæ incolumitati restituisi, debitas ut referret gratias, anathema hoc, in Templo Czestochoviensi, à Te præ omnibus electo, Tuæ amplitudini ex toto devotus appendit. Anno Tui partûs Virginiei, M. DC. XXXIV. monstrasti Te esse Matrem, !

B. Amedeus
Homil. 8. de
Laud. B. V.

Maria Stella
Maris.

In morbis
beneficium.

18. **H**oc naulum, quod vitæ naufragium evitavit, Cliens Illustrissimus deposuit. Liberalem Heredes Illustrissimi devotionem imitantur, quam grandioribus argenteis muneribus testati sunt. Pulchram sibi necessitatem duxere, cum alijs Clientibus huic loco devotissimis muneribus certare, & amoribus. Affulget itaque hinc MARIA veluti Pharos Opalinæ Argo, per undantes Honorum, & Fortunarum affluxus prosperè naviganti, affulgebitque, donec optatum plenæ beatitatis portum attingat. Quia (ut inquit D. Amedeus Homil. 8. de Laud. B. V. M.) MARIA id est stella Maris, provido Dei consilio vocata est, ut Nomine declarares, quod re ipsa clariùs manifestat. Nam ex quo cælos cum Filio suo regnatura conscendit, induta decore, induta pariter fortitudine pracinxit se, mirabiles elationes maris solo nutu cõpescitura. Mare quippe presentis sæculi navigantes, scq. plena fide invocantes, ab impetu procelæ, ex ventorum rabie eruit, eosq. secum ovantes ad litus felicissimæ Patriæ perducit. Dicit non potest Charissimi, quoties hi asperis scopulû naufragaturi, offenderent; illi in Syrtes pessimas non reversi inciderent: hos Scyllæ vorago hiatu horribili mergeret; illos Syrenarum cantus, in exitium, dulces, detinerent, nisi Stella Marii perpetua Virgo Maria ope validissima obstitisset, suosq. jam fracto gubernaculo, & rate conquassata, omni humano consilio destitutos, cœlesti ducatu ad portum æternæ Pacis applicandos eveheret.

19. **I**llustrissimus quoque D. Alexander Stuzkâ, Palatinus Novogrodensis, & gratiam, & liberalitatem huic Aulæ Marianæ probatam voluit, quapropter hæc argento incisa hic deposuit.

D. O. M.

Alexander Ioannes Stuzkâ, Novogrodensis Palatinus Rzeczycensis, Homotogensis &c. &c. Gubernator, votum hoc Sanctissimæ Deiparæ Virgini Czestochoviensi, ob recuperatam sanitatem sacravit. Anno M. DC. XL.

Alius

PARTITIO DVODECIMA

Alius Divæ Nostræ post morbos & infortunia detriumphata, suam debet incolumitatem; alius ab his noverealibus, tum naturæ, tum fortunæ odijs, præservationem. Vtrumque se debere fatetur M. D. Georgius Káczynski Prodapifer Podoliensis, simul & fortunatos successus, sub auspicijs ejusdem Patronæ, complexus.

Matrem Virginem MARIAM, cui Sponsus Deus est, Filius VERBUM: Georgius Káczynski, Subdapifer Podoliensis, post binam Legationem sub Sigismundo III, & Vladislao IV. Regibus Poloniæ, ad Turcas susceptam, Virginis ope Czéstochoviensis, feliciter peractam: Optimam, Maximam Hospitatricem, è morbo convalescens, hac tabella supplex veneratur. Anno M. DC. XXXI.

20. **V**ndecunque tandem, seu è barbarorum compedibus, seu è captivitatis carceribus, seu è funerali sponda, seu terra, seu mari, propè; aut longè, semper tamen rectâ itur ad MARIAM. Nec immentia tumultuantis Oceani littora eripuerunt, aut longa terrarum sub alio sole jacentium divortia, ne subveniret invocantibus præpediretunt, Germanis Fratribus è Kostkarū Illustrissima Familia, Stanislao, & Alexandro, qui hæc in lamina argentea, ferè palmorum quinque, fluctus tempestuosi maris referente, depoluerunt ad Aram MARIÆ:

MAGNÆ MATRI VIRGINI

Conservatrici suæ Clementissimæ,
& sibi juncto Sangvine

B. STANISLAO KOSTKA

Stanislaus & Alexander Kostká Fratres uterini, jam jam vorricibus æstuâtis Oceani, nō procul Zelandiæ portum, & ejus Urbem Briel, circa meridiem absorbendi, amborum invocatorum beneficio, præsentissimo subtracti naufragio, salvi, & reduces in Patriam, pro incolumitate ex voto posuere. Anno à Partu Virginis 1638.

3. Aprilis.

21. **S**vaviter navigat, quem Mare Gratiarum MARIA sup-
stat; Maternæ dulcedinis abundantia, maris perniciosam sal-
cedinem

295

Auspicijs
Mariæ Lega-
tionis mo-
menta feli-
citantur.

In mari nau-
fragantes
salvantur.

Quomodo &
quale mare
Maria.

sedinem indulcando. Hanc affundit Clientum pectoribus, & ad virtutis amorem inflammantur; hæc reficit pusillanimitatem infirmitatem, & ad subeunda intrepidè ardua negotiorum molimina concitantur; hanc procellosis depluit fluctibus, & placantur. Bellè ad meam rem, & sensum Bernardinus de Bussi, parte 9 Marial: Ser-mone 2. inquit: *MARIA assimilatur mari, quia sicut mare, est origo & principium omnium aquarum, caput & hospitium fluminum, & fons im-brium; ita ipsa Benedicta Virgo fuit principium Divinarum gratiarum, in quantum principalius propter ipsam Filius Dei Incarnatus est, per quam omnis gratia mundo elapsa est. Item omnis gratia plenitudo in ipsam descendit, tan-quam in hospitium idoneum, & per eius merita, & intercessionem in alios diffusa est.*

In vice di-
scrimine be-
neficium,

22 **Q**uidni & medicinalis fiat Clientibus hæc Marina, seu Mariana gratiarum dulcedo? mortis funestæ pestilentiam absumit, dum imploratur. Hoc cognitum, & recognitum in argento legitur;

M A T R I M I S E R I C O R D I Æ

Cuius præsidio extremum vitæ discrimen,
peste sæviante evasit,

Ex Voto

Generosus Petrus Máláchowski, Cápitanus Stanisla-
wowieński, S. R. M. Aulicus, Festo Annuntiationis die,
Ann o Domini M. DC. XXXI.

Præsens, ac prostratus obrulic.

Ob vitam datam per Divam,

Benedicam Te quoad vivam!

In felici re-
rum successu
& in para-
lysi gratia.

23. **C**umulata beneficia, pari pietatis, & gratæ Liberalitatis, seu Liberalis gratitudinis, affectu, in bractea paulò gran-
diore exaravit Generosus Dñus Christophorus Dzierzek, in cujus
facie leguntur:

Votum hoc

D. O. M.

Et Sanctissimæ VIRGINI MATRI,

Primum

Ob Legationem feliciter ad Scythas obitam; ad hanc e-
nim a

nim à Serenissimo Rege Poloniarum Vladislao IV, & à Republica ad Chamum Tartarorum Anno D. 1639 destinatus, ea dexteritate, prudentiaque cum eo negotium transegit, ut Chan Inachet Gerey, cum Exercitui Duce Galga Vsan Gerey, juramento se obstringeret, quòd amicitiae perpetuae jura inquinatè culturus, & decem millia Scytharum Regi Poloniae contra Turcam, bellaturo esset oblaturus.

Deinde

Ob sanitatem ope Divae Matris receptam. Cum enim Anno Domini 1642. ita paralyti afflatus esset, ut manuum pedumque usu destitueretur, illius invocatione ad vigorem redire coepit, ac membrorum usum recipere.

His igitur beneficiis à Caelo auctus,
Regi, Reginaeque Coelituum,
Per votum istud, se gratum exhibet,
Anno à Partu Virginis M. DC. XL. III.
Christophorus Dzierzek &c.
(*Locus Stemmatis*)

24. **A**lius alio graviorum ærumnarum capacior, & miraculo-
rum. Hæc ad vitæ periculorum decempedam metimur
in Magnis: D. Philippo Pragonski, Viro à teneris Gloriosissimæ Vir-
ginis Mariæ cultui devincto, qui toties huc ad quærendam opem
votis recurrebat, quoties infecundis casibus ad interitum volvebatur,
Periculorum ejus; & miraculorum. Synopsis hic ex argento subij-
citur:

Comptura
beneficia
obtentæ.

Deo Optimo Maximo.

Divæ Tutelari, ac Deiparæ votum pro auxilio, ser-
vatrice opera. Quando me puerum Tartari, Patriâ, do-
mo, & terrâ abduxerunt, sæpè venditum barbari manci-
parunt, Ponto Adriatico, Oceano, vexerunt; tandè per
Hispanos liberatus, Regi Catholico donatus, Tuâ ô Vir-
go tutelâ vivo! Quando bello Moschovitico, auspiciis

Pp

VLADI-

VLADISLAI Quarti, tentata infaustis cuniculis Biaſa; ubi collaterales ſocij, vivi manſere ſepulti, ego egeſta mole terræ obrutus, illæſus exivi, Tuo ô Virgo auxilio vi-vo. Quando bello Germanico, ſub ſignis Ioannis Caſimiri Principis Poloniæ, de monte prærupto, in profundâ Moſellam à Gallis actus, ſupra mergentium terga ſalvus enatavi. Inter morientes ſocios pette ſub Vormatia; inter latronum ſcolopos Haſelli, & Notorn: Tuâ ô Virgo operâ vivo, æternum Tuus Philippus Ptragowski, Cubicularius Sacræ Regiæ Maieſtatis.

Ut à filiis
imploranda
MARIA.

D. Anſelmus
in Orat: ad
B. V. M.

25. **E**T unde Mariophilis Clientibus tam ſecura, & certa vitæ præſidia, niſi à MARIA protgentis præſentia? quamvis continuis exagitentur infortuniſſimorum laboribus, nunquam poſſunt periclitari, qui id unum curant, per MARIAM ſalvari. Credite hoc immortalitatis beatæ candidati, & ad tantæ Matris occupandos favores impigrâ devotione feſtinâtes, & futuri ejus Filij, per Filium Redemptorem, confidenter implorate, cum D. Anſelmo ſua illi deſideria propalantes: (Orat: ad B. V. M.) MARIA obſecro Te per gratiam, quâ ſic Dominus eſſe Tecum, & Te voluit eſſe ſecum; fac propter ipſam eandem gratiam, miſericordiam Tuam mecum, fac ut amor Tui ſemper ſit mecum, & cura mei ſemper ſit Tecum; fac ut clamor neceſſitatis meæ, quamdiu ipſa perſiſtit, ſemper ſit Tecum, & reſpectus pietatis Tuae quamdiu ego perſiſto, ſemper ſit mecum; fac ut congratulatio beatitudinû Tuarum ſit ſemper mecum, & compaſſio miſeria mea, quantum mihi expedir, ſit ſemper Tecum. Sic enim ô Beatiffima, omnis à Te averſus, & à Te deſpectus, neceſſe eſt, ut intereat, ita omnis ad Te converſus, & à Te reſpectus, impoſſibile eſt ut pereat ô MARIA!

C A P V T IV.

Superioribus ſimilia referuntur.

Ex animi,
fortuneque
bonis erga
Divam no-
ſtram libe-
ralitas.

26. **A**D hanc quoque Virorum Illuſtrium pertinet Clâſſem Illuſtriſſimû D. ſtamislaus à Kobierzycko Kobierzycki, Pa-
latinus Pomeraniæ, qui (ut alibi memini) obſidionem Claromontanam per Svecos, & alios Hæreticos, ſublimi, & magnifico ſtylo, pangebatur. Ad hoc Divæ Virgini Claromontanæ, locoquæ ſacro præſtan-

præstandum laboris, & honoris obsequium, quod periculis, & necessitatibus, adactus fuerit, palam in Præfatione demonstrat, cum ait: *Quod in Publicâ Patria, meisque privatis calamitatibus votum conceperam, jam debitor exolvit calamitas &c.* Mentem gratam exposuit, beneficium insinuavit. Liberalitatis tamen interest meminisse, quam Illustrissimus Cuius, ex asse erga Hospitatricem suam liberalis, orbi palam fecit, cum non tantum animi sui, affectusque ad loci sacri venerationem propendentis, decora, in operoso Historiæ oblata munere, devovit legenda; verum etiam fortunæ sumptibus non pepercit, cum opus in prælo Typographico perfectum, argenteis thecis involutum, ad latus Aræ Marianæ appendit, in cujus una facie Gentilitium stemma, in altera hæc Inscriptio legitur:

M A R I Æ

*Heresæon Gloriosa Triumphatrici,
Magnæ Marii Virgini,
Reginæ Regni Poloniæ,
Sua Clementissima Domina, ac Patrona,
Defensi Clari Montis,
A Martio Svecorum futuro,
fideli creditum calamo
Beneficium.*

*STANISLAVS à Kobierzycko KOBIERZTCKI Pala-
tinus Pomeraniæ,
Ex voto supplex dicavit
Anno Domini 1619.*

27 **R** Eplicatum in se Nepoteque suo beneficium Claromontanæ Virginis, liberali stylo, & munere professus est, Anno Dñi 1641. M. D. Daniel Łasiński, quod in altera bractæ grandioris parte sic exaratum est: Replicati
beneficii res
cognitio

Ego Daniel Łasiński de Grochow, gravi morbo per aliquot hebdomadas oppressus, Anno Domini 1621, Medicis de salute mea desperantibus, meq; derelinquentibus, Dominis autem meis consanguineis de vita mea timentibus, variâq; vota ad diversa loca sacra, pro mea incolumitate recuperanda, nullo solatio facientibus; germen me extrema infirmitate decumbentem, imo de cor-

de supplex, tale emisit votum: Si, Deo volente, per interpositas preces Deipara, convaluero, locum Clari Montis Czesłochoviensis, & Imaginem SSma Virginis MARIE visitabo. Mox, per duas horas circiter, loquelâ sum privatus, ubi me Coniunx mea, & Mater, Dominique consanguinei mei deplorantes, quasi vitâ sunsetum deseruerunt. Interim puer, seu famulus meus Piasceki, post moram longiorem venit, lacrymas copiosas super me effundit; cum ergo quasi ex gravi somno expergescactus, notabilem emendationem in sanitate sensi, statimque altera die proprijs viribus nixus, ad Templum Sanctæ BARBARÆ Cracovia, cum gratiarum actione perrexi, Cracoviâq; celerius ad proprias ades cum remeassem, locum Clari Montis Czesłochoviensis visitavi, ac demum integris viribus resumptis, feliciter redij, alia beneficia à Deo Optimo, mihi in diversis necessitatibus, & afflictionibus meis, per Matrem Misericordia collata expertus.

Modò recent . Anno Domini 1641. misi Dominum meum Nepotem in urgentibus meis negotijs, in Prussiam; is, iter peragens in periculosam incidit agritudinem Bydgoscij, quem morti proximum illi & Civitatis incolæ videntes, per celerem cursorem parenti ejus indicarunt, pro funere filij sui necessaria convenientia mitteret. Ego tamen nihil dubitans de misericordia DEI mortuos vivificantis, cum certa fiducia confugi ad Matrem Misericordia, promittens moribundum in S. loco Clari Montis Czesłochoviensis sistere; ex qua hora, ut mihi per certam notitiam constat, melius se sensit habere. Gratus ergo existens beneficij, per merita SSma Virginis obtenti, humili, ac sincero corde, & cum debita gratiarum actione, hoc signum voti mei, licet exilis, coram Divina Majestate, corde imo, ac supplici, dedico: illum tutela ejus Divina, ac patrocinio Matris afflictorum, & me unum ex peccatoribus commendans. Anno Domini 1641. 17. Augusti.

Daniel Łasziński.

Plures gra-
tiae

28 IN decumannis belli discriminibus, cum in pestifera lue, confimilem Beneficentissimæ Matri MARIE, gratiam acceptam, anathe-

mathemate professus est G. D. *Stephanus lakowski*, quot favoribus *MARIAE*, tot, secundum *Ethymum*, coronis decoratus, qui hæc argenteæ tabulæ superiecit:

Recognoscens in diversis necessitatibus, & periculis larga Dei beneficia, per suffragia Sanctissimæ Virginis, in Expeditione Prussica, præcipue in pestilentia, memor gratia accepta, in perpetuum in memosynon, Divæ Virginis honorandæ obtulit, Stephanus de Ostrawa lakowski. Anno Domini 1619.

Decet meminisse & Illustrissimarum Matronarum, quæ superatorem vitæ discriminum, mortisque trophæa in pretiosiore metallo affabre cælata, & circumscripta, ad Nostræ Thaumaturgæ Virginis *Aram* appendunt. Locum principem habet, inter orbis nostri *Pandoras*, nunquam laudata satis virago Illustrissima Princeps *Marina Radzivilia*, quæ in ægritudine Medicam facultatem excedente, ut votum ad hanc sacram imaginem invisendam concepit, pristinae valetudini restituta, liberalem gratitudinem tabulâ argenteâ testatam fecit, in qua hæc vernaculo idiomate expressa leguntur, nunc genuinè, quamvis non ad *Pœleos* tornum Latine reddita:

Ad mortem quæ poscebar spe jam destituta

STANISLAI RADZIWIŁ MARINA Marita,

Vivo Sospes, ò Virgo Mater DEI mei,

Cum dixi: visitabo Templum meæ Spei.

JE S U qui Tuam Matrem tantum adamâsti:

Si mihi vitam dedit, quid ei negasti?

MARINA RADZIVILIA Prin-
ceps in Otyka, & Nietwiez.

29 **H**æc vitam; alia vitam prolemque debet Divæ Nostræ, & In partu gratia.
voto nuncupatam in calato argento supplex præsentat:

Calituum Regina, Virgo Deique Mater, Orbis Asylum, Decus Montis Clari. Ecce Tibi Munusculum, cujus opem in partu sensit, Sophia Gorzycowna Bobrowka, cum Agnec primogenita sua, offert, dicatque. Anno 1020.

Non à solis Regum, ac Principum Aulis huc feruntur symbola A veste, &
gratæ mentis. Et Vrbes, Civitates, Oppidaque, plurima tulerunt, Fane liberi
quæ

quæ Divæ nostræ thronum Reginalem exornant. Particularia quoque Civium prostant anathemata. Inter alios hoc Loviciensis Civis in argento dedit:

D. O. M.

Beatæ Virgini M A R I Æ
DEI GENITRICI

Cujus intercessione, à peste, & fame Anno 1630. grassante, servatus est; gratus tanti beneficii, tabellam in memoriam æviter nam, votum reddens, appendi curavit *Andreas Casimirus* Pharmacopola Lovicien: Anno quo supra.

Non omnes
hic memorā
tur gratiæ.

30 **H**Æc nonnulla ex plurimis mentis gratæ symbolis, pauca ex innumeris testimonia, quorum insinuatæ gratiæ, & miracula, ex consilio huc reiecta, nullibi in superioribus memorantur, si Serenissimum Regem VLADISLAVM IV. solum excipias. Locus, tempusq; scribendi, hæc festinantem deficeret, si ad omnium transumendas, & hic referendas, ex auro, ac argento gratiarum ideas, & apographa, studium impenderetur. Sufficiet, non dubito, illis, quorum hic relatio desiderabitur, tacita, rectè facti, & oblata gratitudinis conscientia, si hæc remuneranda in suos fastos æternitatem adnotasse cogitaverint. Omnium fere Familiarum, quæ Sarmaticum cælum, illustrant, alia majora, minora alia visuntur hic anathemata, quæ tantæ Cælorum, Terrarumque Principi factæ tributariæ, illud se optimè elocasse credunt, quod hujus Patronæ, Tutanæque suæ honori, Decorique impendunt. Dives hic in omnes M A R I A, qui invocant illam, etiam Clientum diviti censu honorari, ornarique meruit. Cùm census defuerit, & affectum pensat, suisque compenlat divitijs, Proponit eas Lactimelleus Doctor cùm dicit: O Dives in omnes, &

B. Bernard: super omnes M A R I A, de cujus substantia medica pars assumpta; totius mundi sufficit solvere delicta.

C A P V T V.

Ex Marmore, alijsque tabulis desumpta Divæ Nostræ Gratiarum, & Magnalium Synopsis.

31 **E**T in Marmore, in coloribus, in ligno, in literarum monumentis leguntur, & cum solennibus gratijs in conspectum Odigi-

ria

PARTITIO DVODECIMA.

via Virginis ferunt prodigia, & gratiæ, quarum nondum alibi meminimus. Primum in marmore gratitudinis testimonium est:

Anno salutis M. DC. VIII. Deipara Virgini, Cælorum Angelorumque Regina MARIÆ. totius vite Patronæ, tempore quodam præterito, multitudine gravissimorum, diversorumque morborum, obruto, penèque oppresso mihi, dum vota & ipse, & pro me Sophia Ducissa in Zastaw, & Ostrog, Conjux, familiarisque, concepimus, supra spem humanæ rationis miraculosa liberatrici, Ioannes Comes de Ostrog, Castellanus Posnaniensis, Maiburgensis, Garnvolsiensis Capitaneus, vota solvendo, humiles hoc loco gratias ago, reliquum vite exitum, ac mortis horam, Clientis eidem Patronæ commendando.

32 Sæculi præcedentis est beneficium in vetusta adnotatum cum gratiarum actione, tabula, quod Litvaniam, ad cultum, & venerationem Claromontani loci sacri propensissimam, illustravit:

Anno Domini 1545. Deo Opt: Max: ac Beatissima, intermerataque Matri ejus MARIÆ semper Virgini, G. D. Ioannes Haiko à Zbierothy Litvanus, hanc tabellam gravi, ac periculoso morbo occupatus existens, ex voto facto præsens hic suspendit, acceptum ferens Deo Omnipotenti, se præsidio ejus Matris, præstina valetudini, non solum fuisse restitutum; verum etiam omnino jam planè periculo liberatum. Quod eadem tabellâ testans, se totum ipsi Deo, ac Matri suæ, perpetuò pronus, ac supplex commendat, atque offert. Posita, Anno quo supra.

33 Nondum antiquata interferuntur, ne mera vetustorum memoria legenti pariat fastidium. G. D. Christophori Siemieniſki de Solearum, cum Crucibus, Illustri Familia, gratiæ, & gratitudinis testis tabula, Clientem supplicem, in coloribus viventem referens, proponitur, cui hæc inscribuntur:

Christophorus Hieronymus Siemieniſki, & Palatinus Lublineſis, recognosco magnam, & incomprehensibilem Misericordiam DEI, per interventum Beatissimæ Virginis Deiparæ præstitam; quando vulneratus die 12. Septembris, unâ hebdomada post acceptam plagam, ex aperto vulnere prorumpens, periebar.

303

Pluribus
morbis sal-
vatus.

Superiori Sæ-
culi

In sanguine
profluvio
beneficium

tiebar sanguinis profluvium, quod nullâ hirurgorum opera potuit cohiberi, usque dum me ad sacram hanc Imaginem sistendum devovissem; quod ut primum decrevi, ipse sua sponte cohibitus est. Pro quo gratias DEO, & Sanctissima Virgini, vivus testis præsens persolvo, & hoc apographum depono. Anno Dñi 1626. 1. Octobris.

Vnde digna
adoratione
Maria:

D. Thomas.

34 **Q**uid mutæ in parietibus loquuntur tabulæ, nisi velut è quibusdam Rostris declamant Misericordias, & Miserationes Domina Nostræ, eam universalem Patronam, & Reginam dignam, persvadendo, cui universum hoc reparatum, veluti uni post Deum, Primati, & Principi, in supremi recognitionem Domini, flectat genua. Hoc meruit soli Deo vicinior gratiâ, & gloriâ, ut quod præsenti exhibendum esset, absenti deferatur, si tamen absens est, quæ præsentem suam virtutem mirabilium effectricem, in suis chaumaturgis per orbem simulacris proposuit. Nam illa ut D. Thomas loquitur: Ex gratia sibi collata meretur illum sanctitatis gradum, ut congruè posset esse Mater Dei, ad quod sanè nullus unquam pertingere valuit, nisi sola Beata Virgo. Quia cum à Deo praelecta est in Vnigeniti sui Matrem, & unicuique largiatur Deus gratiam accommodatam statui, & muneri suo, consequens est, tot celestibus Divinae gratia charismatibus illam locupletasse, quod opus erat ad hoc, ut si non de condigno, saltem de congruo Matrui DEI dignitatem, & per consequens, in elevatissimo illo ac supremo gratiæ unionis Hypostatica ordine, immediatè post Christum collocari promereretur.

Qualem, &
quare partici-
pat à Deo
potentiam
Maria,

Testimoniū
in gratia
duplici.

35 **A**tantis prodigialium onerum ostentis celeberrima MARIA, accedit ad Omnipotentiam Divinitatis, cujus potestatis est, naturam viciatam reparare. Eam tamen, quæ soli Deo censetur propria, pro communicati corporis induijs, participat à Deo, ad miserendi affectum, omnibus subveniendi Potentiam. Iterum seculi præcedentis testimoniū, è vetustæ picturæ tabulis, assumitur, quod est in cæco, & guttur laeso.

Thomas Laslocki Profiteor magnam misericordiam DEI super me, & Patrocinium Sanctissimæ Virginis MARIE. Cum enim in teneris annis præ gravitate morbi, turpitudinem membrorum contraxissem; ac per longum tempus tam periculose ex oculis laborassem, ut propinqui mei pupillas oculorum iam effluisse

xisse censerent; unde humana remedia desperantes, multum de
meis miserijs afflicti; me patrocinio Divæ commendarunt, ac
peregrinationem ad locum ejus Claromontanum pro me sponde-
runt, si Diva propitia adesset. Adfuit illa, nam per ejus inter-
ventum DEVS Optimus mihi gratiam exhibens, & morbum, &
cæcitatem dispulit. Inde ego, quoties me Deipara tutela in meis
necessitatibus, negotijs gerendis, ac periculis declinandis, commit-
tebam; toties ipsam efficacem experiebar. Ideo hodierna die
me cum gratiarum actione, DEO, & Deipara præsentans, in si-
gnum grati animi, hoc testimonium, manu propria conscriptum
publicè affigo. Die 19. Augusti. Anno Domini 1598.

Alerum sic legitur:

DEO ejusque Intemerata Matri, gloriosa Virgini MARIE in
Honorem, Iacobus Iamnia, cui spina piscis in arteria mentali hæsit
per aliquot septimanas, & cui in somnis liberatio à periculo de-
clarata est (cùm Medicorum manus nullum auxilium præstare
potuerit) ut in eo loco Deus invocaretur, cum intercessione Vir-
ginis Matris, posuit 23. Novembr: Anno 1551.

36 SVbveniendi potestas, & pietas compatiendi, affectus mise-
rendi; gratiæ, & prærogativæ MARIE, dotalia sunt munera
Matris & Sponsæ DEI. Fusiùs, ideòque luculentius ea perceret D.
Bernardinus Senensis sermone 61. de B. V. capite 12. cùm inquit:
Sicut Divinæ Perfectiones omni intellectui incomprehensibiles sunt; sic perfe-
ctiones gratiarum, quas Virgo suscepit in Conceptione Filij Dei, soli intellectui
Divino, & Christo, & sibi comprehensibiles extiterunt. Et quidem quod Deus
generaret Deum, nulla requirebatur in Deo dispositio, cùm ei ex natura conveni-
ret, ut per viam naturæ, intellectus produceret V E R B U M per omnia sibi æ-
quale, imò impossibile est, quod non generet Deum propter suam sæcunditatem;
sed quod semina conciperet Deum, est, & fuit miraculum miraculorum. Opor-
tuit enim (ut sic dicam) seminam elevari ad quandam quasi æqualitatem Divi-
nam, per quandam infinitatem perfectionum, & gratiarum, quam creatura
nunquam experta est. Vnde (ut credo) ad illam abyssum impercrutabilem om-
nium Charismatum Spiritus Sancti, quæ in Beatam Virginem descenderunt in
hora Divinæ Conceptionis, intellectus humanus, vel Angelicus, nunquam potue-
ris attingere.

Quomodo
incompre-
hensibiles
perfectiones
Mariæ.
D. Bernardus
Senensis

CAPVT VI.

Ex Opusculo PETRI de ROZPRZA vetustiora beneficia Diva Virginis Nostræ MARIÆ.

Antiquiora
beneficia
complura.

37 **H**Abent & retrolapsorum seculorum anni, illustres MARIÆ gratiarum memorias, quæ tum à vetustate, tum à Scriptoris Authoritate, tum demum, quod principalem illis confert dignitatem, à Clementissima Matris Misericordiæ pietate, & potestate, fidem desumunt. Hæc ex vetusto codice Petri Rozprzensis in Alma Academia Cracoviensi olim in Scientijs viri laudatissimi, deprompta, in suo cursu, & stylo relicta, nec in præcedentibus memorata, huc ex consilio referuntur.

1. Age verò, vide, quanta sit istud admirationis. Clementi viro cuidam Borzima, unicus cum esset filius, in piscina submersus est; de cuius suffocatione parentes, diutius eundem requirentes, dum à pueris, qui videre submersum, nuntiantibus, sole ad occasum tunc tendente cognoscunt, ocius properant solliciti ad aquam, & inventum cadaver extrahunt: eoque loci uterque protinus votum vovet MARIÆ pro vita filij. Porro ubi non revixit, agri tum ambo animi, fide verò, & spe integrâ, sumpto mortuo, in Ædæm D. V. MARIÆ properant, biduo nihil comedentes, neque bibentes, pedibus nudis. O quantùm humilitas valet! quantùm curarum in Deum projectis! quantùm denique perseverantia! venire ad locum Templi miserrimi parentes, tunc, quando Missa summa agi cœpit, posito humi cadavere orant Divam: Natū vivum restituat. Et cum ibi ingens multitudo hominum (nam festus erat dies Assumptionis MARIÆ) præstò adesset, audita tanti temporis morte, conjugum importunitate marguit; censei potius cadaver sepultura tradendum, preces iam frustrari debere. Sed dulcis amor parentum obs: qui vetat; facile enim cum ipsi valeamus, recta consilia ægrotis damus. Quid plura? in tanta turba hominum, cum propius Ara Virginis cadaver mortui admove-retur, & preces constanti pectore ardentius funderent, ventum est ad Canticum Magnificat &c. & cum illud verbum Cantaretur: Et misericordia ejus à progenie in progenies ti-

men-

mentibus eum, &c. mirum dictum! Juvenis illicò surgens, caput veluti sudorem frontis extergere. Tunc omnes stupore ingenti, & gaudio affecti, gloriam Immortali D E O dedere, famam rei ubique vulgando.

2. Joannes loco Namystow oriundus, unà cum puero morbo pestis infectus, votum MARIÆ spondens sanatur.

3. Michaël Sievieriensis morbo caduco cruciatus adeò, ut os interdum versùs occiput converteretur, hacq; immiti agitudine anno integro maceratus, dum se Diva devovet, salvatur.

4. Ejusdem loci Sievier, inquilinus frondes succidens altae pinus lapsus est, unde tantum sibi doloris evenit, ut ossa intus crepitarent. Itaque lecto affixus, dum vota facit, sanescit.

5. Ioannes de Mochow oriundus, tam periculoso dissenterio laborabat, ut Sacramentis pro morte muniri deberet; porro votum ut emisit, salvatus est. Ejus quoque filia morti proxima cereum sacrum manu tenens patrem orabat, ut se devoveret MARIÆ, quod dum factum est, convaleuit.

6. Femina de Oppido Pilzna, integro anno visu carebat, quamprimum votum Diva peregit, visione donata est.

7. Ejusdem loci puella è fastigio domus lapsa, tribus septimanis ferme integris mortua putabatur, hanc cum Domina Diva devovisset, pristina sanitati restituta est.

8. Catharina è loco Psary, in sinistro latere paralyti tacta, sex hebdomadis agrotabat. Votum peregrinationis in Clarum Montem ut emisit, liberata est. Ejus quoque filius morbo caduco torquebatur, sed per votum Diva Claromontana factum, sanus factus est.

9. Piechná, loco Popow oriunda, tribus septimanis grandè morbo macerabatur, jamquè morti proxima, pio voto sanata est.

10. Margarita è loco Ráson, habuit duas filias, quarum una integrum annum visu carebat, altera simul cum matre febri cruciabatur. Omnes fide integrà voto facto, salvatae sunt.

11. Catharina de loco Gánwlón duodecim demonibus obsesta, in Clarum Montem voto adducta liberatur.

12. Clara femina è loco Zawádá, habuit natam parvulam,

qua cum ferrum, sortè inventum, ori imposuisset, parente in scia, eodem suffocata est. Hanc parens ore distorto, manibus, & tergo supinam inveniens, territa nimium morte filia, quid faciendum sit, ignorat. Ergo flectit genua, votum Diva Claromontana pro vita filia facit; nata illico ferrum evomens reviviscit. Inde mulier ferrum in MARIÆ Sacellum intulit, rem gestam ordine suo narravit, actres Missas fieri curavit, totidemq; candelas obtulit.

13. Paulus de loco Bormno, dolorem oculorum anno integrò passus, patrocinio MARIÆ, pristina sanitati restituitur.

14. Catharina Lysmiersis, per biennium damonio obsessa, voto Claromontanae invocationis emisso, liberata est.

15. Catharina Pinczoviensis, in puerperio à damonio vexata, voto MARIÆ liberatur.

16. Puer cujusdam femina Civitatis Oswiecim, haud longè à Castro in lacu submersus, per diem integram exanimis jacebat; quem cum mater palam in praesentia multorum, Diva Claromontana devovisset, redivivum recepit.

17. Joannes loco Kozlin oriundus, corrosiones diversas patiebatur, voto MARIÆ salvatus est.

18. Mulier de Civitate Pilzno, damonio vexabatur, in super visu privata est; veniendo ad Sacellum Virginis MARIÆ sanata est.

19. Cracoviensis vir quidam Kramarczyk, accusatus coram Episcopo Vratislaviensi crimine falsitatis, ac vinctus perpetuo ergastulo deputatus, voto pia peregrinationis Claromontana liberatus est.

20. Nicolaus Ratiboriensis, gravi dolore calculi torquebatur, eo per votum emissum liberatus est, qui ejectus, nuci silvestris magnitudine aquabatur.

21. Joannes Kuncza de Ikuß, biennio gravissima febre teuebatur; votum instaurans MARIÆ, sanitati restitutus est.

22. Ejusdem Oppidi femina Dorothea, hydropisi annum superante, laborans, pio voto persanata est.

23. Alia item femina de Kruplin morbo caduco oppressa, praesidio MARIÆ firma convaleuit.

24. Vir-

24. *Virgo Anna de Zarnowicz, biennio integro surda, voto MARIÆ, auditum recepit.*

25. *Ioannes, Ciecichowicâ oriundus, ab Hussitis sagittâ acriter vulneratus, voto MARIÆ sanatus est.*

26. *Vir quidam Petrus Porembski, biennio gravi morbo excacatus, voto MARIÆ liberatur.*

27. *Cujusdam Petri Zatoriensis filius, igne perustus acerbè torquebatur, sed voto MARIÆ dato, sanitati redditus.*

28. *Ioannes de Biata, corrosiones vermium in capite per annum integrum passus adeo, ut deliraret, voto Claromontana peregrinationis, sanatus est.*

29. *Matthias Piscator, Lätystawice oriundus, tempestate de repente exorta, naufragium in Odra fluvio passus, ac profundo absorptus, praesidio Virginis ad ripam defertur.*

30. *Dorothea de loco Swatlin, unicum filiolum habens, per Hussitas vi raptum amisit; sed vovens, post biennium perditum nacta est.*

31. *Barbara Cracoviensis, podagrâ integro anno cruciabatur. At postquam Virgini MARIÆ se devovit, sanitatem obtinuit.*

32. *Venit quidam Illyricus cum uxore, & filio, ad Clarum Montem. Hic narravit palam, absente uxore, puerum illum ad vas aqueum non occlusum accessisse, & cum formam faciei suæ apprehendere voluisset, submersum fuisse, post votis Divæ Claromontanae emissis, ad vitam rediisse. Anno D. 1522.*

33. *Mulier quædam post partum sola in cubiculo manens, vidit ad se quatuor Æthiopes nigerrimos accedere. quam cum rapere conarentur, hac votum Divæ fecit, & isti evanuerunt.*

34. *Homo quidam, seu damonis arte, seu melancholia vitio inductus, se suspendere constituit. Itaque sumpto laqueo cum ad locum suspendendi venisset, venit sibi interea in mentem locus MARIÆ venerabilis: quo cum primùm se devovisset, sententia mutata facinus intermisit.*

Hæc ex Petro Rozprzensi, ante Annos centum, & sexaginta circiter, typis mandata, nunc ex illius ætatis busto suscitantur, ad ampliorem Magnæ Matris & Virginis MARIÆ gloriam propagan-

D. Athana-
sius,

dam, ejus gratijs non tantum hic locus, at univēsa Polonia beatur. Beatamquē prædicat omnium populorum vox, supernorum Civium gratulationes imitata. Nam (ut D. Athanasius ait in Evangelio) *Beatam Te prædicant omnes Angelorum, & terrestrium Hierarchia, & hierarchicas manus attolentes, benedicunt Tibi, quæ & in calu benedicerū, & in terris Beata prædicarū, ô Laus generis nostri MARIA!*

C A P V T VII.

*Ex eodem PETRO de ROZPRZA impudentis puella,
in hoc loco, pœna senariis illigata.*

Impudentes
abominatur
MARIA.

Horribili e-
xemplo pro-
batur.

38. **S**I Beata in Cœlis, & in terris MARIA prædicatur, & flexo Cœlestium, ac terrestrium genu, tanquam Mater Dei adoratur, procul fastus mortalium, procul ab ejus conspectibus impudens oculus, cum ad ejus Aras accedimus. Nemo enim impunè serenitatem læsit, qui exporrecta fronte, superbo oculo, majestatem ejus ausus est contēplari. Quæ neminem a cœlestibus hujus Mensæ delicijs repellit, sineret ad illarum opsonia inter innocentes, & nocentes accedere, nisi vindex Numen sic accedentes, nonnunquam in conspectum innocentissimæ Matris, absque spe veniæ puniret, ut deinceps pœnis impudentis audaciæ, erga Imaginis Odigitriæ majestatem, concilietur affectus profundioris reverentiæ; & unius pœna, omnium fiat disciplina. Rem audi ex eodem Petro Rozprzeſi in cōspectu Virginis intemeratæ factam. Illigatā senarijs, ut aliquomodo in hac parte, & antiquiori Musæ D. nostræ honorē prosequēti, saveamus, prout est apud R. P. Andreā Gōldonowski, propono;

*Lenczyca, mercimonijs celebris locus,
Cœtuque clara & plurium vendentium,
Inde sacro itineri Mater, atque Filia,
Dant se: At procax puella vano risui,
Focisque non cessat vacare jugibus.
Irà Mater hortatur: puellarum probos
Mores sequatur, scandali vitet malum.
Hac aure surda percipit sana monita
Matris, quasi ad convivium itura blandulo
Vultu, serena fronte pergit, & bona*

Param-

Parentis in se concitâ bilem evocat.
 Dumque appropinquant Aedibus sacri loci,
 Instat genitrix acrioribus minis:
 Filia scelestâ! cernis ut domus DEI
 Propè sit? remitte pervicax gustus tuos,
 Assume gestâ Sacrarium descentia,
 Vindicta super te DEI, DEUM time!
 Si te pudor hominum reprimere non valet,
 Regina Caeli Virgo Sanctissima, vide,
 Ne te inde feminam petulcam puniat.
 Frustra loquela Matris: & non frustra abit.
 Nam dum hæc soluto crine, compta vestibus
 Templum intrat, & crispa interest rei Sacra,
 Sudore vertex capitis, & frons impudens
 Obducitur; gravi inde percita tadio
 Dextra, & sinistra dum humidum extergere studet,
 En capitis omnes detrahit crines simul,
 Caput inde squalet turpis instar cranij.
 Denuntiata pœna Matris, altius
 Procurrit: hac pallescere, cadere, emori.
 Elata misera protinus sacro è loco.
 Ab obstupentibus parens requiritur:
 Tam tristia unde fata filiam premant?
 Mœsta genitrix cœlare verum non potius
 Mentem sinè pudore, ac honore debito
 Cùm Divam adiret, irritaq; monita sua
 Enunziat, malum profectum à filia.
 Corda gelidus constringit omnium pavor.
 Sed heu magis miserabilem sortem istius!
 Nam tertio die ferox parca eripit
 E corpore animam. Sine sacro Viatico,
 Et Pœnitentia salutaris bono
 Decessit. Inde more pecudis lugubri
 Posita in sepulchro, gravia dans monita omnibus

Quanto

*Quanto cum honore sacra debeant loca
Adire, quâque Genitrix Summi DEI
Et Domina Mundi digna sit reverentia.*

Quæ abomi-
natur cōspe-
ctus Mariæ

Ornamentū
Mariæ.

D. Damascen:
Orat: de Na-
tivity: B. V.
Ildephonſo.

Beatifican-
da Maria.

39. **N**on fert aspectus Immaculatæ Virginis, in suam præsen-
tiam adducta meretricia, formæ pigmenta, omnem asper-
nata fucum MARIA, damnat impudenter exporrectam frontem, &
ad nuda colli, promissa calamistris capillitia, quibus veluti inferni
rudentibus innocentum animæ in perditionem pertrahuntur. Ex-
quisitior cultus corporis, paupertatem, & neglectam animæ curam
ostendit. Nam tantum decoris animæ detrahitur, quantum inordi-
natæ munditiæ corporis impenditur, in qua lucet imago turpis ani-
mæ, qui studet arte corrigere, quod fucō Deus noluit temerare.
Disce Divorum Templis mentem puram inferre, & Numen Vir-
ginis, non vestium pretiosis nitorebus, sed conscientijs innocentibus,
colli debere. Hic namque humiliter subeuntes gratijs suis exornat
Clientes MARIA, quæ verè secundum D. Damascenum, est *Gene-
ris humani ornamentum, & omni creaturæ decus*, Ornat mulieres, erga
illam devotio, quia, ut ait Ildephonſus Serm: 10. de Assumpt. *Hæc
est Decus mulierum, digna omnium creaturarum, atatumq; linguæ, & præca-
nijs coli.* Nam (ut ait D. Damascen: Orat: 1. de Assumpt: *Si eorum
qui iustitiam coluerunt, memoria laudibus celebranda est; & qui tandem
Iustitia Fonti, & Sanctitati Thesauro laudem non adhibeat? Beata es Virgo
inter omnes generationes, sola, quæ digna, quæ Beata prædiceris. Ecce enim
Beatam Te dicent omnes generationes, quemadmodum ipsa dixisti. Te Filie
Ierusalem, id est Ecclesia viderunt, ac Regina, id est, iustorum Anima, Beatam
Te dixerunt, atque in secula collaudabunt.*

C A P V T VIII.

*Pro obtinendis, obtentisque gratijs, sub auspicijs Divæ
nostræ Virginis Claromontanæ, Literaria gratitudo.*

Vorum Neo-
sophi ad
Mariam.

40. **S**I verum est, quod Amor Pœsim docet, Clientis Anonymi vo-
tum, pro felici in studijs Philosophicis decursu, Divæ Vir-
gini Nostræ, Musæ pedestris officio cantatum, referens, fateri cogor
illud ex amantis, Amores Mariæ, animi affectu profectum, non mi-
nùs piè, quàm eleganter descriptum, & Ordinem Historicum sum-
matim complectitur. Appensum ad Odigitriæ Virginis Aram
sic legitur:

Quo me

Quò me paventem vis agis acrior,
 Quò Virgo ducis? cur Tibi saucium
 Splendore ladis? perdis impar
 Diva Tuo mihi perdis astrum.
 Non sic Berillis irradiat Tagus,
 Non sic nitenti Sardonyches micat
 Fultus Pyropo, nec Topasus
 Attaliciis decorata gemmis.
 Ut grata cunctis fulget Imaginis
 Tua venustas, cum cremat intus
 Cordis medullas, igne sacro
 Per tennes jaculata fibras.
 Perfusa frontem, tempora spiculat
 Nullus unquam pervia sensibus
 Verenda Majestas amœnis
 Suaviter irradians ocellis.
 O Virgo felix! cui proprio sinu
 Cœli Toparcham sapius accidit
 Fovere, velamenquè sacro
 Luce suâ remove vultu!
 Te, pertinacem qui Solymum colit,
 Te, vorticosum qui bibit Adriam,
 Miratur, ô Tutela prasens!
 O Mare, vel Maria, ô MARIA!
 Te Belza vidit celsa sub algidi
 Septentrionis curribus Hospitem,
 Hac sede fixam trux Gelonus
 Bisoniâ terebrat sagittâ.
 Haud pana claudio deseruit pede
 Ultrix scelestos; in medios enim
 Telum retrorsit, perennem
 Quod reliquis pareret timorem.
 Tandem recepit Clarus ut Advenam
 Te Mons Sacello, jam trepidant graves
 Morbi vehentes mox retrorsum
 Exanime, ac gelidum cadaver.

ANALECTORVM MENSÆ REGINALIS

Qua nec priori secula tempore
 Toto patens Sarmaticæ ambitu
 Videre, nunc jam perpetrata
 Attonitus stupet omnis æther.
 Vtroque cassus lumine filius
 Videt parentem; visit Imaginem
 Qui lora restrictus lacertis
 Gessit iners, timuitque mortem.
 Hinc unde vitam sumeret inscius
 Nec scire fas est omnia. Mortui
 Sordente circum nauseosa
 Illuvie, putridisque pannis
 Sensere prasens Numen in Leone,
 Sensere quid mens sacra, quid indoles
 Posset, quid Augusta benignus
 Erga homines animus MARIE.
 Devota sentit tota Polonia;
 Sentit medela symbola vivida;
 Votis, nec in cassum vocare
 Rebus in ambiguis salutem.
 Pars nulla quæ Sol circumit aureus,
 Quæ Pontus undas porrigit, angulo
 Terra latens, quocunque sacro
 Abdere se valet à calore.
 Ut Aula Cæli fornice lucido
 Complexa terras; pervigili Tuâ
 Sic universos comprehendis
 Christigenas pia VIRGO curâ.
 Mundi è supremis culminibus, loca
 Latè tueris, qualibet abditis;
 Pra cæteris sed dona clemens
 Sarmaticæ potiora pandis.
 Tu spem reducis mentibus anxys;
 Tu dulcè mastris præsidium reis;
 Tu pestilentem pellis Eurum
 Ne miseras populetur Urbes.

Te sacra

*Te sacra Christi gens prece supplici
 Clamat Parentem. Te Dominam miser
 Vocat popellus; Te Monarcha,
 Rexque suam vocat Advocatam.
 Hinc provoluti poplite supplices,
 Hi dona, dulces hi lacrymas ferunt;
 Ardere succensus at illi
 Lampadibus sua corda monstrant.
 Ferox satelles tela dicat sua
 Quis militavit, non sine gloria.
 Hic aureas figit tabellas,
 Hic lapides pretiosiores.
 Hac Virgo Clemens, hac Tua gloria est.
 Adgratulantem me quoque pro Tuo
 Agnosce, splendoremque Musis
 Adde novum, tenebras repelle.
 Tu lene tormentum ingenio admoves
 Plerumque duro. Tu Sapientium
 Curas, Tu & arcanas Sophorum
 Consilio retegis querelas.
 Nil, Diva Mater, nil sine Te mei
 Valent labores. Id Sapientia,
 Dulcem, Clienti sat futurum,
 Quo sapiam, tribuas I E S V M.*

En Omnibus Omnia MARIA, Docentium, & Discientium. Ma-
 gistra, ut omnium Scientiarum Athenarum, votis frequentatur, ut
 Facultatum omnium Augustissima Præses imploratur. Non mirum; Rupertus
Abbas.
 quia, ut ait Rupertus Abbas, est Dei Patris sponsa, sancta Religionis Ma-
 gistra, virtutum Operatrix, MAGISTRA MAGISTRO RVM. Quia ad
 pandenda Sapientie arcana, afferente D. Ephraim, est LVMEN STV-
 DIOSORVM; & secundum Idiotam, lib: Contéplat: de B. V. M. D. Ephraim,
Idiota.
 DOCTRINX DOCTORVM MARIA.

41. **N**on solum ab Institutis Nostri, Philosophia, ac Theologia Mos dedi-
candi Phi-
losophicas
 Professoribus, & Auditoribus, qui plerumque Philo-
 phica, ac Theologica studia in Thesibus Maria in hoc Simulacro
 R r z Venc-

Venerandæ, tanquam suæ Præsidi consecrant; sed ab alienigenis Diva Nostri Literario munere colitur. Beneficia, & gratias, quas hinc petitas accipiunt, Scholasticis suis laboribus Mariæ rependunt. Inter alia principaliora Literarum monumenta, non postremum est, quod ex Lycæo Olomucensi allatum excepimus, Anno Dni 1673, à R. ac Doctissimo D. Ioanne Andrea Slovatio, Slavo Vitenczienfi, Augustiss. Ferdinandi II. Alumno Ecclesiastico, qui sub hoc titulo Divæ Mariæ Claromontanæ suas Theses de DEO Vno & Trino, hic ad Aram appendit:

NOVÆ CAPTIVORVM ARIADNÆ

Mulieris fortissimæ, velut Castrorum Aciei ordinatæ,

Turri Davidicæ munitissimæ, ex qua mille pendent

Salutis Clypei,

Asylo Refugiū, & Castello fidelium tutissimo,

Matri DEI Potentissimæ,

Sanctissimæ Czeschochoviensi Virgini, Miraculis clarissimæ, Patronæ suæ, & Protectrici Magnificentissimæ, & Liberatrici Clementissimæ.

Quibus Divæ Nostre beneficijs obstrictus, hoc affectus grati anathema deposuerit, palam ostendit in Præfatione se à Turcica captivitate Auspicijs Divæ Claromontanæ, liberatum. Cursum publicæ recognitionis recito. Postquam se Mancipium, ac Servum tam Augustæ Cœlorum, ac Terrarum Principis appellavit, pergit:

Et quid, me talem coram DEO, typū publicis, utroque orbe auditore verear conspici, quem Tu gravissimo captivitatis Turcica iugo innodatum, in sacram Tui mancipatus vindicasti libertatem? si hoc beneficium prateriero, sacrilegio ingratum animum cruentavero. Vos ego Mortis Ara ad Gálgo-czium fidei Christianorum sanguine cruentata appello: Vos mea captivitatis socios, qui mihi à latere avulsi, in barbara laniena partem abissi: vos par-tus patriæ, quorum revulsæ à corpore cervices manibus meū acervare jussu, etiamnum ad tam atrox spectaculum vitæ palpitante, vobis me adnumerabam. Tertium jam cum devotis morti victimis ad feræ pertraherbar aras, tertium per calcata meorum funera ibam, fatalem idum excepturus: stabam inter mortis, & vitæ confinia, & quasi jam vitæ defunctus officio, immaturam mor-tem adsalutabam. Sed dum caderent à latere meo mille, mille Clypeis in-vocata Domina vitæ & mortis obarmabat imbellem, & quasi è numero mor-tuorum,

E Turcica
captivitate
liber, Theo-
logica stu-
dia Divæ no-
stræ dedicat

tuorum, in vivos resuscitatum iussit respirare. At verò, neque huius Mare Gratiarum litoribus definitam stetit, pluribus victima destinabar periculi, ut non mendacem fabulosa antiquitati, Fortunæ aleam, sed Maternam Protecrici Deiparæ manum, quam periculorū posueram Præsidentem, securius devenerer. Igitur iussu valere Vivarino meorum hæcenus vinculorū custode, secundo Danubio, sed infelicibus velis ad ipsa barbariæ defluebam viscera, Belgradum, ut ubi finem carceris mortem expectarem, ibi Civitatem Refugij invenirem. Vixi in medio nationis prava: in cruenta flagitijs barbariæ, in Aula Ali Bassæ (militiæ Turcicæ Generalissimi) ubi morum magistra Impietas. Vixi, & octo reconcinnatos Lunæ orbes, inter crebra suspiria, quibus tanquam arietum machinis Marianum Castellum muro undique vallatum impetebam, enutriveram. Tandem supremam vitæ iacturam aleam, ut cui semel, quàm semper emori potius erat, nocturnis audaciâ meâ involuta tenebris, penduli ab alto rudentis beneficio elapsus, fugam ordiri cœpi. Quid hinc ego assiduitatem periculi, viarum asperitatem, famæ tolerantiam, temporum iniuriam, solitudinis horrorem, extra Patriam, extra carceris hospitium ordiar enarrare? Vox me desiceret, lacrymas oculi suppeditare! Illud mihi silentium nescio imperare, quod rursus à crudelissima grassantium hinc inde barbarorū manu, deprehensus, & à fuga in iteratam retractus captivitatem, iteratò elapsus, feliciter ceptum continuaverim propositum. Tuam hinc ego Liberatricem ex osculo Dexteram. Tuam amplector Munificentiam, veneror Pietatem. Perieram infelix Theseus, tot labyrinthi sepultus erroribus; nisi Tu felicior Ariadne non filium, sed manum porrexisses. Nemo sanus, qui periculorum magnitudinem temeritati fugæ (si natura spectet rationem) comparaverit, Tuum Patrocinium mecum non constrebitur. Equidem Te Liberatricem agnosco, Tibi debeor, Tuus sum, & ero, ac proinde meipsum, Thesesq. meas de DEO Vno & Trino in gratitudinis resseram professione solenni, Tibi in anathema appendo.

Æternam Mancipium.
Ioannes Andreas Stovarius.

Per tot adversæ fortunæ casus Mariæ Cliens volutus, è celsò fiduciæ culmine in desperationem præcipitari non potuit. Credo equidem, quòd MARIAM, cujus virtutis manifestam habuit præsentiam, suis hæc auribus insnuantem audivit, Ieremiæ 16. v. 21. Ego tecum Ierem: 16. sum, ut salvem te; & eruam te, & liberabo te de manu pessimorum, & redimam te de manu fortium.

CAPVT IX.

*Votivâ Pœsi, in Typo, & Argento soluta Divæ No-
stræ pro beneficijs gratia.*

42. **E**T Orbis universi Magistra Societas IESV colit suis af-
fectibus Montem Virginis cum Imagine Odigitria. Præ-
ter alios, qui ex eadem Societate in diversis suis lucubrationibus, &
operosis Scriptorum monumentis, aut gratiarum meminerunt, aut
invocârunt, memorandus hic est ab annis plurimis in Ecclesia Var-
saviensi ad S. Iohannem Ecclesiastes R. P. Iohannes Zaluski, qui Anno
1671. ad Aram Mariæ Claromontanæ, hanc Ode appendit.

ODE VOTIVA
MAGNÆ DEI MATRI
REGINÆ CORDIUM.

*Et quâ sereni delictum poli,
Terraque Præses Numinis Arbitra,
Nam Virgo Mater Cordiumque
Terrigenum, Superumque latè
Potita sceptris, dignior est coli
Quàm Cordis Ara? Cor mihi marmore,
Si fortè duratur, stupefcat
In solidi monumenta voti.
Quæis æviternis certa fides notis
Insculpat alto vulnere virvidum,
Hoc mancipata mentis, usque
Mnemosynon, Xeniumque Divæ:
Tibi per omnes temporis orbitas
Cliens volutus, fixaque termino
Per secula nullo, dedicatum,
Mancipium remanere nexu
Stringor perenni. Tu modò me Tuum
Quacunque tandem fata rotaverint*

Agnosce

43
latis
rum
simi
burg
tum

PARTITIO DVODECIMA:

319

*Agnosce Mater, nosce sacris
Perpetuam Tibi Cordis Aram.
Seu me caducum proterat aspera
Fortuna passu, victima concidam.
Virgo Tibi, totius orbis
Digna coli famulante casu.
Seu lata vultu riserit aureo,
Interque cali me locet igneus
Flammas, amoris semper urat
Casta Venus Tua, me favillâ.
Tui sub umbra tegminis ignifer
Non me calenti morbus acumine
Decoxit, ardores retusâ
Quando Tuo pelago MARIA.
Me fluctuantem vorticibus feris
Quod non dolosus sorbuit Adria
Jam naufragantem, à Monte Claro,
Fauisla Tuâ Cynosara lucis
Portu locavit. Sic bene protegat
Me sulphurati stygis ab æstibus
Vmbrosa Cedrus, vel Cadano
Palma Tibi spatiosa Monte.
Tuum æternum mancipium omnibus nominibus
Anno Domini M.DC.LXXI.*

43. **P**lerumque aut Latinis, aut idiomatis vernaculi Versibus
iniantur argentea anathemata, quæ ad Divæ Nostræ Sa-
lutis Aram, pia Clientum gratitudo, cum acceptorum beneficio.
rum testimonijs, appendit. E plurimis unum propono, Illustris-
simi Domini Ioannis Ernesti à Rautenslein, Serenissimi Principis Neo-
burgici ad S. R. M. Ablegati in tabula argentea grandiori expres-
sum, in cujus prima facie hæc sunt:

Extorris Pat-
trio solo,
hic Divæ im-
ploratum in
paralyti ha-
bet auxiliu.

D. O. M.

Beatissimæ DEI Virgini Genitrici

M A R I Æ,

SALUTI INFIRMORUM,

Cujus

Cujus veneranda Imago tam Sancti Lucae penicillo,
quàm infinitis miraculis clarissima
Sacrum hunc Montem toto passim orbe Clarum
reddit Clariorem

Votum

Periculoso in morbo, quem sex Mensium secuta est para-
lysis Samborix factum nunc reddit,
Clementiq; Patronæ tantæ præsidio se, & suos porro
commendat: ac totum

D. D. D.

Cliens minimus, Servus devotissimus,
Ioannes Ernestus à Rautenstayn.

Ex altera verò parte Versus:

*Diva, salus miseris morborum turbine pressis,
Queis sæpe ipsa nocet plus medicina malo.
Ad Te confugi mea Spes post Numen, anhelans
Czestochovam, velut ad cervus anhelus aquam.
Samboria quando procul à tellure remotum
Teutonica, opprimeret me genus omne mali.
Intempestiva inprimis cùm balnea Tyra
Deficerent, corpus, membraque fracta prius:
Ecce Tuo Sanctas nunc munere sistor ad Aras,
Munera, pro tanto munere, parva ferens.
Sed cùm plus animum quàm munera respicis, ergo
Cor Tibi do, & totum me offero, dono, sacro.
Syngrapha sit, gratus quam nunc appendo Tabella,
Dum Te possim alijs concelebrare modis.*

45. **H**ÆC sunt pauca è plurimis religiosissimi affectûs vota,
quibus Diva Claromontana colitur. Prorsus innumera
temporum vetustas absumpsit; aut similium satietas posteris adno-
tare neglexit. Qui hîc acceptas, relatasq; gratias legerit, agno-
scet haud dubiè jure MARIE, tum publicas Regnorum, tum pri-
vatas hominum necessitates committi. Neminem fastidit omnium
Custos, locorum Patrona, Regnorum Administra, omnium Pote-
statum

statu
tatur
Disp
run
grati
quàm
omni
poten
tibus
ei pa
dam,

V

46.

in do
renis
gism
donat
taria
team
rhela
strato
1510
rum
tum
felic
& affe
Vnga
Steph
appel
ejus,
è præ
vilij
Soror

statum Domina, omnium virtutum, & miraculorum Opifex, Facul-
tatum, & Scientiarum Præses, Sanctorum omnium Regina, & Pacis
Dispensatrix. Quapropter Andreas Cretensis, omnium Angelo- *Andreas*
rum Ordinibus præponit ejus Honorem: Cui tantam contulit DEVS *Cretensis*
gratiam, ut ex sua affluentia unumquemq; Cultorem suum possit custodire plus-
quàm Angeli: de omnibus locis diligentiam habere, plus quàm Archangeli: de
omnibus Regni providentiam, plus quàm Principum: dedit ei super demones
potentiam, plus quàm Potestatibus: mirandorum efficaciam, plus quàm Virtu-
tibus: super alios Electos præminentiam, plus quàm Dominationibus: dedit
ei pacem, & quietem in suo throno, plus quàm Thronis: Sapientiam profun-
dam, plus quàm Cherubin: Charitatem succensam, plus quàm Seraphinis.

CAPVT X.

*Varijs in hoc loco, variorum Statuum, muneribus co-
litur, & affectibus MARIA.*

46. **E**T muneribus amplissimis colitur in hoc loco MARIA, &
affectibus; ab his munera pondus habent, quia vilior est *A Regibus*
in dono quicunque census, cui pretium non addit affectus. A Se- *munera*
renissimis Poloniæ Regibus exemplum est. Serenissimus Rex Si-
gismundus Augustus, ut non tantum propensum animum in pretioso
donario liberalem, declararet; verum et labore quoque suo, tribu-
taria pro beneficijs gratitudine *MARIAM* coleret, Crucem argen-
team grâdiorem, artificio insignem, & pretiosam (quæ nunc Ligni vitæ
thesaurum claudit) tum ferculum Sanctissimæ Eucharistiæ (Mon-
stratorium appellamus) pretiosa manuum suarum opera, Anno D.
1510. ad Aram Imaginis Odigitriæ obtulit, se, suorumq; Regno-
rum felicitatem Marianæ protectioni submittendo. Sparsim hic
tum aliorum Poloniæ Regum, tum Serenissimi IOANNIS nunc
feliciter, atque utinam diutissime regnantis, Reginarumq; munera,
& affectus memoratur, inter quas ceteri debet & Serenissima Isabella *A Regina*
Vngariæ Regina, quæ ut in hoc loco *MARIAM*, ex decreto Sancti *Vngariæ*
Stephani Vngariæ Regis, generali titulo *REGINAM VNGARIÆ*
appellatam, honoraret regio munere, argenteam Crucem ad Aram
ejus, munus misit. Ad hanc Reginarum Poloniæ seriem pertinet
et prærogativa Sangvinis, Illustrissimi Principis Michaëlis Radzi-
vilij Illustrissima Conjux, Serenissimi Regis Poloniæ Ioannis III.
Soror Augusta: quæ ut *MARIÆ* in hoc loco præsens, florentem

in flore, gratum in odore, ardentē in colore, affectum ostenderet, Rosam auream ardentibus carbunculis distinctam ex voto dedit.

*Ab Impera-
trice Roma-
no 1672.*

47. **L** Egitur & hodie recentior vetustæ Regum Liberalitatis imitatio, in Imperialibus Augustissimæ Romanorum Imperatricis, olim Ferdinandi III Consortis, Eleonoræ muneribus. Dum enim Anno 1670. cum Inclytissimis suis filiabus, Serenissima Eleonora Poloniæ Regina, & Archiduce Austriæ, MARIAM in thau-maturgæ imaginis Simulacro veneratura advenisset, argenteam Christi flagellati statuam Cristallinæ alligatam Columnæ, tum duo Candelabra, in quibus admirabilis ars, certat cum pretio, obtulit. Antecedentium Reginarum affectus æmulata Serenissima Poloniæ Regina Eleonora, Augusta Serenissimi Regis MICHAELIS Primi Marita, Nuptialem pro sacro Altaris apparatu vestem, auroque textum, ad velandam sacram Imaginem, flammeum, tum monile aureum 75 orientalibus adamantibus compactum dedit, Anno D. 1672. 23 Octobris.

*Princi-
pibus.*

48. **S**erenissimus Princeps Carolus, à Serenissimis Fratribus Poloniæ Regibus, quemadmodū affectibus erga hanc Regum Regnorumq; Patronam, ita muneribus, ne videretur inferior, Aulae Marianæ decora, Cruce argentea, & grandioribus Candelabris argenteis, tum alijs muneribus, aut expertam recompensans, aut cupitam in necessitatibus gratiam depolcens, auxit. Inter hæc, non postremum Marianæ gazæ numeratur augmentum, Calix ex puro auro, gemmis insertis fabrefactus, in cuius pedis convexo, legitur:

Carolus Archidux Austria, Episcopus Wratislaviensis, B. V. MARIE Czesochoviensi D. D. Anno Domini 1611.

*Regum Pa-
trona M A-
RIA,*

Regum Principumq; Patrona MARIA, dum hîc salutatur:

Ave MARIA, gratia plena, Dominus tecum:

ut arcanum sensum Agnensis eruit, talis esse agnoscitur, nam idem in Anagramma coactum sonat:

I. Regum Patrona, en Diva immaculata es.

Vltiorem sensum culta elucidat Poësi, inter Cracoviensis Academix Lumina, Lux in nubilo, in Oraculo Parthenio, ad CLEMEN-TEM IX. Pontificem Max: 69.

Majo-

PARTITIO DVODECIMA.

323

*Majorum Regalis honos, Tibi Virgo vetusti
Sanguinis, ex Proavis fert, Atavisq; decus.
Numinis aeterni, qui Te quæque jure coronat,
Et Natam, & Sponsam, regius ambit honos.
Omne coronarum jus est Tibi, dosq; perennis
Ad fasces veniunt omnia sceptræ Tuos.
Inde Tibi tantus Soliorum cultus, & omnis
Majestas, flexo vertice prona Tibi.
Nempe thronus maculam cæci regius odit, & arcet.
Sic Reges, macula nescia Virgo, decet.*

49. **G** Emmifer, & aurifer Illustrissima Lubomirsiana Domus
SRZENIAWA (dulcis ad fecunditatem Patriam, Sar-
matia Nilus) profundissima suæ Liberalitatis in hunc Locum, ar-
gentea, aurea, gemmea dona exonerat, ex quibus religiosissimum er-
ga MARIAM affectum, qui metiri voluerit, inæstimabilem, & incō-
parabilem inveniet. Illustrissimus, & Excellentissimus D. Alexan-
der Comes in Wisniowiec & Iaroslawn, Lubomirski Sac: Roman:
Imperij Princeps, Palatinus Cracoviensis, Gubernator Sendomiri-
ensis &c. cum Illustrissima Consorte diu expectatam, expetitamque
votis prolem Iosephum Carolum, (nunc Sendomiriensem Capita-
neum,) cum accepisset, meliori Cœlesti Lucinâ MARIA favente,
tantam puri, putiq; auri massam in statuam (quæ nunc supplex ado-
rantis instar, è genibus, ad Odigitriam Imaginem spectatur) de-
stinarunt, quantum recens nata proles ponderis continebat. Iam
quovis anno (decimus nonus decurrit) pro fortunato vitæ decur-
su, tantum virginæ, seu candidæ, ceræ, ex voto ad Imaginem Pa-
rens Illustrissima deponit, quantum ponderis in succrescente quot-
annis invenitur. Pro ejus incolumitate, gemmas, monilia, pre-
tiosos lapides, torques, annulos, & alia aurea munera, diversis tem-
poribus, in quanto numero, & pretio ad hanc Aram obtulerit, mon-
strant principaliora Domus Marianæ decora. Ipse Illustrissimus Ca-
piraneus, votorum filius Iosephus, Accrescens virtutum, & honorum
ornaments, post obtentam valetudinis reparationem, Anno 1671.
28. Augusti, monile puris adamantibus contextum, gratitudinis er-
go, Sospitatrici suæ Mariæ deposuit, Anno 1675. in Mayo, Reginæ
Cordium, Cor aureum obtulit. Demum Anno 1678 18. Martij,
dum ex hoc loco ad exterarum nationes proficisceretur, laminam au-

E Lubomira
Jean Dome
Domus Ma-
riana decora
74

ream ponderis 30 aureorū, ad Mariæ pedes suffixit, in cujus fronte inaratum est consuetum supplicis Ecclesiæ votum:

Sub tuum præsidium confugimus Sancta Dei Genitrix &c.
In altera verò facie hoc scriptum legitur, Illustrissimum Clientem, Comitesq; itinerum, & Fortunæ, commendans:

COELI REGINA

Tuum præsidium in toto peregrinationis cursu, expectat Josephus Carolus Lubomirski Capitaneus Sendomiriensis, unà cum suis Comitibus Stanislaw Gliniski, Alexandro Myskowski, Matthia Psoiecki, Casimiro Trzemeski, ac cæteris, precantes Tuum auxilium. Die 13. Maij, Anno 1678.

*Ecclesia in
Litanijs.*

50. **I**vre in præsidium contra omnem fortunæ iniquioris incursum invocatur MARIA, quia Potens est. Hunc ei auctoritas Universalis Ecclesiæ appropriat titulum, dum eam invocat: *Virgo Potens*. Sic eam invocant Clientes, & Potentem in protectione habere desiderant. Respondet arcano sensu, sponderq; benedictum cum Filio solatium. Hoc revelat *Quintinus Duresium* in suis Litanijs, rimatus mysterium, ex Anagrammate, nam *Virgo Potens* idem sonat, *Sinu protego*. Elucidat cupita, sperataque protectionis beneficia:

*Quintinus
Duresium.*

*Virgo MARIA Potens, nullis nos protegit armis,
Sed tantum proprio protegit illa sinu.
Parvulus inque sinu Matris dum ludit IESVS,
Protegit adjuncta cum Genitrice DEVS,
Sic humiles famulos nos Protege Virgo precamur,
Inque Sinu faciat Matris habere locum.*

*Illustriss. D.
Georgio Lu
bomirski.*

51. **I**llustrissimus quoque & Excellentissimus D. *Georgium Sebastianum*, Comes in Wisnicz, & Jaroslaw, Lubomirski, S. R. I. Princeps, Gubernator Cracoviensis, Supremus Curia Regni Marchaleus, & Exercituum Dux, pluribus religiosæ mentis testimonijs, & muneribus, affectus suos erga hanc Poloniæ Reginam, Innocentiæ Patronam MARIAM, testatus est, cum Illustrissimis suis Filijs, Magnorum nunc in Republica Officiorum Administris. Idem animus est Illustrissimæ Consortis Barbaræ de Czekarzewice, quæ amplioribus devotionis, tum liberalitatis monumentis Mariæ suos amores probat,

probat. Nuptialem ex auro puro Coronam, pretiosis distinctam lapideibus, hic obtulit Regina Cœli. Reginalem ejus Aulam, & Aram, auro, argentoq; textus, tum Phrygio opere laboratis, ornamentis auxit. Diversis deinde temporibus annulos, segmenta varia, adamantibus, & carbunculis lucentia, pro se, & Illustrissimorū Filiorum suorum, Francisci Olsztynensis, & Georgij Casimiriensis, Capitaneorum, incolumitate obtulit, quibus Marianos affectus obligaret: ut cū ipsa sapius ex hac Reginali Mensa cœlestibus solationum fructura delicijs, diuturniorem habitationē in Claro Monte prorogasset, Illustrissimorū etiā Filiorū juventutē, in primis Virtutis, Pietatis, & Literarum elementis, sub disciplina Clarissimi, & Admodum R. D. Pauli Woiewodzki, in Alma Academia Cracoviensi Collegæ Majoris, Regij Professoris, ad Ecclesiam S. Annæ Canonici (nunc in eadem Vniversitate Facultatis Philosophicæ Decani) imbui voluit, ut tam præclaro Viro Duce, hic erga Deū, hominūq; tam bonam Matre, & Sapientiæ Præsidiē, concepti amores, ad sperandam Illustrissimo Sangvine, Patriæ solatia adolescerent.

52. **K**ONIECPOLSKIA religionis Ideam in argentea tabula, Victoria tum Illustrissimi D. Stanislaus à Koniecpole Koniecpolski, Castellani Cracoviensis, & Generalis Exercituum Ducis, testera dedi supra. Ejus Illustrissima Marita Ioanna Barbara, ne minus liberalis erga hanc Patronam videretur, Anno 1648. 17. Aprilis munus pretiosum, Coronam Nuptialem auream, insertis adamantibus fulgentem, & annulos, aliaque temporibus alijs, in auro munera deposuit. Tum Religione in Deum, ejusque Matrem, tum avitissimæ Prosapie prærogativā, Illustrissimos Parentes imitatus, aut æmulatus, Illustrissimus, & Excellentissimus D. Stanislaus à Koniecpole Koniecpolski, Palatinus Podoliz, Anno 1669. 10. Octob. argenteam, cum infusorio, pelvum, ad Aræ Marianæ usus, obtulit, & anulum, quo propitiā suis votis Mariam, ad ultiores sibi, totiq; Illustrissimæ Domui, favores obligaret, desponderetq;. Par devotio, & erga Divinam Matrem affectus, in Illustrissima ejus Consorte, Eugenia Catharina, Principe Wisniowiecia, quæ item Nuptiali Corona aurea, lapideibus pretiosis decora, Mariam coronavit.

53. **S**enator Polonus, & Orator ad VRBANVM VIII. Pontificem Max: Illustrissimus & Excellentissimus D. Georgius *Georgij Ossolinski,* Dux in Ossolin, Comes in Tęczyn, Supremus Regni Poloniæ Cancellar-

cellarius &c. *Prodigam Polonum Liberalitatem* in templa, Sacrorumq; usum, in Vrbe Roma à se dilaudatam ostendit, cùm prodigiosâ propè liberalitate Aram Ebano-Argenteam, Odigitriæ Imagini erexit, prout, hîc Partit: 1. Cap: 3. num: 9 patebat. Plura Ossolinæ Liberalitatis, & affectus in Mariæ venerationem propensissimi, perennant insignia. Prodigæ in Deum ejusque Matrem liberalitatis argumentum hîc reliquit, & Illustrissimus D. Ioannes Wielopolski, Supremus nunc Regni Cancellarius, & Cracoviensis Gubernator, qui argenteam Lampadem ad Aram, tum ex puro auro Calicem ad usum rei Sacræ obtulit Anno 1668. 9. Iulij. Alij alijs colunt Divam muneribus. Illustrissimus Dñs Demetrius Princeps Wisniowiecius, Castellanus Cracoviensis, Palatinus Vólhinix, & Generalis Exercituum Regni Dux, dum vota Mariæ solveret, tenam auro, argentoque textam, pro apparatu ad peragendam rem sacrâ donavit, addito ad Marianos favores captivandos pretioso torque, pluribus alijs favoribus Montem Clarum dignatus.

Opalini.

54. **ET** ARGO OPALINIA aureo pretiosiora Vellere, huc ad **MARIÆ** cultum defert munera, Illustrissimus D. Ioannes de Bnin Opalinski Regni Pincerna Anno 1672 tabulam grandiore argenteam, in qua Nativitas D. N. I. C. expressa est. ipso die Immaculato B. V. M. Conceptui sacro, deposuit. Illustrissima Coniux casu fortuito majoris bôbardæ globo, Musquetum dicim⁹, letaliter saucia, at. patrocinio Mariæ devota, extra vitæ periculum, globum eundem torqui illigatum, in acceptæ gratiæ monumentum appendit. Pium erga hanc Sospitam animum, tum in auro, ac lapidibus pretiosis, tum in pari munere, seu tabula, quæ Divæ Virginis Annuntiæ præsentat effigiem, testat^r est, Germanus ejusdem Frater, Illustrissimus D. Stanislaus de Bnin Opalinski Neo-Corcinensis Capitaneus; uterque Illustrissimorum Parentum, quorum affectus insignia Mons Marianus explicat, devotionem æmulando. Plures ex auro fulgentibus donis, Divinum, ac Marianum in hac Æde sacra cultum illustrârunt. Illustrissimus D. Stanislaus Wârzycki Castellanus Cracoviensis, eximius olim Clari Montis Fautor, & Patronus, lampadem ex puro putoq; auro, ad Reginalem Mariæ thronum appendit. Æmulatus est ejusdem liberalitatem, & religionem Illustrissimus D. Theodorus Carolus, Comes in Tarnow Tarnowski, Krepicensis Capitaneus, alteram itidem ex auro puro lampadem, egregio

egregio Encaustices artificio exornatâ, ad eundem gratiæ thronum figendo, superaddito ejusdem pretiosi metalli Calice ad Sanctissimi Sacrificij usum. Stanislaus quoque ejusdem Illustrissimæ Familiæ Heres, Comes in Tarnovv Tarnowski, Anno 1668. aureum affectum, aureis muneribus Mariæ probavit: tum & Illustrissimus Senator, Archiepiscopus Leopoliensis, Tarnovvski Anno 1663, Mariam ad vota sua, oblato pretioso torque, sibi obligando.

54. **M**eruit devotis suis amoribus, & muneribus Illustrissima Domus **POTOCKIA** favores **MARIÆ**. Nonnulla ex hac Virtutis & Gloriæ Herede Domo, illustria non nudi affectus argumenta superius insinuavi. Illustrissimus D. Stanislaus in Potok Potocki, Palatinus Cracoviensis, Generalis Exercituum Regni Dux, Clavam argenteâ, officij insigne, ad Bellonæ **MARIÆ** Aram deposuit. Illustrissimus Dom: Andreas Potocki, nuper Palatinus Generalis terrarum Kijoviæ, nunc Palatinus Cracoviensis, & Illustrissimus D. Felicianus Potocki, Siradiensis Palatinus, secuti Parætis Illustrissimi religionem, varijs in auro muneribus, pretiosis segmentis, & monilibus, Divam Sospitam in hoc Monte coluerunt: quibus meritò adnumerandus est Illustrissimus D. Ioannes Potocki, Palatinus Bracławiensis, & ex affectu erga Tempia Virginis apud posteros laudem, apud Superos, è merito, gloriæ sociale participium, consecutus. Serenissima Domus **SIENIAVIÆ** Sidera venerantur affectibus, ornant muneribus in Clari Montis Cælo miraculis & gratijs Clarissimam, Reginam Siderum **MARIAM**. Ex hac Domo sua non vulgaria habet decora Aula Mariana. Pristinos Aborigenum suorum, ac Illustrissimorum Parentum amores erga **MARIAM** ardentes, & lucentes Illustrissimus D. Nicolaus de Granovv Sieniavvski, nunc Curia Regni Mareschalcus &c: tum hic oblati, dum præsens suæ Salutis Auspicem **MARIAM**, veneratus est, muneribus; tum pro vitæ gratia in desperatis casibus recuperata, huc missis, ostendit.

CAPVT XI.

Uteriore aliarum Familiarum Liberalitatem, & affectum erga Locum Sacrum, continuat.

55. **I**llustrissima **PACIORUM** Domus (inclytum Lithavum, decus) Pacis Dominam **MARIAM** Auspicem suam pretiosâ.

tiosioribus colit muneribus. Illustrissimus D. *Christophorus Pat.* Supremus M. D. L. Cancellarius, cum votis, effigiem filij sui deposuit, propitium Virginis Numen honorando. Præterea lampadem argenteam, infra quam alia tres minores dependent, ad ejus Aulæ ornamentum dicavit, Anno 1678. Ab Illustrissimo D. Constantino Pac M. D. L. Vexillifero lampadem quoque argenteam thesaurus Marianus, oblatam præsentat: & alia, ex eadem Illustrissima Domo erga MARIAM Montemq; Clarum propentioris affectus, aurea monumenta habet Reginale Mariæ Sacrarium.

Sapieha.

37. **N** Oluit, nec potuit, aut esse, aut videri, quemadmodum in affectu, ita in liberalitatis censu, erga MARIAM parior, indoles SAPIEHANÆ Profapia, & hodie in Illustrissimis Heredib; ad maiorem dignitatem, in M. D. L. & Officiorum prærogativas, è Virtutum suffragio admotis, Montis Clari cultui, & Mariano honori promovendo devincta. Ex hac Illustrissima Domo Lampas argentea grandior Marianæ Domûs auxit armameta. Atque ne aliorum liberalitatis merito apud DEUM, ejusq; Matrem, tum apud posteritatem cederet, Illustrissimus D. *Leo Casimirus Sapieha* (postea Palatinus Vilnensis) Pixidem auream, pro Augustissima Eucharistia conservanda, aliquot millibus æstimatam, ad Marianam Aram ex voto obtulit, Anno 1650. Rependit suo Clienti munus, liberali gratia, in acie decumano labore cum hostibus dimicanti. Cum enim Anno 1660 Illustrissima Conjux illius, in Monte Claro votorum solvendorum causa, pro Illustrissimo Consorte, sub *Zachowice* acri prælio cum hostib; decertante eo tempore, tum pro se filijsq; suis, præsens adflet, oblatoq; aureo monili, in favores suæ Illustrissimæ Domui, MARIAM desponderet; pluribus hîc diebus in devotione perseverans, inopinatum in Sacello Mariano accepit nuntium, Illustrissimū Maritum, subactis hostibus, gloriosâ coronatum Victoriâ. Gratam mentem pro ampliorib; Illustrissimæ Domui suæ præstitis favoribus, tantæ Propugnatrici, & fortunarū Auspici MARIÆ, ut testaretur, Anno deinde 1665, Casulam opere Phrygio laboratam, inter universam Aulæ Marianæ apparatam, munus non postremum, per Leonem, filium donum misit, qui hinc ad exteras nationes profectus, Adstitem ad tutelam ubique, MARIAM, suæ Illustrissimæ Domûs Heredibus semper amicam, habere meruit.

Esczynia.

38. **L** ESCZYNIÆ quoque liberalitatis, & affectûs insignia Mons Clarus habet, præcipuè ab Illustrissimo Domino

Vence-

Venceslao Comite in *Leszno Leszynski*, Palatino *Wolhinia*, qui argentea Candelabra ad ornamentū *Arae Parthenia* (votum pro accepto beneficio) obtulit: tum ab Illustrissimo & Reverendissimo D. ejusdem quoque Nominis *Venceslao*, Comite in *Leszno Leszynski* Episcopo *Varmienfi*, qui depositum ē collo suo torquem, pretiosa Cruce, decem adamantibus lucente, decorum, in affectus *Mariani* compedes transiens, *Mariana* Domus thesauro inseruit Anno 1654. *Tartowski*

Tartoviae Liberalitatis, & animi in Patronam universalem ejusque Montem Virgineum propefissimi testimonia, vidimus in muneribus Illustrissimorum Virorum, Palatinorum, *Sendomiriensis*, & *Lublinensis*, quorum hīc argenteam statuam suae prolis, Anno 1654, 11. Februarij; ille monile aureum carbunculis insertis pretiosum, tum minutiora aurea candelabra, ponderis 60 aurcorum, Anno 1666, *Mariae* Numen benignum implorantes, ad ejus *Aram* deposuit.

59. **E**Xaquavit aliorum, aliorum superavit, suo munete liberalitatem, in affectus, erga *Mariae* occupandos amores, certamine, ac erga *Claramontana* ejus *Templa* religione, nemini cedens *Perillustis* & *Magnificus* D. *samuel Lipki*, Capitaneus *Ravenfis*. Redux ab exteris nationibus Anno 1656, hīc *Divam* suae fortunae sub alieno coelo, Patronam, *Tutanamq;* vitae, veneratus est; utq; gratiam protectionis Aditici, Comitq; suae *Mariae* rependeret, ad sacrae ejus *Odigitriae* Imaginis illustriora decora, gestamen aureum, seu monile puris adamantibus compactū, aliquot millibus aestimatum, quod *galerum* incinxerat, depositum donavit. Pristinam deinde religiosissimi sui Consortis munificentiam, aemulata est & *Perillustis* illius Coniux Anno 1660, dum suis ornamentis detractū monile carbunculis ardens, illustres suos amores *Mariae* testatura, ad *Aram* ejus obtulit. Anno postmodum 1661. 2. Augusti, ut votis suis, uterque inelytissimorum Coniugum, sibi *Mariam* desponderet, Annulos Nuptiales eidem *Cordium* suorum *Sponsae*, supplices dedicarunt.

60. **N**on inferior alijs censenda est, quemadmodum in muneribus, ita in amoribus erga *MARIAM*, ejusq; sacrum Montem Illustrissima Domus *DONHOFFIA*. Plura ab hac Mons *Clarus* habet Liberalitatis Argumenta, quae cum ornant, & defendunt. Amplificata majoris *Basilicae* majestas, per *Sacelli*, quod magis nunc impendijs continuatur, erectionem: aucta *Divorū* *Lipsa-*

T t

nis *Arae* :*Lipscia**Donhoffia*

nis Ara: hinc enim, testamento Perillustis ac Reverendissimi D. *Alexandri Donhof* Abbatis Andreovienfis, (qui hic ad Odigitriā Imaginem primum, & in decursu vitæ ultimum celebravit Millæ Sacrificium) oblata integra Divorum *HONORATI & CANDIDÆ*, sub Diocletiano tyranno glorioso Martyrio coronatorum corpora, ad quorum triumphalem Translationem, & publicæ venerationi expositionem (quantum per temporum calamitatem, fortunæq; tenuitatem licet) à nostris adlaboratur, Ecclesia Claromontana excepit. Hinc auctum balnearibus machinis, ad præsidium Arcis Virginæ Armamentarium; hinc aulæis auro, argentoq; textis in solenioribus festivitibus Reginalis Banlicæ fulgent parietes, in quibus Illustrissimorum Heredum (qui prærogativa generotissimi Sanguinis Regum attingunt purpuras) Regia Munificentia, quam Augustissimæ Romanorum Imperatricis, ad Serenissimi Polonæ Regis *MICHAELIS*, Regales Nuptias Hospes Aula, nunquam satis admirari potuit, facilius oculis legitur, quàm verbis exprimitur.

*Sigismundus
Poręmbki.*

61. **I**N expeditione ad felici æternitatis meliorem vitam, ut sibi desponsaret affectus *MARIÆ*, eamq; Comitē, ad exules à vita manes habere posset Illustrissimus D. *Sigismundus Przerębski*, Palatinus Siradiensis, Vir erga *DEUM*, ejusq; Matrem religione, & pietate laudatissimus, Annulum ad Mariānam Aulam testamento legavit, per manus Perillustis ac Magnifici D. *Nicolai Przerębski*, Capitanei Tuszynensis, Monti Claro Anno D. 1668. 2. Decembris redditum, cui miræ magnitudinis insertus adamas nondum ex iudicio prudentium dignum sui pretium, valoremq; accepit, Imitatā Illustrissimi sui Consortis erga Mariam affectus Illustrissima Coniux Palatina Siradiensis, Crucem auream adamantibus distinctam, *ARIS* illius munus dedit.

*Nicolaus
Poręmbki.*

62. **S**eu pretium, seu artificium, seu majestatem muneris, quod Sante Odigitriam Imaginem appendit Illustrissimus Dominus *Nicolaus* de Magna Poręmba *Poręmbki*, Castellanns Zavvichostęsis, magna omnia. Candelabrum est argenteum, seu moles quædam è cujus medio aliquot sinuata, & in varios flexus desinentia in coronam explicantur Candelabra, opus aliquot millium pretio æstimatum. Sub majori ejusdem globo pender orbicularis formæ tabula, in cujus una parte illustria in Poloniæ Cælo stemmata, *KORNICZ & RADWAN* expressa, in altera verò facie hæc supplicis Clientis dedicatio legitur:

TIBI

TIBI
DEIPARA VIRGO

ET SACROSANCTO, NATURÆ

& orbi admirando, & incomprehensibili partui
Tuo, DEO vero Redemptori & Salvatori nostro,
ad sacram Iconem vultus Tui, in AEdibus Tuis Sarmat-
icis, miraculis, & donis cœlestibus Claro in Monte cele-
bratissimis, Candelabrum hoc, licet argenteum, sed tan-
quam atomum, ipso nihilo nihiliorem cernuus, ac
supplex, abjectissimus & vilissimus Clientum

Tuorum humillimè offerre NICOLAVS

CORNICIUS de Magna Poremba

Castellanus Zavichostenfis,

Anno

A Tuo Virgineo Partu,
Reparataque per eum. Salute
CIS. IDC. XXX. V.

60. SParsim hîc inserta leges per totum Opusculum Polonæ li-
beralitatis, & affectus erga MARIAM, locumque ejus
testimonia. Quæcunque tum in præsentî, tum in superiori Capi-
te, tum hîc sparsim, pretiosa segmenta, gemmæ, lapides, torques,
memorantur, in compendio sunt. Ex his aliquot vestes mutato-
riæ, pro circumstantia temporum, & solennitatum, seu pectoralia sa-
cræ Imaginis, ex puris torquibus, monilibus, cylindris, inauribus,
crucibus, annulis in unum coactis factæ, Patriæ liberalitatis com-
pendia ad stuporem peregrinorum præsentant. Sui nam prodigæ,
& (ut ita dicam) prodigiôsæ liberalitatis Sarmatiæ exhibet opus,
cui Europæus orbis (aliorum judicia refero) non facîle par dabit.
Ferculum Augustissimæ Eucharistiæ, seu Monstratorium quod curis
domesticorum, & præcipuè R. P. Romualdi Dymalski Provinciæ Po-
lonæ Definitoris, qui in Conventu, & Ecclesia Claromontana the-
sauri Mariæni cōpluribus annis Præses, & Custos, curis pro decore
Domûs DEI, & promovendo cultu Divino, & Mariano optimè me-
ruit, ex puro auro puroq; indurâtâ & labore prorsus incomparabili,
factum est. Cor ipsius, seu Sedem Sanctissimæ Eucharistiæ capacè,
radijs artificio mirabili puris adamantibus, & carbuculis, lucenti-
bus, circumdatam, ambit in utramq; partem explicatâ vitis, botris,

Vestes mu-
tatorie Sa-
cræ Imagi-
nis.

Monstrato-
rium aureû
ex lapidib;
pretiosis
constans.

carbunculis gemmantibus gravida, cujus summitates supernè diadema incingit orientalibus gemmis, & adamantib⁹ præfulgens. Tota moles ex aliquot millibus pretiosissimorum lapidum compacta, non facilè etiam limatissimi judicij, pretium & æstimatione ferens, theatrum quoddam, & compendium Liberalissimi in Divinam Matrem amoris, Poloniae, spectatoribus offert, & in sua majestate genti Sarmatiae venerationem conciliat.

CAPUT XII.

Varia ad complementum Collectanea.

*Ad exteras
nationes di-
scedens, hic
via sumunt
auspicia.*

64. **Q**uia sicut meipsum, ita & alios studium brevitatís delectat, omiſſis pluribus, quæ hic poſſent inferi, nonnulla ſtrictim perſequor ſelectiora, quæ ad complementum præſentis opusculi facere judicavi. Morem hic inſinuo plurimum ex Illuſtriſſimis Regni Senatoribus, qui dum ad exteras nationes filios ſuos eruditionis cauſâ expediunt, hic viarum, fortunæ, vitæq; curſum MARIE commendant, deſumptis ad Odigitriam Imaginem felicium ſucceſſum auſpicij; ac rurfus in patrium ſolum revertentes, priùs hic ad Aram cum gratiarum actionibus procumbentes Mariam, quàm lares proprios ſalutantes, excipiunt. Publico conſtant Virorum Illuſtrium præconio, plurimis hanc Imaginis Odigitriæ viſitationem, antequam diſcederent, ſalutarem in varijs neceſſitatibus, & auxiliariè in deſperatis caſibus fuiſſe. Exemplum idem faciendi præbuit Sereniſſimus Poloniae Princeps VLADISLAVS IV. poſtmodum Poloniae Rex. Romam ad ſolennitatem Iubilæi Magni proſectus, priùs viæ vitæq; ſucceſſus hic MARIE commendavit, eamque ſibi propitiam Salvatricem in multis vitæ diſcriminibus adſuiſſe, redux ad ejus Aram cum gratiarum actionibus, & munerib⁹ profeſſus eſt. Illuſtriſſimus D. Joſephus Carolus Lubomirski Gubernator Sendomiriensis, ut ſupra memini, ex hoc loco, dato aureo anathemate, diſcedens, viæ ad exteros accepit fortunata auſpicia. Par erga Divinam Matrem fiducia in Illuſtriſſima Anna Lanckoronſka, Neocorinienſi Capitanea, quæ cum pro ſe, Filioq; ſuo Anno 1673, 1 Junij pretioſum ſegmentum, ſeu monile 365 carbunculis compactum, & caput aureum, valoris aureorum 10 obtuliſſet, gratiamq; in ejus valetudinis reparatæ beneficio, accepiſſet, ad exteras nationes proſiſcentem hoc loci diutius illum commemorari voluit, Anno 1680, ut

Mari-

MARIAM quam nuper expertus erat in salutis redonatione benignam & ad expeditionem ad externos sincera devotione sibi faceret propitiam.

65. **E**T externi pro suæ fortunæ vitæq; successibus, Divam nostram amoribus dignantur, & muneribus. Adm. R. P. *Franciscus Stadfeld* Minorū Provincialis Definitor Generalis, & Commissarius Generalis in Poloniam, Divæ nostræ postquam se devovit, & ejus manum auxiliarem votis imploratam in revelatione habuit, ex voto *Granum S. Ioannē* Originale, ad quod cætera consecrari solent, cum authentico, ad thesaurū Marianum obtulit, quod & nunc in Crystallina theca honorificè asservatum, inter potiora gazæ Marianæ decora numerari debet. Quantum in hoc Monte thesaurum foveat Polonia, testantur illi qui ritus Ecclesiæ Græcæ secuti, Divam nostram muneribus colunt. A. R. D. *Barlaam Kozinski, Archimandrita Mscislaviensis*, velum auro textum hic Mariæ supplex ex voto obtulit. Plures alios diversis temporibus ritus ejusdem Sacerdotes cum votis ad Odigitriam Imaginem accurrentes, atque ad Aramejus, ritu, moreq; suo rem sacram peragentes vidimus.

Gratiſſ. San-
cti Ioanne
oblatum.

Ritus Grac̃
Sacerdotes
hic Mariam
Venerantur

66. **E**Xternos cum votis huc accedentes, quorū supra non me-
mini, hīc propono: E statū Ecclēsiastici pręrogativa an-
tecedit alios Reverendissimus D. *Paulus Blachilik* Ordinis Crucigero-
rum, ad D. *Matthiam Vratislaviz*, Magister, qui laminam argenteā
majorem ad Marię pedes, posito in fronte Ordinis Stemmata Cru-
ce cum Stella, fixit cum hac inscriptione:

Magister
Crucigeror-
um votum
ponit.

BEATVS

Quisquis placido naufragus dat vota littori.

Magna Dei Hominisque Matris, in Claro Czesłochoviensi Monte Miraculi Clarissima, ancipitem valetudinū flatum 26 Septembris Anno 1666 confidentissime se devorū; eidemq; recuperata sanitate, debitum gratitudinū pensum tribus Missæ Sacrificijs, duobus cereorum paribus, erogatā in præsentem plebem pauperem elemosyna, hacq; lamella, persolvit

Paulus Blachilik,
ad D. Matthiam Vratislaviæ Magister.

67. **V**otorum subscriptiones, ex quibus Illustrissimorum Regni Hungariæ Procerum animus erga Imaginem Odigitriam

Votum Rāj-
kocije

triarii estimari potest, subnecto. Statuæ argenteæ B. V. M. Pueri
Iesum in gremio gerenti circiter cubitali, hæc subarata leguntur
in lamina:

VOTVM

Dive Virgini Matri MARIÆ Clari Montis Czeslochoviensis oblatum. Illu-
strissimorum Parentum Comitū Pauli Rakoczy de Felso Vadaß Iudici Curie
Regia in Vngaria, Comitū Supremi Comitatum Saarofiensis, & Thornensis,
Invictissimi Imperatoris Ferdinandi II. Consiliarij, & Camerarij, &c. &c.
Nec non Anna Pethe de Hethes, pro dilectissima ipsorum progenita Filiola
Maria Anna Rakoczy, Anno reparata salutis 1675.

Ex Infirmi-
tate votum.

67. PROstat ad Aræ Marianæ latus bractea grandior MARIÆ sup-
plices personas opere cœlato præsentans, cum torque, An-
no 1667. 18. Aprilis, oblata ex voto, offerentem subscriptio de-
monstrat, hæc verò est:

Illustrissimus Comes D. Sigismundus Petheo de Gierze, Partium Supe-
riorum Regni Vngaria Generalis, Sacra Cæsarea Regiæq; Majestatis Consilia-
rius, & Camerarius, Eques Auratus; Arcū, & Præsidij Onodiensis Supre-
mus Capitaneus: & Illustrissima Comitissa Anna Paczoth de Beki, ejusdem Il-
lustrissimi Comitū Consortis, postquam facta voto ad Beatam Virginem Czeslo-
choviensem, à gravi infirmitate liberati fuissent, hanc imaginem in perpetu-
am rei memoriam consecrarunt.

Affectum a-
nathemate
testatur.

68. EX eodem Regno Vngariæ, in quo sanctus, Sancto-
rum institutis, decretisque Augustissimæ Regiæ Cœli,
cultus propagatus, ad hoc Solium gloriæ sarmatiæ Divæ Odi-
gitriæ Regium, munus illatum est Anno 1671. 24. Iunij, à quo
loquitur disertè argentea lamina major ad latus quoque throni Ma-
riani patentem locum occupans, in qua hæc, personis & genibus
Divam adorantibus, subjecta sunt:

Illustrissimus, & Excellentissimus Dominus, D. Georgius Drugeth de Ha-
monna, Perpetuus de Vng. nec non Comitatus ejusdem Supremus, ac perpe-
tuus Comes, Sacra Cæsarea Regiæq; Majestatis Consiliarius, Camerarius, Su-
periorum Partium Regni Hungaria Generalis, Dei Genitrici supplex offert,

In
infirmis
& naufragio
salvus.

69. IN triplici Anathemate, Nomen Clientis, & duplicè in nau-
fragio, & infirmitate illius, gratiam expertam lego, at locū
unde? non habeo. Cor, laminam, & umbilicū, ex argento facta;
affectum, testimonium, & sui partem, quæ laborabat periculo, refe-
rentia

rentia schemata, ad pedes Marianos appendit. Hac inaravit supplex cum gratijs Cliens **MARIE**:

*Ludovicus laure de Hauteville,
In periculo naufragij, & egrotans
Beata MARIE Virgini Czesochoviensi,
ista solvit.*

70. **E**O planè tempore, quo hæc Analecta in prælo ultimã manum accipiunt, venit in manus meas Archivum Novitiatus, seu Domus Probationis Fratrum Ordinis Nostri, sub Claro Monte ad S. Barbaram; in quo adnotata legi beneficia, haustu fontis, qui ad abluendam sacram Imaginem miraculose erupit ex arida, (pro ut hic supra Partit: 3. Cap: 5. num: 21. ostendi) à Deo Optimo interventu meritorum suæ Divinæ Matris, præstita. Nonnulla subijcio. Anno 66. N. Matthiæ Czarnecki Coniux habitans Czesochovix diuturniorem, ætatiq; ingravescenti infensissimam tussim patiebatur. invocata ope **MARIE**, dum hujus fontis undã cum fiducia bibit, salutarem, & medicinalem contra tussis naturam experta est, & recognovit cum gratiarum actione.

*Beneficia
accipia pet
usum aqua
fontis prod
giosè egroa
tiæ arida.*

71. **M**irum est, quod & hæreticus inde beneficium acceperit, non quod dignus fuerit, verum quod & illi Deus Matris suæ merita, ad maiorem hæresis confusionem, nota fieri voluerit. Anno 1627. *Vitus Kanká* subditus Domini Luteranã hæresi laborantis, statis temporibus revisere solebat Marianam Clari Montis Domum, huiusq; fontis undam, consueti alijs more, secum domum asferre. Pestilens totum illud territorium infedit plaga, quæ magnã ubique in armentis stragem faciens, *Viti* quoque pecoribus imminabat. Prævenit periculum. Hac aqua caulam, gregemq; conspergere solitus, stupente hæretico Domino, totaq; viciniã, immunem à lue servavit. Præstitutum redijt annuæ peregrinationis tempus, cui se commissurus, ne Dominum obsequijs Catholicæ religionis minùs amicum, ostenderet, discedendi facultatẽ precatur, obtinetq;. Inter alia, quæ familiariter conferebat cum subdito, quærit Dominus: Quomodo a cõmuni clade gregem servaverit? respondit ille: Tantæ virtutis, & efficaciz, meritis Divinæ Matris **MARIE**, fuisse hujus fontis aquam, ut hæc aspersã, ad omnem pestilentiam propulsandam, sola sufficeret. Obligavit ergo subditum, ut ejusdem undam adferret. Redit, fert aquam, pestilentia prostratos hæretici greges aspergit, & pristino vigori sanitatiq; restituit. Recognitum cum te-

*Pecora hæc
aqua asperi
sa à peste
liberantur.*

cum testibus. Quis indignabitur quodd & hæreticis suas gratias palam faciar Maria? ut confusis suæ virtutis manifestatione, illorum erroribus, tantis donis rebelles Ecclesiæ ad meliorem frugem reducat, aut ad maiorem illorum confusionem cedere permittat.

*Epidemiâ
laborantes
hæc aqua
releuat.*

73. **E**T in Epidemiæ lue salutarem huius fontis undam experti sunt Czeszochovienses. Consulis Czeszochoviensis *Iacobi Ziačekowicz* Domum occupavit hæc pestilens affectio. Mortuali languebat symptomate in hoc malo filia, cui relevandæ nullæ artes auxilium dederunt. Ad Fontem recurrit Pater. Filiam hausta illius unda abluit, & Contribulibus in simili periculo constitutis ad miraculū stupentibus sanitate donatā accipit. Certatim ergo Cives in illa malignitate gementes ad fontem properāt, aquam hauriunt, potant, hac lustrantur, & meritis Mariæ, quæ ex Imaginis Thaumaturgæ ablutione tantam virtutem inanimi indidit elemento, illud grassans incendium extinguunt. Relatæ supplicum gratiæ cum testimonio. Dum mortales, Miserationes **MARIAE** accipimus in beneficijs exhibitis, quid aliud agimus, quàm Vberum Misericordiæ Matris lac sugimus? gratijs nutrimur, sanamur, reconciliamur, Matris plenæ gratiâ. Divinè Richardus de S. Victore. Quid mirum, si Beata Virgo & peccatoribz reconciliationū, & pijs gratiæ lac fundit, qua mundum reconciliavit, & ipsam gratiam peperit, imò ipsum Fontem Gratia? merito igitur Misericordia ejus, cursui hinnulorum cōparatur: quia velocius occurrat ei pietas, quàm invocetur, & causas miserorum anticipat. Hæc autē sunt vbera Tua, ô Beata! quibus miseros lactas, dum misericordiam eū impetras. Lactas miseros, & ab ipsa Misericordia lactarū; ab ipsa recipis, quod refundis. Carnalia in Te Christus vbera suxit, ut per Te nobis spiritualia suerent.

*D. Richard.
de S. Victor.*

C O R O N I S

HVcusq; ad Te, pro Te, nec extra Te cursus meus cum Analectis Mensæ Tux ô MARIA! Ratum, & quamvis non mereor tantum, gratum habe, & fac, obsequium meum: Cum Tuis Clientibus, Tux Majestatis pedibus advoluor, ut inter illorū vota, & gratæ mētis symbola, tenuitas obsequij mei, nec ut par erat præstiti laboris, aliquale pondus apud Te habeat. Addo & Votum meum, in æternū anathema, affectus mei. Cor, & calamū, ulteriori ad promovendū Honorem Tuum, labori consecratum, ad Aram Tuam appendo.

Toti.

TOTIVS OPERIS SYNOPSIS.

Analectorum Mensæ Reginalis,

PROOEMIUM.

Referuntur Authores, qui aliquando de hac scripserūt Imago.

PARTITIO I.

Sacræ huius Divæ Imaginis originem revelat.

CAPVT I.

Pingenda sacra Imaginis occasionem proponit.

CAPVT II.

Habitanter in Domo Zebedæ Virginis, à Divo Luca Imaginis picturam exorant, & impetrant.

CAPVT III.

In Mensa Nazaræ Domus vivente adhuc Deipara pictam esse Imaginem ostenditur.

CAPVT IV.

Excidiy Ierosolymitani tempore sacra Imago, quomodo sit conservata.

PARTITIO II.

Sacræ Imaginis tempus, loca, memorabilia quæque continet, ab eius transmigrationis tēpore de Vrbe Ierusalem, usque ad Translationē in Montē Clarum.

CAPVT I.

Helena Ierosolymis ad sacra Imaginis notitiam pervenit.

CAPVT II.

*Sacræ Imaginis Translationem de Ierusalem, Constanti-
nopolim prosequitur.*

Vu

CAPVT

C A P V T III.

Honores huic Sacra Imagini ab Imperatoribus Byzantinis praestiti.

C A P V T IV.

Nonnulla memorabilia Bizantij.

C A P V T V.

Iconomachia: tempore Constantinopoli Sacra Imago mirabiliter conservatur.

C A P V T VI.

Sacram Imaginem Constantinopoli Carolus Magnus in munus accipit, Leoni deinde Russia Principi donat, quam ille in Arce Belzensi in Russia collocat.

C A P V T VII.

Sacra Imago ex Russia in Poloniam translata, Fratribus Eremitis Ordinis S. Pauli Primi Eremita in custodiã traditur.

P A R T I T I O III.

Montem clarum, Ecclesiã, sacram Imaginẽ, cultum quo à Regibus, Principibus, diversisq; Statib9, tam Ecclesiasticis, quàm secularib9 honoratur, describit.

C A P V T I.

Montis Clari, & Monasterij descriptio.

C A P V T II.

Fundatorem Sacelli Mariani, ipsumque Sacellum, proponit.

C A P V T III.

Altare, Fundatorem ejus, & triumphalem Sacra Imaginis Translationem prosequitur.

C A P V T IV.

Sacra Imaginis descriptio.

C A P V T V.

De Stigmatibus in vultu sacra Imaginis, de evocato prodigiosè Fonte ex arida, & sacra Imaginis reparatione.

C A P V T VI.

Memorabilia hic, & Mirabilia nonnulla.

C A P V T VII.

Summorum Pontificum, Eminentissimorum S. R. E. Cardinalium, Legatorum à Latere, Archiepiscoporum, Episcoporum, Abbatum, aliarumq; dignitatis Ecclesiastica Personarum, erga locum sacrum pia animi affectio.

C A P V T VIII.

Reges, & Principes Locum sacrum venerantur.

C A P V T IX.

Illustrium è Seculari Statu Personarum, Virorumq; Ordinis Equestris, erga Divam Claromontanam Religio.

C A P V T X.

Civitates, Oppida, Sodalitia, pagi, & promiscua è varijs Regnis multitudo sacram Imaginē, locumq; venerantur.

P A R T I T I O I V.

Sacrae Imaginis Odigitriæ Prototypa miraculis illustra; Apparitiones tum sanctissimæ Virginis, tum Imaginis; Auspicijs eius Regum partas victorias, à Turcarū, Moschorū, Tartarorūq; captivitate Clientes vindicatos proponit.

C A P V T I.

De Imaginibus, quæ Originem ab Odigitriæ Imagine deducunt, tum in Polonia, tum alibi memorabili veneratione coluntur.

C A P V T II.

Clientibus apparens Claromontanam peregrinationem imperat MARIA.

C A P V T III.

Apparitiones Sacrae Odigitriæ Imaginis referuntur.

C A P V T IV.

Auspicijs Claromontana Virginis de Hostibus relata Regum, Principum, Heroumq; victoriæ memorantur.

C A P V T V.

Votis Divam Claromontanam appellantes, ex Moschorū, Tartarorum, Turcarumq; captivitate liberantur.

CAPVT VI.

*Prodigiosa MARIE supplicum è vinculis, & canceribus
eliberationes prosequitur.*

CAPVT VII.

*Sacerdotalis dignitatis Persona ab hostibus circumuenta, invo-
catione Divæ Claromont: superant, evaduntq; pericula.*

CAPVT VIII.

*Imaginem Virginis Odigitrie sua protegentes pectora tum in
acie, tum in alijs occasibus prodigiosè ab armorum
ictibus, & vitæ periculis illæsi.*

PARTITIO V.

*Pericula ab Elementis provenientia Clientes cum
Diva Claromontana triumphant.*

CAPVT I.

*Ruinis terra oppressos, profunduq; foveis illapsos desperato
casu, MARIA viribus, vitæq; restituit.*

CAPVT II.

*Ex Ædificiorum, Arborumq; summitatibus prolapsos, ferocien-
tibus equis excussos, letaliterq; collisos, vocata Claromontana
Virgo, pristina vita, viribusq; restituit.*

CAPVT III.

*Marianam Cluri Montis Tabulam votis apprehendentes, ma-
rina superant pericula.*

CAPVT IV.

Ope invocata MARIE è Fluminum periculis erepti.

CAPVT V.

Aquis præfocati imperio MARIE vita restituuntur.

CAPVT VI.

*Àère pestifero contacti, ac Epidemix lue laborantes, patro-
cinio MARIE vita discrimina evadunt.*

CAPVT VII.

*Mons Clarus, Vrbes integra, Oppida, Pagi, singulari Maria:
patrocinio à lue pestifera præservantur.*

CAPVT

CAPVT VIII.

*Flammarum, & Fulminum incendia compefcit, & ex-
tinguit MARIA.*

CAPVT IX.

Febrium aestus malignos temperat, & extinguit MARIA.

CAPVT X.

*In purgantibus flammis detentos, ab incendijs protegit,
liberatque MARIA.*

PARTITIO VI.

*Mortuos, Moribundos, Desperatos Diva Virgo Cla-
romontana vitæ restituit.*

CAPVT I.

Natos exanimos animat Diva Claromontana MARIA.

CAPVT II.

Pueros vitâ functos ad vitam revocat MARIA.

CAPVT III.

Puellis mortuis vitam reddit MARIA.

CAPVT IV.

Adulti sexus utriusq; mortui, vivunt per MARIAM.

CAPVT V.

*Mortificati, Moribundi huc per Amicos oblatis, vita, &
sanitati restituantur.*

CAPVT VI.

*Illuſtriores Personæ ex ignotis, desperatisq; morbis in vita
ſpem, vitamq; relevantur.*

CAPVT VII.

*Inſigniores Personæ in desperatis coſiliis vitâ periclitantes, vi-
tam, ſanitatēq; deploratam recuperant.*

CAPVT VIII.

*Statûs diverſi, ſexusq; promiſſi deſperati Clientes MARIAE
patrocinantis experiuntur auxilium.*

PARTITIO VII.

*Coecos, Surdos, Mutos, Claudos, è pluribus inſimul
Morbis,*

morbis, & casibus vitā periclitatos, ope Divæ nostræ
ad pristinam. videndi, audiendi, loquendi, ambu-
landi, vivendiq; gratiā revocatos proponit.

C A P V T I.

*Dignitatis Ecclesiastica, & Illustriores sexūs utriusq; Persona
orbata lumine, ope MARIÆ videndi gratiā recipiunt.*

C A P V T II.

*Urbium, ac Oppidorum incolis præstata visus gratia per
MARIAM.*

C A P V T III.

*Alienigena, sortisq; plebeia Clientes per MARIAM
visus gratiā potiuntur.*

C A P V T IV.

*Cæci dum ad Clarum Montem peregrinationem festinant,
lucis usurā in via donantur.*

C A P V T V.

Cæci in Sacello illuminati Divæ vident Imaginem.

C A P V T VI.

Surdus Auditus; Mutis lingua solvitur ope MARIÆ.

C A P V T VII.

Elaudas, & Mancos diversa conditionis curat MARIA.

C A P V T VIII.

*Pluribus insimul morbis, ac defectibus laborantes à MA-
RIA relevantur.*

C A P V T IX.

*Clientum recitat authographa, in quibus superata complura
vita discrimina referuntur.*

P A R T I T I O V I I I.

Paralytici, Podagrici, Hydropici, Leprosi, Ulcerosi,
Caduco morbo, plicā, spasmo, Calculo vexati, votis
ad sarcam Imaginem nūcupatis vigori pristino,
vitæque restituantur.

C A P V T I.

Paralyticos relevat MARIA.

C A P V T II.

Podagricos, & Hydropicos sanat MARIA.

C A P V T III.

Leprosi, ac ulcerosis medetur MARIA.

C A P V T IV.

Morbum Herculeum, seu Caducum compefcit MARIA.

C A P V T V.

Calculi dolores lenit, curatque MARIA.

C A P V T VI.

Plicæ, Gozzie vulgè, Spasmo, seu membrorum contractione divexatos sanat, restauratque MARIA.

PARTITIO IX.

Periculose parturientibus, infecundis; fontibus, ac infontibus ad supplicia damnatis; Hæreticis, Schismaticis, Arrianis, Machometanis hinc vocata patrocinator MARIA.

C A P V T I.

In partu gravi periclitantes salvat MARIA.

C A P V T II.

Cum fecunditatis munere, gratia post partum Matribus præstata.

C A P V T III.

Innocentibus ad penas damnatis patrocinator MARIA.

C A P V T IV.

Nocentes ad penas damnatos absolvit MARIA.

C A P V T V.

Hæreticis, Schismaticis, Arrianis, Machometanis votis vocata subvenit MARIA.

PARTITIO X.

Defectibus, variis casibus, & Paroxysmis afflicti, ad invocationem Mariæ, salutis gratiam consequuntur.

C A P V T I.

Amentes, & Fanaticos, usui rationis, & sanitati reddit MARIA.

C A P V T II.

Possessos, obsessosq; a dæmonibus liberat MARIA.

CAPUT

C A P V T III.

Imposturâ, Maleficijs, Prestigijs, Venenis absolvit MARIA.

C A P V T IV.

*In vulneribus, & sanguinis profluvio desperatis vitam
donat MARIA.*

C A P V T V.

*In diversis necessitatibus alijs hinc devocata subvenit
Clientibus MARIA.*

C A P V T VI.

Huc accedentia.

P A R T I T I O XI.

*Obsidionis Claromontanæ per Svecos & alios Hæreticos
seriem Divæ prodigijs illustratam, & solutionem
complectitur.*

C A P V T I.

Obsidionis Claromontana præsentia nonnulla, & occasio.

C A P V T II.

Hostium assultus, & oppugnatio.

C A P V T III.

Propugnatur Mons Clarus.

C A P V T IV.

*Qua memorabilia tum in Castris hostilibus, tum alibi Suetica
Obsidionis tempore ostenderit MARIA.*

C A P V T V.

Quæ memorabilia intra Virginis moenia obsidionis tempore.

C A P V T VI.

*Miraculosa Montis Clari ab obsidione solutio, & memora-
bilia nonnulla eandem subsequencia.*

P A R T I T I O XII.

Miscellanea.

C A P V T I.

*Votorum rei dum proposita negligunt, à terribili Maria
castigantur.*

CAPUT

C A P V T II.

Idem Argumentum continuatur.

C A P V T III.

Ex Laminis aureis, ac argenteis Maria gratiarum, & Liberalitatis vota solventium Symbola.

C A P V T IV.

Superioribus similia referuntur.

C A P V T V.

Ex Marmore, alijsq; tabulis desumpta Divæ Nostræ Gratiarum, & Magnahum Synopsis.

C A P V T VI.

Ex Opusculo Petri de Rozprza vetustiora beneficia Divæ Virginis Nostræ MARIAE.

C A P V T VII.

Ex eodem Petro de Rozprza impudentis puellæ in hoc loco pæna senarijs illigata.

C A P V T VIII.

Pro obtinendis, obtentisq; grâtijs, sub Auspicijs Divæ Nostræ Virginis Clâromontânæ, Literariâ grâtutudo.

C A P V T IX.

Votivâ Poësi in Typo, & Argento soluta Divæ Nostræ pro beneficijs grâtiæ.

C A P V T X.

Varijs in hoc loco, variorum Statuum, muneribus colitur, & affectibus MARIA.


C A P V T XI.

Ulteriorem aliarum Familiarum Liberalitatem, & affectum erga Locum Sacrum continet.

C A P V T XII.

Varia ad complementum Collectanea.






Biblioteka Jagiellońska



stdr0030773



to Epytolan
prij ktorym me
pocztą Damna
pocztą paterma
pokornie sę
rozkazowi w
am so wyracisz.
restum humillimus
ater Stephanus
amato.



Delinquere et inuenire me, Ita sine
electione et inuenire et peruenire

20

& com.
A. & Viol.

à cap. de sequ.

suit & huius) 9.

Defunct.

Defunct.

OCTO.

& Reu
Ducis S
duo



Nieszkowicz Fr. Ambrosius S. Pauli Ord.

Analecta

mensae reginalis
seu

Historia imaginis beatrix
Sivae Virginis Claremontanae
Mariae & Sivo Luce Evangelistae
in cupressina tomus Nascence mensae
defectae.


Croconiae.

Ex officina Schedeliensis S.R.M. Fyfr:
1681.

8°. 12 k. n. — 336 st. — 5 k. n.

A-H₃ — Vu-Yu₃

Opr. tekst.



Niesporkowitz Fr. Ambrosius Ord. S. Pauli

Analekta
mensae reginalis
seu

Historie imaginis Odigitriae
divae Virginis Claramontanae
Mariæ à divo duce Evangelista
in cyprina domus Nazarenæ Mensa
depictæ.

Cracoviae.

Ex officina schedeliana S. R. M. Typ.
1681.

80. 12 k. n. - 336 str. - 5 k. n.

A-A₃-Ku-Yu₃

Op. tekst.

